



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


**You are free to:**

**Share** — copy and redistribute the material in any medium or format

**Adapt** — remix, transform, and build upon the material







ПЕРЕНЕТО  
ГАЛАНТЕРЕЙНАЯ  
МАСТЕРСКАЯ  
МЕФФЕРТЪ  
ТРОИЦЬ

Հիմնական գրքերի ցուցակ

361.5(47.925)  
-38

ՄՅՈՒԳՎԱՄ Ե 1961 թ.

# ԵՐԵՄՆԱՄԵԱԿ

## ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

### ԿՈՎԿԱՍՈՒՄ

### 1881—1911

7128

Կազմեց Լ Է Օ



Թ Ի Յ Լ Ի Ս

ՏՊԱՐԱՆ ՄՆ. ՄԱՐՏԻՐՈՍԵԱՆՅԻ, ՊՈՒՆԿԻՆԵԱՆ ՓՈՂՈՑ № 3.

1911

A  $\frac{\pi}{11913}$

## ԲՈՎԱՆԴԱԿՈՒԹԻՒՆ

Երես.

Առաջարան . . . . .	VII—VIII
Նախապատրաստութիւն . . . . .	1—26.
ա. Բարեգործութիւնը հայերի մէջ	1—12.
բ. Հայ ընկերութիւնները	12—26.

## ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԻՒՆ ԿՈՎԿԱՍՈՒՄ

### ՉՐՋԱՆ ԱՌԱՋԻՆ

(Կանոնադրութիւն 1881 թ.)

I. Ընկերութեան հիմնարկութիւնը . . . . .	28—38.
II. Վաւերացում և բացում . . . . .	38—52.
(Կանոնադրութիւն 1881-ի 40—48).	
III. Կազմակերպչական գործունէութիւն . . . . .	52—67.
ա. Ճիւղեր	53—59.
(Հրահանգ Տեղական վարչութիւններին 54—58)	
բ. Անդամներ	59—64.
գ. Հասարակութեան վերաբերմունքը	64—67.



ՀԱՏՈՒԱԾ ԱՌԱՋԻՆ

ԿՆՆՏՐՈՆ (1881—1899)

	Երև.
I. Գպրոցական գործ . . . . .	68—85.
ա. Աշակերտներ և գպրոցներ	68—77.
բ. Ուսուցչական ցենզ . . . . .	77—85.
II. Լուսաւորութեան գործ . . . . .	85—95.
ա. Գրականութիւն	85—88.
բ. Գրադարան-Ընթերցարան	88—95.
	(Կանոնադրութիւն Գրադարանի 90—93).
III. Օգնութիւն տնտեսիկներին . . . . .	95—96.
IV. Աշխատաւորներ . . . . .	96—102.
ա. Մշակներէ ընկերութիւն	96—98.
բ. Արհեստներ . . . . .	98—102.
V. Աղէտներ . . . . .	102—122.
ա. Յունվարի 6-ի աղէտը	102—103.
բ. Խօլերա . . . . .	103—107.
գ. Սով (1893—1894) . . . . .	107—110.
դ. Թիւրքահայ գաղթականներ	110—122.
VI. Արովհան-Նազարեան գրական ֆօնդ . . . . .	122—126.
VII. Բարերարներ . . . . .	126—131.
ա. Յովսէփ Մուրադեան	127.
բ. Յովհաննէս Խուրադեան	128—131.
VIII. Դիւանական գործավարութիւն . . . . .	131—139.
IX. Ընդհանուր ժողովներ . . . . .	139—142.

## ՀԱՏՈՒՄԾ ԵՐԿՐՈՐԴ

### ՃԻՒՂԵՐ (1881—1899)

Երես.

Ճիւղեր . . . . .	142—211.
I. Շուշի 142—149.—II. Երևան 149—155.—	
III. Ախալցխա 155—161.—IV. Քարվան-	
սարա գիւղ 161—162.—V. Գօրի 162—166.	
—VI. Հին-Նախիջևան 166—169.—VII. Բա-	
թում 169—178.—VIII. Նոր-Բայազետ	
178—179.—IX. Կաղզուն 174—180.—X.	
Կարս 180—185.—XI. Դիրբենա 185—186.	
—XII. Վաղարշապատ 186—191.—XIII. Ար-	
մաւիր 191—196.—XIII. Ախալքալաք	
196—197.—XIV. Թելաւ 197—198.—XV.	
Ալէքսանդրօպօլ 198—201.—XVI. Յիւն-	
վալ 201—205.—XVII. Նուխի 205—207.	
—XVIII. Արղան 207.—XIX. Բալախա-	
նի 208.—XX. Գանձակ 209.—XXI. Թէ-	
միր-Սան-Շուրա 210.:	

## ՉՐՋԱՆ ԵՐԿՐՈՐԴ

(Կանոնադրութիւն 1899 թ.)

I. Վերակազմութիւն . . . . .	212—222.
ա. Նոր կանոնադրութիւն . . . . .	212—217.
բ. Լիքուիդացիա . . . . .	217—221.
գ. Առաջին Ընդհանուր Ժողով 221—222.	
II. Վարչութիւն . . . . .	222—227.
III. Աղքատախնամութիւն . . . . .	227—229.
IV. Խուզողական որբանոց . . . . .	229—239.
V. Ծառարան . . . . .	239—242.
VI. Հայ-թուրքական ընդհարումներ . . . . .	242—246.

	երես.
VII. Անշարժ կալուածներ . . . . .	246—247.
VIII. Բարերարներ (եղիա Բուդաղեան) . . . . .	247.

## ՉՐՋԱՆ ԵՐՐՈՐԳ

(Կաւոննադրութիւն 1908 թ.)

I. Հին Կանոնադրութեան վերականգնումը . . . . .	250—260.
II. Նոր կազմակերպում . . . . .	260—272.
ա. Առաջին ընդհանուր ժողով . . . . .	260—264.
բ. Խորհուրդը . . . . .	264—272.
III. Կենտրոնի գործունէութիւնը . . . . .	272—314.
ա. Գլխաւորական գործ . . . . .	272—284.
բ. Գրագարան-Ընթերցարան . . . . .	284—289.
գ. Որբանոց . . . . .	289—291.
դ. Ճաշարան . . . . .	291—293.
ե. Գրականութիւն . . . . .	293—297.
զ. Աղքատախնամութիւն . . . . .	297—300.
է. Թիւրքահայ գաղթականներ . . . . .	300—304.
ը. Այլ և այլ բարեգործութ. . . . .	305.
թ. Բարերարներ . . . . .	305—313.
ժ. Դիւան և ծառայողներ . . . . .	313.
IV. Ճիւղերի գործունէութիւնը . . . . .	314—330.
V. Վերաստուգող Յանձնաժողով . . . . .	330—331.

## ՅԱՒԵԼՈՒԱԾՆԵՐ

1. Կանոնադրութիւն Հայոց Բարեգործական Ընկերութեան Կովկասում (1908) . . . . .	334.
2. Գրական Փօնդ Կ. Հ. Բ. Ընկերութեան . . . . .	350.
3. Հրահանգ Կ. Հ. Բ. Ընկերութեան Թիֆլիսի Աղքատախնամ Մասնաժողովներին . . . . .	352.
4. Հրահանգ Կ. Հ. Բ. Ընկերութեան Վերաստուգող Յանձնաժողովին . . . . .	356.

## Ս. Ռ. Ա. Զ. Ա. Բ. Ա. Ն

Ներկայ տարուայ յունուարի սկզբում Կովկասի Հայոց Բարեգործական Ընկերութեան Խորհուրդը ինձ պատիւ արաւ, առաջարկելով գրել Ընկերութեան երեսնամեայ գործունէութեան պատմութիւնը: Հրաւիրուած լինելով Խորհրդի նիստին, ես, աշխատութեան պայմաններին ծանօթանալուց յետոյ, տուի համաձայնութիւնս: Եւ այնուհետեւ ես ստացայ Խորհրդի գրութիւնը յունուարի 11-ից № 5, որի մէջ ասուած է.

«Կովկասի Հայոց Բարեգործական Ընկերութեան Խորհուրդը, յայտնելով Ձեզ իր խորին շնորհակալութիւնը որ Դուք սիրալիբ կերպով յանձն առաք կատարել Խորհրդի առաջարկութիւնը, այն է՝ պատրաստել տպագրութեան համար Ընկերութեան երեսնամեայ պատմութիւնը, որի ծաւալը պէտք է լինի մօտաւորապէս տասը տպագրական թիրթի, ինչպէս է Ձեզ, Մեծապատիւ Պարոն, սկսել այդ աշխատանքը, որպէս զի տպագրութիւնը վերջանայ ոչ ուշ այս տարուայ մայիսի սկզբից:

«Ընկերութեան արխիվում գտնուող մատենաները, տեղեկագրերը և այլ գօղումնատները Ձեր տրամադրութեան տակ են դրվում և այդ մասին յայտարարւած է Խորհրդի պաշտօնեաներին»:

Ես անմիջապէս սկսեցի աշխատել և չորս ամսուայ ընթացքում պատրաստեցի ներկայ գործը, որի վերաբերմամբ կարեորեմ համարում մի քանի բացատրութիւններ տալ:

Ներկայ պատմութիւնը, լինելով Խորհրդի հրատարակութիւն, հարկաւ պիտի հիմնուած լինի այն պաշտօնական նիւթերի վրայ, որոնք պահուում են Խորհրդի արխիվում: Այդպէս էլ վճռել է Խորհուրդը: Սակայն Ընկերութեան հիմնարկութեան մասին մանրամասնութիւններ չը կան Խորհրդի գործերում: Ուստի այս նամասնութիւնները չը կան Խորհրդի գործունէութիւնը գրելիս եւ ստիպուած եղայ դիմելու կողմնակի աղբիւրների, գլխաւորապէս այն մասնակիների մամուլին:

Պատմութիւնը ամենից առաջ պիտի, իհարկէ, ցոլացնէ այն գործերը, որ կատարել է Ընկերութիւնը իր երեսնամեայ

գոյութեան ընթացքում: Բայց պատմութիւնը չը պիտի անտես անէ և այնպիսի գործեր, որոնք չեն իրականացել այս կամ այն պատճառով, այլ մնացել են ծրագրային գրութեան, առաջարկութեան ձևի մէջ:

Ես ուշադրութիւն եմ դարձրել և այսպիսի գործերի վրայ: Մի հիմնարկութեան կեանքը պատկերացնում են ոչ միայն նրա կատարած գործերը, այլ և այն դադարիւրները, որոնք ծնւում են նրա ոգուց, նրա կանոնադրութիւնից:

Այսպիսով մենք նիւթեր տուած կը լինենք հասարակաց արդիւնաւորող մտքի պատմութեան համար:

Ես աշխատել եմ արձանագրել այստեղ ամեն մի աչքի ընկնող փաստ Բարեգործական Ընկերութեան գործունէութեան մէջ: Վստահանում եմ կարծել, որ Ընկերութեան կենտրոնի ամբողջ գործունէութիւնն է արձանագրուած ներկայ աշխատութեան մէջ: Բայց նոյնը չեմ կարող ասել Ընկերութեան ճիւղերի վերաբերմամբ: Խորհրդի արխիւում ես չը գտայ բոլոր կարեւոր նիւթերը ճիւղերի գործունէութեան մասին:

Աշխատութիւնս կարգացուել է Խորհրդի նիստերում և լրացուել ու փոփոխութիւնները է ենթարկուել նրա ցուցմունքներով:

Խորհուրդը թէ՛ յօրեկեանական տօնախմբութեան և թէ՛ ներկայ հրատարակութեան մասին խորհրդակցութիւններ է ունեցել Ընկերութեան անդամներից կազմուած խառն ժողովները մէջ: Այդ ժողովներն էլ ցուցմունքներ են տուել թէ՛ ինչ պատկերներ պիտի դնուին այս աշխատութեան մէջ: Եւ Խորհուրդը, պատկերների վերաբերմամբ, ղեկավարուել է այդ ցուցմունքներով:

ԼԷՕ.

Մեծ Իշխան

Ն Ի Կ Օ Լ Ա Յ Մ Ի Խ Ա Յ Ի Լ Ո Վ Ի Չ Ի



1 յունիսի 1911 թիւ

№ 743


Ս. - Պետերբուրգ.

Կովկասի Հայոց Բարեգործական Ընկերութեան Խորհրդի պ. Նախագահ Ս. Ս. Յարութիւնեանին:

Նորին Կայսերական Բարձրութիւն Մեծ Իշխան Նիկողայ Միխայիլովիչը բարեհաճեց յայտնել համաձայնութիւն որ իր ի Տէր հանգուցեալ ծնողի, Նորին Կայսերական Բարձրութիւն Մեծ Իշխան Միխայիլ Նիկողայիվիչի պատկերը զետեղուի Ընկերութեան յօրեկանական հրատարակութեան մէջ:

Այս մասին Գործերի Կառավարութիւնը պատիւ ունի յայտնելու Ձեզ 'ի հետևումն Ձեր միջնորդութեան, այս տարուայ մայիսի 16-ից № 381, յանուն Նորին Կայսերական Բարձրութեան:

Կառավարիչ գործոց Նորին Կայսերական Բարձրութեան՝ Մ. ՄԱԵԴՈՎՍԿԻ:









Ի ՏԼԵ հանգստեայ Ն. Կ. Բ. Մեծ Եփան  
ՄԻԻԱՅԻԼ, ՆԻԿՕԼԱՆՎԻԶ  
Նախկին Փոխարեայ Կապիտան:



† Գեներալ-ադիւտանտ իշխան Լ. Մ Է Լ Ի Ք Ո Վ,  
(Պաշտօնակատար Փոխարկայի):







Գեներալ-ադյուտանտ Կոնստ. Բ. Վ. ՕՐՕՆՅԱՆ - ԳԱՆԿՈՎ,  
Փոխարեյ ՆՈՐԻՆ ԿԱՅՆԲՈՎԱՆ ԱՆՆՈՒԹԵԱՆ Կապիտան:



Ստանտոն - Գամա ԳամաՆՅի Ե. Ա. ՎՕՐՕՆՅՈՎԱ - ԳԱՆԿՈՎԱ  
( Ահապի Փոխաբերի ) :



# ՆԱԽԱՊԱՏՐԱՍՏՈՒԹԻՒՆ

Ա.

## ԲԱՐԵԳՈՐԾՈՒԹԻՒՆԸ ՀԱՅԵՐԻ ՄԷՋ

Բարի գործերով կարօտ անհասներին և հանրութեան օգտակար լինելու զգացմունքը խորթ չէ հայ ազգին՝ նրա պատմական կեանքի ընթացքում:

Նոյն իսկ հեթանոսութեան ժամանակ մենք տեսնում ենք բարեգործութեան հետքեր: Այսպէս, Խորենացին յիշատակում է, որ Տիգրան վերջինը պատուեց իր եղբօր՝ Մաժան քրմապետի գերեզմանը, շինելով նրա վրայ բազին. «զի՛ր զոհիցն ամենայն անցաւորք վայելեացեն, և ընդունիցին հիւրք երեկօթիւք» <sup>1)</sup> Այս վիպութիւնը ցոյց է տալիս, որ հեթանոսական տաճարները մեզանում էլ, ինչպէս և ուրիշ ազգերի մէջ, ունէին և կարօտներին օգնելու կոչում:

Քրիստոնէութիւնը, ինչպէս յայտնի է, ազքատներին և անկարողներին խնամելու գործը առաջնակարգ պարտաւորութիւններէ մէկը դարձրեց իրան հետևողների համար: Եւ քրիստոնէութեան մուտքը Հայաստան իր առաջին իսկ քայլերից հանգէս է բերում ազքատներին խնամելու գործը: Քրիստոնէութեան մուտքի պատմութիւնը մեզ աւանդում

<sup>1)</sup> Խորեն. Բ. Կգ.



է, որ Գրիգոր Լուսաւորիչը, քանդելով հեթանոսական մի քանի մեհնաններ, նրանց մէջ եղած դանձերը բաժանում էր աղքատներին <sup>1)</sup>):

Բայց քրիստոնէութեան թելադրած բարեգործական ոգին մեծ և ընդարձակ չափերով տարածուեց Հայաստանի մէջ Գրիգոր Լուսաւորչի շուտաւիզներէից մէկի, Ներսէս Մեծի Ժամանակ, չորրորդ դարում:

Այս կաթողիկոսը, վերին աստիճանի մի ուժեղ և եռանդուն ընաւորութիւն, որ ահագին դեր էր կատարում և երկրի քաղաքական կեանքի մէջ, բաց արաւ Հայաստանում բազմաթիւ և տեսակ-տեսակ բարեգործական հաստատութիւններ, որոնք պահվում էին պետական սիջոցներով: Յիշենք այդ հաստատութիւններից մի քանիսը <sup>2)</sup>):

1) Աղքատանոցներ: «Հրամայէր յամենայն աշխարհս և ի գաւառս և ի կողմանս-կողմանս... շինել աղքատանոցս, և ի ժողովել զախաաժէտս և զօրկունս և զմարմնավատս և զամենայն ցաւոտս»: Այս հիմնարկութիւնները, ուրեմն, աւելի հիւանդանոցներ էին, ուր ցաւազար աղքատները գտնում էին ապրուստ և օգնութիւն:

2) Ուրկանոցներ: «Բորոտների և տարալուսիկ հիւանդաների համար»: Բորոտները հին աշխարհում, ինչպէս յայտնի է, հեռացվում էին հասարակութիւնից, որպէսզի չը վարակեն ուրիշներին: Նրանց համար Հայաստանում շինուեցին յատուկ ապաստարաններ:

3) Դարմանոցներ: Այս հիմնարկութիւնների մասին Սորենային ասում է «Տեղի մնդեան որբոց և ծերոց և անուկողաց տաժումն» <sup>3)</sup>:

4) Այրենոց: Յատկապէս այրի կանանց և որբերի ապաստարաններ, ուր նրանք ստանում էին ապրուստի միջոցներ:

<sup>1)</sup> Ազաթանդեղոս, Թիֆլիս 1909, կր. 408. 412.

<sup>2)</sup> Փաւստոս Բիւզանդացի, Վենետիկ 1832, կր. 68—71.

<sup>3)</sup> Սորեն. Գ, Ի:

5) Հիւրանոցներ կամ՝ Օտարանոցներ: Փաւստոսն ստում է. «Եւ ամենայն մարդիկ երկրին Հայոց էին սլաղաբերք և ողորմածք առ ի յիշել զաղքատս և զնեղեալս, զառուսպեալս և զօտարս, զհարստահարս, զնշդեհս, զպանդուխտս և զհիւրս զանցաւորս. և էր նոցա կարգեալ վերակացուս սրբոյն Ներսիսի, և դարմանս ի տեղեաց տեղեաց»:

6) Պանդուղներ: Ինչպէս վկայում է Ներսէս Մեծի կենսագիր Մեսրոպ երէցը, անբնակ տեղերում և լեռներում ճանապարհների վրայ, պանդուղներ շինուեցին ճանապարհորդների հանգստութեան և պաշտպանութեան համար <sup>1)</sup>:

Բարեգործական հիմնարկութիւնների այն մեծ ցանցը, որով ծածկուած էր երկիրը, իհարկէ, իր պտուղները տուեց: Ամբողջ հայոց երկրում մուրացկանութիւն անող չը պիտի լինէր—այսպէս էր վճռել Ներսէսը: Եւ չը կար մուրացկանութիւն: Բարեկարգութիւնը ամեն տեղ էր: Այսպիսի մի երկրում, ի հարկէ, պիտի տիրապետէր և՛ բարքերի մեղմացում, և մարդասիրութիւն: «Եւ ամենայն աշխարհին պատուիրէր (Ներսէս), և գլխովին թագաւորին, առհասարակ ամենայն մեծամեծացն, և ամենեցուն՝ որ ոք ի վերայ ընկերին ունիցին իշխանութիւն, գութ ունելով ընդ իւրեանց ծառայս և ընդ կրտսերս և ընդ աշակերտս, և սիրել իբրև զընտանիս, և մի անարժանս և աւելի տարապայմանս հարկօք նեղել քան զչափն, յուշ առնելով, զի և նոցա տէր զոյ յերկինս: Սոյնպէս և ծառայից պատուիրէր՝ կալ յարդարն հնազանդութեան իւրեանց տէրանց, զի՛ ի տեսննէ լինիցի նոցա վարձք»:

Քրիստոնէական դժասրտութեան և ընկերսիրութեան հոյակապ տեսարան: Եւ այս Հայաստանի նման մի երկիր, Ասիայի խորքում, մի երկիր, որ նոր էր պաշտօնապէս դէն դրել հին հաւատը, այսինքն բաժանուել էր ասիականութեան միջավայրից և ընդգրկել էր, դարձեալ դեռ պաշտօ-

<sup>1)</sup> Ինճիճեան—«Հնախօսութիւն Հայաստանեաց» հ. Բ, վեհախիկ, 1835, կր. 356:

նապէս, քրիստոնէութիւնը, այսինքն հաղորդակից էր գառել եւրոպական քաղաքակրթութեան:

Հիացմունքով է պատմիչը նկարագրում այդ նոր կարգերը: Այս հիմնարկութիւնները հետ իհարկէ, առանձնապէս փարթամանում է եկեղեցին: Կրօնաւորները թիւը աճում և բազմապատկւում է: Ամեն տեղ կղերանոցներ, մենաստաններ: Բացվում են դպրոցներ: «Արարին — ասում է Փաւստոսը — զամենայն ժողովուրդս երկրին հայոց իբրև կարգ միաբանութեան վանականաց համաշխարհի, բայց միայն յամուսնութեան օրինայն»:

Այս էր Ներսէս Մեծի իդէալը. — գարձեալ ամբողջ երկիրը մի վանական միաբանութիւն, բայց, ի հարկէ, ոչ — կուսակրօն, այլ ամուսնացեալ միաբանութիւն:

Տարաբախտաբար, այդպիսի մի պետութիւն չէր կարող գոյութիւն ունենալ իրական աշխարհում: Հայաստանը երկու քաղաքական մեծ կազմակերպութիւնների՝ Պարսկաստանի և Բիւզանդիայի մէջ արորուող մի թոյլ, արդէն շատ խախտուած քաղաքական անկախութիւն էր: Երկիրը կարօտ էր պաշտպանութեան, լինել չը լինելու հարց ունէր իր առջև: Կարո՞ղ էր նա պետական միջոցները մի խոշոր մասը յատկացնել բարեգործական հաստատութիւններին:

Ի հարկէ, ոչ: — Եւ Ներսիսի հիմնարկութիւնները ճիշտ այնքան կեանք ունեցան, որքան ապրեց այդ, խակապէս, մեծ հայրապետը: Նրա մահից յետոյ Պապ թագաւորը, գործադրելով ճիշտ հասկացուած ըէալ քաղաքականութեան պահանջները, յետ խլեց եկեղեցիներին և բարեգործական հաստատութիւններին յատկացրած պետական հողերը, կըրճատեց կրօնաւորները անշափ բազմացած թիւը և այլն:

Այնուհետև հայոց պատմութեան ընթացքում այլ ևս չենք տեսնում պետական բարեգործութեան այսպիսի ընդարձակ սիստեմ: Բարեգործութիւնն այնուհետև անցնում է անհատներին: — Եւ մեր պատմութիւնը պահել է շատ անհատ բարեգործների անուններ:

Բարեգործութիւնը համարվում էր գերազանցօրէն հողեշահ գործ, այնպիսի նուիրաբերութիւն սեփական ստացուածքից, որի համար նուիրաբերողները վարձ պիտի ստանան թէ այս և թէ հանդերձեալ աշխարհում: Այդ զգացմունքը ամենայն եռանդով պահպանում էր կրօնը հաւատացեալներէ մէջ: Եւ բարեգործութիւնը ամենից առաջ և ամենից շատ կրօնական աստուածահաճոյ կերպարանք ունի:

Այդ զգացմունքի արդիւնքներն են Հայաստանի բոլոր կողմերում շինուած անթիւ եկեղեցիներն ու վանքերը, որոնցից շատ շատերը ամբողջ մեծագործութիւններ են:— Այդ աստուածահաճոյ շինարարութեան հետ համագօր և առաջնակարգ քրիստոնէական պարտաւորութիւն է այդ սրբազան շինութիւնները կալուածներով և այլ հասոյթներով ապահովելը:— Եւ մեր եկեղեցիների ու վանքերի արձանագրութիւնները ցոյց են տալիս, թէ որպիսի ջերմեռանդութեամբ անհուն հարստութիւններ են նուիրել դարերի ընթացքում հայ հասարակութեան բոլոր անդամները, սկսած թագաւորներից, իշխաններից մինչև ճորտ գեղջուկները:

Աստուածահաճոյ գործեր էին համարվում և հանրօգուտ ձեռնարկութիւնները: Կամուրջ կառուցանել, աղբիւր հանել այսօր էլ մեր ժողովրդի մէջ համարվում են ամենավեհ բարեգործական առաքինութիւններ:— Անիի արձանագրութիւնները ցոյց են տալիս և մի շատ հետաքրքրական երևոյթ: Այդ բերդի աշտարակներից մի քանիսը շինուել են մասնաւոր անձանց ծախսերով «ի վրկութիւն հողոյ» կամ «յարեշատութիւն» այս ինչի: Նշանակում է, որ հասարակաց ինքնապաշտպանութեան նպաստելն էլ հողեշահ բարեգործութիւն էր:

Այնուհետև բարեգործութեան ամենատարածուած ձևն էր աղքատներին, կարօտներին, կեանքի զանազան պատահարներից թշուառացածներին օգնելը:— Թագաւորների,

իշխանների և առհասարակ ունեւորների լաւագոյն ախտոսներն էին բարեգործութեան այդ ձևերը:

Յիշենք մի քանի օրինակներ մեր պատմութիւնից:

*Մանուէլ Մամիկոնեան*, (IV դար): Գաջ գորավար և առատաձեռն ինսամոզ. «Բազում և անչափ դանձաւ աղքատաց և կարօտելոց բաշխէր, իւրովք ձեռօք մատակարարէր, — ասում է պատմիչը <sup>1)</sup> — և բազում մասունս յընչից իւրոց տայր եկեղեցիս և ի վկայանոցս, և բազում դանձ տայր ցքահանայապետն, և սպա ինքն մեռանէր... Այլ ամենայն մարդ երկրին Հայոց կոծ եղեալ, մեծաւ աշխարանօք լացին դնա առհասարակ աղատք և շինականք, զի ամենայն մարդ իբրև գհօրէ՛ ի կարի առնէին զնմանէ վասն քաղցրութեան, մարդասիրութեան, հեզութեան, հանդարտութեան, խնամոտ բարերարութեան՝ բարենշան գաշխարհաշէն անձն Մանուէլի»:

*Գրիգոր Պատրիկ* (VII դար): «Այր երկիւղած յԱստուծոյ, եղբայրասէր և օտարասէր և դարմանիչ աղքատաց» <sup>2)</sup>:

Բագրատունի թագաւորներից իր անչափ աղքատասիրութեամբ յայնի է Աշոտ Գ. Ողորմածը (X դար), որի մասին գրում է Ստողիկը. «Խոնարութեամբ և ողորմածութեամբ անցոյց գամենեքումբք. վասն զի զգոնջացեալն և զկաղսն և զկոյրսն հաւաքէր առ ինքն և բարձակից ինքեան առնելով ի խրախճանութիւնսն, զոմանս ի նոցանէ իշխան և իշխանաց իշխանս և կիւրապաղատս անուանէր, և զբօսնոյր նոքօք և զքոսն կարմիր և զվէրս նոցա առաջի աջաց իւրոց փոխանակ զարդուց և ականց փայլելոց համարէր: Այլ և զբաժակն իւր թագաւորական ըմպելեօք մատուցանէր նոցա և յորժամ թարախ վիրաց նոցա խսունէր ընդ զինւոյն, յայնժամ զմնացորդս նոցա առեալ ինքն ճաշակէր: Եւ այնքան առատաձեռնութեամբ բաշխէր կարօ-

<sup>1)</sup> Փաւստոս, Կր. 258:

<sup>2)</sup> Ղևոնդ պատմագիր Պարիզ 1858 զ. Գ:

տելոց, մինչև ի մահուն իւր ոչ լինել զբամ մի ի գանձատան նորա, այլ և զկապուա զարգուցն և բազմականացն և որմոց տայր կարօտելոց»<sup>1)</sup>։

Նոյն միջոցներում իր գործերով հռչակուեց Անիի ազնուական տոհմերից մէկը, որ քաղաքում յայտնի էր Ապուղամբենց անունով, իսկ մեր պատմութեան մէջ՝ Պահլաուենի իշխաններ անունով։

Այդ տոհմի նախահայրն էր Ապուղամբը, որի որդին՝ Գրիգոր իշխանը և նրա ամուսին Շուշանիկ կամ Շուշիկ տիկինը նշանաւոր բարեգործներ էին։ Նրանց թուր, յայտնի մատենագիր Գրիգոր Մագիստրոսը, գրում է հետևեալը. «Սոցա ոչ էր այլ ինչ, եթէ ոչ գնել զգերեալսն, ազատել զբանտարկեալսն, կերակրել զքաղցեալսն, արբուցանել զծարաւեալսն, ուսուցանել զմանկունս, սնուցանել զորբս, օթեան լինել այրեաց, զըմբռնեալսն ի ձեռաց իրօրաց կորգել, իւրովին ձեռօք իսկ կերակրել զաղքատս և զկրօնաւորս, ամուսնացուցանել զորբս ընդ միմեանս ողջախօն և քրիստոնէական կրօնիւք։ Ո՞ք վախճանէր. և ոչ անդր ընթացեալք յուղարկաւորք լինէին գնացելոցն և մխիթար մնացելոցն. ո՞ք պարտապան, երթալ առ նոսա և ոչ հատուցանէին, կամ տրտմեալ, և անմխիթար ելանէր յարկաց նոցա, կամ հիւանդ ոք, զորս ոչ տեսանէին, կամ տնանկ, զորս ոչ ժողովէին»<sup>2)</sup>։

Բայց աւելի մեծահռչակ է նրանց որդի Վահրամ Պահլաուենին։ Այս հոյակապ անձնաւորութիւնը, որի անունը զարգարում է Անիի թագաւորութեան պատմութեան վերջին տխուր էջերը, անպարտելի քաջութեան, հերոսական անձնագոհութեամբ, մաքուր հայրենասիրութեան, գրասիրութեան հետ միացնում էր լայն առատաձեռն բարեգործութիւն։

<sup>1)</sup> Ասողիկ, տպ. Պարիզ, էր. 167։

<sup>2)</sup> «Գրիգոր Մագիստրոսի թղթերը» Ալէքսանդրօպօլ, 1910, էր. 43։

Նա շինեց Մարմաշէնի հոյակապ վանքը <sup>1)</sup> 986—1029 թուականներին և զրում էր նրա երկար արձանագրութեան մէջ իր սոհմի մասին. «Որք էաք ամենայն տամբ և տոհմիւ հաւատարիմք տէրանց մերոց և նահատակեալ ի վերայ տանս Հայոց աշխատութեամբ և արեամբ մերով և որդոց մերոց և զանձուց առատութեամբ և ամենայն հնարիւք խնդրէաք զխաղաղութիւն աշխարհի և զհաստատութիւն եկեղեցեաց»:

Այս իշխանի ամբողջ գտնվում էր նոյն Մարմաշէնի կողքին, բարձր ժայռի վրայ: Նրա գուռը միշտ բաց էր սչ միայն հայ, այլ և վրացի ու սլաւոնիկ անցորդների սոջև: Գալիս էին, մտնում էին, պահանջում էին ինչ ուզում էին, մնում էին որքան ուզում էին և գնում էին, առանց նոյն իսկ յայտնելու թէ ովքեր են: Գրիգոր Մագիստրոսը պատմելով այս բոլորը <sup>2)</sup>, աւելացնում է, որ նա էլ միշտ անում էր այն բարերարութիւնները, ինչ արել էին նրա ծնողները:

Վաստակահանի Արծրունի թագաւորներից իր բարեգործութիւններով յայտնի է Գագիկ Արծրունի (X դար), որի մասին Թոմաս Արծրունի պատմագիրն ասում է. «Ի վերայ ամենայն բարեխնամող գթութեանց, որով զաղքատս դարմանէր, զգերեալս դարձուցանէր, զրկեալս փրկէր, զաս առնէր որբոց և տար իրաւունս այրեաց» <sup>3)</sup>:

Ռուբինեան թագաւորներից յիշատակենք միայն Լևոն Մեծագործի գուսար և Հեթում թագաւորի ամուսին Զապել թագուհուն (XIII դար): Ի միջի այլ բարերարութիւնների, նա հիմնեց Սիսում մի հիւանդանոց: «Ոչ միայն առատ ոռճկաւ՝ զոր իր զարդերէն և անցաւոր զբօսանքներէն կտրելով՝ կապեր էր անոնց, այլ և անձամբ այցե-

<sup>1)</sup> Ալեքսանդրապօլի հիւսիս-արեւմտեան կողմում:

<sup>2)</sup> Գր. Մագիստ. թղթերը, հր. 39, 141:

<sup>3)</sup> Թոմաս Արծրունի, Կ.-Պօլիս և, դ.

լուծեամբ և ձեռք դարմանելով, ըստ Սոսրովանուշայ բարեպաշտ դշխոյի Բագրատունեաց»<sup>1)</sup>։

Նոյն ժամանակները Արևելեան Հայաստանը անհնարին տառապանքների մէջ էր թաթարական արշաւանքների պատճառով։ Այդ դժբախտ ժամանակները, երբ քարքարի վրայ չէր մնում, իր բարեպաշտութեամբ և առատ բարեգործութիւններով անուն հանեց Սաչէնի իշխան Ջալալը։ Ժամանակակից պատմիչը<sup>2)</sup> վկայում է, թէ այն բոլոր պահանջները, որ թաթարները ուղղում էին աղգաբնակութեան, տալիս էր այս իշխանը և այդպիսով չէր թոյլ տալիս, որ թաթարները կեղեքեն բնակիչներին։ Այնպէս որ հարկեր և այլ տուրքեր պահանջող թաթարները ուղղակի նրան էին դիմում։— Իսկ Ջալալի մայրը ծախեց իր բոլոր հարստութիւնները, բաժանեց աղքատներին և ինքը գնաց Երուսաղէմ՝ այնտեղ ձգնելու մինչև մահ։

Թաթարական արշաւանքները ահաւոր տակնուվրայութիւններ են մտցնում Հայաստանի մէջ։ Ամենազլխաւորներին մէկն այն էր, որ իսպառ ջնջվում են կամ շատ թուլանում հին իշխանական տոհմերը։ Երկիրը այլ ևս անկախութիւն չէ տեսնում։ Աղգաբնակութիւնը, վերջին ծայր աղքատութեան հասած, հազիւ է կարողանում իր ապրուստը հոգալ։ Եւ այս կացութիւնը շարունակվում է շատ երկար ժամանակ։ Վերջին անեղ հարուածը, որ ոչընչացրեց հին դրութեան մնացորդները, Լէնկթէխմուրի արշաւանքն էր (XIV դար)։

Սակայն հետզհետէ, ժամանակի ընթացքում, կեանքը թաթարական տիրապետողների իշխանութեան տակ մշակում է նոր ձևեր։ Եւ առաջանում է մեր Նոր Պատմութեան ամենախոշոր երևոյթը—հայ վաճառականութիւնը։ Նա զարգանում է, յարբերութիւններ է սկսում Արևմուտ-

<sup>1)</sup> Հ. Ալիշան—«Յուշիկը հայրենեաց Հայոց», Հ. Ա., Վենետիկ 1869, կր. 149.

<sup>2)</sup> Կիրակոս Գանձակեցի, Մոսկվա 1858, կր. 139.



եան աշխարհի հետ, գաղթականութիւններ է հիմնում Եւրոպայի զանազան կողմերում:

Վաճառականական դասը բռնում է հին ազնուականութեան տեղը, ստանում է նոյն «Իշխան» անունը և սկսում է կատարել նրա դերը: Բարեգործութեան ասպարէզը նորից կենդանանում է հայերի մէջ: Նրա նպատակը գլխաւորապէս միևնոյնն է մնում — կրօնական հաստատութիւններին օժանդակել և նրանց միջոցով նաև աղքատներ խնամել: Բայց ժամանակը, հայ վաճառականների շփումները քաղաքակիրթ ազգերի հետ, նոր-նոր շերտեր են մտցնում բարեգործութեան մէջ:

Այսպէս, հայ վաճառականութեան աջակցութեան շնորհիւ է առաւելապէս, որ հիմնաւորվում է մեղանում և դնալով զարգանում է տպագրական գործը: Տպագրութեան պատմութեան մէջ հայերը առաջիններից մէկն են այն ազգերի թւում, որոնք սկսեցին զրքեր տպագրել: Եւ այս հանգամանքը մենք պարտական ենք այն պատմական մեծ իրողութեան, որ հայ վաճառականները գաղթականութիւններ հիմնեցին Եւրոպայի զանազան կողմերում և միևնոյն ժամանակ իրանց նուիրատուութիւններով նպաստում էին, որ տպարաններ բացուին և զրքեր հրատարակուին: Նոյն իսկ զրքերի բովանդակութեան վրայ էլ ազդում էին վաճառականները: Նրանք փող տալիս էին շատ անգամ այն պայմանով, որ տպագրուին աշխարհիկ բովանդակութեամբ զրքեր: Իսկ այս հանգամանքը այնպիսի մի ժամանակ, երբ զրականութիւնը համարեա բացառապէս կրօնական բովանդակութիւն ունէր, մի շատ խոշոր երևոյթ է մեր զրականութեան պատմութեան մէջ:

Հանրաշահ բարեգործութիւններով երախտաւոր դարձած հայ վաճառականութեան մէջ առաջին տեղը բռնում են ջուղայեցիները: Նրանք հանդիսացան առաջաւոր կրթական-կուլտուրական պահանջների ներկայացուցիչ և հետգհետէ խոշոր գործեր կատարեցին: Այսպէս էին Լա-

զարեանները, որոնք Մոսկվայում հիմնեցին իրանց համբա-  
ւաւոր ճեմարանը. շուղայեցիներն էին մեծ մասամբ, որ  
Հնդկաստանի հայ գաղթականութիւնը հիմնեցին: Այդ գաղ-  
թականութիւնը շարունակ նպաստներ էր տալիս բուն  
հայրենիքի մտաւոր շահերին նուիրուած հիմնարկութիւն-  
ներին: Յայտնի են հնդկահայերի կտակները. և զրանց  
մէջ ամենանշանաւորը Սամուէլ Մուրատի (ոչ շուղայեցի)  
կտակը, որով Վենետիկի Միխիթարեանները ստացան 2  
միլիօն ֆրանկ՝ հայ աղքատ երեխանների համար Եւրոպա-  
յում բարեկարգ դպրոց հիմնելու նպատակով: Յիշատակելի  
է և նրա աներոջ, Ռափայէլի կտակը՝ զբքեր հրատարա-  
կելու և դարձեալ դպրոց բաց անելու նպատակով:

Որքան հայերը մօտենում էին եւրոպական լուսաւո-  
րութեան, այնքան աւելի պարզ էին տեսնում հայ ազգի  
յետամնացութեան ամենագլխաւոր պատճառը - տգիտու-  
թիւնը: Եւ այնքան աւելի հայ հարուստների բարեգործա-  
կան եռանդը ուղղվում էր դէպի կրթական-դաստիարակ-  
չական նպատակը: Այդ եռանդի շնորհիւ էր, որ սկսեց  
զարգանալ մեր գրականութիւնը և մեղանում երևացին  
կանոնաւոր դպրոցներ:

Կ. Պօլսի ամիրայական դասակարգը դեռ XVIII դարի  
վերջերից թէ իր և թէ ժողովրդի նուիրաբերութիւններով  
կանոնաւոր դպրոցների սկիզբն է գնում: Ներսէս Աշտա-  
րակեցին Թիֆլիսում, ունեւոր հայերի նուէրներով հիմնում  
է իր դպրոցը: Աստրախանում Աղաբաբեանն է դպրոց բաց  
անում: Նոր-Նախիջևանը դպրոցական բարեկարգութիւն է  
հաստատում հնդկահայերի կտակով: Այս ուղղութիւնը բա-  
րեգործութեան մէջ շարունակվում է և մինչև այսօր:

Բ.

ՀԱՅ ԸՆԿԵՐՈՒԹԻՒՆՆԵՐԸ

Մինչև այսօր մենք տեսանք անհատական բարեգործութիւնը, որ ամենահին ձևն է և որի առարկան էր երկար դարերի ընթացքում գլխաւորապէս աղքատախնամութիւնը թէ՛ անձամբ և թէ՛ եկեղեցիներին ու վանքերին արած նուէրների միջոցով: Յետոյ միայն, նոր ժամանակների ազդեցութեան տակ աչքի ընկնող փոփոխութիւն է մտնում բարեգործական նպատակների մէջ:

Այս դրութեան մէջ չը կայ ոչինչ առանձնակի, մեզ միայն յատուկ հանգամանք: Այսպէս է եղել բոլոր ազգերի մէջ: Կրօնական հայեացքների տիրապետութիւնը ամեն տեղ միանման ներգործութիւն է ունեցել, ամեն տեղ եկեղեցուն է վերապահել զթութեան, գաստիարակութեան, մտաւոր զարգացման գործերը:

Հաւաքական ուժերով հանրաշահ գործեր կատարելու վե՛հ սկզբունքը, որ առաջադիմութեան և հանրային բարեկեցութեան հօգոյ ազդակներից մէկն է, քաղաքակիրթ մարդկութեան մէջ էր, որ իրականացաւ:

Այդ սկզբունքը մենք առաջին անգամ տեսնում ենք հայերի մէջ XIX դարի սկզբներում իրագործուած: Տեղը, ուր երևան է գալիս այդ սկզբունքով ապրող կազմակերպութիւնը, Կ. Պօլիսն է:

Այստեղ 1810 թուին, Մխիթարեան ամենահամբաււոր և բազմերախտ վարդապետներից մէկի, Հ. Ղուկաս Ինճիճեանի նախաձեռնութեամբ և յորդորներով, Տիւզեան ամիրայական ընտանիքի երկու երիտասարդ անդամներ կազմակերպում են «Արշարունեաց» անունով մի ընկերութիւն, որի նպատակն էր հանրամատչելի գրական հրատարակութիւններ անել: Ծրագրած էր մօտ 200 փոքր հա-

տորներից բազկացած մի ամբողջ զբաղարան հրատարակել՝ գիտութեան և գրականութեան այլ և այլ ճիւղերի վերաբերեալ: Բայց նախքան այդպիսի մի գործի համար անհրաժեշտ գումարը հաւաքելը՝ ընկերութիւնը վճռեց հրատարակել Վենետիկում, Միլիթարեան վարդապետների խմբագրութեամբ, մի պարբերական հրատարակութիւն, որի մէջ պատկերացած լինէր քաղաքակիրթ ազգերի քաղաքական կեանքը:

Եւ ահա 1812 թուի օդոստոսից, «Արշարունեաց» ընկերութեան ծախսով սկսվում է «Դիտակ Բիւզանդեան» երկղարաթաթեթերթը, որ առաջին աշխարհաբար հրատարակութիւնն էր հայերի մէջ:—Ահա ինչ էր գրում «Դիտակ Բիւզանդեանը» այդ ընկերութեան մասին.

«Մեր ազգին մէջ գովելի հոգևոր եղբայրութիւններ եղաւ. բայց ընկերութիւն մը չիկար. աս ժթ դարուն սկիզբը, տեսնուվեցաւ Լստանպօլի մէջ մէկ նախանձելի ընկերութիւն մը՝ որ մէյտեղ խօսք զբաժ են, ձեւովըներէն եկածին չափ ջանդ ընեն, ստակ խարճ չի նային, որչափ պէտք ըլլայ տան, որ եղած ուսումնական զբերուն վրայ, տահա այլ նորանոր գրքեր շինել տան գիտնոց ու սովել տան, որով որ ազգը պտրէ ան շատէն քիչը կարգայ, սորվի, իմաստութեան անուշ համբ առնէ: Աս ընկերութիւնը պղարիկ՝ 40—45 հոգեոյ չափ է, ու օր է օր կը շատնայ ու մեծ յոյս կուտայ, որ հաստատուն պիտ որ ըլլայ ու տեէ»<sup>1)</sup>:

Նոյն այդ համարի մէջ տպուած է ընկերութեան հիմնադիրներից մէկի, Յակոբ Տիւզի մի ճառը, որ նա ասել է անդամներին խրախուսելու համար: Եւ ահա, ի միջի այլոց, ինչ էր ասում նա.

«Ձբսնք՝ ես ի՞նչ ընեմ» ես գիտ նայեմ, չիյտնի մի որ ազգին ընելը քեզի ընելէ. որովհետև դուն ալ նոյն ազգին մասն ես. ազգին թշուառութիւնը, ազիտութիւնը բոլոր քուկդ է: Բայց ի՞նչ մե՞նձ ուրախութիւն է մէկ ազգասէր մարդու մը տեսնել՝ որ ինքը մինակ չէ եղեր, հապա զանազան անձինք նոյն հոգեով մտմտացեր

<sup>1)</sup> «Դիտակ Բիւզանդեան» 1813, թ. 1:

են՝ որ իրենք զատ զատ կենալով այնչափ մենձ օգուտ չեն կրնար ընել (ինչպէս կրտսն, մէկ ձեռքը մինակ ձայն չի հաներ) մէկ եղեր՝ ընկերութիւն մըն են կազմեր, ինչպէս որ մենք հիմա եղեր ենք. ու աս ի՞նչ բանի համար, որ մեր ձեռքերնէս եկածին չափ, մեր վիճակին բերելու կէօրէ, ամէն կերպով ջանանք ուսումնականներու դիտնականներու ըյնինք, անոնք մեզի աչք են, ձեռք են, կունակ են, անոնց ամէն կերպով օղններ, որպէս զի անոնց ձեռքով ազգին ուսում ու գիտութիւն սորվեցնել տանք»<sup>1)</sup>։

Հարիւր տարի տուաջ այսպիսի զազափարներով և ձգտումներով էր հանդէս գալիս առաջին հայ բարեսիրական կազմակերպութիւնը։ Դա լոյսի ամբողջ մի խուրձ էր, որ մտնում էր հայկական խաւար իրականութեան մէջ։ — «Դիտակ Բիւզանդեանը» հրատարակուեց ամբողջ չորս տարի և Կ. Պօլսում ունէր 1500—3000 բաժանորդ։ Եւ ի՞նչ էր այդ համեստ քաղաքական լրագիրը այն ժամանակուայ հայութեան համար։ Հ. Ինճիճեանը Վենետիկ գրած իր մի նամակի մէջ նկարագրում էր այն տպաւորութիւնը, որ արել էր այդ լրագրի առաջին համարը 1812 թվին։

Հաւաքուել էին, ասում է նա, բազմաթիւ հայ կաթօլիկներ Տիւղեանների տունը՝ պատարագ տեսնելու համար, երբ բերին առաջին համարը։ «Պարտ էր աստ լինել... և տեսնել զտուն Տիւղեանց դարձեալ իբրև եւրոպա... իւրաքանչիւրոյ առեալ մի մի թերթ՝ փոխանակ պատարագ տեսանելոյ՝ ևզեն մի մի ընթերցողք, որոյ պատճառաւ յաղաղեաց յոյժ պատարազն։ Այնչափ ևզև հաճութիւն ամենեցուն, զի և այն, որ ոչ գրեցաւ ի յընկերութիւն, այլ մանաւանդ հակառակէր, որչափ և ստիպէին ի գրել, իսկ և իսկ գրեցաւ... Ո՞ւր մնացին մեր բազմահատոր գրեանք ինամով աշխատասիրեալք, մի կամ երկու անձ հազիւ գտանի սիրով ընթերցող և զովոզ՝ յորժամ հասաննն աստ, իսկ այս թերթիկ (այսինքն «Դիտակ») մարթ է ասել՝ զգրղեաց զՊօլիս, տեսին և Գօլեճեանք, և յոյժ դարմացան, նաև ի Յունաց և յոյժ զովեցին»<sup>2)</sup>։

<sup>1)</sup> Անգ։

<sup>2)</sup> Հ. Բ. Մարգահան—«Երկհարիւրամեայ գրականական գործունէութիւն Վենետիկոյ Միթիթարեան Միաբանութիւն», Վենետիկ 1905, էր. 24։

Այսքան փառաւոր էին այս պտուղները, որ բերեց առաջին կանոնաւոր ընկերութիւնը մեղանում <sup>1)</sup> :

Այս երևոյթը մի ծաղիկ էր մեղանում: Սակայն յայտնի է, որ մի ծաղիկով դարուն չէ լինում: «Արշարունեաց Ընկերութիւնը» չէր կարող միանգամից բարեփոխել մեր ամբողջ հին իրականութիւնը: Նա միայն սկզբնաւորութիւն էր, ապագայի յայտարար էր:

Եւ ապագան բերեց նման ընկերութիւնների մի երկար շարք: Բայց նրանց գործունէութեան տեղը շարունակում էր մնալ միևնոյնը—արևմտեան հայութեան գլխաւոր կենտրոնները: Այդ կենտրոնները բուն հայ երկրից հեռու գտնուող երկու գաղթականութիւններ էին, Կ. Պօլիս և Ջմիւռնիա: Այդ տեղերում էր, որ հայութիւնը մօտիկուց շփվում էր եւրոպականութեան հետ: Եւ այդ տեղերում էր, որ կազմուեց եւրոպական բարձր ուսում ստացած ինտելլիգենցիա. առաջ եկաւ մամուլ, գրականութիւն:

Կ. Պօլսում և Ջմիւռնիայում դեռ XVIII դարի վերջերից գոյութիւն ունէին Ազգային Հիւանդանոցներ, ուր խնամք և դարման էին գտնում աղքատ և անօգնական հիւանդները: Դրանք պահպանվում էին ազգային տուրքով: XIX դարի երեսնական թուականներին Կ. Պօլսի Ազգային Հիւանդանոցը նոր կազմակերպութիւն ստացաւ, շնորհիւ Պէդճեան Յարութիւն ամիրայի առատաձեռն նուէրների: Միևնոյն ժամանակ կազմակերպուեց և յատուկ աղքատախնամ հիմնարկութիւն «Տնանկաց Մատուկ» անունով:

Սրանք ընկերութիւններ չէին բուն իմաստով, բայց հանրային միջոցներով պահպանուող աղքատախնամութիւն,

<sup>1)</sup> Մենք գիտմամբ ենք առաջ բերում այս մանրամասնութիւնները: Մի բարեգործական ընկերութեան պատմութիւն լինչ աւելի զեղեցիկ նախարան կարող է ունենալ, քան այն սիրուն գործը, որ ցոյց տւեց նրա անդրանիկ եղալարակիցը 100 տարի առաջ, միանգամից այնքան վեհ կերպարանքի մէջ ներկայանելով հաւաքական ուժերով գործելու զազափարը: Եւ բացի դրանից, չէ որ հէնց այժմ բոլորում է հարիւրամեայ շրջանը մեր բարեգործական ընկերութիւնների սկզբնաւորութիւնից:

որպիսի հիմնարկութիւններ գոյութիւն ունէին Եւրոպայում վաղուց:

Քառասնական թուականներին Կ. Պօլսում և Զմիւռնիայում բացվում են մասնաւոր ընկերութիւններ, որոնք այլ և այլ նպատակներ են ընարում իրանց համար: Դրանց մէջ անուանի է մանաւանդ «Համագրեաց» ընկերութիւնը, որ հիմնուեց հայ-կաթօլիկ երիտասարդների ձեռքով և որի նպատակն էր լուսաւորութեան գործին ծառայել ընդհանուր ուժերով, այսինքն համախմբելով գործի շուրջը սչմիայն կաթօլիկ հայերին, այլ և անխտիր միւս գաւանդութիւններին պատկանող հայերին էլ: Այս ձեռնարկութիւնը ահագին նշանակութիւն ունէր այն ժամանակները, երբ կաթօլիկ հայերի մէջ սկսուել էր ուժեղ շարժում դէպի ընդհանուր ազգային միութիւնը, անկախ կրօնական համոզմունքներէ: Հէնց այդ պատճառով էլ «Համագրեաց» ընկերութիւնը դարձաւ Փանատիկոս կաթօլիկ կղերի հալածանքների առարկայ:

Նոյն թուականներին էր, որ Կ. Պօլսում հիմնուեցին մի շարք մանր, մասնաւոր ընկերութիւններ, որոնց նպատակն էր պահպանել այս կամ այն դպրոցը: Դրանց մէջ աչքի ընկնողն է Սկիւտարի Ճեմարանի ընկերութիւնը: Այդ ժամանակ էլ առաջին անգամ փորձ եղաւ ընկերական հիմքերով ընթերցարան բանալու <sup>1)</sup>:

Զմիւռնիայում դարձեալ նոյն քառասնական թուականներին հիմնուեցին «Միւնեաց» և «Արագածունեաց» ընկերութիւնները, առաջինը՝ դպրոցական, երկրորդը՝ հրատարակչական <sup>2)</sup>:

Հաջորդ տասնամեակին, 50 թուականներին, երբ Կ. Պօլսի մէջ կեանքը աւելի ևս կենդանանում է արևելեան

<sup>1)</sup> «Ընդարձակ Օրացոյց Ազգային Հիւանդանոցի» 1901, Կ. Պօլսի, եր. 231:

<sup>2)</sup> Հ. Յ. Բօսեան—«Հայր ի Զմիւռնիա և ի շրջակայս» Վիեննա, 1889

պատերազմի պատճառով, կրթական և այլ բարենպաստի  
 ընկերութիւնների թիւը չէ պակասում, այլ աւելանում  
 է: — Այդ ժամանակ ծնուածներէց յիշատակենք «Ընթերցա-  
 սիրաց», «Վերածնութեան Թանգարան», «Եղբայրսիրական»,  
 «Մեսրոպեան»: Առաջին երկուսը գրադարանական էին,  
 «Եղբայրսիրականը» չափահասներին ձրի գաստիօսութիւն-  
 ներ կարգալու նպատակն ունէր, իսկ «Մեսրոպեանը»  
 հրատարակչական էր <sup>1)</sup>:

Մի կողմ թողնելով թէ այդ ժամանակների և թէ  
 գրանից յետոյ թիւը քահայերի մէջ կազմուած ընկերութիւն-  
 ների լիակատար ցուցակը, մենք միայն մի քանի նկատու-  
 զութիւններ կանենք:

Այդ ընկերակցութիւնները փոքրիկ բաներ էին, մի  
 սահմանափակ նպատակի նուիրուած: Երկարատե չէին այդ  
 մանր կազմակերպութիւնները. նրանք ծնվում էին, ապրում  
 էին մի ժամանակ և տեղի տալիս ուրիշ այլանուն կազմա-  
 կերպութիւնների: Այդպիսի անջատ, մանր հաւաքական  
 ուժերով, ի հարկէ, խոշոր, տեղական հանրային գործեր  
 կատարել չէր կարելի: Եւ մենք այդ բազմաթիւ հիմնար-  
 կութիւնները պիտի նկատենք լոկ իբրև գիտակցութեան  
 նշան, թէ ինչ եղանակով պէտք է տանել ժողովրդի կրթա-  
 կան-կուլտուրական գործը:

Միայն մի անգամ թիւը քահայերը փորձ արին բարե-  
 գործական կազմակերպութեան միջոցով իրականացնելու  
 մի խոշոր գործ: 1860 թուականին Կ. Պօլսում կազմակեր-  
 պուեց «Բարեգործական Ընկերութիւն Հայոց», որի նա-  
 խաձեռնութիւնը պատկանում էր այն ժամանակուայ թիւը-  
 քահայ նշանաւոր գրական-հասարակական գործիչներին: —  
 Ընկերութեան նպատակն էր՝ «ազգին որբ, անտէր և չքա-  
 ւոր տղայքը երկրագործութեան և արուեստից զբաղեցնելու  
 միջոցներն ի գործ դնել»: Կազմուեց կանոնադրութիւն,

<sup>1)</sup> «Ընդ. Օր.» էր 248:

428  
 A II 1913  
 844





ընտրուեցին վարչական մարմիններ և ընկերութիւնը հրատարակեց մի յայտարարութիւն, որի մէջ ցոյց էր տալիս, թէ ինչ ահագին նշանակութիւն ունի երկրագործութիւնը ամեն մի ազգի և մասնաւորապէս հայ ազգի համար, որ տգէտ ու յետամնաց է, որովհետեւ աղքատ է <sup>1)</sup>։— Սակայն Կ. Պօլսի հայ ինտելիգենցիայի այդ ձեռնարկութիւնը, որ լայն կազմակերպութիւն և ընդարձակ միջոցներ էր պահանջում, գլուխ չեկաւ։

Ռուսահայերի մէջ անհամեմատ ուշ սկսուեցին ազգային — կուլտուրական հիմնարկութիւններն առ հասարակ (մամուլ, զբաղանութիւն, թատրոն)։ Բարենպաստակ ընկերութիւնները այստեղ, ռուսահայերի մէջ, սկզբում նոյնպէս մասնաւոր նպատակներ և փոքրիկ կազմ ունէին։

Այսպէս, 1858 թւականի վերջերում Շուշի քաղաքում կազմուեց մի մասնաւոր շրջան, որ 1859-ին բաց արաւ Շուշում ընթերցարան և զբաղարան։— Այդ շրջանը մի ընկերութեան բոլոր հանգամանքներն ունէր. ամեն տարի զբաղարան — ընթերցարանի կառավարութեան համար յանձնաժողով էր ընտրում, անդամակցական վճարներ էր ստանում։ Նա կոչվում էր «Թանգարան Վերածնութեան», նմանուելով, անշուշտ Կ. Պօլսի նոյնանուն հիմնարկութեան <sup>2)</sup>։

1860 թւականին «Կոռնկ» ամսագիրն առաջարկում էր, որ այսպիսի մի «Թանգարան Վերածնութեան» էլ Թիֆլիսում բացուի։ Հաշուել էին, որ զբաղարանի համար կարելի է ձեռք բերել հայերէն բոլոր տպագրուած զրքերը 2000 ռուբլով <sup>3)</sup>։

Դրամագլուխ՝ մի այդպիսի հիմնարկութեան համար հաշուում են 2500 ռուբլի, բաղկացած 50 բաժնից, իւրա-

<sup>1)</sup> «Կոռնկ» ամսագիր 1862 եր. 607—625.

<sup>2)</sup> «Կոռնկ» ամսագիր 1860, եր. 147—149.

<sup>3)</sup> «Կոռնկ» ամսագիր 1860 եր. 794.

քանչիւրը 50-ական ըուրլի: Բայց առաջարկութիւնը միայն 18 համակրող է գանում <sup>1)</sup> և «Ռանգարանը» մնում է ծրագիր:

Այստեղ էլ, ուրեմն, ուսասնայերի մէջ ևս, բարեգործական նոյն սխառմը, ինչ արեւմտեան հայերի մէջ—մանր, անջատ մարմիններով տեղական պէտքերին ծառայելը:—Սակայն, նոյն 1860-ական թուականների սկզբում, ուսասնայերի մէջ սկսվում է այդ հասկացողութեան յեղաշրջում: Հասարակութեան մաքր մէջ հեազնեատ հասունանում է աւելի ընդարձակ կազմակերպութիւններով և աւելի բազմակողմանի ծրագրով գործելու գաղափարը: Բայց այդ գաղափարը դեռ չէ մարմնանում կեանքի մէջ, այլ նախապէս արծարծվում է իբրև զրական քարոզ:

Եւ արծարծողը առաջին անգամ եղաւ մեզանում Մոսկվայի «Հիւսիսափայլը», մեր անդրանիկ առաջաւոր հրապարակախօսական օրգանը:

Այս ամսագրի խմբագիր Ստեփաննոս Նազարեանցը դեռ 1859 թուականին, խօսելով հայերի կոչման մասին, անցողաբար յիշել էր, որ հայերը իրանց կրթական-կոլտուրական գործերը պիտի առաջ տանեն կազմակերպուած ընկերութեան օգնութեամբ <sup>2)</sup>:

1862 թուականին Նազարեանցը նորից արծարծում է այդ միտքը, և այս անգամ մի ընդարձակ և ուժեղ յօդուածի մէջ, որի վերնագիրն է «Առաջարկութիւն մի ընդհանուր Հայկական Ընկերութեան Ռուսաստանի մէջ, վասն բարեկարգելու Հայերի նիւթական և բարոյական կեանքը»<sup>3)</sup>:

Երկարօրէն բացատրելով, որ մարդը լոկ «մի շնչաւոր աճելութիւն չէ», այլ կոչուած է ապրելու և ստեղծագործելու ընկերական կազմակերպութեամբ, Նազարեանցը քաղաքակրթութիւնը

<sup>1)</sup> «Կոռնիկ» 1861 եր. 80.

<sup>2)</sup> «Հիւսիսափայլ», 1859, № 1:

<sup>3)</sup> «Հիւսիսափայլ» 1862,

համարում է հէնց այդ ընկերական ջանքերի արդիւնք: «Առհասարակ բոլոր աշխարհաշինութիւնը, բոլոր բարեքը, որ այժմ վայելում է մարդկութիւնս, թէ՛ նիւթական և թէ՛ իմացկան, գոյացել են ընկերութեան միաբան գործակցութեամբ. ոչինչ չէ արել և կարող չէր առնել մարդս միազուխ՝ առանձնութեան մէջ»:

Իայց այս ոգին ճշուած է Ասիայում:

«Բննակալութիւնը երբէք սիրող չէ հպատակների միաբանութեան և մտաւորութեան միմեանց հետ. քանի որ գոքս անմիաբան, ջոկ-ջոկ, առանձնացած լինին իրարից, այնքան ևս ձեռընտու է մի բռնակալ կառավարութեան, լցուցանելու իւր հաճոյքը: Այստեղ ամեն մարդ իւր համար է, ամեն մարդ իւր գլխի հոստում, եթէ մինին զարկում են, միւսը փոխանակ օգնական լինելու իւր ընկերին, փախչում է. յաւելացրու մի այսպիսի կացութեան վերայ շատ անգամ աղքատութիւն և միշտ ազիտութիւն և անկըբթութիւն, որոնց մէջ Հայը երկար դարեր ապրել է, առանց կարողանալու երբ և իցէ բարձրացնել իւր գլուխը և զգալ իւր մարդկային արժանապատւութիւնը... Մեր Հայերը ասիական բռնակալութեան տակ, ինչպէս նոյն պայմանները մէջ սովոր է պատահել նոյն բանը ամենայն ազգերի, ուսել են միայն խորամանկութիւն և խարդախութիւն, իրբն միակ պաշտպանողական գէնք մի սարուկ ազգի՝ ընդդէմ իւր տանջող և անիրաւ բռնակալի: Ընդհանուր ժողովրդական թշուառութիւնը մի ոչքրիտոնիայ տիրապետող ազգի ձեռքում չէ յատաճացրել նոցա մէջ ոչինչ ընկերական հոգի, ոչինչ մտաւորութիւն միմեանց. բաւական էր, կարծել են, ամենայն մարդու իւր թշուառութեան չափը, առանց բռնաւորելու հոգսերով իւր ընկերի թշուառութեան վերայ. երբէք մտաբերել չեն նոքա թէ միաբանութեամբ կարողացած կը լինէին իւրեանց հասարակաց թշուառութիւնը թեթեւացնել: Այսպէս յատաճացել է մեր Հայերի մէջ այն առանձնութեան հոգին, այն անսէր բարքը, այն կոպիտ անձնապաշտութիւնը, որ չէ թողնում Հայերի մէջ գոյսնալու մի ընկերական բան, մի հասարակօգուտ ձեռնարկութիւն»:

Թէև պատմական ապականող իրողութիւնը վերացել է և հայերը արդէն Ռուսաստանի տիրապետութեան տակ են և կարող են զարգացնել ընկերական ոգին, բայց հին ժառանգութիւնը զեռ ծանրացած է նրանց վրայ: Եւ այդ պատճառով նրանք չեն հասկանում «թէ ոչինչ կարող չէ յատաճանալ մի ազգի մէջ, եթէ նրա անդամակիցքը ամեն

մինը կապրեն իւրեանց համար, եթէ, մի հասարակօգուս ձեռնարկութեան ձայն լսելով, կը փախչեն և ծակամուս կը լինին»:

Ոչ որ չկամի առաջինը լինել մօտենալով մի առաջարկած ազօգուս գործի, հետև կանգնած ամենեքեան, նայում են մինը միւսի վերայ, սպասում են անմտարար, որ գործը մի հրաշքով, առանց որոյ և իցէ օգնականութեան, ինքն ըստ ինքեան, յառաջ խողայ, ապա թէ վերջապէս մինը, երկուքը կամ երեքը կխտսիրտ կամ անսիրտ կը մօտենան և հարց ու ինչդիր կանեն: Հայ մարդու համար իւր ամենևին նեղահայաց տեսութեան մէջ չկայ ոչինչ ընկերական, ոչինչ հասարակաց, ոչինչ ժողովրդական խնդիր, այլ բոլորը անձնական է, բոլորը ընտանեկան, բոլորը մասնաւոր. ամեն մարդ իւր գլխի ցաւը հողայ, փող վաստակէ, իւր դուռը, ընտանիքը պահպանելու, պրծաւ գնաց, ասում է և կրկնում է Հայը: Այս պայմաններին միտ դնելով, չունենք տեղիք զարմանալու, որ Ռուսաստանում մինչև այսօր Հայերի մէջ չկայ ոչ մի ընկերութիւն ոչինչ խորհրդով, ոչ վաճառական, ոչ վաստակատիրական, ոչ ուսումնական, ոչ բարեգործական, այլ ամենայն ինչ առանձին, բաժան, ջոկ ջոկ, ցանուցիր, վայրի վերոյ, անկարգ և վայրենի, այնպէս որ ամենափոքր գործը, որ կարօտ է հասարակաց օգնութեան, իսկոյն հանդիպում է այդտեղ ամենասառն, մեռած ու քարացած սրտերի և ջախջախում է դոցա վերայ հազար ու մի կտոր:

Այսքան խոր և ազդու պարզութեամբ ընտրողելով մեր իրականութիւնը, Նազարեանցն ասում էր, թէ ժամանակ է այդ «բարբարոս» գրութիւնից դուրս գալու և առաջարկում էր կազմել մի մեծ բարեգործական ընկերութիւն, որին պիտի մասնակցէ Ռուսաստանի ամբողջ հայութիւնը:

Ի՞նչը պիտի լինի այդ ընկերութեան նպատակը: — Այստեղ Նազարեանցը բաց է անում մի ընդարձակ, բազմակողմանի, իսկապէս վերանորոգչական գործունէութեան դաշտ, կեանքի գործնական պահանջներին բաւարարութիւն տալու համար:

«Եթէ կամէինք որև իցէ մարդու կամ ժողովրդի բարոյական կացութիւնը բարւոքել, ինչ պիտի անենք նախ և յառաջ, որ

բանն է առաջին և զլիսաւոր հոգալին: Բանականութիւնը, աւտղջ դատողութիւնը ասում է մեզ, որ մեք պիտի սկսանինք զործը, այդ մարդու կամ ժողովրդի նիւթական կեանքը բարւոքացնելով, նրա ֆիզիքական ապրուստի պայմանքը հնարաւորելով, որովհետեւ նախ մարդս ճշաւոր է ապա հոգևոր, և հոգին աճել ու զօրանալ կարող չէ, եթէ նիւթական պայմանքը պակաս են: Ուրեմն հայկական ընկերութեան առաջին պաշտօնը և հոգատարութիւնը կը լինի Հայոց ազգի չքաւոր զաւակներին Ռուսաստանի մէջ պատուաւոր հացի և ապրուստի ճանապարհ բանալ, ծանօթացնելով նրանց ձեռագործ արուեստների, երկրագործութեան, բնութեան բերքերի յառաջածութեան և զոցանից վաճառելի ապրանքի պատրաստութեան կերպի և կոճանակի հետ, այլ և կրթելով Հայոց զաւակներից պօլիտեխնիկոսք, հմուտ վաճառականք, հաշուետոնների մէջ աջողակ գործակատարք և գրասպահք: Իսկ այն չքաւոր պատանիքը, որ ցուցանում էին քանքար և ցանկութիւն վերին գիտութիւնների պարագելու և դառնալու մի ժամանակ ուսումնականք և ուսուցիչք ազգի, զոցա օգնական կը լինի Հայկական ընկերութիւնը, ապրուստ տալով և ազատելով հոգսից, որ նոքա կարողանային խաղաղ հոգով ուսանել և կրթուիլ Ռուսաստանի վերին զպրոցներում (համալսարաններում) և յետոյ պիտանի լինել իւրեանց և ժողովրդին:

«Հայկական ընկերութիւնը բաց ի հնար տալուց Հայոց չքաւոր զաւակներին կրթուելու և դաստիարակուելու թէ հացատու արուեստների և գիտութիւնների և թէ վերին ուսումնականութեան մէջ դպրոցական կարգով, ջանադիր կը լինի նոյնպէս, որքան ձեռնհաս է, յաջողութիւն տալ ամենայն հասարակօգուտ ձեռնարկութեան: Նա պիտի հանդէս կանչէ և քաջալերէ հայկական քանքարը գէպի գործ և արդիւնաբերութիւն ազգին. նա պիտի թեկը տայ Հայկական մատենագրութեանը, պահպանէ այնպիսի օրագրութիւնք, որ համաձայնէին այժմեան պիտոյքին ժողովրդի... Մի աշխատաւոր հեղինակ մեր մէջ, որ շատ աստակ գեղեցիկ գրուածներ ունէր տալու իւր ժողովրդին, բայց նրա ձեռք ու սոք կաշկանդած են, որովհետեւ չկայ մի հասարակութիւն, որ խելացի կերպով օգնէր և քաջալերէր նրան—մի աշխատաւոր հեղինակ, ասում ենք, եթէ լինէր Հայոց մէջ մի խելացի հոգաբարձու ընկերութիւն, ձեռք ու սոք կը ստանար պիտանի լինելու իւր ժողովրդին, մինչ նա այս բոլէիս, ներկայ պայմանների մէջ մեռած է նորա համար:

«Հայկական ընկերութիւնը Ռուսաստանի մէջ կարող է և աղքատը կերակրել և մերկեր զգեցուցանել և հիւանդներ ժողովել, բայց դժբա լինելու էին հարեանցի և երկրորդական հոգսեր: Նորա գլխաւոր ուշադրութիւնը պիտի նուիրուի մի այլ գործի, որ է փակել աղքատութեան և մերկութեան ճանապարհը, դաստիարակելով և ուսուցանելով ժողովրդի չքաւոր զաւակները. դաստիարակութիւնը և ուսումը կը պատրաստեն մի ոսկի ապագայք. պատճառ՝ ով որ տեղեակ է մի արուեստի, հմուտ է մի գիտութեան, նա և ունի իր ծոցումը մի ոսկու և արծաթի հանք, մի արծաթազլուխ, որ միշտ կարող է կերակրել նրան»:

Հայկական այդ ընկերութիւնը Նազարեանցի ծրագրով, պիտի ունենայ չորս տեսակ անդամներ. 1) «հիմնադիր պարսններ», տարեկան 500 ռուբլի վճարով, 2) «օրինաւոր անդամակիցք», տարեկան 250 ռ., 3) «պատուաւոր անդամակիցք» տարեկան 125 ռ., 4) «լոկ մասնակիցք» տարեկան 5 ռ. վճարով. Ընկերութեան կենտրոնը պիտի լինէր Մոսկվայում, իսկ Ռուսաստանի և Անդրկովկասի բոլոր հայաբնակ վայրերում պիտի գործէին տեղական գործակալները:

Այսպիսով Նազարեանցը կարծում էր թէ առաջին իսկ տարուց կարող է կազմուել 100 հազար ռուբլու մի դրամազլուխ, որ խելացի շահեցողութեամբ կը բերէր ընկերութեան տարեկան 8—10 հազար ռուբլի եկամուտ:

Ահա ինչ տեսակ պահանջներ էին ներկայացնում ժամանակը և իրական կեանքի լաւ հասկացուած շահերը.— թէ որքան Նազարեանցը գործնական էր իր առաջարկութեան մէջ, ցոյց է տալիս ջերմ համակրանքով համակուած այն յօդուածը, որ տպուեց այդ առիթով «Կոռնիկ» մէջ<sup>1)</sup>: Յօդուածագիրը վկայում էր, որ այն բոլոր պահանջները ժամանակակից են, առաջնակարգ, հայերի գոյութեան լինելը—չը լինելու հարցեր:—Եւ ցոյց էր տալիս, թէ որքան ողորմելի պայմանների մէջ են գտնվում լուսաւորութեան

<sup>1)</sup> «Կոռնիկ», 1862, կր. 841—863.

և կուլտուրական զարգացման զործծնները հայերի մէջ: Դառնապէս զանդաավում էր յօգուածագիր Գ. Տ. Ա. մասնաւանդ հայոց գրականութեան գրութեան վրայ:

Նագարեանցի առաջարկութեան մէջ «Կոռնիկ» յօգուածագիրը զանում էր մի քանի զործնական սակասութիւններ: — Ամենից առաջ այն՝ որ անդամակցական վճարները շատ թանկ են — 500, 250, 125 ռուբլի: — Հեղինակը կարծում էր, որ հարկաւոր 100 հազար դրամազուխը աւելի հեշտութեամբ կը կազմուի, երբ անդամավճարները քիչ լինեն և աւելի մեծ քանակութեամբ մարդիկ մասնակցեն ընկերութեան: Կենտրոնը այգալիսի մի մեծ կազմակերպութեան պիտի լինի Թիֆլիսում: Փոխանակ որ ընկերութիւնը իր խնամած աշակերտներին Ռուսաստանի դպրոցներում դաստիարակէր, աւելի լաւ կը լինէր, եթէ նա բաց անէր մասնագիտական դպրոցներ հայաշատ կենտրոններում:

Գաղափարը հասունացած է: Բայց նրան կեանքի մէջ մտցնելու նախաձեռնութիւն է հարկաւոր: Եւ ահա զըսնվում է մէկը, որ մի խոշոր ընկերութիւն կազմելու առաջին փորձն է անում ամենայն աշոգութեամբ:


Դա «Հիւսիսափայլի» աշխատակիցներից մէկն էր, բժիշկ Դաւիթ Ռոստոմեանը, որի ջանքերով Բագու քաղաքում հաստատուեց «Բագուի Հայոց Մարդասիրական Ընկերութիւնը» 1864-ին: — Նագարեանցի առաջարկութիւնը շատ շուտ է իրականանում, բայց ոչ իր ամբողջ ծաւալով: Ընդհանուր բարեգործական մի միութիւն Ռուսաստանի ամբողջ հայութեան մէջ ստեղծելու ջանքեր չէ անում բժիշկ Ռոստոմեանը, և զուցէ դրանք ապարդիւն էլ անցնէին: Նրա հիմնած Ընկերութիւնը անդակաւ նշանակութիւն ունէր, բայց ծրագրի բազմակողմանիութեամբ աչքի ընկնող: — Դպրոցներ, ուսանողներ, աղքատախնամութիւն, սպա և գրադարան — ընթերցարան, ահա այդ ընկերութեան զործոնէութիւնը, որով նա պատուաւոր անուն է հանում:

Պա առաջին հայ ընկերութիւնն էր, որ խոշոր գումարներ ունէր իր արամադրութեան տակ:

Նագարեանցի առաջարկութեան գլխաւոր կէտերից մէկը, հայոց գրականութիւնը, մոռացութեան տրուեց: Բայց դա ազդակող պահանջ էր, որ նկատի առնուեց 15—16 տարիներից յետոյ, երբ ընկերութիւններ սկսեցին հիմնուել Կովկասի գլխաւոր կենտրոնում՝ Քիֆլիսում:

---







Ի Տէր հանգուցեալ  
**Տ. Տ. Մ Ա Տ Թ Է Ո Ս Բ.**  
Վեհափառ Կարողիկոս Ամենայն Հայոց  
Հովանաւորոյ Խնամակալ Կ. Հ. Բ. Ընկերութեան:



Հ Ա Յ Ո Յ

ԲԱՐԵԳՈՐԾԱԿԱՆ ԸՆԿԵՐՈՒԹԻՒՆ

ԿՈՎԿԱՍՈՒՄ

---

ՇՐՋԱՆ ԱՌԱՋԻՆ

*Կանոնադրութիւն 1881 թուականի.*

## ԸՆԿԵՐՈՒԹԵԱՆ ՀԻՄՆԱՐԿՈՒԹԻՒՆԸ

Հայ ազգի պատմական ճակատագրի վրայ խոր ազդեցութիւն են գործել այն պատերազմները, որոնք դարերի սկզբից մղվում էին նրա հայրենիքում:

Տանիններորդ դարում այդպիսի խոր, յեղաշրջող ազդեցութիւն արել են երկու պատերազմներ, երկուսն էլ սկսուած ուսաների կողմից Պարսկաստանի և Թիւրքիայի դէմ: Այդ պատերազմները երկու դարազլուհներ են մեր ժամանակակից պատմութեան մէջ, դարազլուհներ, որոնք իրարից բաժանուած են ուղիղ յիսուն տարուայ ժամանակամիջոցով: Առաջին պատերազմը, որ անցի ունէր Արաբատեան երկրում, 1827 թուին էր: Երկրորդը, որի թատերաբեմն էր Թիւրքաց Հայաստանը, տեղի ունեցաւ 1877 թուականին:

Այս վերջին պատերազմը առաջինից աւելի նշանաւոր էր իր հեռանքով: Առաջին պատերազմով Անդրկովկասի հայութեան խոշորագոյն մասը ազատվում էր մահմեդական լուծից: Իսկ երբ եկաւ երկրորդ պատերազմը, մեր կեանքը իր յիսնամեայ բնական զարգացման ընթացքով առաջացրեց արդէն շատ խոշոր ազգային հարց, որ ոչ միայն քաղաքական մեծ նշանակութիւն ստացաւ, այլ և ուժեղ կուլտուրական շարժումների դրդապատճառ հանդիսացաւ:

Այդ հարցը թիւրքահայերի դրութիւնն էր: Նա դարձաւ պատերազմող կողմերի հաշտութեան պայմաններից մէկի առարկան: Նա չէր լուծվում, այլ նոր միայն հարց է դառնում միջազգային դիւանագիտութեան մէջ: Այդ հարցը իր սկզբնաւորութեան առաջին իսկ մօմենտից, պատերազմի ժամանակ և պատերազմից յետոյ, լարում է հայ

ժողովրդի բոլոր ոյժերը և քաղաքական նպաստաւոր սոցիալականների հովանու տակ առաջացնում է եռանդուն գործունէութիւն թէ մեզանում և թէ արևմտեան հայութեան մէջ:

Եւ այդ նպաստաւոր ժամանակը, 1877 — 1883, մի շարք նշանաւոր հասարակական երևոյթներ ստեղծեց մեզանում: Այդ անմոռանալի տարիներում հայ հասարակութեան ինքնագործունէութիւնը բեղմնաւոր է, մեր սղգային — կուլտուրական բոլոր գործօնները առաջադիմական մեծ մղումներ են ստանում: Մենք չունէինք ամենօրեայ մամուլ և ունեցանք այդ տարիներում: Մեր գրականութիւնը յանկարծ ծաղկեց, փարթամացաւ և ահադին ժողովրդակաւնութիւն ստացաւ: Մեր թատրոնը մինչև այդ չը տեսնուած մի շքեղ շրջանի մէջ մտաւ: Դպրոցական գործը զարգացաւ, գրաւեց ինտելիգենցիայի և հասարակութեան ուշադրութիւնը: Ժողովրդական կեանքի ուսումնասիրութիւնը գործող երիտասարդութեան իզէալը դարձաւ: Հայ հասարակութիւնը հասկացել էր, որ ինքնագործունէութեան բեղմնաւորութիւնը կախուած է նրա հայթայթած նիւթական միջոցներից: Եւ նուիրաբերութիւնները առատ թափվում էին այդ տարիները, մանաւանդ թիւրքահայերի օգտին:

Վերջապէս, նոյն այդ նշանաւոր ժամանակամիջոցում էր, որ թիֆլիսում կազմակերպուեցին մի քանի բարեգործական ընկերութիւններ. 1880-ին «Հրատարակչական Ընկերութիւնը», 1881-ին «Հայոց Բարեգործական Ընկերութիւնը Կովկասում» և 1882-ին՝ «Թիֆլիսի Հայունեաց Բարեգործական Ընկերութիւնը»:

Ժամանակը ինքն էր ծնել անհրաժեշտութիւնը, ժամանակն էլ ցոյց էր տալիս նրան բաւարարութիւն տալու միջոցները:

Ասացինք որ Կովկասի Հայոց Բարեգործական Ընկերութիւնը վերջնականապէս ձևակերպուեց, մարմին ստացաւ 1881-ին: Բայց նա յանկարծակի չը ծնուեց, նախն-

Թաց տարիներում նա ապրել և զարգացել էր իբրև գաղափար: Եթէ ուզում ենք այդ գաղափարի ծնունդը տեսնել, այն ժամանակ պիտի փոխադրուենք 1877-ի ամառը, երբ ուսաց և թիւրքաց թնդանօթները որտեղ էին պատեցրա՞վի դաշտում:

Յայտնի է, որ ամառը ուսանական դէնքը անաշտղութիւնների հանդիպեց և Ասիական Թիւրքիայում. ուսուցորաբաժինները այստեղ էլ ստիպուած եղան նահանջել դէպի իրանց սահմանները: Այդ զօրաբաժիններից մէկը, որ գործում էր Ալաշկերտի հովտում գեներալ Տէր-Ղուկասովի հրամանատարութեամբ, մի հերոսական նահանջ սկսեց, բերելով իր հետ դէպի ուսանական հողը և 3000 տուն հայեր, որոնք փախչում էին Ալաշկերտի հովտից:

Այդ ահագին գաղթականութիւնը ցրուեց Արարատեան դաշտում, ամառուայ խեղդող, նորեկների համար անսովոր սօթերին, վատառողջ կլիմայի մէջ: Նա կարօտ էր անմիջական օգնութեան, նա կոտորվում էր քաղցից ու հիւանդութիւններից: Հազարաւոր մարդկանց անելանելի դրութիւնը ցնցեց ամենից առաջ, ի հարկէ, հայ ազգաբնակչութիւնը: Թիֆլիսում կազմուեց մի յատուկ մասնաժողով, որ կարճ միջոցում խոշոր գումարներ հաւաքեց՝ դժբախտ Ալաշկերտացիներին օգնելու համար:

Սուր, ազդակող կարիքը յանկարծակիի էր բերել ուսասհայերին: Եւ ինքն ըստ ինքեան հարց էր ծագում ի՞նչ պէտքէ անել այգպիսի դէպքերի համար:

Օրուայ այդ հրատապ հարցերին պատասխանում էր տաղանդաւոր հրապարակախօս Գրիգոր Արծրունին իր «Մշակ» լրագրի մէջ: «Ուշ ենք հասկացել» վերնազրով առաջնորդողի մէջ նա գրում էր.

«Չէ կարելի չափոտալ որ, մեզ հայերիս սահասարակ յատուկ է միայն այն ժամանակ ձեռք տալ այդքտեսակ բարի գործերին (թշուառներին օգնելու համար փող հաւաքելուն), երբ, ինչպէս ասում են՝ դանակը ոսկորին է համուսւմ...»

...«Մտածեցէք ընթերցող, ինչպէս լաւ կը լինէր, եթէ մենք փոքր առ փոքր, տարիներով հաւաքելով գումարները թէ նուիրատուութեան միջոցով, թէ անդամակցական վճարքի ձևով, վաղուց արդէն կազմած ունենայինք մի կենտրոնական ընկերութիւն (օրինակ Թիֆլիսում), Մարդասիրական Ընկերութեան պէս, միայն աւելի լայն, աւելի ընդարձակ պրօգրամայով, որ նշանաւոր գումարներ իր ձեռքումն ունենալով, կարող էր հարկաւոր ժամանակ օգնութիւն հասցնել հայոց հասարակութեան այս կամ այն տառապեալ մասին, նուիրել իր մայր գումարի տոկոսներէից այս կամ այն տեղի հայ սովատանջներին կամ հրդեհից վնասուածներին, օժանդակել այս կամ այն օգտաւէտ ձեռնարկութեանը, պահպանել կատարեալ անկումից այս կամ այն ինչ ուսումնարանը...»

«Վաղուց հարկաւոր էր մտածել այդ տեսակ մի ընկերութիւն կամ մասնաժողով ունենալ, լայց եթէ մինչև այժմ ոչ որ այս բանի վրա չը մտածեց,—այդ չէ նշանակում, որ այսուհետև էլ չը պէտք է մտածենք այդ տեսակ ձեռնարկութիւնը իրագործելու»<sup>1)</sup>։

Ժողովրդական աղէտը, յանձին Ալաշկերտի գաղթականութեան, վերանորոգում էր մեր մամուլի մէջ մի ընդհանուր և ընդարձակ բարեգործական կազմակերպութեան գաղափարը, որ իր հիմնական արտոնագրութիւններով Ստեփաննոս Նազարեանցի ծրագրի ոգին էր կրկնում։

Ալաշկերտցի գաղթականների մեծամասնութիւնը հաւաքուած էր էջմիածնում։ Այդտեղ վանքի բժշկի ժամանակաւոր պաշտօն էր վարում երիտասարդ Բագրատ Նաւասարդեանը, վաղարշապատցի, որ Պետերբուրգի զինուորական - բժշկական ակադեմիայի հինգերորդ կուրսի ուսանող էր, նա էր բժշկական օգնութիւն հասցնում գաղթականներին<sup>2)</sup>։ Եւ թշուառութեան ծովի մէջ նա զգաց թէ որքան անհրաժեշտ է կազմակերպուած օգնութիւնը այսպիսի դէպքերում։ Նրան էլ վերապահուած էր

<sup>1)</sup> Տես իմ «Գրիգոր Արծրունի» Հատ. Բ. Թիֆլիս 1903, էր. 532.

<sup>2)</sup> Հանգուցեալ Բաֆֆին բժշկի կատարած դերը նկարագրել է իր նըշանաւոր «Խենթը» վէպի մէջ Տ. Գլ. 1է.



ընդհանուր հայկական բարեգործական ընկերութեան միտքը իրագործելու պատիւը:

Պատերազմից անմիջապէս յետոյ, ուստահայ մամուլի և հասարակութեան ուշադրութիւնը գրաւեցին թիւրքահայ բարեգործական ընկերութիւնները: Գրանցելից մէկը, որ հիմնուած էր 1876-ին և կոչվում էր «Արարատեան Ընկերութիւն» թիւրքաց Հայաստանում գլխոյնը պահելու նպատակն ունէր: Հէնց այն հանգամանքը, որ հիմնարկութիւնը պիտի ծառայէր ազէտ ու հարստահարուող գաւառական հայութեան, բաւական էր, որ այդպիսի մի ժամանակ, երբ նոյն հայութեան փրկութեան հարցն էր դարձել ընդհանուր ոգևորութեան առարկայ, մեծ համակրանք ստեղծուի ուստահայերի մէջ գէպի «Արարատեանը»: Թիֆլիսի լրագիրները սկսեցին նուէրներ հաւաքել յօղուս այդ ընկերութեան և միայն «Մշակ» լրագիրը երկու տարուայ ընթացքում հաւաքեց մօտ 13 հազար բուրլի<sup>1)</sup>:

Բացի այդ ընկերութիւնից, Կ. Պօլսում գործում էին և «Կիլիկեան» ու «Գլորոցասիրեաց Արևելեան» ընկերութիւնները, որոնք նոյն կըթական նպատակն ունէին գաւառներում: Կազմվում էին և զանազան նոր ընկերութիւններ: Գոյութիւն ստացաւ նոյն իսկ երեխաների ընկերութիւն— «Միութիւն Մանկանց»: Այդ ընկերութիւնները յոյս էին դրել և ուստահայերի աջակցութեան վրայ: Եւ իրաւ, արամազրութիւնը մեր կողմերում այնքան նպաստաւոր էր, որ մի վարդապետ, Ամբրոսիոս անունով, կարողացաւ մի շատ խոշոր գումար հանգանակել ուստահայերի մէջ յանուն մի ինչ-որ երագական, երբէք գոյութիւն չը ստացած գլորոցի:

Ռուսահայ մամուլն աջակցում էր այդ բարենպատակ ընկերութիւններին, բայց միևնոյն ժամանակ պահանջում էր, որ նրանք ցրուած ոյժերով չաշխատեն, այլ միանան,

<sup>1)</sup> «Մշակ» 1880, № 17.

որպէսզի կարողանան աչքի ընկնող գործունէութիւն ցոյց տալ: Այդ պահանջներն այնքան ստիպողական էին, որ «Արարատեան», «Կիլիկեան» և «Գարոցասիրաց» ընկերութիւնները միացան 1880-ին և կոչուեցին «Միացեալք Ընկերութիւնք Հայոց»:

Եւ այսպէս, հասարակաց միտքը շարունակ զբաղուած էր բարեգործական ընկերութիւնների կազմակերպութեան, նրանց նիւթապէս օժանդակելու հարցերով:

Այդ տրամադրութեան վրայ աւելացան և բնական աղէտները. — Անդրկովկասում 1879—1880 թուականներին հացի սաստիկ թանգութիւն էր և տարածուել էին տարափոխիկ հիւանդութիւններ: Բայց տեղական այդ պատահարները այնքան չէին զբաղեցնում Ռուսաստանի հայութեանը, որովհետև դարձեալ Թիւրքաց Հայաստանն էր, որ կլանեց ընդհանուր ուշադրութիւն:

Ասիական Թիւրքիայում տարածուեց սաստիկ սով, Կ. Պօլսում, Ներսէս պատրիարքի նախագահութեամբ, կազմուեց յատուկ «Սովելոց Յանձնաժողով»: Աշխարհի բոլոր կողմերից, նոյն իսկ օտար վեհապետներից, նուիրատուութիւններ եկան յօղուտ սովատանջ թիւրքահայերի: Ռուսահայերի մէջ նորից հանգանակութիւն սկսուեց թիւրքահայերի համար: Թէ ինչպէս էին վերաբերվում ուսանայերը այդ մեծ աղէտին, ցոյց է տալիս այն, որ միայն «Մշակ» լրագիրը հաւաքեց 30 հազար ըուբլուց աւել: Սովատանջ հայերը արդէն սկսել էին գաղթել, և Թիֆլիսի փողոցներում շատ գաղթականներ մուրացկանութիւն էին անում:

Ահա այսպիսի մի ժամանակ, այնքան հանգամանքների ազդեցութեան տակ, պիտի նորից և նորից զգացուէր ընդհանուր մի հայկական բարեգործական ընկերութիւն հիմելու անհրաժեշտութիւնը: Մ'նում էր, որ նախաձեռնողներ, գործ սկսողներ զուրս գան:

Հրապարակում երևաց բժիշկ Բ. Նաւասարդեանը: 1879 թուականին նա ուղարկուած էր Անդրկովկասի արև-

ելեան կողմերը, ուր երևացել էր մի տարափոխիկ հիւանդութիւն: Գիւղացի անօգնական ազգաբնակիւթիւնը, նրա անասման ազիտութիւնը, խեղճութիւնը այնքան ազգել էին բժիշկ Նաւասարդեանի վրայ, որ Թիֆլիս վերադառնալուն պէս նա հաղորդեց իւր տեսածները մի քանի տնձանց, աւելացնելով, որ լրագրներում նկարագրածները իւր տեսածներէ 1/4 էլ չէր կազմում և այդ պատճառով նա ցանկութիւն յայտնեց հաստատ հիւմանց վրայ կազմել մի «Հայկական» մշտական ընկերութիւն ազգի ցաւերին դարման տանելու համար 1):

Իր այս միտքը նա նախ և առաջ մամուլի էջերում է երևան հանում և «Մշակի» մէջ ղետեղում է երեք յօդուած, որոնք տպւում են իբրև առաջնորդող յօդուածներ՝ «Օրվայ կենսական հարց» ընդհանուր վերնագրի տակ 2):

«Հայոց ազգային պատմութիւնը այսօր ներկայացնում է մի ճգնաժամ,—գրում էր բժ. Նաւասարդեանը իր առաջին յօդուածում.—Հիւանդ մարդի ճգնաժամի նման դա կարող է կամ մահացնել կամ կենդանացնել:

«Այսօր պէտքէ մի մեծ խորհուրդ կազմել: Մեր հիւանդին օգնութիւն հասաւ մեծափառ Կայսրը, Անգլիայի ուղեցոյցը, Գաղղիայի հանրակալը, իսկ մե՛նք, իսկ մե՛նք...»

«Մենք ննջե՛նք: Եթէ ոչ յանուն ազգութեան, կամենաք յանուն մարդկութեան, յանուն մարդասիրութեան: Հայոց պատմութիւնը կարդալուց մարդ ամենից շատ վշտանում է նրա վրայ, որ իրանք հայերը գործը իր ժամանակին չեն կատարել: «Ա՛խ, ստուսեա, թէ ես ապրէի այս ինչ ըրպէիս, տես թէ ես ի՛նչ կա՛նէի»: Ի՞նչ էք կարծում պարոններ, այս օրուայ օրը, հէնց «տես թէ ես ինչ կանէի» անելու ժամանակն է:

Հայոց վշտերը իրանց զենիթին են հասել: Չեր ձեռքերը բաց են, ազատ են գործելու, ձեր՝ դարերով խեղդուած զբացմունքը այսօր կարող են ելք գտնել: Պատմութիւնը ինքն է ձեր ձեռքը դէնք տալիս, այդ զէնքը ձեր ազգի թշուառութիւններն են: Գի-

1) «Մեղու Հայաստանի» 1881 թ., № 4.

2) «Մշակ», 1880, №№ 87, 88, 124.

տացէք օգուտ քաղել հայ ազգի մանկտեաց սառը դիակներէց: Բաւական են զոհեր, բաւական է արիւնը: Ձեր ցանկութեանցը նպատակ դրեցէք և սահման, ձեր գործոցը մի ընդհանուր թել, ձեր ուժերին խելացի գործադրութիւն:

«Երկար խօսելը մեզ շատ հեռու կը տանի, ես կառաջարկեմ միայն այն, որ ամենամահաբաժնուն է, որը առաջանում է Հայաստանի հայերի ներկայ թշուառ դրութիւնից:

«Ժողովուրդն քանիմաց անձինք, կազմեն մի մեծ ընկերութիւն, որորմած Կայսեր հովանաւորութեան ներքոյ, օգնելու թշուառ հայերին, ուր եւ լինէին նորա:

«Այդ ընկերութիւնը լինի սիրտ, որից բղխելով կենսաբեր երակները, կը թափանցեն ամենուրեք, ուր կայ հայի «Ա՛խ»: Այդ ընկերութիւնը լինի հեղինակ և պատկառելի լինի ամեն հայի համար:

«Այդ ընկերութեան այսօրուայ գործն է ուզարկել անձինք տեղեկանալու Վանայ և շրջակայից ներկայ գրութեան և այն միջոցների մասին, որոնք յարմարաւոր գտնուին անմիջապէս առաջարկելու:

...«Շտապենք. դանդաղ գործելը եթէ ներելի է, միայն այն ժամանակ, երբ պատմութիւնը իր բնական դանդաղ քայլերովն է ընթանում, բայց այսօր ճգնաժամէ, ամեն մի բոլակ, ամեն մի վարկեանը անդառնալի կորուստ պէտքէ բերի ազգին. խեղճ և հայոց ազգը, ձեռքից գնումէ, ժամ է օգնելու: Շտապենք, շտապենք»:

Ինչպէս տեսնումէք, ստիպողը, մտրակողը, միշտ օրուայ տագնապն էր, Թիւրքաց Հայաստանի աղէտը:

Բ.Բ. նաւասարդեանը քարոզից անցնումէ գործի: Նա կազմումէ ընկերութեան ծրագիրը շատ ընդարձակ չափերով, գրումէ կանոնադրութիւնը և տալիս է երդուեալ հաւատարմատար Սենեքերիմ Արծրունուն, որ նա իբր իրաւաբան, խմբագրէ իրաւաբանական յատուկ լեզուով: Ապա այդ խմբագրուած կանոնադրութիւնը նա ենթարկում է մի խումբ անձանց քննութեան, որոնք յատկապէս հրաւիրուած էին այդ նպատակով Պաշտուր Պաշտուրեանի (այժմ «Тифлисский Листокъ» լրագրի խմբագիր) բնակարանը:

Այստեղ, այս առաջին մասնաւոր ժողովում, ծագում են տարաձայնութիւններ, հակաճառութիւններ, ոչինչ զրական աշխատանք չի կատարւում:

Բայց սա անյաջողութիւն չէր, որովհետեւ այս նոյն ժողովին մասնակցում էր մեր տաղանդաւոր թատերադրող Գաբրիէլ Սունդուկեանը, որ մեծ համակրութեամբ, ջերմապէս փարեց ընկերութեան գաղափարին:

Այդ օրից Սունդուկեանը դառնում է բարեգործական ընկերութեան ամենաեռանդուն գործիչներից մէկը: Բժ. Նաւասարդեանը և նա սկսում են նորից մշակել կանոնադրութիւնը ամառուայ տօթերին:—Գ. Սունդուկեանը առատ նիւթեր հաւաքեց մի լաւ կանոնադրութիւն կազմելու համար. Ռուսաստանի բոլոր յայտնի ընկերութիւնների կանոնադրութիւնները, պատշաճաւոր օրէնսդրութիւնները հաւաքուած ու դարսուած էին Սունդուկեանի սեղանի վրայ, սենեակի անկիւններում <sup>1)</sup>:

Նորից սկսուեց աշխատանքը: Երկուսով խմբագրուեց կանոնադրութիւնը, որի համար օրինակ վերցուեց զլիսաւորապէս Կարմիր Սաչի ընկերութեան կանոնադրութիւնը: Նոյն 1880-ի վերջերում Թիֆլիսի հայոց առաջնորդարանում կայացաւ մի ժողով, ուր կային 40 հոգի թիֆլիսեցիներ, զլիսաւորապէս ինտելիգենս և վաճառական դասակարգից:

Այդ ժողովում Գրիգոր Եպիսկոպոս Աղափերեանը կարգաց ներսէս պատրիարքի մի նամակը, որի մէջ Թիւրքիայի հայոց այդ հռչակաւոր ներկայացուցիչը յայտնում էր, թէ սովը Հայաստանում չէ վերջացել ու դարձեալ օգնութեան կարիք է զգացվում: Ժողովականները ստորագրեցին 9 հազար բուբլի:

Օգտուելով յարմար առիթից, բժ. Նաւասարդեանը

<sup>1)</sup> Տես իմ «Գովախի հայոց բարեգործական ընկերութեան տասնամակը» «Տարազ» 1891, № 48.

ներկայացրեց Աղափերեան եպիսկոպոսին Բարեգործական Ընկերութեան կանոնադրութիւնը ու խնդրեց ենթարկել այն ժողովի քննութեան:

Ժողովը, համակրութեամբ վերաբերուելով զազափաբին, ընտրեց իր միջից 13 հոգուց բաղկացած մի խումբ. բժ. Բ. Նաւասարդեան, Ս. Արծրունի, Գ. Սունդուկեան, Յ. Զիթախեան. Ա. Մանթաշեան, Վ. Մութաֆեան, Ս. Մելիք Մեհրաբեան, բժ. Ա. Բաբայեան, Գ. Եւանգուլեան, Ա. Յովհաննիսեան, Ա. Եղեկեան, Ա. Նահապետեան և Զ. Գրիգորեան: Սրանցից առաջին երեքը կանոնադրութիւն մշակողներն էին, իսկ մնացած 10-ը պիտի քննէին կանոնադրութիւնը <sup>1)</sup>:

Քննութիւնը լաւ համարուեց կատարել աւելի բազմամարդ ժողովի ձեռքով: Ուստի, թէ առանձին տպուած թերթիկներով և թէ լրագրութեան միջոցով տարածուեց հետևեալ «ծանուցումը»:

«Այն անձինք, որոնք ցանկանում են մասնակցել Հայ — Բարեգործական Ընկերութեան կազմուելուն, հրաւիրում են շնորհ բերել այս մասին արդէն գրած կանոնադրութեան նախագիծը քննելու համար պ. Արծրունու թատրոնը, ներկայ յունուար ամսոյս (1881) 4-ն, կիրակի, 11 ժամին...»

Նշանակուած օրը հաւաքուել էին քիչ մարդիկ, ընդամենը 50 — 60 հոգի. կանոնադրութեան մշակող երեք անձանց կողմից Ս. Արծրունին զեկուցեց ժողովին գործի էութիւնը: Ժողովը նախագահ ընտրեց բժ. Նաւասարդեանին և սկսեց կանոնադրութեան քննութիւնը: Երկրորդ նիստը կայացաւ յունվարի 25-ին, արդէն 90 հոգու մասնակցութեամբ: Այնուհետև կայացան դարձեալ երեք նիստեր, նախագահողը միշտ բժ. Նաւասարդեանն էր <sup>2)</sup>: Վերջին

<sup>1)</sup> «Մեղու Հայաստանի», 1881 №Ն 4, 7.

<sup>2)</sup> Մանրամասնութիւնները տես «Մեղու Հայաստանի» 1881, № Ն 4, 7,

ժողովում, մարտի մէկին, ընտրուեցին 5 հոգի՝ բժ. Նաւասարդեան, բժ. Մ. Շահ-Պարոնեան, իշ. Ն. Ամատունի, Գ. Սունդուկեան և Ս. Մելիք Մեհրաբեան ընդունուած կանոնադրութիւնը կառավարութեան ներկայացնելու և նրա հաստատումը խնդրելու համար:

Ի՞նչ տեսակ կանոնադրութիւն էր դուրս եկել ժողովների քննութեան բովից:—Նպատակը չափազանց ընդարձակ էր: Այն է՝ «նպատել լուսաւորութիւն տարածելուն հայոց մէջ՝ Ռուսաց պետութեան սահմաններում և նիւթապէս օգնել նրանց և Ռուսաց պետութեան սահմաններից դուրս գտնուող հայերին բացի նիւթապէս օժանդակութիւն անելուց՝ լուսաւորութիւն ևս տարածել նոցա մէջ»: Ընկերութիւնը ունենում է ճիւղեր զանազան տեղերում:

Մի ծրագիր, որ գերազանցում էր Ստեփաննոս Նազարեանցի առաջարկութեանն անգամ:

## II.

### ՎԱԻԵՐԱՑՈՒՄ ԵՒ ԲԱՑՈՒՄ

Ընկերութեան գաղափարը և նպատակը մեծ համակրանք գտաւ թ' է հասարակութեան և թէ տեղական հայ ու օտար մամուլի մէջ:

Ահա ինչ էր գրում պաշտօնական „Кавказъ“ լրագիրը առաջին ժողովի առիթով:

«Յանկանալով կատարեալ աջողութիւն այդ գեղեցիկ գործին, որ սկսել են մեր ինտելլիգենտ հայերը, մենք չենք կարող չ'չայտնել մեր համակրանքը առաջին ընդհանուր ժողովին այն պատճառով, որ նա ընդունեց մի այնպիսի մարդասիրական դաղափար, որ արտայայտուած էր առաջարկած ծրագրի առաջին յօդուածի ճանօթութեան մէջ: Եւ իսկապէս, ժողովրդական թշուառութիւնների, այն է՝ սովի, համաճարակ հիւանդութիւնների ժամանակ

բաժանած նւթական օգնութիւնը ի՞նչ մի ապահովութիւն կարող է լինել, թէ այդ չարիքներէց մէկն ու մէկը աւելի զօրեղ կերպով չի նորոգուի, եթէ ժողովուրդը, ազիտութեան մէջ կոշտանալով, զըրկուած չը մնայ իր անտեսական գրութիւնը բարեքելու միջոցներէց: Մենակ նւթական օգնութիւնը, որ տրվում է առանց բարձրացնելու ազգաբնակչութեան մտաւոր և բարոյական մակերևոյթը, ինչպէս նկատել էին մասնաժողովի մի քանի անդամները, կարող է հետևանք բերել ծուլութիւնը, անտարբերութիւնը, մուրացկանութիւնը, մի խօսքով բարձրերի կազմալուծումը»<sup>1)</sup>:

Իսկ «Кавказский Курьер» լրագիր գրում էր:

«Վերջին երկու երեք տարիները բաւական նշանաւոր ժամանակամիջոց էին կազմում հայերի ազգային շարժման վերաբերութեամբ: Այդ շարժման գլխաւոր երևոյթներից մէկը պէտք է համարել Հայոց Բարեգործական Ընկերութիւնները:

Հայոց Բարեգործական Ընկերութեան պրօգրամը պարունակում է ամեն տեսակ հոգսեր հայերի կրթական և բարոյական առաջադիմութեան համար: Այդ ընկերութեան հիմնուելը համակրութեամբ ընդունուեցաւ բոլոր լուսատուրուած հայերի կողմից և այդ համակրութիւնը նշանաւոր գրաւական կարող է լինել նոր ընկերութեան գործունէութեան համար<sup>2)</sup>:

Նոյնպիսի համակրութեան արժանացաւ ընկերութիւնը և Կովկասի կառավարութեան բարձր շրջաններում: Փոխարքայ մեծ իշխ. Միխայիլը հաճութիւն տուեց, որ հաստատուի կանոնադրութիւնը այն պայմանով, ի հարկէ, եթէ նա կրվեաբարուի փոխարքայութեան սահմաններում գտնուող երկիրներին: Հակառակ դէպքում, այսինքն եթէ ընկերութեան ծրագիրը պահպանուի անփոփոխ, պէտք է, խնդրել բարձրագոյն թոյլտւութիւն: Այս պատճառով, որոշուեց ընկերութեան գործունէութիւնը ամփոփել միայն Կովկասի սահմաններում:

Եւ ընկերութեան անունն էլ փոխուեց այսպէս «Հայոց Բարեգործական Ընկերութիւն Կովկասում»:

1881 թուականի յուլիսի 6-ին փոխարքայ մեծ իշխա-

<sup>1)</sup> «Кавказъ» 1881 № 4.

<sup>2)</sup> «Մշակ» 1881 № 26.



նի բացակայութեան պատճառով, նրա պաշտօնակատարը, գէներալ-ադիւտանա իշխան Մելիքովը հաստատեց ընկերութեան կանոնադրութիւնը, որ և հրատարակուեց „Кавказъ“ լրագրի պաշտօնական բաժնում, Հոկտեմբերի 16-ին <sup>1)</sup>։

## ԿԱՆՈՆԱԴՐՈՒԹԻՒՆ

### ՀԱՅՈՅ ԲԱՐԵՅՈՐԾԱԿԱՆ ԸՆԿԵՐՈՒԹԵԱՆ ԿՈՎԿԱՍՈՒՄ

§ 1. Ընկերութեան նպատակն է նպաստել լուսաւորութեան տարածմանը Հայերի մէջ Կովկասում և Անդրկովկասում և օգնել նոցա նիւթականապէս։

§ 2. Այս նպատակին հասնելու համար Ընկերութիւնը, ըստ իւր ոյժերի զարգացման՝

ա) պահպանում է արդէն գոյութիւն ունեցող Հայոց ուսումնարանները և նիւթականապէս նպաստում է նորերը հիմնելուն.

բ) օժանդակում է ժողովրդի մէջ արհեստների տարածմանը.

գ) օգնում է ուսանողներին իւրեանց ուսման ասպարիզի մէջ.

դ) լոյս է ընծայում զբքեր և պարբերական հրատարակութիւններ ժողովրդի ընթերցանութեան համար, նոյնպէս և այլ գրականական երկասիրութիւններ.

ե) հիմնարկում է տպարաններ, վիճագրատներ և գրադարան—ընթերցարաններ.

զ) հիմնարկում է հիւանդանոցներ և այլ բարեգործական հաստատութիւններ.

է) օգնում է տոռապետներին ժողովրդական թշուառութիւնների ժամանակ, որպիսիք են՝ սով, տարափոխիկ ախտ, հրդեհ և այլն։ Այսպիսի դէպքերում, ըստ պահանջման հարկի, կազմում է առողջապահական մասնախմբեր, կամ ուղարկում է իւր կողմից հաւատարմատարներ.

<sup>1)</sup> „Кавказъ“ 1881, № 227.

ը) իրաւունք ունի կարևոր դէպքերում նպաստել և այլ ազգօգուտ ընկերութիւններ:

Ծանօթորիւն: Վերոյիշեալ այն կէտերի վերաբերմամբ, որոնց մասին օրէնքով պահանջվում է կանխապէս ունենալ պատշաճաւոր իշխանութեան թոյլտվութիւնը, Ընկերութիւնը սկսում է իրազորել իւր ձեռնարկութիւնները այդ թոյլտվութիւնն ստանալուց յետոյ:

### ԸՆԿԵՐՈՒԹԵԱՆ ՄԻՋՈՑՆԵՐԸ

§ 3. Ընկերութեան միջոցները կազմում են՝

ա) անդամների տարեկան վճարները.

բ) միանուագ նուէրներ զբամով, իրեղէններով և ամենատեսակ ստացուածքով.

գ) գումարներ, որոնք զոյանում են հրատարակական դասախօսութիւններից, երաժշտական հանդէսներից, թատրօնական ներկայացումներից և այլն, ըստ օրինակի այլ ընկերութեանց, նոյնպէս և զբքերի, պարբերական հրատարակութիւնների և առհասարակ ամենատեսակ ստացուածքների վաճառումից, Ընկերութեան որոշման համաձայն:

### ԸՆԿԵՐՈՒԹԵԱՆ ԻՐԱՆՈՒՆՔՆԵՐԸ

§ 4. Ընկերութիւնը իւր գործունէութիւնը ընդլայնելու համար վայելում է ամեն կառավարչական հաստատութիւնների և անձանց օրինաւոր աջակցութիւնը:

§ 5. Ընկերութիւնը կարող է ունենալ հանգանակութեան տուփեր եկեղեցիների մէջ Հայոց հոգևոր իշխանութեան համաձայնութեամբ:

§ 6. Ընկերութիւնն ունի առանձին կնիք և զրոյն այս վերնադրով՝ «ԸՅՅՈՅ ԲԱՐԵԳՈՐԾԱԿԱՆ ԸՆԿԵՐՈՒԹԻՒՆ ԿՈՎԿԱՍՈՒՄ»

§ 7. Ընկերութիւնը կարևոր դէպքերում իրաւունք ունի լրացնել կամ փոփոխել սոյն այս կանոնադրութիւնը պատշաճաւոր իշխանութեան թոյլտվութեամբ:

### ԸՆԿԵՐՈՒԹԵԱՆ ԿԱԶՄԱԿԵՐՊՈՒԹԻՒՆԸ

§ 8. Ընկերութիւնը կազմում են՝

ա) պատուաւոր,

բ) մշտական և

գ) գործադիր անդամներ:

Այս կոչումները կրում են երկու սեռի անձինք ևս: Անդամների թիւը սահմանափակած չէ:

§ 9. Պատուաւոր անդամներ կարող են ընտրուիլ Ընկերութեանը առանձին ծառայութիւններ ցոյց տուող անձինք: Այդ ընտրութիւնը կատարում է Ընկերութեան ընդհանուր ժողովը, խորհրդի առաջարկութեամբ:

§ 10. Մշտական անդամներ համարվում են Ընկերութեանը միանուագ ոչ պակաս քան երեք հարիւր բուբլի նուերող անձինք:

§ 11. Գործադիր անդամի կոչումն կրում են տարեկան հինգ բուբլի վճարողները:

§ 12. Պատուաւոր անդամներին տրվում է Ընկերութիւնից պատշաճաւորապէս ստորագրուած և կնիքով դրոշմած վկայաթղթեր:

§ 13. Բոլոր անդամները, ինչ կոչման և լինին, ունին ձայնի իրաւունք ընդհանուր ժողովների մէջ, ուր և կայանան այդ ժողովները, եթէ միայն անձամբ ներկայ են այնտեղ:

§ 14. Ընկերութեան անդամները հատուցանում են իւրեանց վճարը նոյն իսկ անդամ գրուելիս: Տարեկան և միանուագ վճարների եղանակը որոշուած է 28-դ §-ում:

§ 15. Այն անդամները, որոնք չորս ամսուայ ընթացքում չեն հատուցել իւրեանց տարեկան վճարը, հրաժարուած են համարվում և կրկին ընդունվում են, երբ վերստին նորոգում են նոյն վճարը:

### ԸՆԿԵՐՈՒԹԵԱՆ ՎԱՐՉՈՒԹԻՒՆԸ

§ 16. Ընկերութեան գործերը վարում են՝ Ընկերութեան Սորհուրդը և տեղական վարչութիւնները: Սորհուրդը գտնվում է Տիփլիսում, իսկ տեղական վարչութիւնները Կովկասի և Անդրկովկասի այլ քաղաքներում ու տեղերում, ուր այդ հնարաւոր կըլինի և Սորհուրդն օգտաւէտ կըհամարէ (§ 18):

§ 17. Բացի նախընթաց 16-դ §-ի մէջ նշանակուած Սորհուրդը և տեղական վարչութիւնները, Ընկերութեան յաջողակ զարգացման համար՝ նորա գործունէութեան զանազան ճիւղերի մէջ, կազմվում են տեղական մասնաժողովներ սակաւաբնակ տեղերում և ուր սնկարկի է բանալ տեղական վարչութիւն:

§ 18. Տեղական վարչութիւնները կազմվում են՝ երբ երկու սեռի ամենատեսակ անդամներ թիւը 15-ի է հասնում և երբ իւրեանց գործողութիւններն սկսելու համար Սորհրդից թոյլատու-

թիւն են ստանում: Իսկ տեղական մասնաժողովները բացվում են, որքան անգամ և ունենան, երբ տեղական վարչութիւնների միջնորդութեամբ այդ մասին իրաւունք են ստանում Սորհրդից: Ուր որ տեղական վարչութիւն չկայ, Սորհրդի համաձայնութիւնը կարելի է ստանալ անմիջապէս:

§ 19. Տեղական վարչութիւնները և մասնաժողովները՝ ստանալով Սորհրդից իւրեանց գործողութիւնն սկսելու թոյլտուութիւնը, հաղորդում են այդ մասին տեղական իշխանութեանը:

§ 20. Ընկերութեան վարչութիւնների բոլոր անդամները, թէ՛ Տփխիսում և թէ՛ Տփխիսից դուրս, ձրի են կատարում իւրեանց պարտաւորութիւնները, բացի այն դէպքերից, որոնք Ընկերութեան Սորհուրդը վարձատրութեան արժանի կըզանէ:

§ 21. Ընկերութեան բոլոր գործիչները պարտաւորութիւնն է՝ դարգացնել նորա գործունէութիւնը, աճեցնել նորա միջոցները և որքան հնարատր է խնայողութիւն պահպանել, զգուշանալով աւելորդ ծախքերից: Այս գործիչների կազմակերպութիւնը և նորանց պարագմունքների շրջանը բացատրուած է հետևեալ §§-ներում:

### ԸՆԿԵՐՈՒԹԵԱՆ ԽՈՐՀՈՒՐԴԸ

§ 22. Սորհուրդը վարում է Ընկերութեան բոլոր գործերը:

§ 23. Սորհուրդը կազմվում է Տփխիսի ընդհանուր ժողովից ընտրուած ինն անդամներից և հինգ փոխ—անդամներից: Այդ ինն անդամները ընտրում են իւրեանց միջից նախագահ և փոխ-նախագահ, որը վարելու է առաջինի պաշտօնը՝ նորա բացակայութեան ժամանակ:

§ 24. Սորհուրդը իւր պատասխանատուութեան ներքոյ ընտրում է իւր միջից կամ Ընկերութեան միւս անդամներից մի քարտուղար և մի զանձագահ:

§ 25. Սորհրդի նախագահը և անդամները ընտրվում են երկու տարով: Ամեն տարուայ վերջում Սորհրդի անդամների կէսը թողնում է իւր պաշտօնը հերթով, իսկ նոցա տեղերը բռնում են նոր ընտրուածները, որոնք կարող են լինել և դուրս գնացողներից:

Ծանօթութիւն: Այս կանոնադրութեան գործադրութեան օրից մի

տարի յետոյ՝ Սորհրդի անդամների կէսը հետանում է վիճակով:

§ 26. Սորհուրդն, իրրև Ընկերութեան կենդրոնական հիմնարկութիւն, ղեկավարում է նորա բոլոր գործողութիւնները դէպի պատշաճաւոր միութիւն, համապատասխան նորա գոյութեան նպատակին:

§ 27. Խորհուրդը կենդրոնացնում է իւր մէջ տեղական վարչութիւնների և մասնաժողովների կայքի, գրամապլուխների և այլ միջոցների վերաբերեալ բոլոր տեղեկութիւնները և կարգադրում է այդ միջոցները իւր նախահաշուին կամ ընդհանուր ժողովի վճիռներին համաձայն:

§ 28. Խորհուրդը ընդունում է անդամների վճարները և գրամական նուէրները, մուծանկելով այդ առանձին մատեանների մէջ և տալով նոցանից կարած անդորրագիր, զանձապահի ստորագրութեամբ:

§ 29. Խորհրդարանը, տեղական վարչութիւնները և տեղական մասնաժողովները մտնող գումարները, ըստ իւրեանց նշանակութեան, բաժանվում են երեք տեսակի՝

ա) Ծախուց գումարներ, որոնք Ընկերութեան ընթացիկ ծախքերի համար են որոշուած:

բ) Անձեռնմխելի գումար, որը կազմելու համար պահվում է ամենայն տարի Ընկերութեան եկամուտներից հինգ տոկոս, հանելով կանխապէս ընթացիկ ծախքերը:

գ) Յատուկ գումարներ, որոնք նուիրողի կողմից մի առանձին որոշ նպատակի են յատկացրած:

Ծանօթութիւն: Յատուկ գումարները, որոնք առանձին նպատակների են յատկացրած, կարող են ծախսուիլ միայն այն ժամանակ, երբ նորանցով միանգամայն ապահովվում են նուիրատուներից նախագծուած գործադրութիւնները: Հակառակ դէպքում այդ գումարները անձեռնմխելի են պահվում, մինչև որ կազմուին բաւարար և նպատակները ամբողջապէս ապահովացնող միջոցներ: Յատուկ գումարները Խորհրդի հաշուի մէջ միւս գումարներից առանձին են նշանակվում:

§ 30. Իւրաքանչիւր տարուայ վերջին Խորհուրդը կազմում է նախահաշիւ Ընկերութեան յաջորդ տարուայ ծախուց համար և այդ նախահաշիւը առաջարկում է Տիփխում ընդհանուր ժողովի հաստատութեանը ց15-ն Գեկտեմբերի (§ 44):

§ 31. Խորհրդարանը մտնող գումարները տրվում են պետական կամ մասնաւոր բանկեր ցպահանջումն կամ ընթացիկ հաշուով, նայելով թէ ո՞րն է աւելի օգտաւէտ և աշխատելով որքան կարելի է Խորհրդարանում պահել ոչ աւելի քան հինգ հարիւր բութի:

§ 32. Խորհուրդն ունի իրաւունք՝

ա) իւրեան տուած իշխանութեան սահմանների մէջ կապել ամենատեսակ պայմաններ և դաշինքներ,

և բ) դատ բանալ՝ ուր հարկն է, Ընկերութեան գործերի վերաբերութեամբ և պաշտպանել նորա շահերը իւր հաւատարմա-

տարները ձեռքով, որի համար և սալ նոցա իւր կողմից առանձին հաւատարմաթուղթ:

§ 33. Ընկերութեան գործերը վերաբերութեամբ Սորհուրդը հազորդակցում է բոլոր կառավարչական և հասարակական հիմնարկութիւնների հետ:

§ 34. Սորհրդի պարապմունքներն անընդհատ են, իսկ նորա նիստերի օրերը որոշվում են ըստ պահանջման հարկի:

§ 35. Որպէս զի Սորհրդի վճիռներն օրինաւոր համարուին, անհրաժեշտ է ոչ պակաս քան հինգ անդամների ներկայութիւնը. սոցա թւումն է և նախագահը կամ փոխ-նախագահը: Այս անդամների որ և իցէ մէկի բացակայութեան դէպքում, նախագահը հրաւիրում է փոխ-անդամներին հերթով:

§ 36. Վճիռները կայանում են ձայների առաւելութեամբ, որոնց հաւասարութեան դէպքում նախագահի կամ նորա փոխանորդի ձայնը տալիս է առաւելութիւն: Այդ վճիռները գործադրվում են նախագահի ստորագրութեամբ և քարտուղարի վաւերացմամբ:

§ 37. Ընկերութեան գործերին վերաբերեալ բոլոր արձանագրութիւնները և պայմանագրերը, նոյնպէս գումարների պահանջումը փոխատու հիմնարկութիւններից և առ հասարակ այն տեղերից, որոնց յանձնուած է Ընկերութեան դրամադլխի պահպանութիւնը, նմանապէս և Ընկերութեանը պատկանեալ գումարների փոխադրութիւնը պէտք է ստորագրեն նախագահը և Սորհրդի երկու անդամները, քարտուղարի վաւերացմամբ:

§ 38. Տեղական վարչութիւնների և մասնաժողովների համար իրքի ձեռնարկ, Սորհուրդը կազմում է սոյն այս կանոնագրութեան սահմաններից դուրս չգալով, առանձին հրահանգներ (§ 48), որոնք պէտք է ենթարկուին ընդհանուր ժողովի վերահայեցողութեանը և հաստատութեանը:

§ 39. Սորհուրդը որոշում է իւր գործավարութեան եղանակը՝ նա բաժանում է պարապմունքները անդամների մէջ, իսկ մասնագիտական հարցերը վճռելու համար ընտրում է առանձին յանձնաժողովներ Ընկերութեան անդամներից կամ հրաւիրում է այլ մասնագէտներ:

§ 40. Սորհուրդն ունի կնիք իւր յատուկ անուանակոչութեամբ և յանձնում է տեղական վարչութիւններին ու մասնաժողովներին կնիք, կնիքների ձեւեր և մատանների օրինակներ՝ դրամական վճարները և նիւթական նուէրները գրելու համար:

§ 41. Իւրաքանչիւր տարի տեղական վարչութիւններէց և մասնաժողովներէց նախընթաց տարուայ հաշիւները ստանալուց յետոյ՝ Սորհուրդը կազմում է ընդհանուր հաշիւ Ընկերութեան բոլոր գործիչների աշխատութեան, գումարների մտից և ելից և կայքերի գրութեան մասին և այս հաշիւը առաջարկում է ընդհանուր ժողովի վերադնութեանը ց15-ն Մայիսի (§ 44):

### ԸՆԴՀԱՆՈՒՐ ԺՈՂՈՎՆԵՐ

§ 42. Ընդհանուր ժողովն ունի իւր նախագահը և քարտուզարը, որոնք իւրաքանչիւր տարի ընտրվում են այդ իսկ ժողովից:

§ 43. Ընդհանուր ժողովները հրաւիրվում են Տփխիսում, տեղական լրագիրների միջոցաւ, տարէնը երկու անգամ՝ Մայիսի 15-ին հաշուի, և Դեկտեմբերի 15-ին նախահաշուի քննութեան համար: Բացի սորանից Սորհուրդը հրաւիրում է արտաքոյ կարգի ժողովներ ամենայն ժամանակ, երբ նա անհրաժեշտ կը համարէ այդ, կամ երբ Սորհուրդը կստանայ յայտարարութիւն ոչ պակաս քան Տփխիսի անդամների թուի մէկ երեսներորդից ստորազբուած, իւրաքանչիւր անգամ կանխապէս հրատարակելով պարայմունքների առարկաները:

Ընդհանուր ժողովը կայացած է համարվում, երբ նորա մէջ ներկայ են գտնվում ոչ պակաս քան նոյն անդամների թուի մի քսաներորդական մասը, հակառակ դէպքում չկայացած նստից ութ օր յետոյ հրաւիրվում է երկրորդ ժողով, որի համար այլ ևս չէ պահանջվում անդամների ոչ և է սահմանեալ թիւ: Վերջին ժողովի քննութեանը ենթարկվում են միայն այն գործերն ու հարցերը, որոնք մտած էին առաջին չկայացած ժողովի պարապմունքների ծրագրի մէջ:

§ 44. Ընդհանուր ժողովի պարապմունքներին ենթարկվում են՝

ա) Սորհուրդի ընդհանուր հաշուի քննութիւնը: Այս դէպքում Սորհրդի գումարների մտից և ելից և առ հասարակ նորա հսկողութեան ներքոյ գտնուող գրամադրութիւնների ստուգութեան համար ընտրվում է ժողովի միջից վերաատուգող յանձնաժողով՝ բաղկացած ոչ պակաս քան երեք անձիքներից, որոնք Սորհրդի անգամ չպիտի լինին և որոնց տրվում են այդ առարկաների մասին հարկաւոր եղած հրահանգները:

բ) Տեղական վարչութիւնների և մասնաժողովների համար Սորհրդից կազմուած հրահանգների քննութիւնը և հաստատութիւնը:

դ) Խորհրդի, տեղական վարչութիւնների և մասնաժողովների նախահաշուի քննութիւնը և հաստատութիւնը:

դ) Լուծումն զանազան հարցերի, որոնք առաջարկվում են կամ Խորհրդից, կամ տեղական վարչութիւններից Խորհրդի միջնորդութեամբ:

ե) Պատուաւոր անդամութեան կոչումն յատկացնելը:

զ) Խորհրդի անդամների ընտրութիւնը:

է) Անշարժ կայքեր գնելուն և օտարացուցանելուն վերաբերեալ յառաջադրութիւնների հաստատութիւնը:

ը) Կանոնադրութեան փոփոխութիւնը:

թ) Ընկերութեան խափանումն:

Ընդհանուր ժողովին որ և իցէ առաջարկութիւն ներկայացնել ցանկացող անդամները պարտաւոր են այդ առաջարկութիւնը ներկայացնել Խորհրդին կանխապէս վեհաճանկու՝ ընդհանուր ժողովի նիստից առ նուազն ութ օր առաջ:

§ 45. Ընդհանուր ժողովի մէջ բոլոր գործերը վճռվում են ձայների առաւելութեամբ, իսկ երբ նոքա հաւասար են, նախագահի ձայնը առաւելութիւն է տալիս, բացառութեամբ այն հարցերի, որոնք վերաբերում են Խորհրդի անդամների ընտրութեան և կանոնադրութեան փոփոխման. սորա վճռվում են ձայների նրկու երրորդականի առաւելութեամբ:

Ընկերութեան խափանման հարցի վերաբերմամբ անհրաժեշտ է Ընկերութեան բոլոր անդամների նրկու երրորդականի վճիռը: Այս վերջին դէպքում Խորհուրդը թէ՛ լրագրութեան միջոցով և թէ՛ պաշտօնական յայտարարութիւններով կանխապէս ազդարարում է տեղական վարչութիւններին, որպէս զի նոքա իւրեանց ընդհանուր ժողովների վճիռներն են ուղարկեն Խորհրդին, որոշելով Ընկերութեան խափանումն ցանկացողների թիւը:

§ 46. Խորհրդի ընդհանուր հաշիւը՝ վերաստուգող յանձնաժողովի ղեկուցման հետ, ընդհանուր ժողովի վերահայեցողութիւնից և հաստատութիւնից յետոյ, հրատարակվում է տեղական հայ լրագրներում:

ՏԵՂԱԿԱՆ ՎԱՐՉՈՒԹԻՒՆՆԵՐ ԵՒ ՄԱՍՆԱԺՈՂՈՎՆԵՐ

§ 47. Տեղական վարչութիւնները և մասնաժողովները, որոնց կազմում է Խորհուրդը համաձայն 16-դ, 17-դ և 18-դ §§-ների, վարում են Ընկերութեան բոլոր գործերը իւրեանց վիճակի սահմանների մէջ:

Ճանօրոքիւն: Վիճակի սահմանները որոշում է Խորհուրդը:



§ 48. Տեղական վարչութիւնները և մասնաժողովները՝ վարչական կազմակերպութեան, գործավարութեան եղանակի, նախահաշիւ և հաշիւներ կազմելու, հաշուապահութեան, ընդհանուր ժողովներ կայացնելու, պարագմունքների շրջանը և նոցա նիւթերը որոշելու վերաբերութեամբ, գործում են Սորհրդից տուած առանձին հրահանգի ճիշտ հիման վերայ (§ 38 և բ բաժանումն 44-դ §-ի):

§ 49. Տեղական վարչութիւնները և մասնաժողովները իւրեանց կարգադրութեան ներքոյ գտնուող գումարներից հարկաւոր մասը թողնում են ընթացիկ ծախքերի համար, նախահաշուի որոշման համաձայն, իսկ մնացորդը, առանց յետաձգութեան, ուղարկում են Սորհրդին:

### ԸՆԿԵՐՈՒԹԵԱՆ ԽՍՓԱՆՈՒՄՆ

§ 50. Եթէ որ և է պատճառով Ընկերութիւնը գաղարեցնէ իւր ղոյութիւնը, Ընկերութեան ըլոր մնացած գրամագլուխն ու կայքը գործ են զրվում ազգօգուտ գործերի վերայ, Ընկերութեան ըլոր անդամների երկու երրորդականի վճռին համաձայն (§ 45):

Մարտի 1-ին ընտրուած չորս անձինք, ստանալով կառավարութեան թոյլատուութիւնը, սկսեցին անդամներ գտնել նոր ընկերութեան համար: Մեծ եռանդով աշխատում էին մանաւանդ Գ. Սունդուկեանը և ԲԺ. Նաւասարդեանը: Յոյց տալու համար Գ. Սունդուկեանի ջերմագին վերաբերմունքը գէպի այդ նորածին հիմնարկութիւնը, մենք, նրա բարեհաճ թոյլատուութեամբ, բերում ենք այստեղ հետևեալ տողերը նրա մի նամակից, որ գրուած է ԲԺ. Նաւասարդեանին 1881 թուականի դեկտեմբերի 1-ին:

«Ք» բարեկամական խօսքերը վարձաբեցին ինձ աւելի քան թէ ես արժանի եմ աշխատանացս համար, թէև ընկերութեան համար ես աշխատում եմ գիշեր ցերեկ, աշխատում եմ այնպէս, որ բոլորովին մոռանում եմ տուն, տեղ, կին, երեխայք, զբաղն ու պարաքերս, կարծես ծովի մէջ ընկած լող եմ տալիս կեանքս ազատելու, այսինքն ընկերութիւնը, որ քո շնորհիւ իմ կեանքս է դառել: Այս գործի մէջ ես ինձ պատասխանատու եմ համարում միայն քո առաջ և խղճիս առաջ և հաւատա ինձ, որ դժուարանում եմ սրոշել թէ ո՞րն է ձեզանից աւելի ներգործում ինձ վրայ՝

զո՞ւ թէ իմ խիղճը: Այնուամենայնիւ, ես մեծ մխիթարութիւն եմ զգում, որ այսպիսի սուրբ գործի համար առայժմս ես եմ չարչարուում և ես եմ տանջուում, տայ Աստուած, որ կարողանամ իրագործել քս ցանկութիւնները» <sup>1)</sup>:

Ընկերութեան պաշտօնական բացումը սեղի ունեցաւ 1881 թուականի նոյեմբերի 15-ին: Այդ օրը Արծրունու թատրոնում նշանակուած էր ընկերութեան անդամների առաջին ընդհանուր ժողովը, որ պիտի ընտրէր պաշտօնատար մարմիններ՝ ընկերութեան գործունէութիւնն սկսելու համար:

Այդ օրը աչքի ընկնող մի երևոյթ էր Թիֆլիսի հայ հասարակութեան կեանքում: Նկատւում էր մեծ համակրանք գէպի բարեսիրական այդ նոր գործը: Ժողովի միջոցին թատրոնի մուտքում հարիւր հոգի նոր անդամներ զրուեցին <sup>2)</sup>: Իսկ թէ առհասարակ ի՞նչ տպաւորութիւն թողեց այդ օրը հասարակութեան վրայ, այդ մասին ամենալաւ վկան կարող է լինել վրաց «Գրօէբա» լրագիրը, որ գրեց հետեւեալը:

«Նոյեմբերի 15-ին Թիֆլիսի հայերը Արծրունու թատրոնում ժողով ունէին: Հաւարուեցան երեքհարիւրից աւելի <sup>3)</sup> անդամներ, այն «Բարեգործական Ընկերութեան», որ ունի նպատակ օգնելու տառապեալներին, կարօտեալներին, և դուրս բերելու

<sup>1)</sup> Այսպիսի ջերմ, ինքնամոռացութեան հասնող վերաբերմունքն է, երևի, որ առիթ տուեց ապագայում ասելու թէ Գ. Սունդուկեանն է եղել Կովկասի Հայոց Բարեգործական Ընկերութեան հիմնադիրը: Այսպիսի մի բան տպուեց «Արձագանք» շաբաթաթերթի 1887 թ. № 41-ի մէջ: Բայց Գ. Սունդուկեանը նոյն շաբաթաթերթի յաջորդ համարում (№ 42) գրեց. «Արձագանքը» ի միջի այլոց ինձ է վերագրում Կովկասի Հայոց Բարեգործական Ընկերութեան հիմնելու գաղափարը, բարոյական պարտք եմ համարում յայտնել հրապարակաւ, որ ես միայն եղել եմ մի՞նը այն անդամներից, որոնք այս կամ այն կերպով նպաստել են ընկերութեան կազմակերպութեանը: Իսկ ընկերութիւնը հիմնելուն բուն գաղափարը յղացել է բժ. Բ. Նաւասարդեանը, որը իղել է և նրան սկզբնական մղումն տուողը:

<sup>2)</sup> Кавказъ 1881 № 253.

<sup>3)</sup> Ժողովականներից էին 122 անդամ իսկ ընկերութեան անդամների ընդհանուր թիւը այդ օրը հասնում էր 300-ի:

խոր մթութիւնից իրանց կզրայրակիցներին, տարածելով լուսաւորութիւն, արհեստագիտութիւն և ուսումնական հիմնարկութիւններ թէ կովկասում և թէ Անգրիովկասում:

...«Ամեն անգամ մեծ եռանդ ցոյց տուեց, ամենքն էլ ուրախ գէմք ունէին, ամենքն էլ յափշտակուած էին, ամենի վրայ նկատուում էր, որ նա իր սրախ մէջ սլաակերացած ունի իր հայ կզրայրակիցների բարօրութիւնը: Այս ժողովի մէջ մարդ տեսնում էր միայն այն անձանց, որոնք լաւ հասկացրել են իրանց, թէ ի՞նչ է անձնական և ինչ հասարակական պարտաւորութիւնը և գործը:

«Երանք այս ընդհանուր գործի մէջ ցոյց տուին մարդկային զգացմունք, յաւիտենականապէս ապացուցեցին, որ իրանք ունեն ի նկատի ժողովրդի բարօրութիւնը և սորանով իրանց յատուկ երջանկութիւնը:

«Այսպիսի համակրանք, այսպիսի հասարակութեան միութիւն մեծ նշանակութիւն ունի և օրինակելի է: Այս հաստատ հիմքի վրայ հիմնված յիշեալ գործին բարի հետեանքներ չեն պակասի. դատապարտեալ է այն անգամը, որը գէպի ընկերութեան նպատակը որևէ անհաւատարմութիւն կամ անտարբերութիւն ցոյց կը տայ: Ընդհանրապէս հայերը ամեն հասարակական գործում անձնանուէր են. հասարակական գործում աշխատում են այնքան, որքան կարող են. առատութեամբ հանում են զբոսանից այն տուրքը, որ պահանջում է մարդկութեան պարտաւորութիւնը. ընդհանուր գործով գրեթէ ամենայն հայ մէկը միւսին նեցուկ է լինում. թէ փոքրը և թէ մեծը շատապում է ներս մտցնել ընդհանուր, հասարակական գործի համար իր գոհարբութիւնը: Այս ուղղութեամբ նրանց բարի ձգտումները վերջ չունեն: Ամեն քաղաքի եկեղեցիների գաւիթներում օրէցօր ստեղծվում են ուսումնարաններ հասարակութեան փողերով: Ամեն ուսումնական և լուսաւորեալ անձ օգնում է առանց սոճիկի այս բարի գործին:

«Այս միութեան պատճառը ի՞նչ է: Մթթէ հարստանալու զիտաւորութիւնը: — Ոչ... Սրա պատճառն է զգացմունքը, սէրը գէպի իր կզրայրակիցները:

«Երէկ Արծրունու թատրօնում հաւաքուած էին բացի մի քանի հարուստներից, այնպիսի անձինք, որոնք ապրում են միայն իրանց զիտութիւնով, աշխատանքով:

«Հարուստները, միլիօնատէրերը և հարիւր հազարներ ունեցողները, լաւ ուսել խմելու և գուարճութեան սովոր, լազնուէլ էին իրանց երեք-չորս յարկանի տների ծակերում: Այս անձինք

իրանց համար կենդանի Աստուած շինել են սեպհական գրգանը  
և երկրպագում են միայն իրանց երկաթէ սնդուկներին» <sup>1)</sup>։

Փողովը բացեց բժ. Նաւասարդեանը, որ մի համառօտ  
ճառով ծանօթացրեց հաստատուած կանոնադրութեան հետ  
և ի միջի այլոց բացատրեց,  
որ Թիֆլիսում և ընդհան-  
րապէս Կովկասում Բարե-  
գործական Ընկերութիւն  
հիմնելու գաղափարը պատ-  
կանուած է ոչ թէ մի մար-  
դու կամ մի խումբ մարդ-  
կանց, այդ գաղափարը  
ստեղծել են մի կողմից,  
այսպէս ասելով, ժամանակի  
ողին և միւս կողմից՝ հա-  
յերի ազքատ դասի նիւթա-  
կան միջոցների պակասու-  
թիւնը և անզարգացած  
գրութիւնը։ Իսկ սովատանջ  
և հիւանդ թիւրքահայերի  
գաղթը գէպի մեր կողմերը  
մի վճռական մղում էր Կով-  
կասի Հայոց Բարեգործա-  
կան Ընկերութիւնը հիմնե-  
լու համար <sup>2)</sup>։

Այնուհետև բժ. Նաւասարդեանը յայտարարեց, որ «այն  
հինգ անձինք, որոնք ընտրուած էին կանոնադրութիւնը  
տէրութեան հաստատման ներկայացնելու համար, արդէն  
իրանց յանձնարարութիւնը կատարած են համարում» <sup>3)</sup>



Բժշկատես Բ. ՆԱՆԱՍԱՐԳԵԱՆ  
Հիմնադիր և Հ. Բ. Ընկերութեան:

<sup>1)</sup> «Մշակ», 1881, № 218.

<sup>2)</sup> «Кавказ», 1881, № 253.

<sup>3)</sup> Արձանագրութիւն ընդ. ժողովի № 1.

և առաջարկեց, ըստ կանոնադրութեան, ընտրել ընդհանուր ժողովի նախագահ և քարտուղար:

Միաձայն նախագահ ընտրուեց բժշկապետ Միքայէլ Շահ-Պարոնեան, իսկ քարտուղար՝ Գէորգ Չմշկեան:

### III.

## ԿԱԶՄԱԿԵՐՊՉԱԿԱՆ ԳՈՐԾՈՒՆԵՈՒԹԻՒՆ

Նոյեմբերի 15-ին ընդհանուր ժողովում խորհրդի անդամներ ընտրուեցին հետեալ 9 անձինք. դեներալ Դիմիտրի Տէր-Աստուածատրեան, Ալեքսանդր Մանթաշեան, բժ. Բազրասա Նաւասարդեան, Գաբրիէլ Սունդուկեան, Յովհաննէս Չիթախեան, Ալեքսանդր Մէլիք-Ազարեան, Ալեքսանդր Անանեան, Նիկողայոս Խոսրովեան և Ներսէս Աթաբէգեան: Հետեալ ժողովում փոխ-անդամներ ընտրուեցին. Ազէքսանդր Քիշիշեան, Յովհաննէս Ծովիանեան, Սպանդար Սպանդարեան, բժ. Մէլիք-Բեգլարեան և Նիկողայոս Տէր-Յակոբեան:

Նոյեմբերի 18-ին, ընդհանուր ժողովների նախագահ Շահ-Պարոնեանը, իր սուն հրաւիրելով խորհրդի նոր—ընտիր անդամներին, առաջարկեց նրանց, կանոնադրութեան համաձայն, ընտրել իրանց միջից նախագահ, փոխ—նախագահ, գանձապահ և քարտուղար: Ընտրուեցին՝ նախագահ Ալեքսանդր Անանեան, փոխ—նախագահ—դեներալ Տէր-Աստուածատրեան, գանձապահ—Չիթախեան: Գալով քարտուղարին, խորհուրդը հէնց այդ առաջին ժողովում վճռեց հրաւիրել մի քարտուղար գրախց, յատկացնելով նրան որոշ ուժով: Մինչև յարմար մարդ գտնելը քարտուղարութեան պաշտօնը ժամանակաւորապէս յանձն առաւ անգամ Խոսրովեանը: Մի քանի ամսից յետոյ, այնէ 1882 թ. ապրիլի 2-ին քարտուղար է հրաւիրվում Պ. Աւետիք Եգեկեանը,

նախ 360 և ապա 600 ըուբլի ոսճիկով: Պ. Եղեկեանը վարել է այդ պաշտօնը մինչև 1892 թուականի հոկտեմբերը:

Նկատենք այստեղ, որ վերոյիշեալ անձինքներէց Ըսկերութեան երկարատե ծառայութիւն են մատուցել. 1) Ալէքսանդր Անանեան, որ վարել է խորհրդի նախագահի պաշտօնը անընդհատ մինչև 1899 թւականը, երբ փոխուեց ընկերութեան կանոնադրութիւնը. 2) Ալէքսանդր Մելիք-Ազարեան՝ դանձապահի և փոխ-նախագահի պաշտօնով, 1882 թւից մինչև 1899 թ. 3) Ալէքսանդր Մանթաշեան՝ խորհրդի անդամ և փոխ-նախագահ, մինչև 1895 թուականի կէսը:

Նորակազմ խորհուրդը ամենից առաջ, ի հարկ է, կազմակերպչական գործունէութիւն պիտի ցոյց տար: Նա էր որ որոշ կերպարանք տուեց ընկերութեան: Եւ նրա գործունէութիւնը այդ ուղղութեամբ, մանաւանդ առաջին տարին, շատ եռանդուն էր:

### ա. Ճ Ի Ի Ղ Ե Ր

Մորհրդի առաջին հոգան է դառնում կեանքի մէջ մտցնել, իրագործել որքան կարելի է լայն չափերով, ընկերութեան կանոնադրութեան ամենակարևոր կէտերէց մէկը, 16-դը, որ իրաւունք է տալիս դաւառական ճիւղեր բանալու:

Եւ ահա խորհրդի երկրորդ նիստում՝ նրա անդամներ Գ. Սունդուկեան և բժ. Նաւասարդեան ներկայացնում են իրանց կազմած նախագիծը — «Հրահանգ տեղական վարչութիւններին և մասնաժողովներին», որ դաւառական ճիւղերի ներքին կազմակերպութիւնն ու գործավարութիւնն էր կանոնաւորում: Նախագիծը քննուեց խորհրդի մէջ, ապա արուեց ընդհանուր ժողովին, որ 1882 թ. յունուարի 10-ի նիստում հաստատեց, մտցնելով իր կողմից մի քանի փոփոխութիւններ:

## Հ Ր Ա Հ Ա Ն Գ

ՏԵՂԱԿԱՆ ՎԱՐՉՈՒԹԻՒՆՆԵՐԻՆ և ՄԱՍՆԱԺՈՂՈՎՆԵՐԻՆ

§ 1. Տեղական վարչութիւնները կազմվում են տեղական Լեղհանուր ժողովից ընտրուած հինգ անդամներից և երեք փոխանդամներից: Այս հինգ անդամներն իրանց միջից ընտրում են մի նախագահ և մի օգնական, որը փոխարինում է առաջինին նորա բացակայութեան ժամանակ:

§ 2. Տեղական վարչութիւնը իւր պատասխանատւութեամբ ընտրում է իւր միջից կամ Լեկերութեան միւս անդամներից մի գործավար և մի գանձապահ:

§ 3. Տեղական Վարչութեան նախագահը և անդամներն ընտրվում են երկու տարով: Ամեն տարուայ վերջը Տեղական Վարչութեան անդամների կէսը թողնում է իր պաշտօնը հերթով իսկ նոցա տեղերը բռնում են նոր ընտրուածները, որոնք կարող են լինել և զուրս պնայողներից:

Ծանօթութիւն: Տեղական Վարչութեան բացման առաջին տարուայ վերջը նորա անդամների կէսը փոխվում է վիճակով:

§ 4. Կառավարչական և հասարակական հիմնարկութիւնների հետ ունենալիք յարաբերութիւնների, ժողովներ հրաւիրելու, վճիռներ կայացնելու, ձայներ հաշուելու, թղթեր, արձանագրութիւններ և պարտազրեր ստորագրելու, գումարներ պահանջելու և փոխագրելու և նոցա համար անդորրագրեր տալու, նմանապէս գործավարական կարգը որոշելու և մասնագիտական հարցեր քննելու համար առանձին մասնախմբեր նշանակելու վերաբերութեամբ՝ Տեղական Վարչութիւններն առաջնորդվում են այն կանոններով, որոնք սահմանուած են Խորհրդի համար կանոնադրութեան 4, 33, 34, 36, 37 և 39 յօդուածներում:

Այս Վարչութիւնները վայելում են նմանապէս այն իրաւունքները, որոնք կանոնադրութեան 32 յօդուածով որոշուած են Խորհրդի համար:

Ծանօթութիւն: Որպէս զի Տեղական Վարչութիւնների վճիռները վաւերական համարուին, անհրաժեշտ է անդամներից զոնէ երեքի ներկայութիւնը, որոնց մէջ պէտք է լինի նախագահը կամ նորա տեղակալը այս անդամներից մէկի բացակայութեան ժամանակ՝ նախագահը հերթով հրաւիրում է փոխանդամներին:

§ 5. Անդամակցական վճարները և զբամական ու նիւթական նուիրատուութիւններն ընդունուած են Տեղական Վարչութիւններում, իւրաքանչիւրը իրան շրջանի մէջ, կամ այն տեղերում, ուր Վարչութիւններն իրանք ցոյց կը տան, և զրգում են առանձին մասեաններում, որոնք յիշուած են կանոնադրութեան 40-րդ §-ի մէջ. այդ մասեաններից կարած անդորրագրերը արվում են Վարչութեան գանձապահի ստորագրութեամբ:

§ 6. Իւրաքանչիւր տարուայ վերջը Տեղական Վարչութիւնները կազմում են առաջիկայ տարուայ իրանց ծախքերի նախահաշիւը և այս նախահաշիւը, հոկտեմբերի 15-ի նիստին Տեղական Ընդհանուր ժողովներում քննելուց յետոյ, առաջարկում են Սորհրդիին, սրբ նոյն նախահաշիւը իւր եղբակացութեան և Ընկերութեան նախահաշուի հետ ներկայացնում է Տիտիտու Ընդհանուր ժողովին քննելու և հաստատելու (կանոնադր. § 30 և գ. կէտ 44-րդ §-ի):

§ 7. Տեղական Վարչութիւնները՝ կանոնադրութեան 49-րդ §-ի համաձայն, Սորհուրդն ուղարկելիք գումարների հետ միացնում են և այն գումարները, որոնք Տեղական մասնաժողովից յանձնվում են իրանց:

§ 8. Տեղական Վարչութիւններն իրանց ընթացիկ ծախքերը հողալու համար նախահաշուով որոշած գումարներից կարող են առձեռն պահել ոչ աւելի քան երկու հարիւր մանէթ. աւելորդ զբամը՝ ըստ չափու ստացման, յանձնում են արքունական բանկը, նորա բաժանմունքները, ինսպոզական զբամարկիցները կամ քաղաքական, հասարակական բանկերը ցղահանջ կամ ընթացիկ հաշուով, նայելով թէ որը յարմար և ձեռնատու կը համարեն: Իսկ ուր որ այսպիսի հիմնարկութիւններ չկան, յիշեալ գումարների պահպանութեան եղանակի որոշումը թողնվում է Տեղական Վարչութիւնների բահայեցողութեանը՝ նոցա իսկ պատասխանատուութեամբ:

§ 9. Իւրաքանչիւր տարուայ սկզբում Տեղական Վարչութիւնները՝ իրանց շրջանի մէջ կղած Մասնաժողովների հաշիւներն ստանալուց յետոյ, կազմում են թէ իրանց զործունէութեան և թէ ելից ու մտից գումարների և իրանց շրջանի մէջ կղած կայքերի հաշիւը: Այդ հաշուի ելից ու մտից մասը կանխապէս գննուած է Տեղական Վերատուողոյ Յանձնաժողովից և ապա ամբողջ հաշիւը, Մարտի 15-ին Տեղական Ընդհանուր ժողովում հաստատուելուց յետոյ, հաղորդվում է Սորհրդին (կանոնադր. 41-րդ § և սոյն հրահանգի 12-րդ §-ի ա. կէտ):



ՏԵՂԱԿԱՆ ԸՆԴՀԱՆՈՒՐ ԺՈՂՈՎՆԵՐ

§ 10. Տեղական Ընդհանուր Ժողովները՝ իւրաքանչիւր տարի ընտրուող ատենադատի նախագահութեամբ կազմվում են Ընկերութեան ամենատեսակ անդամներից (Կան. 42 և 48-րդ §§):

§ 11. Սովորական Տեղական Ընդհանուր Ժողովները հրաւիրվում են յայտարարութեամբ տեղական լրագրներում, ուր կան լրագիրներ, անթէնը երկու անգամ՝ Մարտի 15-ին հաշուի և Հոկտեմբերի 15-ին նախահաշուի քննութեան համար: Բացի սուրբանից Տեղական Վարչութիւնները հրաւիրում են արտաքոյ կարգի ժողովներ այն ամենայն դիպուածներում, երբ կարեւոր են համարում այդ կամ երբ Վարչութիւններն ստանում են յայտարարութիւն եօթն անգամից ստորագրած, իւրաքանչիւր անգամ կանխապէս յայտարարելով պարապմունքների առարկաները:

Ընդհանուր Ժողովը կայացած է համարվում, երբ ներկայ է գտնվում ոչ պակաս քան անդամների թուի երկու-երրորդական մասը, հակառակ դէպքում չկայացած նստից ութ օր յետոյ հրաւիրվում է երկրորդ ժողով, որի համար այլ ևս չէ պահանջվում անդամների սահմանաւ թիւը: Այս վերջին ժողովի քննութեանը ենթարկվում են միայն այն գործերն ու հարցերը, որոնք մտած էին առաջին չկայացած ժողովի պարապմունքների ծրագրի մէջ:

§ 12. Սովորական Տեղական Ժողովների պարապմունքներին ենթարկվում են՝

ա) Տեղական Վարչութեան հաշուի քննութիւնը: Այս դէպքում Վարչութեան ղումարների մտից և ելից և սու հասարակ նորա հսկողութեան ներքոյ գտնուող գրամուղւելիների սուղութեան համար ընտրվում է ժողովի միջից Վերաստուղող Յանձնաժողով՝ բաղկացած ոչ պակաս քան երեք անձինքներից, որոնք Վարչութեան անգամ չպիտի լինին և որոնց արվում են այդ առարկաների մասին հարկաւոր եղած հրահանգները:

բ) Նախահաշուի քննութիւնը:

գ) Տեղական Վարչութեանց և Մասնաժողովների կողմից առաջարկուած այլ և այլ հարցերի և միջոցների քննութիւնը (Կանոնադր. 44-րդ §-ի դ. կէտ):

դ) Տեղական Վարչութեանց համար անդամներ ընտրելը:

ե) Ընկերութեան խափանման վերաբերեալ ենթադրութիւնների քննադատութիւնը (Կանոնադր. 45-դ §):

§ 13. Տեղական Ընդհանուր Ժողովների մէջ բոլոր գործերը

վճարում են ձայների առաւելութեամբ, իսկ երբ ձայները հաւասար են, նախագահի ձայնը առաւելութիւն է տալիս, բացի այն հարցերից, որոնք վերաբերում են Տեղական Վարչութեանց անդամների ընտրութեանը և Ընկերութեան խափանմանը: Այս դիպուածներում Տեղական Ժողովները վարվում են համաձայն այն կանոնների, որոնք սահմանուած են Տիփլիսու Ընդհանուր Ժողովի համար կանոնադրութեան 45-րդ յօդուածով:

### ՏԵՂԱԿԱՆ ՄԱՄՆԱԺՈՂՈՎՆԵՐ

§ 14. Տեղական մասնաժողովները, որոնք կազմակերպվում են կանոնադրութեան 17 և 18-րդ §§-րի հիման վրայ, իրանք են սրտում իրանց անդամների թիւը և կարող են բաղկանաւ երկու սեռի անդամներից և:

§ 15. Իւրաքանչիւր Մասնաժողով իւր միջից ընտրում է նախագահ, նորան օգնական և, եթէ կարեոր է համարում, գործավար ու դանձապահ:

§ 16. Մասնաժողովների անդամները ժողովի են հրաւիրվում ըստ բարեհայեցողութեան նախագահի: Բոլոր հարցերն այդուհեղ վճռվում են ձայների առաւելութեամբ, իսկ դոցա հաւասարութեան ժամանակ նախագահի ձայնն առաւելութիւն է տալիս:

§ 17. Բոլոր գրամական գումարները, բացի նախահաշուով սրտածից, Մասնաժողովները ներկայացնում են իրենց շրջանի մէջ եղած Տեղական Վարչութեանը, իսկ ուր վարչութիւն չկայ՝ ուղղակի Ընկերութեան Խորհրդին (Այս հրահանգի 7-րդ և կանոնադր. 49-րդ §§):

§ 18. Անդամակցական վճարները, նմանապէս և գրամական ու նիւթական գոհարերութիւններն ընդունելու կարգի վերաբերութեամբ Տեղական Մասնաժողովներն առաջնորդվում են այս հրահանգի 5-րդ §-ով, իսկ հաշուապահութեան վերաբերութեամբ ունենում են ելից ու մտից մատեաններ (Կանոնադր 40-րդ §):

§ 19. Գումարներն ապահովութեան հիմնարկութիւնների մէջ գեանդելու վերաբերութեամբ՝ Տեղական Մասնաժողովներն առաջնորդվում են այն կանոններով, որոնք սահմանուած են Տեղական Վարչութիւնների համար այս հրահանգի 8-րդ §-ի մէջ:

§ 20. Տարուայ վերջը Տեղական Մասնաժողովները կազմում են իրանց գործունէութեան և ելից ու մտից գումարների հաշիւը և այն յանձնում են Տեղական Վարչութիւններին, որպէս զի սոքա կցին իրանց հաշիւներին և ներկայացնեն Տեղական Ընդհանուր

ժողովներին: Իսկ ակնկալեալ ծախքերի նախահաշիւը Մասնաժողովները կազմում են կանխապէս, որպէս զի իւր ժամանակին Տփթիսու Ընդհանուր ժողովի մէջ քննուին: (Ընկերութեան կանոնադրութեան 44-րդ §-ի գ. կէտ):

Միևնոյն ժամանակ խորհուրդը առանձին նամակներով զիմեց Կովկասի և Անգրիկովկասի բոլոր աշքիւ ընկնող հայաբնակ վայրերը, առաջարկելով կամ տեղական ճիւղեր բաց անել, կամ, եթէ այդ անհնար է, անդամներ գտնել ընկերութեան համար:

Եւ որովհետև կանոնադրութեան 4 կէտը արամադրում էր, որ «Ընկերութիւնը իւր գործունէութիւնը ընդլայնելու համար վայելում է կառավարչական ամեն հաստատութիւնները և անձանց օրինաւոր աջակցութիւնը», ուստի խորհուրդը առանձին-առանձին պաշտօնական թղթերով զիմում է Կովկասի և Անգրիկովկասի բոլոր նահանգապետներին, շրջանների կառավարիչներին և, ուղարկելով իւրաքանչիւրին 10-ական օրինակ կանոնադրութիւնից, խնդրում է նրանց օրինաւոր աջակցութիւնը Ընկերութեան գործունէութիւնը տարածելու համար:

Ի նկատի առնելով այն հանգամանքը, որ Թիֆլիսի նահանգի հայ ազգաբնակիւթեան մի մասը չը զիտէ հայերէն, խորհուրդը յանձնարարում է Գ. Սունդուկեանին թարգմանել կանոնադրութիւնը վրացերէն լեզուով, որպէս զի ընկերութեան նպատակները նա ծանօթանայ վրախօս հայ ժողովուրդը: Այդ թարգմանութիւնը կատարվում է և տպագրվում:

Սորհրդի զիմումներին արձագանք են տալիս շատ հայաբնակ վայրեր: Ոմանք ցանկութիւն են յայտնում ճիւղեր բանալու, ոմանք բաւականանում են իրանց հաւաքած անդամակցական վճարները խորհրդին ուղարկելով. կան և այնպիսի տեղեր, որոնք պարզապէս յայտնում են, թէ չը կարողացան ոչինչ անել ընկերութեան համար:

Առաջին տարուայ ընթացքում տեղական վարչութիւն-

ներ բանալու թողյալութիւն են խնդրում և ստանում են Շուշին, Երևանը, Մեծ Դարաքիլիսան, Ախալցխան, Քարվանսարազիւզը, Վաղարշապատը, Գերբենդը, Կարսը Վլադիկաւկազը, Զաղալ-Օղլին և Քուլթայիւր: Այնուհետև, զաւտոների զինումները ճիւղեր բանալու մասին ըստ տարիների՝ ներկայացնումն են զանազան պատկեր (Տես «Ճիւղեր» բաժինը):

### Բ. Ա. Ն. Գ. Ա. Մ. Ն. Ե. Բ

Կանոնադրութիւնը որոշում է երեք տեսակ անդամներ. պատուաւոր, մշտական և զործազիր:

Սորհուրդը իր երկրորդ նիստում որոշում է Ընկերութեան բացման մասին յայտնել Գէորգ կաթողիկոսին և Ներսէս պատրիարքին ու խնդրել նրանց օրհնութիւնը, միաժամանակ և առաջարկել ընդհանուր ժողովին, որ երկուսն էլ ընտրուեն Ընկերութեան պատուաւոր անդամներ: Օրհնութիւն խնդրող թղթերն ուղարկվում են ղեկավարներին 5-ին: Իսկ ղեկավարներին 20-ին ընդհանուր ժողովը, որին ներկայացուած էր պատուաւոր անդամութեան առաջարկը, հարց դրեց «թէ վայել է արդեօք Վեհափառ Կաթողիկոսին Ամենայն Հայոց կոչուիլ պատուաւոր անդամ Ընկերութեան, այն ինչ, նա, լինելով բարձրաստիճան խնամակալ ամեն տեսակ բարեգործութեանց իբրև Վեհափառ Տէր և կաթողիկոս ընդհանուր հայութեան, նրան կը վայելի կրել միայն խնամակալի անուանակոչութիւն»: Եւ որոշեց «խնդրել Նորին Օծութեանը, որ նա բարեհաճէ ընդունել իբրև խնամակալ իւր հովանաւորութեան ներքոյ Հայոց Բարեգործական Ընկերութիւնը»:

Գալով «Սրբազան Արքեպիսկոպոս Ներսիսին, որն է պատրիարք Կ. Պօլսոյ, ժողովը միտձայն, խորին յարգանօք և մեծ համակրութեամբ որոշեց՝ խնդրել Նորին Բարձր

Սրբազնութեանը ընդունել Հայոց Բարեգործական Ընկերութեան Կովկասում պատուաւոր անդամի կոչումն»<sup>1)</sup>։

Գնում ենք այստեղ այդ երկու բարձրաստիճան հոգևորականների պատասխանները, ուղղամ խորհրդի 9 անդամներին ի պատասխան նրանց՝ օրհնութիւնը խնդրող թղթերի։

I «Ծանեաք ի յայտարար գրութիւնէ ձերմէ զբարի և զհաջողուտ նպատակ Բարեգործական Ընկերութեանդ նորոյ հիմնելոյ, զի մարդասիրական հոգևով և ջերմեանսդն զպայմամբ առ լցեալ՝



† Տ. Տ. Գ Ը Ո Ր Գ Գ.

Կարուղիկոս Ամենայն Հայոց  
Եկեղեցւոյ Կ. Հ. Բ. Ընկերութեան

թէ յնր պարտաւորութիւն կապեալ է Ածային տեսչութիւնն զիւրա-

խորհեալ էք զսրծել և հեղինակ հանդիսանալ այնպիսի գործոց, որ Աստուածահաճոյն է և առ ի յԱստուծոյ փառաւորութեամբ պատուեալ։

«Օրհնեալ եղիջիք զուրք, որ ըստ կարեաց հայկական ազգային օգալի և ըստ պիտոյից ժամանակիս այսորիկ ընտրեալ էք ձեռնառ լինել տարածման մտաւոր լուսաւորութեան, օժտնդակ լինել բարգաւաճման արհեստից, օգնական լինել որոց նուիրեն զանձինս յուսումն գիտութեան, մխիթարիչ հիւանդաց և կարօտելոց, և նպաստատու այլ ամենայն հաստատութեանց և միջոցաց, որովք ազգ մեր ասուել պայծառապէս փայլեացի առաջի ազգաց օտարաց ըստ բողոքմասանց։

«Մեծայոյս եմք, զի ամենեքին զուրք զիտակ իսկ էք, թէ յնր պարտաւորութիւն կապեալ է Ածային տեսչութիւնն զիւրա-

<sup>1)</sup> Արձան. № 2:

քանչիւր ոք՝ տուեալ իւրաքանչիւրոց ի շնորհաց և ի բարի պարգևաց իւրոց, և յոր սահման կենաց վերակոչեալ, որ է կարողացն օգնել որոց կարօտին, և հմտացելոցն յամենայնի՝ առաջնորդել յուզղութիւն բարոյականութեան: Այսպիսեօք եռանդեամբք տեսանեմք արդ զձեզ վառեալ և զօտեպնդեալ, և ուրախ եմք՝ զի որդիքդ մեր ըստ հոգւոյ ամենայն ճշմարտութեամբ գնան և յառաջագիմեն մեծաքայլ բարեաց ի բարիս և պարծանաց ի պարծանս թեակոխեալ ի փառս Տեսնն Աստուծոյ և ի պէտս Հայաստան աշխարհի:

«Արդ օրհնեսցէ Տէր զբարի նպատակ Ձեր և առաջնորդ լիցի ամենայն ուզղութեամբ ի գործս յոր ուզղին սիրտք և նպատակ ընկերութեանդ:

«Օրհնեսցէ զխորհրդական անդամդ, որք ստանձնեալ էք զժանրութիւն խորհրդոց և զործառնութեանց նոցին քաղցրութեամբ և սիրով, տացէ ձեզ Տէր հանճար բարի և լոյս մտաց զործել ճշմարտութեամբ, արդարութեամբ և սրբութեամբ, զի փառաւորեսջիք յաստիս, և փառաւորեսցին անձինք ձեր յերկինս ի յարկն արդարոց:

«Ողջ լերուք և օրհնեալք յԱստուծոյ և յամենայն սրբոց նորա և ի մէնջ. Ամէն:

թ. 478.

ի 18-և դեկտեմբերի 1881 ամի  
 ըստ Տոմարիս Ռ. Յ. Լ. Ա.  
 ի Ս-Բ էՏՄԻՔԵՐԵ:

Գ. Է. ՈՐԳ. Գ.

Կաթողիկ. Ամ. Հայոց:

II «Մեծաւ և հոգեպարար ցնծութեամբ զհինգ զեկեամբերի անցելոյ ամի զգրեալդ պատուական գիր ընկալեալ, փառս և մագթանս ջերմաջերմս վերառաքեցի առ Բարձրեալն Նախախնամող և սրահապան վայրալատին ազգիս, որ գիտէ օգտակարս զարմանագործել յամենայն ժամ, որ և ի չարեաց իսկ բարիս արտագիտէ ի սփոփանս ժողովրդեան՝ իւրոյ. լուր աւետեաց կազմակերպելոյ Բարեկործական Ընկերութեանդ առ հասարակ զամենեսին բերկրեցուցեալ էք, իսկ այս գիր պատուական յորում տեսանեմ զինն ստորագրութիւնս ինանց Պատուականագոյն Հոյակապ ազգայնոց մերոց ի Տփլիսս, յանհարինս ուրախ արար զիս և զամենայն Հայորեար: Օրհնեցաք զՁեզ, Տեարք Ազգասէրք օրհնեցաք զամենայն անդամս բարենպատակ ընկերութեանդ, Օրհնեցաք Մեծագոր

Տէրութիւնդ, որ հրամանաւ խրով վաւերացոյց զկանոնադրու-



թիւնդ յոյժ պատուա-  
կան, օրհնեցաք զհոգիս  
Ձեր, զսիրտս, զգաց-  
մունս, օրհնեցուք զվաս-  
տակս Ձեր, ց'որչափ շունչ  
դոյ 'ի մեզ, այլ զի'նչ իցե-  
մերս օրհնութիւն առ օր-  
հնութեամբք բազմաթիւ  
անձանց, որք բարերա-  
բեցան և որք բարերա-  
բելոց իցին առ յապալս  
առ 'ի Ձէնջ: Բիւրք բիւ-  
րոց օրհնելոց ևն զՁեզ  
ընդ Յաւիտենից Օրհնե-  
լոյն՝ որ, ազերսեմ, իբր  
անսպաս օրհնութիւն  
ընակեացի 'ի Ձեզ, յաջո-  
ղեացէ Ձեզ, զօրացուցե-  
զՁեզ, միասիրտ միաբան  
պահելով զՁեզ ամէն:

† Տ. ՆԵՐՍԷՍ արքեպիսկոպոս վ. ԼՐԺ-ԱՊԵՏԵՑԱՆ  
Պատուաւոր սնկրով Կ. Հ. Բ. Ընկերութեան

1882 թ. Յունիստի 13-ին

'ի ԽԸՄԳԻԻԳ


Կոնստանդնուպօլսոյ.

Անամբ ազօժարար ընդ միշտ՝

ՆԵՐՍԷՍ ԱՐՔԵՊԻՍԿՈՊՈՍ:

Պատուաւոր անդամներ ընտրելոց յետոյ, Խորհուրդը  
հոգս է տանում և մշտական անդամներ ունենալու մասին:  
Ըստ կանոնադրութեան՝ այդպիսի անդամներ համարվում  
են միանուագ ոչ պակաս քան 300 բուրլի տուողները: Եւ  
այդպիսի գումարներ մտցնելու և մշտական անդամ լինելու  
առաջին օրինակը տալիս են հէնց Խորհրդի անդամներէր  
մի քանիսը:

Գեկանմբերի 11-ի նիստում յայտարարվում է հետևեալը. նախագահ Ալէքսանդր Անանեանը տալիս է 1000 ռուբլի իր և իր ամուսին Վարդուհու կողմից, զանձապահ Յովհաննէս Զիթախեան՝ 1200 ռուբլի իր և իր կնոջ Սոփիայի ու Մարիամ և Աննա գուտարների կողմից, Ալէքսանդր Մանթաշեան՝ 900 ռուբլի իր և իր ամուսին Դարիայի և գուտար Աննայի կողմից, զեներալ Գիմարի Տէր-Աստուածատրեանց՝ 600 ռուբլի իր և իր մայր Մարթայի կողմից, Ալէքսանդր Մէլիք-Ազարեան՝ 600 ռուբլի իր և իր ամուսին Թագուհու կողմից, Յովհաննէս Էմինեան (Սորճրի կողմից գուրս) 300 ռուբլի. ընդամենը 4600 ռուբլի:



Գ. ԱՌՐԻՆ ԿՈՆՏՆՏԻՆՈՎՆԵՆ

Սորճուրդը որոշում է տալ այդ բոլոր անձանց մշտական անգամի վկայագիր, իսկ գումարը համարել անձեռընմիտելի: Այդպիսով իրագործվում է կանոնադրութեան այն կէտն էլ, որ վերաբերում է գումարներին և կազմում է անշարժ դրամազուլս, առանց որի ոչ մի ընկերութիւն չէ կարող գոյութիւն ունենալ: Տարուայ վերջին մշտական անդամների թուին աւելանում են Յովհաննէս Անանեան, որ տալիս է 1000 ռուբլի և Գէորգ Լիանոսեան, որ տալիս է 300 ռուբլի:

Գալով գործադիր անդամներին, Սորճուրդը մի շարք միջոցներ ձեռք առաւ նրանց թիւը մեծացնելու համար: Բացի «ստորագրական թերթեր» ուղարկելը զանազան ան-



ձանց Թիֆլիսում և գաւառներում, Խորհուրդը իր անդորրա-  
դրերը ուղարկեց Թիֆլիսի հայ յայտնի վաճառականներին,



ՄԻՋԱՅԻՆ ՇԱՀ - ՊԱՐՈՆԵԱՆ



ՄԵՆԵՔԵՐՈՄ ԱՐԺՐՈՂՅՈՒ

հայ եկեղեցիներին քահանաներին և երեցփոխներին, և  
առանձին տպագրած շրջաբերական զիմուհներով խնդրում  
էր տարածել այդ անդորրագրերը:

Շնորհիւ այն ոգևորութեան, որ տարածել էր հասա-  
րակութեան մէջ այս նոր գործը, շնորհիւ այսպիսի եռան-  
գուն միջոցների, Ընկերութիւնը իր գոյութեան առաջին  
տարում ունէր Թիֆլիսի Խորհրդի հաշիւներով 589 ան-  
գամ <sup>1)</sup>:

#### Գ. ՀԱՍԱՐԱԿՈՒԹԵԱՆ ՎԵՐԱՅԵՐՄՈՒՆՔԸ

Առաջին տարուայ այդ արդիւնաւոր, եռանգուն գոր-

<sup>1)</sup> «Համառոտ հաշիւ» Թիֆլիս, 1886, էր. 5.

ծունէութիւնը չափազանց կարևոր էր՝ Ընկերութիւնը հաստատուն հիմքերի վրայ գնելու համար: Եւ տարուայ վերջին մենք տեսնում ենք մի կազմակերպուած մարմին, որ թէև դեռ համեստ ոյժերի տէր է, բայց այնքան արդէն ապահովել է իր գոյութիւնը, որ կարող է ապրել, այդ համեստ ոյժերի ներածին չափ, նոյն իսկ աննրպաստ պայմանների մէջ:

Իսկ պայմանների աննպաստութիւնը նկատելի է դառնում հէնց երկրորդ տարուց: Հասարակութիւնը այլ ևս անտարբեր է դէպի Սորհրդի դիմումները: Չը կայ ոգևորութիւն: Եւ այդ տեսակ սառն վերաբերմունքի առաջին յայտարարը անգամների թիւն է երկրորդ տարուայ ընթացքում—358: Երրորդ տարում աւելի ևս պակասում է այդ թիւը, հասնելով 156-ի:



Ա. Ա Ն Ա Ն Ե Ա Ն  
Նախագահ Խորհրդի

Սորհուրդը իր անդրա-նիկ տպագրած հաշուի մէջ («Համառօտ հաշիւ նոյեմբերի 15-ից 1881—1885») չէր թագցնում այդ հանգամանքը հասարակութիւնից: Նա գրում էր. «Մի անբացատրելի սառնութիւն և անտարբերութիւն է նշմարվում հասարակութեան մէջ... Նոյն անտարբերութիւնը դէպի ընկերութեան գործը նշմարուած է նաև ընդհանուր ժողովի նիստերին յաճախելում, ուր ամեն մի անդամ իւր օգտաւէտ խորհրդով կարող է նպաստել ընկերութեան բարգաւաճմանը ու Սորհրդին աջակից լինել նրա գործունէութեան մէջ:



Այդ պատկերը մեզ ցոյց կը տայ ընկերութեան գործունէութիւնը, որին կը զիմենք այժմ, բաժանելով նրան երկու գլխաւոր հասուածների. ա) Կենտրոն (Թիֆլիս) և բ) Ճիւղեր:

# ՀԱՏՈՒԱԾ ԱՌԱՋԻՆ

## Կ Ե Ն Տ Ր Ո Ն

1881—1899

### I

## Դ Պ Ր Ո Ց Ա Կ Ա Ն Գ Ո Ր Ծ

### ա. ԱՇԱԿԵՐՏՆԵՐ և ԴՊՐՈՑՆԵՐ

Առաջին տարին Սորհուրդը ել և մտական նախահաշիւ չէ կազմում, այլ թոյլաւութիւն է ստանում ընդհանուր փողովից ծախսելու բարեգործական նպատակներով 2500 բուբլի գործադիր անդամների վճարներինց:

Յունուարի 8-ի (1882) նիստում քննելով թէ ինչ նպատակների յատկացնել այդ գումարը, Սորհուրդը նկատողութեան է առնում երկու առաջարկութիւն: Դեկտեմբերի 11-ի նիստում կարգացուել էր Թիֆլիսի Նորաշէն Ս. Աստուածածնի եկեղեցու տղայոց դպրոցի ուսուցիչ Յ. Իւսուֆեանի նամակը, որով նա առաջարկում է «հիմնել մի կիւրակնօրեայ դպրոց ու մի ապաստանարան, այն տաճկահայ մշակների համար, որոնք գալիս են Թիֆլիս իրենց ամենօրեայ հացը ճարելու»: Սորհրդի անդամներից ոմանք առաջարկում են հիմնել այդ ապաստանարանը, իսկ ոմանք առաջարկում են նպաստներ տալ Թիֆլիսի աղքատ ծխական դպրոցներին:

Երկու հարցերի վերաբերեալ նիւթեր հաւաքելով, Սորհուրդը հրաւիրում է իր նիստերին և Թիֆլիսի թեմի

թեմական Տեսչին ու մի քանի դպրոցների հոգաբարձուներին, և վերջ ի վերջոյ ուղղում է իր գործունէութիւնը՝ կրթական գործին օժանդակութիւն անելու կողմը: Նա տալիս է մասնաւոր ամասովճարներ թիֆլիսի դպրոցներում սովորող չքաւոր աշակերտներին և նպաստներ է տալիս քաղաքի աղքատ ծխական դպրոցներին:

Գործունէութեան այդ ձևն էլ մնում է Խորհրդի գլխաւոր հոգացողութիւնը և յետագայ տարիներում: Նրա սովորական նախահաշուի մէջ իւրաքանչիւր տարի գլխաւոր տեղը բռնում են ուսումնառուներն և ուսումնարանները:

Սակայն այդ օժանդակութիւնը նորանոր ձևերի մէջ մարմնացնելու փորձեր են լինում: Եւ առաջին փորձը տեղի է ունենում հէնց առաջին տարին: Խորհուրդը որոշում է բաց անել թիֆլիսում ազատանարան չքաւոր աշակերտների համար և երկար զբաղվում է այդ հարցով:

Երեք հոգուց բաղկացած մի մասնաժողով (Ալէքսանդր Անանեան, Ներսէս Աթաբէկեան, Ալէքսանդր Քիչմիշեան), խորհրդակցութեան հրաւիրելով դպրոցական գործին ծանօթ մի քանի մարդկանց, ծրագրում է աշակերտական ազատանարանի մի այսպիսի կազմակերպութիւն:

Ազատանարանը բացվում է 20 աղքատ աշակերտների համար. ընդունվում են աշակերտներ ո՛չ միայն Ներսիսեան



Ա. Ա. Մ. Մ. Մ. Մ. Մ.

Խորհրդի փ. - անդամ:

գալրոցից, այլ և պետական միջնակարգ գալրոցներից: Աշակերտները ստանում են բնակարան, լոյս, վառելիք, սնունդ և բժշկական օգնութիւն, նոյնպէս և մանճակալ և անկողին իր սպիտակեղէնով և բաղնիսի ծախս: Եւ այս ամենի համար իւրաքանչիւր աշակերտ վճարում է ամսական հինգ բուբլի: Հիմնարկութիւնը գտնվում էր Խորհրդի անմիջական հսկողութեան տակ և կառավարվում էր առանձին վերակացուի ձեռով:

Նախահաշուով այդ հիմնարկութեան համար սահման-



Ն. ԱԹԱԲԵԳՆԱՆ

Նախնայի տնօրէն:

Սեպտեմբերի 6 ին Խորհուրդը, ուղարկելով Թիֆլիսի նահանգապետին ծրագրի ուղևերէն թարգմանութիւնը, խնդրում է թոյլտուութիւն բաց անելու ապաստանարանը: Նահանգապետը այդ ծրագրին ուղարկում է կովկասի ուսումնարանական շրջանի հոգաբարձուին, որ և մի քանի փոփոխութիւններ է մտցնում ծրագրի մէջ: Այսպէս, պահանջ-

վում էր տարեկան ծախս 1948 բուբլի, և բացի դրանից միանուագ ծախս կան կարասիքի համար՝ 750 բուբլի:

Ծրագիրը և նախահաշուը հաստատվում են ընդհանուր ժողովի կողմից օգոստոսի 29-ին և Խորհուրդը սկսում է պատրաստութիւններ անել: Գրնում է կան կարասիք ապաստանարանի համար, օգնութիւնը խնդրող աշակերտներից ընտրում է այնպիսիներին, որոնք կարող են ընդունուել այդ հիմնարկութեան մէջ:

փում էր, որ ապաստանարանի վերակացուն ընտրուի ժողովրդական գաբրոցների գիրեկտորի համաձայնութեամբ և սահասարակ ապաստանարանը գտնուի նաև գաբրոցական վարչութեան հսկողութեան տակ:

Այս փոփոխութիւնների առիթով Սորհրդի մէջ տեղի ունեցան տաք վիճաբանութիւններ: Անդամների մեծամասնութիւնը գտնում էր՝ թէ ինքը Սորհուրդը իրաւունք ունի մայնել այդ փոփոխութիւնները ծրագրի մէջ: Իսկ փոքրամասնութիւնը պնդում էր թէ առանց նախապէս ընդհանուր ժողովից հաւանութիւն ստանալու՝ Սորհուրդը այդպիսի քայլ անելու իրաւունք չունի: Այդ վիճաբանութիւնները սուր, նոյն իսկ անձնական կերպարանք ստացան, և երևի ճէնց այդ պատճառով էր, որ ապաստանարանի միտքը թողնուեց և հետեւեալ տարին Սորհուրդը ծախեց իր գնած կահ կարասիքի մի մասը:



Ն. ՆՈՍՐՈՎԵԱՆ  
Խառնդի անդամ:

Թողնելով կրթական բարեգործութեան այդ ձևը, Սորհուրդը ընդգրկեց բացառապէս կարօտ ուսումնարաններին և ուսումնառուներին միանուազ կամ ամսական նպաստներ տալու ձևը:

Այգպէս, առաջին տարեշրջանում միանուազ նպաստ են ստանում 25 աշակերտ ու աշակերտուհի և երկու ուսումնարան: Հետեւեալ տարին (1883) միանուազ նպաստներ ստացող աշակերտների թիւը իջնում է արդէն 3-ի, բայց դրա փոխարէն ամսական նպաստ (հնդական բուրլի)



ստանում են 37 աշակերտ և աշակերտուհի, երրորդ տարին 44 հոգի և 5 հոգի միանուագ ստացողներ: Բարձրագոյն դպրոցներում ուսանողներից առաջին և երկրորդ տարիներում, միանուագ նպաստ (75 ըուրլի) ստանում են մի-մի հոգի, իսկ երրորդ տարում՝ 4 հոգի (200 ըուրլի):

Այս ընդհանուր պատկերը ներկայացնում են և հետևեալ տարիների նախահաշիւները: Սորհուրդը նշանակելով այգւրիսի գումարներ, չէր գուրս գալիս իր նախահաշիւների սահմաններից,



Գ. Կ. Գ. ՏՆՐ-ԱՍՏՈՒՐՅԱՆ

Փոխ-նախագահ խորհրդի:

Գեղուցմամբ նա պարգաբանում է, որ փոխանակ աշակերտներին և ուսանողներին մանր նպաստներ տալու, աւելի լաւ է լիաթոշակ աշակերտներ պահուեն ներսիտեան դպրոցում, և Գէորգեան ձեմարանում, ինչպէս նաև ուսանողներ բարձրագոյն դպրոցներում, այն պայմանով, որ այդ լիաթոշակ սաները պարտաւորուած լինեն ուսուցչութիւն անել հայոց դպրոցներում:

հաշիւների սահմաններից, թէև նրա գրամական կացութիւնը այնքան էլ վատ չէր: Տարեկան մուտքից աւելացածը նա կցում էր իր անձեռնմխելի գումարներին: Առաջին տարեշրջանի կրթատակութեան արժանի է 300 ը. նպաստը, որ արուեց հայոց առաջին ուսուցչական ժողովին:

Գլորոցական բարեգործութեան ընդունուած ձևի փոփոխութիւնը փորձուած է մտցնել 1885 թուին Սորհրդի անդամ Գէորգ Աքիմեանը: Մի մանրամասն

Սակայն Սորհուրդը չէ ընդունում այդ առաջարկութիւնը, պատճառաբանելով այսպէս. «Ի նկատ առնելով առնասարակ ընկերութեանս գրամական կարողութեան կարի նուազութիւնը և ի մասնաւորի տարեկան եկամտի որոշ ընաւորութիւն ստացած լինելը համեմատ ցայսօր նորան տուած միակերպ գործադրութեանը մի քանի հարկաւոր ճանաչուած պէտքերի վրայ, որը դժուար է անտես առնելը և եկամտին նոր գործադրութիւն նշանակելը»<sup>1)</sup>։

Զկարողանալով արմատական փոփոխութիւններ մտցնել իր գործադրած դպրոցական բարեգործութեան մէջ, Սորհուրդը 1887-ին նորից վերագառնում է լրաթողակների հարցին և այս անգամ կարողանում է, առանց խանդարելու նախկին կարգը, աւելացնել նպաստ ստացող աշակերտների թուին և մի քանի յատուկ թողակներ, վճռելով պահել Ալեքսանդրեան ուսուցչական ինստիտուտում մի գիշերով աշակերտ, յատկացնելով նրան 200 ռ. և օրիորդական զիննագիրայում սովորող երկու աշակերտուհիների տալ տարեկան 100-ական ռուբլի։ Պայման էր որոշվում, որ այդ աշակերտն ու աշակերտուհիները կամ աւարտած լինեն հայոց դպրոցները կամ յառաջագէտ լինեն հայերէն լեզուից։ Այս որոշման նպատակն էր, անշուշտ, ուսուցիչներ և վարժուհիներ պատրաստել հայոց դպրոցների համար։

Հետեւեալ տարին (1888) Սորհուրդը կարողանում է լուծել և մի դպրոցական հարց, որ դրսւած էր նրա առջև իր դոյութեան սկզբից և եթէ։ Այդ այն էր, որ կարևոր էր համարվում Թիֆլիսի հեռաւոր և աղքատ թաղերում ծխական դպրոցներ լաց անելը։

Բանակցութիւններ սկսելով Թիֆլիսի թեմի առաջնորդ Արիստակէս եպիսկոպոսի հետ, Սորհուրդը յայտնում է, որ եթէ Նաւթլուղ և Սարփուղ թաղերի ծխականները իրանց միջոցներով դպրոցական շէնքեր կառուցանեն, Սորհուրդը կը հոգայ այդ դպրոցների ընթացիկ ծախսերի մեծագոյն մասը։

<sup>1)</sup> Արձ. 23.

1888-ին յայտնի դարձաւ, որ Ռէյասեր եղբայրները, ի յիշատակ իրանց հայաղջիկ մօր, Նաւթլուզում կառուցել են գպրոցական շէնք և Սորհուրզը անմիջապէս ուղարկում է Արխատակէս եպիսկոպոսին 300 ըուրլի այդ գպրոցում ուսում սկսելու համար:



Յ. Չ ի թ Ա յ Ե Ա Ն  
Սորհուրզի անդամ

Այնուհետև նպաստը այդ քանակութեամբ դառնում է մշտական: Իսկ Սարփուզի թաղում վարձվում է գրպրոցական շէնք և Սորհուրզը ուսուցիչների ուձիկների, գպրոցական պիտոյքների և կահ կարասիքի համար ծախսում է 600 ըուր. աւել: Սակայն գրպրոցը փակվում է 1890-ին: Տարեկան նպաստ շարունակում է ստանալ Նաւթլուզի գպրոցը:

1892 թուականից տարեկան 300 ըուրլի նպաստ է յատկացվում Գութայիսի նահանգի Չխար գիւղի հայոց գպրոցին: Հետեւեալ տարին նոյնքան նպաստ յատկաց-

վում է Սաշխերէթ գիւղին, որի հասարակութիւնը բազմաստորագիր մի խնդրագրով դիմել էր Սորհրդին: Շնորհիւ այդ նպաստի գիւղում բացվում է ծխական գպրոց: Նմանապէս, յարգելով Արխատակէս եպիսկոպոսի միջնորդութիւնը, տարեկան 150 ըուրլի նպաստ է յատկացվում Երևանեան նահանգի Էվջեղար գիւղի գպրոցին. այդ նպաստները յիշեալ գպրոցներին սոււած են մինչև 1897 թուականը <sup>1)</sup>:

<sup>1)</sup> Վերջին տարին նպաստ ստանում էին միայն Չխարի, Նաւթլուզի և Սաշխերէթի գպրոցները, այն էլ 150-ական ըուր.

1888 թուի սկզբին Սորճուրդը որոշում է մի հաս լիաթոշակ ուսանող պահել բարձրագոյն դպրոցներում, յատկացնելով տարեկան 360 ռուբլի: Այդ թոշակը նոյն թուականից յատկացվում է Գօրպատի համալսարանի պատմական — լեզուաբանական ֆակուլտէտի ուսանող Փարսադան (այժմ Մեսրոպը եպիսկոպոս) Տէր Մովսիսեանին: Ուսումն աւարտելուց յետոյ Տէր-Մովսիսեանը գնում է արտասահման, կատարելագործելու համար, ստանալով Սորճրդից տարեկան 600 ռուբ. (Մինչև 1893 թ.):

1890 թուի, փետրուարի 25-ին ընդհանուր ժողովը որոշել է մի սրգեզիր պահել Էջմիածնի ճեմարանում, և յանձնել էր Սորճրդին գործադրել այդ վճիռը նոյն տարուայ գեկաների ամսից:

Այս վճիռը Սորճրդի քննութեան առարկայ դարձաւ միայն 1891-ի գեկտեմբերին: Սորճուրդը հասաւ այն եզրակացութեան, որ աւելորդ է սրգեզիր պահել ճեմարանում, աւելի լաւ է ճեմարանն աւարտողներից մէկին ուղարկել ընկերութեան հաշուով արտասահման՝ բարձրագոյն ուսում ստանալու: Այդ մտքով յայտարարութիւն եղաւ, և ճեմարանի սաներից 7 հոգի խնդիրներ ներկայացրին՝ թոշակը իրանց տալու մասին:

1892-ի ապրիլի 25-ին Սորճուրդը քննում էր, թէ խնդրատուններից ո՞վ է արժանի սրգեզիր լինելու: Սորճրդի անդամ Բ. Մելիք-Ղարազեօղեանը առաջարկում է նախքան թոշակաւորի ընտրութիւնը, սահմանել թէ ի՞նչ պայմաններ և ի՞նչ պարտաւորութիւններ պիտի յանձն առնէ և կատարէ այդ կարգի մի թոշակաւոր, և այդ մտքով նա Սորճրդի քննութեան է առաջարկում ծրագրի հետևեալ կէտերը: «1) նա պիտի ուսանի աստուածաբանական և կամ պատմական ու լեզուադիտական ուսումն. 2) ուսման ընթացքը կարող է տևել 3—4 տարի. 3) յետ ուսման նա պարտաւոր է ծառայել ազգին կովկասում և Անդրբ-կովկասում (քահանայութիւն կամ ուսուցչութիւն անե-

լով) 4). ստորագրութեամբ պարտաւորուի նա, ազգին չ'ծառայելու դէպքում, իւր վրայ արուած ծախքի գրամը յետ դարձնել ընկերութեան»<sup>1)</sup> Սորհուրդը մերժում է չորրորդ կէտը և ապա, անդամ Փ. Վարդանեանի վկայութիւնները աչքի առաջ ունենալով, թոշակաւոր է ընտրում Գարեգին Սարկաւազ (այժմ վարդապետ) Յովսէփեանին, որ և նոյն տարուայ ամառը գնում է Գերմանիա և մինչև 1896 թուականի սեպտեմբերը ստանում է ընկերութիւնից ամսական 50 բուբլի:

Բայի Տէր-Սովսիսեանից և Յովսէփեանից, ընկերութիւնը ուրիշ լիաթոշակ որդեգիր ուսանողներ չէ ունեցել: Մինչև 1899 թուականը Սորհուրդը ըստ մի անգամ ընդունուած չափի չքաւոր ուսանողներին տալիս էր նպաստ ամսական 10 բուբլի:

Թիֆլիսում սովորող աշակերտներին համար սրտշուած ամսաթոշակը—5 բ. նոյնպէս անսովսիս մնաց մինչև 1899 թուականը, բացառութեամբ միայն հետեւեալ դէպքի:

1891 թուականի ամառը բանաստեղծ Ռտիսլայէլ Պատկանեանը ծանր հիւանդ էր և ապրուստի միջոցներէն զուրկ: Նրա որդիներից մէկը սովորում էր Թիֆլիսի Արհեստաւորաց դպրոցում: Սորհրդի մէջ առաջարկութիւն եղաւ, ի պատիւ հիւանդ բանաստեղծի, թոշակ նշանակել այդ աշակերտին: Եւ Սորհուրդը, նոյեմբերի 6-ի նիստում, սովորականի պէս, նշանակեց Պատկանեանի որդուն ամսական 5 բուբլի: Այդ որոշման առիթով Գրիգոր Արծրունին իր «Մշակում» մի խիստ յարձակողական առաջնորդող սպեց, որի մէջ յանդիմանում էր Սորհրդին, թէ նա այդպիսի չնչին թոշակով անպատվում է հայ ազգի նշանաւոր բանաստեղծին: Սորհրդի նախագահ Անանեանի և Արծրունու մէջ տաք բանակութիւ սկսուեց այդ առիթով, սակայն Սորհուրդը շուտով ուղղեց այդ սխալը: Գեղեմեմբերի

<sup>1)</sup> Ա.բ.ձ. № 11.

14-ի նիստում Սորերդի անդամ Գ. Սունդուկեանը առաջարկում է եկող տարուանից Պատկանեանի որդուն տալ ամսական 15 ռուբլի: Թէև նախագահ Անանեանը սաստիկ ընդդիմանումէ այդ առաջարկութեան, ասելով թէ ընկերութեան, առջև համահաւասար պիտի լինեն բոլոր ջրաւորները, բայց Սորերդը ընդունում է Սունդուկեանի առաջարկութիւնը:

### բ. ՈՒՍՈՒՅՉՍԿԱՆ ՅԵՆՁ:

1889 թուի Մարտի 22-ին արձակուած բարձրագոյն հրամանով սահմանուած էր որ «Հայ—Գրիգորեան եկեղեցական ծխական դպրոցների մէջ ուսուց լեզուի, պատմութեան և Ռուսաստանի աշխարհագրութեան ուսուցիչներ ու վարժուհիներ պէտք է նշանակուին միայն օրինաւոր ուսուցչական ցենդ ունեցող անձինք, բայց թոյլատրել կաթողիկոսին ընդունել այդ դպրոցներում ուրիշ առարկաների դասատուութեան համար և այն անձանց, որոնք չունին յիշեալ ուսուցչական ցենդը, միայն այն պայմանով, որ այդ բացառութիւնը կարող է սեղի ունենալ միայն 5 տարուայ ընթացքում: Այդ ժամանակամիջոցից յետոյ ուսուցչական ցենդ չունեցող անձանց առհասարակ չէ թոյլատրվում դասուանդութիւնը այդ դպրոցներում»<sup>1)</sup>

Նշանակուած պայմանաժամը, ուրեմն, լրանում էր 1894 թ. մարտի 22-ին: Բայց դեռ 1893-ի սկզբում այդ կարևոր հարցը թիֆլիսում մտահոգութեան առարկայ էր դարձել: Բարեգործական Ընկերութեան Սորերդը 1893-ի էր նախահաշուի մէջ մտցրեց ելքի մի յատուկ յօդուած՝ «Հայ ուսուցիչներին նպաստ, ցենդ ձեռք բերելու համար, 360 ռ.» թիֆլիսի Հայուհեաց Բարեգործ. Ընկերութիւնն էլ նոյն նպատակի համար նշանակել էր 200 ռ. Ասում էին

<sup>1)</sup> Циркуляръ по управленію Кавк. учебн. Округомъ 1889, № 5, с. 153,

թէ նոյն այդ գործը կարգաւորելու համար Թիֆլիսում կազմուել է «մի մասնաժողով, որ փողեր էլ էր հանգանակում»<sup>1)</sup>։ Երբ այդ որոշումները յայտնի դարձան հասարակութեան, ծխական գլխարկների ուսուցիչներէրց մի քանիսը գլխացին Սորճրզին, խնդրելով նպաստ, որպէս զի կարողանան պատրաստուել և պահանջուած քննութիւնը տալ՝ ուսուցչական իրաւունք ձեռք բերելու համար։

Այդ գիմուսների առիթով Սորճուրզը մարտի 20-ի նիստում կարծիք է յայտնում, թէ այդ խնդիրը ամենակարևոր և լուրջ խնդիրներից մինը լինելով, հարկաւոր է, որ Սորճուրզը նրա վրայ առանձին ուշադրութիւն դարձնէ։ Իր նշանակած 360 բուրլին չափազանց չնչին լինելով, հարկաւոր է համարում «գործը հիմնաւորապէս կազմակերպել. իսկ այդ կը լինի այն ժամանակ, երբ Բարեգործական Ընկերութիւնը ինքը գլուխ կանգնի այդ գործին. այն ժամանակ Սորճուրզը կարող է կենտրոնացնել իր ձեռքում այդ նպատակով որոշուած բոլոր միջոցները»։ Մասնաւորապէս Սորճուրզը ի նկատի ունէր այն 2000 բուր. գումարը, որ մնացել էր հայոց առաջին ուսուցչական ժողովից և գտնվում էր այդ ժողովի կարգադրիչ յանձնաժողովի ձեռքում։ Եւ Սորճուրզը որոշում է գլխի կաթոցիկոսական տեղապահ Երեմիա արքեպիսկոպոսին «և ստանալով Նորին Սրբազնութեան հաճութիւնը, կազմակերպել գործը, կենտրոնացնելով Սորճրզի ձեռքում այն բոլոր գումարները, որոնք յատկացրած են այդ նպատակին»<sup>2)</sup>։

Երեմիա արքեպիսկոպոսը, որ շարունակում էր ազգապահական պաշտօնը, քանի որ դեռ չէր եկել Մկրտիչ կաթողիկոսը, մեծ համակրութեամբ է վերաբերվում Սորճրզի մտադրութեան, ուղարկում է օրհնութեան և խրախուսանքի թուղթ ու միաժամանակ առաջարկում է Թիֆ-

1) «Տեղեկագիր» 4. Հ. Բ. Ը. 1893, կր 72.

2) Արձ. № 10:

լիսի կոնսիստորիային, որ նա ստանայ ուսուցչական ժողովի կարգադրիչ յանձնաժողովից նրա ձեռքում գտնուող ամբողջ գումարը և յանձնէ Սորհրդին:

Սորհուրդը, առանց սպասելու այդ գումարի ստացման, կազմեց մի մասնաժողով ուսուցիչների օգնութեան գործը կազմակերպելու համար: Մասնաժողովի անդամներ հրաւիրվում են Յ. Սպենդիարեան, Ա. Քալանթար, Ա. Երիցեան Ս. Մալխասեան և Հ. Առաքելեան: Երիցեանը հրաժարվում է, իսկ մնացածները սկսում են գործը:

Իր առաջին նիստում, մայիսի 15-ին, մասնաժողովը «գտաւ, որ մեր ծխական դպրոցների ուսուցիչները մեծագոյն մասը անկարող է ինքնին ձեռք բերել ուսուցչական ցենդ և շատ քչերն են մինչև այսօր այդ նպատակին հասնելու համար փորձեր արել: Այդ ուսուցիչները, որպէսզի պետական դպրոցներում քննութիւն տան և ուսուցչութեան իրաւունք ձեռք բերեն, պէտք է կամ թողնեն իրանց անմիջական պարապմունքը, որ միևնոյն է թէ զըրկուեն ապրուստից, կամ պէտք է ամբողջ արձակուրդները ժամանակ պատրաստուեն: Այս պարագայում ևս նրանք կը հանդիպեն դժուարութեան, քանի որ զուրկ են որևէ նիւթական միջոցից վարձատրելու իրանց պատրաստող ուսուցիչներին և դասական պիտոյքները հոգայու»:

Միևնոյն ժամանակ նկատի առնելով, որ Սորհուրդը այնքան միջոցներ չունի, որ նպատաներ տայ բոլոր կարօտ ուսուցիչներին անմիջապէս պատրաստուելու, Մասնաժողովը կարծիք է յայտնում որ «ներկայ ամառնային արձակուրդների ժամանակ բաւականէ բանալ երեք տեղ կուրսեր, Թիֆլիսում՝ Սորհրդի, Շուշում և Ախալցխայում տեղական վարչութիւնների հսկողութեան տակ. Թիֆլիսում հիմնուելի կուրսերի վրայ պէտք կլինի ծախսել մինչև 800 ըւրբլի, իսկ Շուշուն և Ախալցխային բաւական է իւրաքանչիւրին տալ 300-ական ըւրբլի, ընդամենը 1400 ը.»:

Ստանալով Սորհրդի հաւանութիւնը, մասնաժողովը,



այսպէս է կազմակերպուած Թիֆլիսի ամարային կուրսերը. «1) Յանձնել պ. պ. Քրիստափոր Միքայէլեանին, Արամ Նազարէթեանին, Մելքումեանին և Գիւլնազարեանին պատրաստել ցանկացող ուսուցիչներին մասնաւոր դասընթացքներ սարքելով, նշանակելով Յունիսի 20-ից մինչև Օգոստոսի վերջը վարձ երկու ամիս և 10 օրուայ համար մինչև 400 բուբլի, որպիսի գումարը պարոնները կըբաժանեն իրանց մէջ՝ իրանց աշխատութեան համեմատ: 2) Հոգալ որ դաւառից եկած ուսուցիչները Ներսիսեան կամ ծխական դպրոցներից մէկի մէջ բնակարան ունենան, ևս աշխատութեան համար բոլոր կարևոր պիտոյքները, ինչպէս և դասական առարկաները»: Գործի ընդհանուր անօրինութիւնը յանձնվում է ընդհանուր ժողովի քարտուղար Խ. Մալումեանին:

Կուրսերը 1893-ի ամառը բացվում են Թիֆլիսում և Ախալցխայում և տալիս են այսպիսի արդիւնք: Երկուսի վրայ ծախս եղաւ ընդամենը 891 բ. 46 կոպ. Թիֆլիսում պատրաստողներին թիւն էր 37, Ախալցխայում՝ 8. բացի դրանից, 5 հոգի նպաստներ էին ստացել կուրսերից դուրս պատրաստուելու համար: Ընդհանուր ամամբ, ուրեմն, 50 հոգի:

Բայց այս օգնութիւնը չնչին էր՝ համեմատութեամբ հարիւրաւոր հայ ուսուցիչներին, որոնք մնում էին դեռ անպատրաստ: Ուստի Խորհուրդը չը բաւականացաւ այս փորձով, վճռեց աւելի լայն կազմակերպութիւն տալ գործին:

Ուսուցչական ժողովի կարգադրիչ Մասնաժողովը հրաժարվում էր Խորհրդին յանձնել իր ձեռքում գտնուող գումարը, համարելով Տեղապահի թոյլտուութիւնը անբաւարար: Այդ պատճառով, երբ Մկրտիչ Ա. Կաթողիկոսը հասաւ Էջմիածին և իր ձեռքն առաւ կառավարութիւնը, Խորհուրդը նրա մօտ ուղարկեց իր քարտուղար Հ. Առաքելեանին այդ հարցի լուծումը խնդրելու համար: Կաթողիկոսը բարեհա-

ձուլթեամբ վերաբերուեց Սորհրդի դիտաւորութիւններին, օրհնութեան կոնգակ դրեց Սորհրդին, յանձնարարելու նրան իր ձեռքն առնել ամբողջ գործը. նա էլ կրկնեց երեմիա արքեպիսկոպոսի կարգադրութիւնը, որ ուսուցչական ժողովի գումարը յանձնուի Սորհրդին: Կարգադրիչ մասնաժողովը յանձնեց 2000 բուրլի:

Ուսուցչական Մասնաժողովը կամ, ինչպէս նա ինքն իրանց անուանում էր, իրաւահասութեան (ցենզի) մասնաժողովը, գեկտեմբերի վերջին ստացաւ Սորհրդից առաջարկութիւն կազմակերպել ուսուցչական ցենզի գործը և մշակելով մի ամիովի ծրագիր, ներկայացնել իրան: Այդ ժամանակ Մասնաժողովի կազմի մէջ էին մտել նաև Յ. Մէլիք-Բէկարեան Թիֆլիսի թեմի թեմական տեսուչ Մեսրոպ Բան. Մելեան և Ս. Մալումեան:

Այդ հիման վրայ մշակուած ծրագիրը հետևեալն էր:

«1) Նպատակն է ունենալ մի գալրոց կամ դասընթացներ, որտեղ ցանկացողները և հայոց ծխական գալրոցների այժմեան ուսուցիչները պատրաստուէին գիւղական և ստորին գալրոցների ուսուցչի ցենզ ձեռք բերելու համար քննութիւն տալու:

«2) Դիմել թեմական տեսուչներին, խնդրելով որ հարգեն հետևեալ տեղեկութիւնները 1) Քանի՞ ուսուցիչներ կան թեմում, 2) Քանի՞սը դրանցից ցենզ չունին, 3) Ովքե՞ր ցանկանում են ցենզ ձեռք բերել 4) Դրանցից որո՞նք են կամենում գալ Թիֆլիսում պատրաստուել և որո՞նք՝ իրանց տեղերում, 5) այդ ցենզը ձեռք բերել ցանկացողները որտեղ են ստացել իրենց ուսումը և քանի՞ տարի ուսուցչական պաշտօն են վարել հայոց գալրոցներում»:

Կուրսերը պէտք է լինեն ձմեռային և ամառային, նրանց տեղը պիտի լինի Թիֆլիսը, ուր ամեն յարմարութիւն կարելի է ունենալ այդ գործի յաջողութեան համար: Մասնաժողովը հարկաւոր էր համարում, որ ուսուցիչներ

պատրաստող դասընթացները ժամանակաւոր հաստատութիւններ չը լինեն, այլ մշտական գոյութիւն պիտի ունենան:

Մասնաժողովի այդ ծրագիրը քննելու և դործին վերջնական ձևակերպում տալու համար 1894 թ. մարտի 5-ին Սորհուրդը նխաւ կազմեց, որին հրաւիրուած էին Թիֆլիսի թեմի առաջնորդ Գէորգ եպիսկոպոս Սուրէնեան, Ներսիսեան և Յովնանեան դպրոցների տեսուչները, ընդհանուր ժողովի նախագահ բժ. Նաւասարդեանը: Այդ խառն ժողովը որոշեց ուժեղացնել Մասնաժողովի կազմը, հրաւիրելով մասնակցելու նրա պարագմուներին նաև բժ. Նաւասարդեանին և Ներսիսեան դպրոցի ուսուցիչները երկուսին: Ապա քննութեան ենթարկելով Մասնաժողովի ծրագիրը, ընդունեց նրան:

Գասընթացը Թիֆլիսում բացվում էր 80 հոգու համար: Գաւառացի ուսուցիչներին յարմարութիւններ տալու նպատակով որոշուեց դասընթացներ բաց անել և Երևանում ու Ախալցխայում, ընկերութեան տեղական վարչութիւնների ղեկավարութեամբ, եթէ հնար է՝ նաև Շուշում:

Թիֆլիսի կուրսերը կազմակերպելու համար Մասնաժողովը պիտի վարձէր ուսուցիչներ և պատրաստութիւններ տեսնէր, նկատի չառնելով նախահաշուի որոշումները, որովհետև Սորհուրդը յանձն էր առնում միջոցներ գտնել, եթէ աւելի ծախսեր պահանջուէին:

Գասընթացը պիտի բացուէր Յովնանեան դպրոցում, իսկ պատրաստող ուսանողները պիտի ապրէին Ներսիսեան դպրոցում:

Կատարելով այդ ժողովի որոշումները, Սորհուրդը, մարտի 13-ին ուղարկեց թեմական տեսուչների միջոցով բոլոր ծխական դպրոցներին մի տպագրած յայտարարութիւն, որի մէջ ասում էր, թէ ամարային դասընթացը պիտի բացուի Թիֆլիսում յունիսի 1-ից մինչև օգոստոսի վերջը: «Գասընթացում պատրաստողները կը ստանան

ձրի ուսում, բնակարան, ծառայ և լուսաւորութիւն: Չքաւորներն իրանց յատուկ ցանկութեամբ կունենան նաև դրամական նպաստ, երեք ամսուայ ընթացքում 20 ռուբլի և աւելի, եթէ ընկերութեան միջոցները ներեն»:

Սորհուրդն ինքը պիտի ընտրութիւն կատարէր, թէ որ ուսուցիչները կարող են խկապէս յաջողութեամբ պատրաստուել: Եւ այդպիսի ընտրութեան համար իր ձեռքի տակ նիւթեր ժողովելու նպատակով, նա նոյն տպագրած թերթի միւս երեսի վրայ դնում էր այն հարցերը, որ մշակել էր Մասնաժողովը: Իւրաքանչիւր ուսուցիչ պիտի պատասխանէր այդ հարցերին ոչ ուշ՝ քան մայիսի մէկը:

Այս ձևով տեղեկութիւններ հաւաքուեցին Վրաստանի և Երևանի թեմերում <sup>1)</sup>:

Գործի պահանջած ծախսերը հայթայթելու համար Սորհուրդը դիմեց նուէրներ հաւաքելու միջոցին: Նախագահ Անանեանը յանձն առաւ Թիֆլիսում հանգանակութիւն անել: Նա ինքը նուիրեց 500 ռուբլի և ժողովեց թէ Սորհրդի միւս անդամներից և թէ դրսից 2365 ռուբ. բացէ՛ դրանից Բապուի Մարգարեանի ընկերութիւնը տուեց 800 ռուբլի: Եղան և մի քանի մանր նուէրներ, այնպէս որ Սորհուրդն ունէր իր արամագրութեան տակ 4923 ռուբլի 76 կոպէկ:

Ամեն ինչ պատրաստ էր, մնում էր ստանալ կառավարութիւնից թոյլտուութիւն: Այդ գործը յանձնուեց մասնաւոր ըէպիսկոսի դպրոցի տէր և Մասնաժողովի անդամ Յ. Մէլիք-Բէգլարեանին, որ և դիմեց Թիֆլիսի նահանգի ժողովրդական դպրոցների գլխեկտորին, խնդրելով թոյլ տալ Բարեգործական Ընկերութեան Սորհրդին բաց անել իր, Մէլիք-Բէգլարեանի ղեկավարութեամբ, ժամանակաւոր

<sup>1)</sup> Սորհրդի գործերում զոնվում են միայն Երևանի թեմի ուսուցիչների տուած պատասխանները, որոնք շատ հետաքրքրական նիւթ են այն ժամանակուայ մեր ծխական դպրոցների դրութիւնը ուսումնասիրելու համար:

մի մասնաւոր ուսումնարանական հաստատութիւն, ուր պիտի հայ ուսուցիչները պատրաստուին քննութիւն տալու և ուսուցչական իրաւունք ստանալու համար:

Մայիսի 31-ի գրութեամբ գիրեկտորը յայտնում էր Մէլիք-Բէգլարեանին, թէ ուսումնարանական շրջանի հոգաբարձուն համաձայն է այդ թոյլտուութիւնը տալու, եթէ գործադրուած կը լինեն իր առաջարկած պայմանները: Այդ պայմանները 7-հատ էին: Եւ գրանցից գլխաւորներն էին այն, որ կուրսերը պիտի ունենային և վարժոց, ուր պատրաստուող ուսուցիչները պիտի գործնական պարապմունքներ ունենային դասաւանդութեան վերաբերմամբ: Գլխաւոր ղեկավարութիւնը և հսկողութիւնը պիտի յանձնուեն դպրոցների գիրեկտորին, որ և պիտի ուղղութիւն տար պարապմունքներին: Նա պիտի նոյնպէս հսկէր կարգ ու կանոնի վրայ և իրաւունք ունէր հեռացնելու ոչ միայն պատրաստուող ուսուցիչներին ու վարժուհիներին, այլ և ղեկավարներին և հարկաւոր գէպքում նոյն իսկ փակել կուրսերը:

Խորհուրդը սլաշտօնական գրութեամբ հաղորդեց Մէլիք-Բէգլարեանին, թէ ինքը միջոցներ չունի վարժոց պահելու և առհասարակ հոգաբարձուի պահանջած կազմակերպութիւնն իրականացնելու համար:

Այսպէս հրաժարուելով իր ծրագրած դասընթացներից, Խորհուրդը գիմում է մասնաւոր օգնութեան եղանակին: Թիֆլիսում կազմվում են ուսուցիչների երեք խումբ, որոնք պարապում են ցանկութիւն ունեցող ուսուցիչների և վարժուհիների հետ: Այդ խմբերին արվում է նպաստ 858 ռուբլի: Շուշու, Ախալցխայի և Ալեքսանդրապոլի տեղական վարչութիւններին և մի քանի ուրիշ տեղեր ուղարկվում է 1200 ռուբլի, որպէսզի պատրաստուել ցանկացող ուսուցիչներին նպաստներ արուեն: Այնուհետև Խորհուրդն էլ իր ձեռքով նպաստներ է բաժանում 21 անձանց՝ 662 ռուբլի:

Ընդհանուր առմամբ, Խորհուրդը ուսուցչական ցենզի

համար ստանում է 1893 — 1894 թուականներին 5875  
րուբլի 22 կոպէկ և ծախսում է 4409 րուբլի 97 կոպէկ.  
հետևեալ տարիները այդ գումարի մնացորդը այլ ևս ան-  
կարելի է լինում յատկացնել բուն նպատակին, որովհետև  
ձխական դպրոցները փակվում են: Խորհուրդը այդ մնա-  
ցորդից նպաստներ էր տալիս ուսուցչական ինստիտուտի  
հայ աշակերտներին:

1899 թուականին, երբ փոփոխութեան ենթարկուեց  
ընկերութեան կանոնադրութիւնը, Խորհրդի արամադրու-  
թեան տակ գանվում էր այդ գումարից 522 րուբ. 25 կոպ.

## II

# ԼՈՒՍԱԻՈՐՈՒԹԱՆ ԳՈՐԾ

### ա. ԳՐԱԿԱՆՈՒԹԻՒՆ

Կանոնադրութեան § 2, կէտ 4, ստում էր, որ ընկե-  
րութիւնը «Լոյս է ընծայում գրքեր և սարքերական հրա-  
տարակութիւններ ժողովրդի ընթերցանութեան համար,  
նոյնպէս և այլ գրականական երկասիրութիւններ»:

Այս իրաւունքը ընկերութեան գուժունէութեան առա-  
ջին շրջանում մնաց առանց զործադրութեան, թէև առա-  
ջարկութիւններ եղան այդ աւիթով:

1887 թուին Խորհրդի անգամ Ստեփան Զելինսկին  
(այժմ հանգուցեալ) առաջարկութիւն է մտցնում, որ ընկե-  
րութեան անունը տարածելու և գիւղերում անգամ յայտնի  
կացուցանելու համար՝ հարկաւոր է հրատարակել մի շարք  
գրքեր ժողովրդական ընթերցանութեան համար: Բացա-  
արելով իւր առաջարկութիւնը, կարդում ենք Խորհրդի ար-  
ձանագրութեան մէջ, ս. Զելինսկին ստում է «թէ ինքը գիտէ  
մասնագէտ անձինք, որոնք յօժար են ի լոյս տալ գրքոյկ-

ների մի որոշ շարք, մինչև իսկ շաբաթական մի տետր՝ կէս թերթից մինչև երեք թերթ ծաւալով, օգտակար և գիւրահաս բովանդակութեամբ, նիւթի կողմից պարունակելով՝ վէպ, երկրագործութեան և ընդհանրապէս գիւղատնտեսութեան և արհեստից վերաբերեալ հարկաւոր գիտելիքներ, տարափոխիկ հիւանդութեանց և այլ աղէտների ժամանակ նոցա առաջն առնելու կամ նոցանից փրկուելու խրատներ և այլն: Իւրաքանչիւր գրքոյկի մէջ ընկերութեան Սորհրդին կը յատկացուի երկու երես՝ ընկերութեան հաշիւների, յայտարարութեանց և այլ հրատարակելի նիւթերի համար»: Եւ այսպիսի մի գործի համար, Ս. Զելինսկու կարծիքով, բաւական էր օժանդակութիւն Սորհրդի կողմից, տարեկան 400 ռուբլի:

Սորհուրդը որոշում է. «Համակրանքով վերաբերուելով Ս. Զելինսկու առաջարկութեան և ընդունելով նրա օգտակարութիւնը, Սորհուրդն իր միջից ընտրում է պ. պ. Մէլիք-Ագարեանցին, Զիգլանեանցին, Զելինսկուն և քարտուղար Եգեկեանին՝ մշակելու գրքերի հրատարակութեան վերաբերմամբ մանրամասն ծրագիր և ներկայացնելու Սորհրդին»<sup>1)</sup>:

Մշակուեց ծրագիրը թէ ոչ, գործերից չէ խնայվում: Իսկ Սորհուրդը այնուհետև երբէք չը վերադարձաւ այս հարցին:

1891 թուի գեկտեմբերի 14-ի նիստում Սորհուրդը լսում է Սաչատուր Մալումեանի առաջարկութիւնը: Սկըսած լինելով ժողովրդական ընթերցանութեան համար մի շարք գրքոյկների հրատարակութիւն, Մալումեանը ներկայացնում էր մինչև այդ լոյս տեսած իր հրատարակութիւնները և խնդրում էր նպաստ «լոյս ընծայելով այն գրքերը, որ ինքը կը ներկայացնէ և Սորհուրդը ընտիր կը ճանաչէ»:

Որոշում. «Սորհուրդը, շատ համակրելի համարելով

<sup>1)</sup> Արձ. № 4.

հանդերձ պ. Մալումեանի առաջարկութեան առարկան, որին ինքն էլ ուղում է իրագործում տալ և սակայն արգելվում է իւր միջոցների շը ներելուն պատճառով, բացասական պատասխան տալ այդ խնդրին»<sup>1)</sup>։

Սակայն նոյն նիստում կարգացվում է բժշկապետ Բ. Նաւասարդեանի թուղթը, որի մէջ նա «վերաբարձելով 1889 թուի արուած առաջարկութիւնը, Սորհրդի կողմից մի տեղեկատու թերթ պարբերաբար հրատարակելու մասին, որ բովանդակէր ոչ միայն ընկերութեան հաշիւներին ու բոլոր գործերին վերաբերեալ հարկաւոր գատուած տեղեկութիւններն ու զրութիւնները, այլ և միւս հայ ընկերութիւններին վերաբերեալ տեղեկութիւններ և նաև ընդհանրապէս Բարեգործութեանը վերաբերեալ յօդուածներ: Պ. Նաւասարդեանը աւելացնում է՝ եթէ ինքը Սորհուրդը չի բարեհաճի յանձն առնել հրատարակել այդ՝ «Տարազի» խմբագիրը յանձն է առնում իբրև յաւելուած կցել իւր թերթի հետ Բ. Ընկ. Սորհրդից ուղղած բոլոր զրութիւնները, իւրաքանչիւր ամիս և կամ շաբաթ, և տարուայ վերջը թերթահաշուով վարձատրուել: Անցնելով պահանջելիք ծախսերին, նա առաջարկում է ծածկել ծախսերը, պարտաւորիչ գարձնելով ընկերութեան բոլոր անդամների համար իրենց անդամակցական վճարի վրայ մի-մի բուրլի վերադիր անելով»։

Սորհուրդն ընդունում է առաջարկութիւնը, որոշում է, որ ինքը հրատարակէ այդ տեղեկատուն տարին երեք անգամ, իւրաքանչիւր թիւը մի տպագրական թերթից բազկացած: Ծախսը որոշվում է առաջին տարին 200 բուրլի: Այդ գումարը մտցվում է 1892-ի նախահաշուի մէջ: Բայց հրատարակութիւնը չէ իրագործվում:

<sup>1)</sup> Արձ. № 20.



Բ. ԳՐԱԳԱՐԱՆ — ԸՆԹԵՐՅԱՐԱՆ

Սորհրդի անդամ Ստեփան Զելինսկին 1889 թ. հոկտեմբերի 26-ին զբաւոր յայտարարութեամբ գիմում է Սորհրդին, առաջարկելով իրագործել կանոնադրութեան § 2-ի հինգերորդ կէտը:

«Առաջարկում եմ—գրում է նա—հիմնել Թիֆլիսում, ընկերութեան Սորհրդի անմիջական տեսչութեան ներքոյ, մի կենտրոնական գրատուն-ընթերցարան, որը շատ կարեւոր և անհրաժեշտ է գլխաւորապէս երկու տեսակէտից. նախ՝ մեր ազգը չունենալով ոչ մի տեղում հասարակութեանը հեշտ մատչելի մի գրագարան, ուր գիտնականը, ուսումնասէնը և ընթերցասէրը՝ իւրաքանչիւրը կարենար լրացնել իւր պահանջը և կարօտը, ընկերութեան կենտրոնական գրագարանը կ'լրացնէր այդ մեծ պակասութիւնը. երկրորդ՝ ընկերութեան Սորհուրդը կունենար իւր կենտրոնավայրը, ուր կը կարողանար կատարել իւր նիստը ու առհասարակ իւր բոլոր գործավարութիւնը»:

Սորհուրդը, համակրութեամբ վերաբերուելով այդ առաջարկութեան, յանձնարարում է նոյն Զելինսկուն և իր անդամներէից Փ. Վարդանեսանին և Ն. Տէր-Ղևոնդեանին՝ աւելի մանրամասն մշակել այդ հիմնարկութեան ծրագիրը:

Այդ երեք անձինք ղեկավարելու 30-ին ներկայացնում են Սորհրդին իրանց ղեկուցագիրը, որի մէջ այսպէս են ձևակերպում գրագարան-ընթերցարանի կոչումը և կազմակերպութիւնը:

«Ընդհանուր կրթութեան և ընթերցանութեան պահանջը գէթ մասամբ լրացնելու համար կարելի է գտնել մեր քաղաքում այլ և այլ գրատուներ. բայց մի գրատուն, ուր ամբողջովին ամփոփուած լինէին հայոց գրականութեան և մեր ազգին ու երկրի ուսումնասիրութեան նուիրած օտարալեզու գրուածքները, մեր հին ու նոր ձեռագիրները, նաև կովկասագիտութեան և արևելագիտութեան վերաբերեալ զբաւոր վաստակները, չը կայ ոչ միայն

կովկասում, այլ և ոչ մի ուրիշ տեղ. և անա այգալխի մի գրատուն է հարկաւոր մեզ:

«Ա՛րդ, սրտեղ աւելի յարմար է հիմնել զբան, եթէ ոչ Թիֆլիսի նման բազմաթիւ հայ ժողովուրդ ունցող մի քաղաքում, ուստարնակ հայերի մտաւոր կենտրոնում, և սլ ամենից առաջ կոչուած է գլուխ բերել այդ մեծ գործը, եթէ ոչ մի ընկերութիւն, որ թէ իւր կանոնադրութեամբ և թէ բարոյապէս պարտական է հոգ տանել այդ մտայն: Ինչ որ մինչև այժմ անձեռնհաս էին կատարել առանձին անհատները, նոյնը կարող է դիւրին իրագործել մեր ընկերութիւնը, որ որպէս օրէնքով հաստատուած մի հաւաքական մարմին, միացում է իւր մէջ շատերի բարոյական ու նիւթական ուժերը:

«Հիմնուելիք գրատունը կը գտնուի ընկերութեան Խորհրդի անմիջական տեսչութեան ներքոյ և կունենայ հետեւեալ բաժինները:

«Առաջին բաժինը կը պարունակի բոլոր հայերէն գրքերն և ըստ կարելոյն ձեռագիրները:

«Երկրորդը կունենայ կովկասադիտութեան և արեւելագիտութեան վերաբերեալ գրուածքներն անխտիր ամեն լեզուներով:

«Երրորդը կունենայ օժանդակիչ հրատարակութիւններ, որպիսիք են՝ բառարաններ քարտէզներ, օրէնսգրքեր, կանոնադրութիւններ, օրացոյցներ և այլն:

«Չորրորդը կը բովանդակէ մանկական և ընթերցանութեան դիւրամտաչելի հայերէն գրքեր: Իսկ ընդհանուր գրականութեան և դիտութեան վերաբերեալ օտարլեզու գրքերի համար գրատունը կունենայ մի առանձին բաժին:

«Առաջին երեք բաժնի գրքերը տունը չեն տարուիլ, այլ իւրաքանչիւր ընթերցող նոյն իսկ գրատան ընթերցարանում կ'օգտուի նրանցից ձրիապէս: Չորրորդ և խառն բաժնի գրքերը կարելի կըլինի տուն տանել սահմանեալ վճարով, որից դոյնաւելք գամարը կազմի ու մաշուած օրինակների լրացման համար գործ կածուի»:

Նոր բացուելիք հիմնարկութեան այս ծրագրային սկզբունքները միանգամայն համապատասխանում էին զգացուող պահանջին: Թէ որքան այդ երեք հոգու մասնաժողովը լաւ էր ըմբռնել իր առջև դրած գործի հանգամանքներն ու նպատակը, ցոյց է տալիս այն, որ գրադարանը հիմնուեց հէնց այդ մասնանշած հիմունքների վրայ:

Սորհուրդը, սկզբունքով պարզուսած համարելով այդ հարցը, 1890 թուականի իր նախահշուրի մէջ մտցրեց 800 բուբլի գրադարանի համար: Նոյն քանակութեամբ գումարներ նա նշանակում է և հետեւեալ երկու տարիները: Այսպիսով կողմվում է գրադարանի, այսպէս ասած, մայր գումարը:

1892 թուականի ապրիլի 20-ին Սորհուրդը զիմում է թիֆլիսի նահանգապետին ինդրելով թոյլ տալ բանալ գրադարան-ընթերցարան: Այդ թոյլատուութիւնը նահանգապետը տալիս է մայիսին անձնապէս Սորհրդի նախագահ Ալէքսանդր Անանեանցին, որև նշանակվում է պատասխանատու անձ:

Մինչև այդ, մշակվում է գրադարան-ընթերցարանի կանոնադրութիւնը, որև 1893 թ. մայիսի 30-ին ընդհանուր ժողովի քննութեան առարկայ դարձաւ. ժողովն ընտրեց 7 հոգուց բաղկացած մի մասնաժողով՝ կանոնադրութեան նախադիժը քննելու համար:

Վերջնականապէս կանոնադրութիւնը հաստատուեց ընդհանուր ժողովի կողմից 1894 թ. յունիսի 2-ին հետեւեալ ձևով:

## ԿԱՆՈՆԱԴՐՈՒԹԻՒՆ

### ԿՈՎԿԱՍԻ ՀԱՅՈՅ ԲԱՐԵՑՈՐԺԱԿԱՆ ԸՆԿԵՐՈՒԹԻՒՆ

ԿԵՆՏՐՈՆԱԿՈՆ ՄԱՏԵՆԱԳԱՐԱՆ - ԸՆԹԵՐՅԱՐԱՆԻ

1) Կովկասեան Հայոց Բարեգործական Ընկերութեան Կենտրոնական-Մատենադարան-ընթերցարանը, որ գտնվում է թիֆլիսում, բաղկացած է երկու մասից՝ հիմնական և շարժական:

2) Մատենադարան-ընթերցարանի հիմնական մասը բովանդակում է իր մէջ. ա) ամեն տեսակ հայերէն հին և նոր տպագրութիւններ. բ) հայագիտութեան, կովկասագիտութեան և առհա-

սարակ արեկազդիտութեան նպատակով հրատարակութիւններ՝ թէ՛ սուսերէն և թէ՛ այլ լեզուներով. գ) ընդհանրապէս գիտութեան ամեն ճիւղերի վերաբերեալ ընտիր երկեր. դ) բառարաններ, օրէնսգրքեր, ալբումներ, քարտէզներ, պատկերներ, գրացուցակներ և այլն և ե) ձեռագիրներ ու գրաւոր յիշատակարաններ:

Ծանօթ. ա) այս մասում գտնվում են նիւ դրամները ու կնիքները ժողովածուն: Պարտաւորիչ չէ ունենալ մատենադարան-ընթերցարանում հայերէն այն գրքերը, որոնք անփոփոխ արտաստութիւն են նախընթաց սպաղրութիւններէ:

Ծանօթ. բ) Իբրև բացառութիւն մատենադարան-ընթերցարանի այս մասից կարող են հրատարակութիւններ և իրեր ուղարկուել զխնական հաստատութիւններին՝ նրանց գրաւոր խնդրի համաձայն, ընկերութեան խորհրդի բարեհայեցողութեամբ:

3) Մատենադարան-ընթերցարանի հիմնական մասի սրև է գիրք կամ յիշատակարան և կամ հրատարակութիւն դուրս տալը արդելուած է:

4) Մատենադարան-ընթերցարանի շարժական մասը բովանդակում է իր մէջ. ա) մանկական գրքեր. բ) մանկավարժական հրատարակութիւններ. գ) աշխարհարար և գրաբառ գրքեր. դ) գասական գրականութեան ընտիր երկեր՝ սուսերէն և այլ լեզուներով. ե) առհասարակ հանրակրթական գրքեր և զ) օժանդակիչ հրատարակութիւններ (բառարաններ, օրացոյցներ, կանոնագրութիւններ, գրացուցակներ, օրէնսգրքեր, քարտէզներ և այլն):

5) Շարժական մասից գրքեր (բացառութեամբ օժանդակիչ հրատարակութիւններէ) դուրս տանելու պայմաններն, վճարելիք տուրքը սահմանում է ընկերութեան խորհուրդը առանձին հրահանգով, ինչպէս և մատենադարան-ընթերցարանի թէ՛ հիմնական և թէ՛ շարժական մասերում պարապելու պայմանները:

6) Մատենադարան-ընթերցարանը գտնվում է խորհրդի կառավարութեան, հսկողութեան և պատասխանատվութեան ներքոյ:

7) Մատենադարան-ընթերցարանի անմիջական կառավարութիւնը խորհուրդը յանձնում է իր անդամներից կամ ընկերութեան անդամներից մէկին՝ ըստ իր հայեցողութեան, որին, եթէ հարկաւոր համարի, կարող է և սօճիկ նշանակել:

8) Կառավարիչն է վարձում և արձակում մատենադարան-ընթերցարանի սպասաւորներին:

9) Մատենադարան-ընթերցարանը ունի և գրապահ, որին ընտրում է և արձակում խորհուրդը, կանխապէս լսելով կառավարչի կարծիքը:

10) Ընդհանուր ժողովը ընտրում է մի յանձնաժողով մատենագարան-ընթերցարանի համար գնուելիք հրատարակութիւնները, գրաւոր յիշատակարանները և իրերը՝ դիտնական և հնագիտական՝ որոշելու համար (տես § 2): Յանձնաժողովը կանխօրէն առաջարկում է իր որոշումները Սորհրդի վաւերացման:

11) Մատենագարան-ընթերցարանի յանձնաժողովը ընտրվում է մի տարի ժամանակով և բաղկանում է 7 հոգուց, որոնցից հնգին ընտրում է ընկերութեան Ընդհանուր ժողովը: Սորհրդի կողմից մատենագարան-ընթերցարանի պատասխանատու անձը և մատենագարան-ընթերցարանի կառավարիչը 'ի պաշտօնէ համարվում են յանձնաժողովի անդամներ:

12) Յանձնաժողովի նիստեր հրաւիրում է պատասխանատու անձը, առնուազն երկու ամիսը մի անգամ:

Յանձնաժողովի նիստերին նախագահում է մատենագարան-ընթերցարանի համար պատասխանատու անձը:

Պատասխանատու անձի բացակայութեան դէպքում յանձնաժողովի նիստ է հրաւիրում և նիստին նախագահում է կառավարիչը:

13) Մատենագարան-ընթերցարանի կառավարութեան ներքին կանոնադիրը, բացուելու և փակուելու ժամերը, ընթերցողների և գրադահի համար որոշ պարտաւորիչ հրահանգներ և կանոններ սահմանելը, ըստ ամենայնի պատկանում է Սորհրդին:

14) Սորհուրդը ներկայացնում է ընկերութեան Ընդհանուր ժողովին իւրաքանչիւր տարի իր ընդհանուր նախահաշուի և հաշուի հետ՝ ա) մատենագարան-ընթերցարանի տարեկան տեղեկագիրը, բ) մատենագարան-ընթերցարանի նախահաշիւը և գ) մատենագարան-ընթերցարանի կանոնադրութեան վերաբերեալ փոփոխութիւնները:

15) Սորհուրդը մատենագարան-ընթերցարանի վերաբերեալ խնդիրներն լծուում է կառավարչի կարծիքը լսելուց յետոյ:

16) Սորհուրդը սպահովագրում է մատենագարան-ընթերցարանը հրդէհից:

17) Սորհուրդը որոշում է, թէ յանձնաժողովը տարուայ ընթացքում ի՞նչ գումարի գիրք կարող է գնել իր հայեցողութեամբ:

18) Սորհուրդը անօրինում է տարուայ ընթացքում, երբ և կամենայ գնուել և ստուգել մատենագարան-ընթերցարանի վիճակը:

19) Գրադահի պարտաւորութիւններն են՝ ա) գրքեր տալ ընթերցողներին և յետ ստանալ նրանցից, բ) կազմել գրացուցակ-

ներ. դ) արձանագրել վիճակագրական տեղեկութիւններ՝ Սորհրդի սահմանած ձևերի համեմատ. դ) կազմել տալ, թուահամարել և գրօշմել մատենագարան-ընթերցարանի բոլոր գրքերը, ձեռագիրները, յիշատակարանները, պատկերները և այլ՝ Սորհրդի սահմանած կարգով. ե) հսկել մատենագարան-ընթերցարանի մաքրութեան և ներքին բարեկարգութեան:

20) Մատենագարան-ընթերցարանը պարտաւոր է ունենալ՝ ա) մայր ցուցակ (ինվէնտար). բ) սխտեմատիկական գրացուցակ. գ) հեղինակների գրքերի այբբենական ցուցակ. դ) ընթերցողների ցուցակ. ե) շարժական ցուցակ. զ) մատենան վիճակագրական տեղեկութիւնների համար և է) նկատողութիւնների մատեան:

Մատենաները պիտի լինին ժապաւինած և գրօշմած:

21) Մատենագարան-ընթերցարանը ունի սեպհական գրօշմը:

Գրադարան-ընթերցարանը բացվում է 1894 թ. սեպտեմբերի 1-ին: Նրա շարժական մասը արդէն մասամբ կազմակերպուած էր: Գեռ 1893 թ. իշխանունի օրիորդ Սօֆիա - Արզութեան Երկայնաբազուկը նուիրել էր ընկերութեան իւր մասնաւոր գրադարանը, որ բաղկացած էր 2536 կտոր զանազան գրքերից: Այդ նուէրն էլ դարձաւ նոր բացուած գրադարանի շարժական մասի հիմքը:

Սորհրդի նախագահ Անանեանը պատասխանատու անձի իր պարտաւորութիւնները յանձնեց Սորհրդի քարտուղար Հ. Առաքելեանին, որ այսպիսով դարձաւ նախագահ գրադարանական այն Մասնաժողովի, որ ընտրուած էր ընդհանուր ժողովի կողմից <sup>1)</sup>: Մասնաժողովը եռանդուն դիմումներով նուէրներ ստացաւ և այլ բազմաթիւ անձերից: Այնպէս որ 1895 թ. գրադարանն ունէր իր մէջ նուիրուած գրքեր 3715 կտոր: Երկրորդ տարում նուէր ստացուեց 229 կտոր, երրորդ տարին՝ 449, չորրորդ տարին՝ 25 կտոր: Առաջին տարին ընկերութեան միջոցներով գնուած

<sup>1)</sup> 1896 թ. դեկտեմբերի 1-ից գրադարան-ընթերցարանի կառավարիչ է նշանակուել Սորհրդի անդամ բժ. Վ. Արծրունին, որ վարել է այդ պաշտօնը մինչև 1898 թ. մայիսը. այնուհետև կառավարիչ եղել է փոխ-անդամ Յ. Մելիք-Բախտամեանը առաջին տարին:

են թիֆլիսում և Վլիեննայում — կովկասագիտութեան, արևելագիտութեան, մատնաւոտապէս հայագիտութեան վերաբերեալ գրքեր հայերէն և օտար լեզուներով, ինչպէս նաև հայերէն հին և նոր սուլթանութիւններ, ընդամենը 2052 բարժողութեամբ. երկրորդ տարին՝ նոյն տեսակ գրքեր 260 բարժողութեամբ, երրորդ տարին՝ գրքեր զնուած են զլիսաւորապէս շարժական մասի համար 334 բարժողութեամբ, իսկ չորրորդ տարին՝ հիմնական և շարժական բաժինների համար 127 բուբ. արժողութեամբ:

Ընթերցարանն առաջին տարին ստանում էր 34 պարբերական հրատարակութիւններ (լրագիր ամսագիր, հանգէս), որոնցից 12-ը ձրի, մնացածները կամ զեղջով կամ միայն ճանապարհածախսը լճարելով: Երկրորդ տարին՝ 38 հատ, երրորդ տարին 37 հատ, իսկ չորրորդ տարին՝ 43 հատ:

Գրագարան-ընթերցարանի չորս ամեայ, գործունէութեան մասին հետեւեալ տեղեկութիւններն ենք բերում, քաղելով Սոքհրդի անդամ Փ. Վարդազարեանի դրաւոր զեկուցումից, որ կազմուած է 1898 թ. նոյեմբերի 13-ին:

Գրագարանի մէջ հաշվում էր 6257 հատ գիրք, բայց 1897-ին կարդի բերելուց, հին գրքերը զատելուց յետոյ երևաց, որ կայ ընդամենը 3400 օրինակ:

Այդ թուից 1100 հատ հիմնական բաժնում, սրտնք դուրս էին տրվում, 850 հատ զանազան ամսագրերից կազմած ժողովածուներ, իսկ մնացած 1450 հատը զանազան բովանդակութեամբ:

Չորս տարուայ ընթացքում գրքերի և պարբերական հրատարակութիւնների վրայ ծախսուած է 4460 բուբ. 74 կոպ., բնակարանի, գրատանի, ծառայի, և այլն 4598 բուբ. 43 կոպէկ: Մուտք եղել է ընդամենը 437 բուբ. 34 կոպ. Միջին թուով իւրաքանչիւր օր տուն է տարուած կարգալու 5 գիրք:

Այսքան թոյլ գործունէութիւնն ի նկատի ունենալով, Փ. Վարդազարեանը առաջարկում էր փակել գրագարանի

շարժական մասը, պահել միայն հիմնականը, իսկ այսպիսով խնայուած գումարը յատկացնել ուրիշ գրադարաններին, կամ կարօտ աշակերտներին ու տառապեալներին:

Փակելու հարցը մերժվում է, բայց հետեւեալ 1899 թ. գրադարան-ընթերցարանը ինքն իրան փակվում է, որովհետեւ փոփոխվում է ընկերութեան կանոնադրութիւնը:

### III

## ՕԳՆՈՒԹԻՒՆ ՏՆԱՆՎՆԵՐԻՆ

Իր գործունէութեան սկզբից Սորհուրդը առանձին եռանդ չէ ցոյց տալիս սովորական ազքատախնամութեան վերաբերմամբ:

Նախահաշիւների մէջ նա այդ նպատակին յատկացնում էր սովորաբար փոքրիկ գումարներ: Այսպէս, առաջին տարին «Թշուառներ, կարօտեալներ, պանդուխտներ, և այլն» անունով նպատտ ստանում են 6 հոգի—82 ռ., երկրորդ տարին՝ 5 հոգի—86 ռուբլի, երրորդ տարին՝ 12 հոգի—136 ռուբլի: Հետեւեալ տարիներն էլ այդպիսի չնչին գումարներ են նշանակվում. 1892-ին և 1893-ին նախահաշուով նշանակուած էր 160 ռուբլի, 1894-ին 300 ռուբլի, 1895-ին 136 ռուբլի, 1896-ին 420 ռուբլի 1897-ին 480 ռուբլի:

Այս վերաբերմունքը դէպի ազքատներն ու անանկները դժգոհութիւն է յարուցանում հասարակութեան մէջ և լրագրութիւնը յարձակումներ է գործում ընկերութեան դէմ: 1891 թ. նիստերից մէկում Սորհրդի անդամ Բ. Մելիք-Ղարապետեանը առաջարկում է ի նկատ առնել այդ յարձակումները և, «համարելով որ այդպիսի շարունակ կրքինուող մի մեղադրութիւն վարանման մէջ է դնում ընկերութեանս տեղական վարչութիւնները և ժողովրդին հետըհետէ ընկերութիւնիցս ստուեցնելու մի արգասի է առաջ



բերում միայն», կարևոր է համարում, որ այս առիթով Սորհուրդը պաշտօնական բացատրութիւն տայ: Այդ բացատրութիւնը տրվում է նոյն թուին անգլական վարչութիւններին ուղղած շրջաբերականի մէջ:

Շրջաբերականը, առաջ բերելով կանոնադրութեան այն կէտերը, որոնց մէջ բովանդակուած է ընկերութեան գործունէութիւնը, ասում է...

«Այստեղ օգնութիւն հասցնել նիւթականապէս որոշվում է միայն ժողովրդական հանուր աղէտների ժամանակ: Ընկերութեան անդամներից շատերը միշտ անգամ այնքան բառացի են ցանկանում հասկանալ այս վերջին կէտը, որ թէ ընդհանուր ժողովների ժամանակ և թէ մասնաւոր խօսակցութիւնների միջոցին՝ առաջարկում են իսպառ հանել նախահաշիւներից տառապեալների գումարը... Այս այսպէս լինելուց յետոյ, բոլորովին անտեղի են այն յարձակումները, որոնք կատարվում են Ընկերութեան գործունէութեան յիշատակած կէտի վերաբերմամբ» <sup>1)</sup>:

## IV

# Ա Յ Խ Ա Տ Ա Ի Ո Ր Ն Ե Ր

### ա) ՄՇԱԿՆԵՐԻ ԸՆԿԵՐՈՒԹԻԻՆ

1882 թ. մայիսի 5-ին «Մշակի» խմբագիր Գրիգոր Արծրունին ուղարկում է Սորհրդին հետեւեալ նամակը.

«Այս օրերս ներկայացան ինձ մի քանի մշեցի մշակներ, որոնք յայտնեցին ինձ, թէ դիտաւորութիւն ունին կազմել մշակների, — իրանց ընկերների, — գլխաւորապէս մշեցիների համար մի տեսակ փոխադարձ օգնութեան գանձարան, 5 կոպէկ շարաժապակաւ անդամական վճարով: Նրանք բերեցին մինչև անգամ իրանց գրած կանոնադրութիւնը, որ, ի հարկ է շատ թերի է:

«Նրանց մտադրւած ընկերութեան նպատակն է օգնութիւն

<sup>1)</sup> Արձ. № 6.

հասցնել իրանց ընկերներին, որոնք կամ հիւանդ են, կամ աղքատ են, կամ կամենում են վերադառնալ հայրենիքը և ճանապարհի փող հունին, կամ վերջապէս իրանց հաշուով թաղել իրանց մեռած, աղքատ ընկերներին:

«Գիտենալով, որ այդ տեսակ մի ընկերութիւն հիմնելու համար բաւական դժւարութիւն կը լինի, կառավարութիւնից թոյլտրութիւն ստանալու համար, և, լսած լինելով, որ Թիֆլիսի Հայոց Բարեգործական Ընկերութիւնը դիտաւորութիւն ունէր հիմնել քաղաքի մշակների համար մի ապաստարան,— ևս համարձակվում եմ հետեւել առաջարկութիւնն անել Ընկերութեան Սորհրդին:

«Արդեօք չէ՞ր կարելի, որ Ընկերութիւնը յանձն առնէր միացնել այդ մշակների ապաստարանի գործի հետ կամ առհասարակ վերցնէր իր հովանաւորութեան տակ մշակների այդ ընկերութիւնը, քանի որ Բարեգործական Ընկերութեանը աւելի հեշտ է ստանալ կառավարութեան հրամանը այդ տեսակ ձեռնարկութեան համար:

Իսկ մօտ եկած մշակները յայտնել են նոյնպէս, որ իրանց կասայի գումարի մեծանալուն պէս, նրանք դիտաւորութիւն ունեն և մշակների համար ճաշարաններ բանալ»:

Ինչպէս երևում է առաջարկուած կանոնադրութեան նախագծից, դա իսկապէս առանձին մի ընկերութիւն էր, իր ընդհանուր ժողովներով, իր միմիական վարչութեամբ: Այդ ընկերութիւնը միայն պիտի գտնուէր Բարեգործական Ընկերութեան հովանաւորութեան տակ և իր դրամական միջոցները պահէր Սորհրդի գանձարանում:

Սորհուրդը, ինչպէս ինքն էր գրում Արծրունուն, «մեծ յօժարութեամբ և շնորհակալութեամբ կարգաց» այդ առաջարկութիւնը: Նա իր հետեւել նիստին հրաւիրում է թէ Կրիզոր Արծրունուն և թէ մշեցի մշակներին ներկայացուցիչներին, որպէս զի միասին քննեն և խմբադրեն կանոնադրութիւնը: Այնուհետև Սորհուրդը դարձեալ խորհրդակցութեան է կանչում մշեցիներին: Բանակցութիւնների զըլխաւոր առարկան այն էր, որ Սորհուրդը գտնում էր թէ ծրագրուող ընկերութիւնը յատկապէս մշեցի մշակների

համար է, ուստի և նրա հաստատութիւնը կարող է արգելքների հանդիպել: Այդ արգելքները վերացնելու համար Սորհուրդն առաջարկում էր, որ ընկերութիւնը լինի ոչ թէ բացառապէս մշեցի մշակների համար, այլ ընդհանրապէս հայ մշակներին:

Այս ուղղութեամբ համաձայնութիւն կայանում է: Նոր խմբագրուած կանոնադրութիւնը առաջարկվում է Ընդհանուր ժողովին, որ 1882 թ. յունիսի 13-ի նիստում «համալրութեամբ ընդունեց մշեցի մշակների ընկերութիւնը թիֆլիսում հիմնելու խնդիրը, բայց առանց կարգալու Սորհրդից ներկայացրած այդ ընկերութեան կանոնադրութեան նախագիծը, որոշեց առաջարկել Սորհրդին նախ հաստատել սալ այդ նախագիծը կառավարութեան կողմից և յետոյ ներկայացնել Ընդհանուր ժողովի քննութեան»<sup>1)</sup>:

Կանոնադրութիւնը թարգմանվում է ուսուերէն, բայց թէ յետոյ ինչ է լինում,—այդ մասին տեղեկութիւն չը կայ Սորհրդի գործերի մէջ՝ ընկերութիւնը չի հիմնուել:

### բ. ԱՐՀԵՍՏՆԵՐ

Կանոնադրութեան § 2-ի երկրորդ կէտը տրամադրում է, որ Ընկերութիւնը նպաստում է արհեստների տարածման, Այս նպատակի իրագործումը Սորհուրդը համարել է այն, որ ամսական նպաստ ստացող աշակերտների թւում կան և այնպիսիները, որոնք սովորում են թիֆլիսի արհեստաւորաց դպրոցում:

Սակայն մի երկու անգամ փորձ է եղել, որ Սորհուրդը ուրիշ միջոցներով էլ նպաստէ արհեստների տարածման և այդ փորձերը մնացել են լոկ ծրագրային գրութեան մէջ:

1885 թ. նոյեմբերի 8-ին Սորհրդի անգամ Գէորդ Աքիմեանը մի ընդարձակ գրաւոր առաջարկութեան մէջ բացատրելով թէ ինչ միջոցներ պէտք է գործադրել սպ-

<sup>1)</sup> Ա.Ր.Ճ. № 5.

քատութեան դէմ կռուելու համար, մասնացոյց էր անում, թէ այդ միջոցներն մէջ նախապատուութիւն պէտք է տալ աղքատ մարդկանց արհեստներ սովորեցնելուն: Յիշեցնելով թէ որքան աղքատ երեխաներ մնում են փողոցում, չը կարողանալով ոչ ուսում ստանալ և ոչ որևէ արհեստ սովորել. նա ասում էր:

«Ես կարծում եմ, որ մեր ընկերութիւնը բաղմամբ ընտանեաց բախտաւորութեան պատճառ կարող է գտնալ առանց զոհարելութիւն անելու, եթէ ինքը մի քանի արհեստանոց բանայ: Աս այժմ ես առաջարկում եմ երեք արհեստանոց և այնպիսիք, որոնց բանալու համար ոչինչ ծախս հարկաւոր չէ, բացի երկու երեք վարպետի վարձ, բնակարանի վարձ և մի չնչին էլ զուամար գործիքներ գնելու համար. տակաւագործի (բօնդարի) արհեստանոց, կրօվիլշիկի արհեստանոց և լուացքարարի արհեստանոց կամ լուացքարարատուն»:

Պորհուրդը մերժում է այս առաջարկութիւնը, «ի նկատ անելով, որ արհեստանոց պահելը ծանր և բազադրեալ գործ լինելով՝ ոչ բաւական ազատ զուամար կայ պահանջեալ ծախքն անելու համար և ոչ Պորհրդի անդամք, սեփական գործերով զբաղուած, ժամանակ ունին այդպիսի ձեռնարկութեան համար անհրաժեշտ խիստ և շարունակ հակողութիւն անելու, ուրեմն և ստիպմունք կը լինի վարձկան ձեռքերի դիմելու՝ որպէսզի գործը վարեն, և այդ դէպքում գժուար էր երաշխաւորելը թէ այդպիսի ձեռնարկութիւնից դրամական մնաս չի հասնել ընկերութեան»<sup>1)</sup>:

Իսկ 1888 թ. մարտի 3-ին մի հետաքրքրական առաջարկութիւն անում է Ընկերութեան անդամ Բալա-բէդ Մէլիք-Ղարափեօղեանը (այժմ հանգուցեալ):

«Մեր Տիխիսի արհեստաւորաց դասը որը, ինչպէս յայտնի է, մօտիկ անցեալում նշանաւոր էր իւր մաքուր բարք ու վարքովն և անսպասան ազնուութեամբ, վերջերումս հետզհետէ կորցնում է իւր այդ համակրելի յատկութիւնները: Ես չեմ կարող

<sup>1)</sup> Արձ. № 23.

յառաջ բերել բուն պատճառը, դուցէ կեանքի պայմաններն են այժմ աւելի բարդուած, դուցէ բարի օրինակներն և բարոյական ազդեցութիւններն են պակասել կամ գուցէ ուրիշ այլ և այլ համագամանքներով շնորհիւն է յառաջ եկել այսպիսի վատ ուղղութիւն, սակայն և այնպէս պարզ և ամենքի համար ակնհերե է այն փաստը, որ արհեստաւորաց դասը, որ զլիսուորապէս բազկացած է հայերից, արագ քայլերով հեռանում է իւր հասկիկն բարոյական սկզբունքներից:

«Մեր արհեստաւորները, ի հարկ է, այն աստիճան զարգացած չեն, որ կարող լինին հասկանալ թէ ինչ վրաս են պատճառում նոքա իւրեանց ամբողջութեան շահերին, անազնիւ դանուկելով իւրեանց տեխնիքական աշխատութեանց և ձեռագործի մէջ: Նոքա, մրցելով միմեանց դէմ, սաստիկ վայր են ձգում իրարու հակառակ իւրեանց աշխատութեանց զինը և սրպէս զի լրացնեն իւրեանց անխուսափելի կորուստը և վրասը, խարդախութիւններ են գործ դնում թէ նիւթեղէնի և թէ գործելու պակասութեան մէջ. ուրիշ խօսքով ասել, նոքա խարում են յաճախորդներին, վերջիններս էլ զգուշացած առաջին խի փորձից, փախուստ են տալիս մեր արհեստաւորներից, որով ի հարկ է կորցնում են նախ և առաջ իրենք արհեստաւորները»:

Այս երեւոյթի դէմ մրցելու և հասարակութեան վստահութիւնը դէպի արհեստաւորները վերականգնելու միջոց էր համարում «մրցանակ նշանակել այն արհեստաւորներին, որոնք կը լինէին անաչառապէս արդար և ճշմարիտ դէպի իւրեանց յաճախորդներն և պատուէր տուողները»:

Իր կողմից Մելիք-Ղարազեօղեանը պատրաստականութիւն էր յայտնում տալու հինգ հարիւր բուբլի, մրցանակ ֆօնդ կազմելու համար: Այդ գումարը նա խոստանում էր անմիջապէս ներկայացնել, երբ կը մշակուին մրցանակի կանոնները:

Գալով այդ կանոններին, Մելիք-Ղարազեօղեանը ցանկալի էր համարում, որ նրանք կազմուէին «անմիջապէս իւրեանց արհեստաւորաց ձեռքով կամ նոցա և նոցա ներկայացուցչաց մասնակցութեամբ»: Իր կողմից նա ցանկալի էր համարում. ա) իր 500 ռ. ֆնայ անձեռնմխելի, ինչպէս և այն գումարները, որոնք կարողեն նուիրուել այդ նպա-

տակով, իսկ տոկոսներէն տրուին մրցանակներ. բ) այդ գրամագլխին միացնել մի որոշ տոկոս այն փողերէն, որ համբարները ստանում են՝ զանազան հանդէսների մասնակցելու համար, նաև զանազան պատահական եկամուտներ. գ) անձեռնմխելի գումարը պէտք է շահեցնել, «տակով մաս-մաս տոկոսով այն արհեստաւորներին, որոնք յայտնի են իւրեանց համեմատաբար աւելի բարեխղճութեամբ, այն էլ կամ արհեստաւորաց ընկերութեան երաշխաս որութեամբ: և կամ ուրիշ ապահովութիւնով»: Մրցանակի իրաւունքը վերապահվում է միայն հայ և վրացի արհեստաւորներին: «Յանկալի էր, որքան կարելի է, մեծ արտօնութիւն տրուէր արհեստաւորներին ինքնագործունէութեան մէջ, իսկ Բարեգործական Ընկերութիւնը իւր վերայ պահէր միայն իւրև վճարաջինջ ատեանի իրաւունքը, երբ կը նկատէ կարգադրութիւնների մէջ կանոնների հակառակ ընթացք»:

Սակայն, աւելացնում էր առաջարկութիւն անողը, այս պայմանները ոչինչ արգելք չը պէտք է լինեն, որ խումբագրուին աւելի լաւ նոր կանոններ: Անփոփոխ պիտի մնայ միայն նպատակը:

Սորհուրդը յայտնում է առաջարկութիւն անողին, թէ ինքը «բոլորովին պատրաստ է» նրա «գեղեցիկ միտքն ընդունելու» բայց առաջարկութեան մէջ կան երկու կէտեր, որոնք չեն համապատասխանում կանոնադրութեան. մէկն այն է, որ մրցանակ պիտի ստանան և վրացի արհեստաւորները, մինչդեռ ընկերութեան գործունէութիւնը միայն հայերի վրայ է տարածվում, իսկ միւսն այն, որ զրամագլուխը պէտք է շահով տալ արհեստաւորներին, մինչդեռ Սորհուրդը պարտաւոր է իր փողերը պահել միայն բանկերում: Եւ առաջարկում էր այս երկու պայմանների փոփոխութիւն:

Մէլք-Ղարաբեօղեանը, չը գիտենք ինչու, չէ պատասխանում այդ թղթին: Եւ սրանով էլ վերջանում է այդ առաջարկութիւնը:

V

Ա Ղ Է Տ Ն Ե Ր

Ընդարձակ չափերով դործադրուել է կանոնադրութեան այն կէտը (§ 2 է), որ ընկերութեան նպատակներէց մէկն է դարձնում օգնել «տառապեալներին ժողովրդական թշուառութիւններէ ժամանակ»:

Մինչև 1892 թուականը Կովկասի հայութեան մէջ չկային այնպիսի երևոյթներ, որոնք «ժողովրդական թշուառութիւն» անունը կրէին: Եւ Խորհուրդը մինչև այդ տարին առիթ չէ ունեցել ցոյց տալ որ և է դործունէութիւն այդ ուղղութեամբ:

Իսկ 1892-ից յետոյ մի շարք ժողովրդական թշուառութիւններ պահանջում են ընկերութեան արտակարգ ուշադրութիւնն ու դործունէութիւնը:

ա. ՅՈՒՆՎԱՐԻ 6-ի ԱՂԷՏԸ

Յայտնի է, որ 1892 թ. Զրօրհնէքի տօնին Թիֆլիսում տեղի ունեցաւ մի սարսափելի աղէտ: Վանքի եկեղեցուց մինչև զլմացի կղզին շինուած փայտէ ժամանակաւոր կամուրջը կտորուեց այն բօպէին, երբ նրա վրայով անցնում էր Զրօրհնէքի թափօրը: Բաղմաթիւ մարդիկ, մեծագոյն մասամբ չքաւոր դասակարգից, Քուռ դէտը թափուեցին, եղան տասնեակ խեղդուածներ և վնասուածներ:

Յունվարի 11-ի նիստում Խորհուրդը որոշում է. աղէտի զոհ գնացածների ընտանիքներին օգնութիւն հասցնելու համար՝ «Ընկերութեան մայր դումարից այդ աւարկայի համար նշանակել մի հազար բուբլի, որ և առաջարկել յունվարի 12-ի ընդհանուր ժողովին ի քննութիւն և հաստատութիւն», միաժամանակ յանձնելով իր անդամ-

ներից Բ. Մելիք-Ղարազեօղեանին «հոգալ ձեռք բերել աղէտուածները անուանացուցակը»:—

Ընդհանուր ժողովը յունվարի 22-ին միաձայն հաւանութիւն է տալիս Սորհրդի առաջարկութեան: Մելիք-Ղարազեօղեանը ներկայացնում է աղէտուածների ցուցակը, և «Սորհուրդը քննելով այդ ցուցակը, գտնում է, որ փաստուածների մի մասը քաղաքիցս՝ իսկ միւսները Կովկասի այլ և այլ քաղաքներից և գիւղերից են: Վերջիններիցս մեծ մասը այն տեղերից են, ուր Ընկերութիւնս ունի տեղական Վարչութիւններ, ուստի Սորհուրդն որոշում է՝ փաստած ընտանիքների նիւթական վիճակն և կարօտութեան չափն աւելի մօտիկից իմանալու համար գիմել Ընկերութեանս տեղական վարչութիւններին, որոնց շրջանում կան աղէտուածների ընտանիքներ, հրաւիրելով քաղել հարկաւոր տեղեկութիւնները տառապածները մասին, և մինչև այս առաջիկայ փետրվար ամսի վերջը հաղորդել Սորհրդին, որպէս զի կարևոր օգնութիւնը մատուցուի նոցա»<sup>1)</sup>:

Սակայն Սորհրդի ոչ գործերի և ոչ հաշիւների մէջ մենք չենք գտնում որևէ տեղեկութիւն այս օգնութեան մասին: Գումարը չէ ծախսուում:—

### Բ. Խ Օ Լ Ե Ր Ա.

1892 թ. ամառը Անգրիկովկասում երեան եկան և սկսուեց արագ տարածուել խօլերայի համաճարակը: Ազգաբնակիւթիւնը միանգամայն անպատրաստ էր այս աղէտի դէմ պաշտպանուելու համար: Սկսուեց իրարանցում, սարսափ էր ախրում վարակուած վայրերում: Սակայն լրագրութիւնն սկսեց եռանդուն քարոզութիւն, որ հասարակական ուժերը կազմակերպուեն դժբախտութեան դէմ մտքառելու համար: Ուժեղ կերպով առաջ մղուեց չքաւոր ազգաբնակիւթեան հարցը: Նրան օգնելը, նրան պատասխարելը, նրան

<sup>1)</sup> Արձ. № 3.



միջոցներ տալը ամենատէական պայմաններից մէկն էր, որ համաճարակը շատ չը տարածուի, շատ զոհեր չը տանէ:

Յուլիսի 16-ի արտակարգ նիստում Սորհուրդը որոշեց ընկերութեան պահեստի գումարներից փոխարինաբար վերցնել 5000 ըուբլի, հինգ տարուայ ընթացքում վերագարձնելու պայմանով և այդ գումարը գործածել բացառապէս գաւառացի ազգաբնակիւթեան և գլխաւորապէս գիւղացիներին օգնելու համար: Այդ որոշումը հաստատելու համար նոյն ամսի 22-ին գումարուեց ընդհանուր ժողով, որ և ընդունեց Սորհրդի առաջարկութիւնը:

Գումարը մուրհակով վերցուեց Թիֆլիսի Առևարական Բանկից և պիտի գործադրուէր Ընկերութեան տեղական վարչութիւնների ձեռքով: Որոշուեց գումարը բաժանել այսպէս՝ Շուշու և Հին-Նախիջևանի տեղական վարչութիւններին 400-ական ըուբլի, Երևանի, Ախալցխայի, Գորու, Նոր-Բայազէդի, Կաղզուանի, Կարսի, Վաղարշապատի, Դերբենդի, Ախալքալախի, Թելաւի, Ալէքսանդրապոլի, Արգահանի և Նուխու տեղական վարչութիւններին—200-ական ըուբլի: Հեռագրով հարց առաջարկուեց այդ վարչութիւններին, թէ ինչպէս են ուզում ստանալ այդ նպաստները, փողով թէ արտահանիչ և այլ գեղերով: Ստացած պատասխանների համաձայն ուղարկուեցին նպաստները կամ փողով կամ գեղերով:

Թիֆլիսում Սորհրդի արածը միայն այն էր, որ 12 ըուբլի տուեց մի հիւանդի:

Ամարուայ վերջին խօսերան սաստկացաւ Երևանեան նահանգում և Կարսի շրջանում: Սորհուրդը օգոստոսի 26-ի նիստում որոշում է այդ կողմերն ուղարկել մի բժշկական—սանիտարական խումբ ազգաբնակիւթեան անմիջական օգնութիւն հասցնելու համար: Այդ նպատակին նա յատկացում է իր մօտ եղած մնացորդից 1200 ըուբլի, որ յետոյ հասցնվում է 1500 ըուբլու: Սմբի գործունէութիւնը պիտի տեւէր մի ամիս:

Գործի ամբողջ կազմակերպութիւնը և ղեկավարութիւնը Սորհուրդը յանձնեց ընդհանուր ժողովի նախագահ բժշկապետ Բ. Նաւասարդեանին, որ և ստացաւ Սորհրդի լիազօրի անունը:

Առողջապահական մասնախումբը բժ. Նաւասարդեանը կազմեց մի բժշկից (Ս. Հայրապետեան) 300 բուբլի ոսճիկով, մի բժիշկ-ուսանողից (Ս. Շխեանց) 100 բ. ոսճիկով մի գէզինֆեկտօրից (Ս. Տէր-Գրիգորեան), որ հրաժարուեց ոսճիկից, մի աւագ ֆելդշերից և մի ծառայից:

Մանրամասն ցուցմունքներ և հրահանգներ տալով մասնախմբին, բժ. Նաւասարդեանը ճանապարհ գրեց նրան սեպտեմբերի 4-ին: Մասնախումբը այցելեց Երևանեան նահանգը և Կարս քաղաքը: Երևանի նահանգապետը հրամանագրեց իր ստորագրեալ իշխանութիւններին աջակցութիւն ցոյց տալ մասնախմբին, կաթողիկոսական տեղապահ Երեմիա արքեպիսկոպոսը Սինօզի միջոցով նոյն տեսակ հրամաններ ուղարկեց հոգևոր իշխանութիւններին: Կարսի նահանգապետը թոյլ չտուեց, որ մասնախումբը շրջէ գիւղերը և Սորհուրդ տուեց բաւականանալ Կարսի մէջ—գործելով:

«Այսպէս տեղական թէ մարմնուոր և թէ հոգևոր իշխանութիւնների աջակցութիւնը վայելելով, մասնախումբը Դիլիջանի վրայով գնաց Երևան, Վաղարշապատ և մօտակայ ու շրջակայ գիւղօրայրը—ինչպէս գրում էր բժ. Նաւասարդեանը իր վեկուցագրի մէջ—մի առ մի այցելելով խօլերայով հիւանդներին և բժշկելով նրանց ու մատակարարելով թէյ, շաքար և փող թէ հիւանդներին և թէ անճար մնացած որբերին և այրիներին: Ախտահան արեց բոլոր տները, որոնց մէջ եղել են խօլերայի գէպքեր: Շարունակեց իր ճանապարհը միշտ քայլ առ քայլ, գիւղից գիւղ և, նակելով իր ճանապարհը միշտ քայլ առ քայլ, գիւղից գիւղ և, անցնելով Արագածի ստորոտով, Ապարանի վրայով գնաց Ալէքսանդրապօլ, ապա Կարս և Նոր-Բայազէդ: Եւ այդ բոլոր տեղերում երբէք և ոչ որից չէ խնայել իր բժշկական և նիւթական օդնութիւնը: Իսկ ժողովուրդը, ուր էլ գնում էր առողջապահական խումբը, հանդիպում էր նրան սիրով և հաւատով, իբրև Բարեգոր-

ծական Ընկերութեան անդրանիկ առաքեալներին, ամենայն կերպ աշխատում էր կատարել նրա առած խորհուրդները, իրանց հիւանդները և առողջների համար ստանալով փոքրիկ սրուակներում բուժիչ և հախապաշտպանողական զեղեր և հոգում էր մասնախմբի նիւթական պիտոյքը, զբանով գէթ մի փոքր արտայատելով Բարեգործական Ընկերութեանը, իր խորին երախտագիրտութիւնը» <sup>1)</sup>։

Թուանշաններով առողջապահական մասնախմբի գործունէութիւնը արտայայտւում էր այսպէս.

Ախտահան սրած տները թիւը հասնում է 1700-ի։

Սուրբայրով հիւանդների բժշկական օգնութիւն տուած է 70 հոգու։

Զանազան տեսակ հիւանդութիւններով գիմել են բժշկին և զեղեր ու խորհուրդներ ստացել մի քանի հարար հոգի։

Ծախս եղել է մի ամսուայ մէջ. ընդամենը 1389 ռ. 65 կոպէկ։

Զմեռը հիւանդութիւնը անհետացաւ։ Բայց ամենքն սպասում էին, որ զարնանը նա նորից պիտի վերսկսուի։ Այդ պատճառով ընկերութեան անդամներից 12 հոգի 1893 թ. փետրվարին տալիս են Սորհրդին զբաւոր յայտարարութիւն, որի մէջ յայտնում են թէ «այլ ևս ոչ մի կասկած չը կայ, որ այս տարին ևս հարկաւոր կը լինի խօրերայի գէմ մաքառելու։ Արդէն զանազան պետական և մասնաւոր հաստատութիւններ, զանազան քաղաքներ սկսել են միջոցներ ձեռք առնել, որպէս զի կազմ և պատրաստ լինին, երբ խօրերան երեան կը դայ»։ Հարկաւոր համարելով, որ այդ տարին ընկերութիւնը իր տեղական ճիւղերով աւելի ևս լայն գործունէութիւն սկսէ ժողովրդին օգնելու համար, 12 անդամները առաջարկում էին, որ տեղեակ անձերից մի մասնաժողով կազմուի այժմից և եթէ հարկաւոր պատրաստութիւնը տեսնելու համար։

<sup>1)</sup> «Տեղեկագիր» 1892 թ. եր. 32—33։

Առաջարկելով այդ յայտարարութիւնը ընդհանուր ժողովին, Սորհուրդը կարծիք էր յայտնում, որ կարիք չը կայ այժմից իսկ մասնաժողով գումարելու և կարգադրութիւններ անելու, քանի որ Թիֆլիսում պիտի կայանայ բժիշկների համաժողով, որ պիտի մշակէ խօսերայի դէմ մաքառելու միջոցները: պէտք է դեռ սպասել այդ համաժողովի վերջնական եզրակացութիւններին: Ընդհանուր ժողովը ընդունում է Սորհրդի այդ կարծիքը:

Բայց ապրիլի 17-ի նիստում Սորհուրդը խնդրում է բժիշկներ Բ. Նաւասարդեանին և Վ. Արծրունուն կազմել մի հրահանգ, որով ղեկավարուէին տեղական վարչութիւնները համաճարակի դէմ մաքառելու համար:—

Այդ հրահանգը մշակում են երկու բժիշկները մայիսին: Տեղական վարչութիւններին յանձնարարվում էր կազմակերպել առողջապահական խմբեր, հոգ տանել մաքրութեան, ակտահանութեան, աղքատներին միջոցներ մատակարարելու մասին:— Բացի դրանից, Սորհուրդը գնում է 1000 օրինակ բժ. Վ. Արծրունու «Սօլերա» զրքոյկից և ուղարկում է տեղական վարչութիւններին:—

#### դ. Ս Ո Վ (1893.—1894)

Դեռ 1893 թուի գարնանը Անդրկովկասի մի քանի մասերում, գլխաւորապէս Երևանի նահանգում, շատ զգալի էր դարձել հացահատիկների թանկութիւնը, որ առաջացել էր երաշտից: Մայիսի 6-ին Ընկերութեան 15 անդամներ թուղթ տուին Սորհրդին, որ ընդհանուր ժողով հրաւիրուի տառապեալ ազգաբնակչութեան օգնելու համար:—

Սորհուրդը գտնում է, որ ինքը որ և է ազատ գումար չունի ժողովրդական աղէտի ծանրութիւնը թեթևացնելու համար: Միակ հնարաւոր միջոցը նա համարում է նուէրներ հաւաքելը և նոյն իսկ խմբագրում է լրագրներում

տաբելու համար մի յայտարարութիւն, թէ նուէրներ է ընդունում Ալէքսանդրօպօլի, Նոր-Բայազէզի և Էջմիածնի գաւառներում երաշտից փնասուած գիւղացիների օգտին:

15 անդամների յայտարարութիւնը քննվում է ընդհանուր ժողովում մայիսի 23-ին: Առարկայներ եղան թէ հացի թանգութիւնը, ճիշտ է, կայ, բայց ժամանակաւոր երևոյթ է, սպասվում է որ առաջիկայ հունձը բաւարար կը լինի: Սակայն մի քանի անդամներ պատասխանում են «որ սովի լինելը անկասկածելի է»<sup>1)</sup>: Մերժելով փոխաբիւնութիւն անելու, առանձին մասնաժողով ընտրելու առաջարկութիւնները, Ընդհանուր ժողովը որոշում է կարօտ գիւղացիներին օգնելու գործը յանձնել Սորհրդին:

Սորհուրդը վճռում է այդ որոշումն «ունենալ ի նկատի»<sup>2)</sup>: Եւ երբ Նոր-Բայազէզի տեղական վարչութիւնը «միջնորդում է օգնութեան հասնել նոյն քաղաքի ազգաբնակչութեան չքաւոր դասին, որ հացի թանգութեան պատճառով տառապանքի մէջ է և խնդրում է տալ առնուազն 400 բուբլի միանուագ նպաստ», Սորհուրդը որոշում է, «յայտնել տեղական վարչութեան, որ Սորհուրդս հնարաւորութիւն չունի որ և է գումար տալ, բացի հանգանակած 53 բուբլուց»<sup>3)</sup>:

Այդ գումարն ուղարկում է Վարչութեան: Այսքանով էլ բաւականանում է Սորհուրդը 1893-ի ընթացքում:—

Իսկ ժողովրդական աղէտը զնալով մեծ չափեր է ստանում: Ամարուայ հնձի վրայ գրած յոյսերը չարգարացան և աշնան վերջերին արդէն սով էր Նոր-Բայազէզի, Երևանի, Ալէքսանդրօպօլի գաւառներում: Վնասուած և կարօտ էր մանաւանդ Կարսի շրջանը: Այդտեղ գրութիւնը աւելի ևս ծանրանում էր այն պատճառով, որ թիւրքաց Հայաստանից բազմաթիւ ընտանիքներ, նեղուելով անբեր-

<sup>1)</sup> «Տեղեկագիր» 1893 թ. Կր. 80.—

<sup>2)</sup> Արձ. № 19:—

<sup>3)</sup> Արձ. № 19:—

բութիւնից և քրդերի սովորական հարստահարութիւնից, գաղթում էին Ռուսաց հողը՝ հաց և հանգստութիւն որոնելու համար: Գաղթականական հոսանքը կանգ առաւ Կարսի շրջանի զանազան կողմերում, ցրուեց գիւղերը, ուր առանց այդ էլ ազգաբնակչութիւնը սոված էր: —

Զմեքուայ մեծ մասն անցել էր, երբ դարձեալ Ընկերութեան անդամները հարկադրեցին Սորհրդին, մտածել ժողովրդական աղէտի մասին: Նորից 15 հոգի փետրվարի 1-ին (1894) գիմեցին Սորհրդին մի յայտարարութեամբ, որի մէջ գրում էին.

«Լրագրներն և մասնաւոր տեղեկութիւններն արդէն հաստատում են, որ Կարսի և Երևանի նահանգներում կատարեալ սով է տիրում: Շատ գիւղերի բնակիչներ, ապրուստի պահասութիւնից ստիպուած այս խիստ ձմեռ ժամանակ թողել են իրանց բնակչութիւնները և թափառում են գիւղից գիւղ, քաղաքից քաղաք՝ մի կտոր հաց մուրալու: Եղել են նոյն իսկ մահուան դէպքեր սովից»: —

Այս անգամ էլ Սորհուրդը այդ յայտարարութիւնն ուղարկում է Ընդհանուր ժողովին, աւելացնելով իր կոչմից թէ ինքը որեւէ միջոց չունի դրամական օգնութիւն հասցնելու և կարծում է, որ պէտք է գիմել մասնաւոր նուէր հաւաքելու եղանակին: Ընդհանուր ժողովը չը կարողացաւ ցոյց տալ թէ ինչ միջոցներով կարելի է դրամական նպաստներ հաւաքել և ամբողջ գործը յանձնեց Սորհրդին:

Այս անգամ նուիրաբերութիւնների տրամագրութիւն ստեղծուած էր հասարակութեան մէջ: Մամուլն արդէն ստանում էր գումարներ, հասարակութիւնը ինքնաբերաբար հանդանակութիւններ էր անում: Սոշոր գումարներ էին ուղարկվում Ամենայն Հայոց Կաթողիկոսին: —

Սորհուրդը գիմեց Ընկերութեան տեղական ճիւղերին, յայտարարութիւններ տպեց լրագրներում, և զանազան կողմերից նուիրաբերութիւններ սկսեցին ուղարկել նրան:

Այս աղէտի ժամանակ անգնահատելի ծառայութիւն մատուցին ժողովրդին տեղական վարչութիւնները—Ալէքսանդրօպօլի, Կարսի, Կաղզուանի, Նրեանի, Նոր-Բայազէզի: Խորհուրդը միայն նուիրաբերութիւններ էր հաւաքում և ուղարկում էր այդ վարչութիւններին: Բայց սըրանք միայն Խորհրդի ուղարկած նպաստներով չէին գործ տեսնում: Իրանք էլ անմիջապէս ստանում էին դրսից խոշոր գումարներ: Ալէքսանդրօպօլում և Կարսում ձրի ճաշարաններ բաց արին, բոլոր վարչութիւնները ալիւր և սերմացու գնեցին ու բաժանեցին սովատանջ գիւղացիներին:

1894 թուականի ընթացքում Խորհուրդն ստացաւ սովեակների օգտին զանազան կողմերից նուէրներ 7543 ռ. 94 կոպ. և այդ գումարից ուղարկեց Կարսի վարչութեան 1817 ռ. 20 կոպ., Ալէքսանդրօպօլի վարչութեան 1400 ռ., Նոր-Բայազէզի՝ 1600 ռ., Կաղզուանի՝ 700 ռ. և Նրեանի՝ 1000 ռ., ընդամենը 6517 ռ. 20 կոպ.: Իսկ իր մօտ մնացած գումարից տուել է մասնաւոր նպաստներ գաղթականներին և աղքատներին Թիֆլիսում:

Բացի սրանից, Խորհրդի միջոցով ստացուել է Ստաւրօպօլից 610 պուգ ցորեն, որ ուղարկուել է տեղական վարչութիւններին:

### դ). ԹԻԻՐՓԱՀԱՅ ԳԱՂԹԱԿԱՆՆԵՐ

Հազիւ էին մոռացվում 1894-ի սովի հետեանքները, և ահա յանկարծակի, անակընկալ կերպով արձանացաւ ամենահոգեկոտն աշխատանքին այն աղէտներից, որ երբ և իցէ տեսել է հայ ժողովուրդը:

1894 թուի ամառը տեղի ունեցաւ Սասունի կոտորածը: Դա արիւնոտ նախերգանքն էր յաջորդ մի շարք տարիների, երբ թիւրքահայ ժողովուրդը սրի էր քաշվում ոչխարի պէս և տասնեակ հազարներով դիակներ ավուվում էին Հայաստանի հողերի վրայ:

Այդ անուելի ազէսները տամնեակ հազարներով փախտատականներ քշեցին դէպի աշխարհի զանազան կողմերը: Կովկասը, իբրև զբացի երկիր, փախտատական բազմութեան մեծագոյն մասի սպաստան դարձաւ: Հայ ժողովուրդը պիտի իր վրայ վերցնէր ազէտի գոհերին պատասպարելու գործը:

Եւ այդ գործի մէջ մի խոշոր բաժինը վիճակուեց Կովկասի Հայոց Բարեգործական Ընկերութեան:

Դեռ 1895 թ. յուլիս ամսին Պորհուրդն ստացաւ Մուշի առաջնորդարանի նամակը, զբուսած մայիսի 21-ին, որի մէջ ասուած էր.

«Սասուն-Տալուորիկի ազէտալի, ամենացաւալի և սրտաճմրկ անցքերն, քառասունէ աւելի զիւղերու այրեցաւեր լինելն, գոյլից, ընչից և անասնոց զբաւուիլն և թալանուիլն և կոտորածէ զերծ մնացած այդ վատարագդիկներու ի սփիւռս աշխարհի մուրացկանութեան համար թափառաշրջելնին համայն ազգայնոց յայտ է արդէն:—

«Յորչափ կարելի է, Մշոյ քաղաքացիք և զիւղացիներն ապաստան և պարէն տալով ցարդ օգնութեան հասան, բայց մշեցիք ոչ նուազ վիճակակից են դաւառացիներուն, ուստի անհնար է այլևս օգնութեան հասնել ու փրկել սովամահ կորնչելէ այդ անտուն, անտէր, անպատասպար և զրկեալ ամենաթշուառները:

«Հետևանքն բնականաբար մահ պիտի լինէր սովալլուկներուն՝ որք համանդամայն կրած էին մերկութեան և անպատասպարան մնալու դժնդակ ազդեցութիւնքը, ներփակ ցուցակն աւելի պերճախօս պիտի լինի, յորում նշանակուած են սովամահ կորընչողները (մեզի պաշտօնէ հազորդած) և թէ որչափ կան դեռ անյայտ <sup>1)</sup>:

«Արդ նկատելով այդ խեղճերու ամենադատն կացութիւնը, նկատելով մշեցիներու օգնութեան հասնելու անբաւական և անձեռնահաս գտնուիլը և որ առաւելագոյնն է՝ նկատելով որ նօթութիւնն սկսած է իր գոհերն ունենալ՝ կուգամք հրաւէր կարգալ համազգայնոցս՝ յանուն կրօնի բարեպաշտական զգացմանց,

<sup>1)</sup> Նամակին կցուած է «Աշնանէ ի վեր սովամահ մեռողներու պաշտօնական ցուցակ», որի մէջ արձանագրուած են 46 անձինք:—



յանուն մարդասիրութեան և յանուն հայութեան, օգնութեան հասնել Սասուն-Տալուորիկի կոտորածէ զերծ մնացած սովալուկ թշուառներուն»։—

Սորհուրդը ոչինչ չէր կարող անել, ի հարկ է, քանի որ իր կանոնադրութիւնը չէր թոյլ տալիս կովկասի սահմաններէջ դուրս գործ կատարել։ Բայց շուտով թըշուառութիւնը ինքն իր ոտով եկաւ մտաւ կովկասի սահմանները։

Ինչպէս յայտնի է, նոյն 1895-ի աշնանն էր, որ սկսեցին կոտորածներ Տրապիզոնում և շրջակայքում։ Նոյեմբերի 13-ին Թիֆլիսի թեմի առաջնորդ Գէորգ արքեպիսկոպոս Սուրենեանցը, ուղղում է Սորհրդին հետեւեալ գրութիւնը.

«Ի հաւաստի ազբերաց տեղեկացայ՝ զի ի մօտ աւուրս գաղթեալ են ի Տաճկահայոց աւելի քան չորս հարիւր անձինս, ըստ մեծի մասին կանայք և մանկութիւն մերկք, քաղցեալք և խաւառ գուրկք յամենայն միջոցաց ասլըուստի, որոց հարկ է անյապաղ հասուցանել զօգնութիւն, զի մի սովամահ լիցին և զբաւեցին ՚ի կենաց։

«Ծանուցեալ զայսմ՝ աղէտից Վարչութեան Բարեգործական Ընկերութեանդ, խնդրեմ առանց ժամավաճառ լինելոյ հասուցանել ի միջոցաց իւրաց ի ձեռն մասնաճիւղի իւրոյ որ ի Բաթում, թշուառ գաղթական ազգայնոց մերոց զգրամական նպաստ առ ի պահել զնոսա աւուրս ինչ, մինչ ըստ կարգադրութեան իմոյ ի ձեռն քահանայից քաղաքին ժողովեացին յեկեղեցիս ի բարեպաշտ ժողովրդոց կամաւոր նուէրք յօգուտ նոցա։ Նմին զարբեալ կարգաւորութենէ իւրմէ յայտնել ինձ, յառելով ի գիտութիւն Վարչութեանդ, թէ յետ ժողովման նուիրաց ունիմ դարձուցանել զփոխադարձաբար ծախեալ զբամս Ընկերութեան»։

Քննելով այս գրութիւնը, Սորհուրդը գտաւ, որ «կանոնադրութեան § 2 կէտի հիման վրայ Ընկերութեան վրայ

պարտք է դրուած օգնել տառապեալներին ժողովրդական աղէտների ժամանակ. ներկայ հանգամանքում 400 անձանց գաղթականութիւնը թիւրքիայից, սոված և անպատասպառ լինելը արդիւնք է աղէտի, և պէտք է համարուի աղէտ, իսկ գաղթական հայերը գտնուելով Կովկասի սահմաններում, նրանց օգնելը վերաբերում է Ընկերութեան գործունէութեան շրջանին»<sup>1)</sup>: Եւ որոշում է 1500 ըուբլի փոխադրել Բաթումի Տեղական Վարչութեան, յանձնարարելով նրան կազմակերպել օգնութեան գործը ըստ իր բարեհայեցողութեան:

Այսպէս է սկսուած գործը:

Ուշադրութիւնը ամբողջովին կենտրոնացած էր Բաթումում: Տեղական Վարչութիւնը շուտով ծախսում է այդ գումարը, որովհետև կարիքը մեծ էր: Սուրէնեան արքեպիսկոպոսը իր գրութիւնից 9 օր յետոյ ուղարկում է Սորհրդին վերոյիշեալ 1500 ըուբլին: Այդ գումարը ժողովուած էր թիֆլիսի հայոց եկեղեցիներում: Մի քանի օրից հետոյ ուղարկում է դարձեալ 1000 ըուբլի՝ Բաթում փոխադրելու համար, նոյնպէս և 200 ըուբլի այն գաղթականների համար, որոնք գալիս են թիֆլիս: Իսկ թիւրքիայից Բաթում փախչողների թիւը գնալով աւելանում էր: Տեղական Վարչութիւնը աշխատում էր գործ գտնել գործարաններում աշխատանքի ընդունակ տղամարդկանց համար, իսկ անկարողներին բաժանում էր նպաստ: Սորհուրդը սկսեց հաւաքել և զգեստեղէն ու ուղարկեց Բաթում:

1895 թուին Բաթումում և թիֆլիսում գաղթականների օգնելու համար ծախսուեց 2700 ըուբլի:

Կոտորածները Տրապիզոնի վիլայէթում ազդանշան էին աւելի մեծ և համատարած կոտորածների, որոնք տարածուեցին Էրզրումի, Վանի, Դիարբէքիւրի վիլայէթներում

<sup>1)</sup> Արձ. № 22.

և ուրիշ հայաբնակ վայրերում: Եւ գաղթականութիւնը  
անաւոր չափեր ընդունեց: Ռուս-թիւրքական սահմանա-  
դիւի վրայ երեք զլխաւոր կէտեր կային, ուր խմբվում  
էին փախստականները—Կարս, Կաղզուան և Իգդիր: 1896-ի  
աշնանը այդ տեղերում արդէն հաւաքուել էին հազարաւոր  
մերկ ու սոված գժրագոյներ, որոնք հետզհետէ առաջ էին  
անցնում, տարածվում էին Կարսի շրջանի և Արարատեան  
երկրի գանազան կողմերը:

Նրանց ծայրը հասաւ և Թիֆլիս, Բաքու: Տեսնելով  
թէ ինչ անաղին միջոցներ են հարկաւոր այդ թշուառու-  
թեան տանջանքները մասամբ ամոքելու համար, Սորհրդի  
հախազահ Անանեանը սեպտեմբերի 10-ին գլխեց Թիֆլիսի  
հաճանգապետին, խնդրելով նրա միջնորդութիւնը, որ թոյ-  
լատուի հանգանակութիւն բանալ յօգուտ գաղթականների:  
Սակայն կառավարչապետի օգնական գեներալ Տադիշչևը,  
ինչպէս հազորգում էր Թիֆլիսի հաճանգապետը, անկարելի  
համարեց տալ այդ թոյլատուութիւնը:

Այսպիսով Սորհուրդն ինքը չը կարողացաւ հանգանա-  
կութիւն բաց անել: Բայց աղէտի սարսափելի չափերը,  
մամուլի նկարագրութիւնները ինքնաբերաբար զբգեցին  
հասարակութեանը օգնութեան գալ գաղթականներին: Եւ  
Սորհուրդն սկսեց ստանալ գանազան կողմերից յօժարա-  
կամ նուէրներ: Դրանք խոշոր գումարների հասան և Սոր-  
հրդին թոյլ տուին սկսել գործունէութիւնը:

Նախ և առաջ Սորհուրդը իր անդամներից Սամսոն  
Յարութիւնեանին, բժ. Վ. Արծրունուն, փոխանգամ Յ.  
Քոչարեանին և քարտուղար Հ. Առաքելեանին յանձնարա-  
րեց Թիֆլիսում ապաստանուած գաղթականներին օգնելու  
գործը: Այս մասնաժողովը <sup>1)</sup> շրջեց Թիֆլիսի այն թաղերը,  
ուր ապրում էին գաղթականները, ուսումնասիրեց նը-

<sup>1)</sup> Սորհուրդը յետոյ հրաւիրեց ընկերութեան անդամներից 6 հոգի մաս-  
նաժողովին աջակցելու համար:

բանց կացութիւնը և մի շարք միջոցներ ձեռք առաւ նրանց սովից և հիւանդութիւններէց ազատելու համար: Յարմարաւոր բնակարան վարձեց, թեմակալ առաջնորդից խնդրեց Սորհրդի միջոցով, որ եկեղեցիներէ բակերում սենեակներ յատկացուին գաղթականներին, կարգազրեց մտունգի հարցը: Գլխաւոր պակասութիւնը, որից տառապում էին փախստականները, զգեստի և անկողնի բացակայութիւնն էր. Սորհրդի տուած փողով զընուեցին վերամակներ, զգեստ:

Այստեղ, Թիֆլիսում, ղեռ գործի համեմատաբար հեշտ մասն էր: Գաւառներէց ստացուող տեղեկութիւնները սարսափելի էին:

Ահա ինչ էր գրում Բաթումի վարչութիւնը հոկտեմբերի 21-ից, «Վերջերում թշուառ գաղթականների հոսանքը դարձեալ շատացաւ: Այդ թշուառների գրութիւնը անտանելի է, նրանց օրուայ հացի կարօտութիւնը խիստ զգալի է: Վարչութիւնս իւր սուղ միջոցներով և թէ անդիս հայ հասարակութիւնը, որ մեծաւ մասամբ կազմուած է բաւոսը դասակարգից, անզօր ենք, առանց զբախ օգնութեան, լիովին օգնութեան հասնելու այդ խեղճերին»:

Կարսի յաջորդ Եղիշէ վարդ. Մուրադեանը հոկտեմբերի 23-ից գրում էր.

«Վերադառնալով վիճակիս զեղերում ապաստան գտած գաղթականներին արածս այցելութիւնից, շտապում եմ հրաւիրել յարդելի վարչութեանդ լուրջ ուշադրութիւնը այդ դժբաղդների ստակալի կացութեան վերայ:

«Կարսի նահանգում այժմս ապաստանած են մօտ 4500 հոգի նոր գաղթականներ, որոնք ոչ զգեստ ունին, ոչ ուտեստ և ոչ անկողին: Ընտանիքներից մեծ մասը զուրկ հասակաւոր աշխատաւոր անդամներից՝ բազկացած են կանանցից, փոքրահասակ երեխաներից, որոնց տեսքը սարսափ է ազդում այցելուին: Այժմս վրայ է հասնում տեղւոյս ցրտաշունչ ձմեռը իր կոբստաբեր հետևանքներով այդ մերկանդամ թշուառների համար և ստիպում օր առաջ մտածել այդ դժբաղդների գրութեան մասին, որոնց մէջ հէնց

այժմաննից տարածուած են տիֆի, և այլ տարափոխիկ հիւանդութիւններ: Սարսափելի պիտի լինի այդ թշուառների կացութիւնը, եթէ օր առջ զգալի օգնութիւն չը հասցնենք նոցա, ուստի սրահով աղերսում եմ յարգելի Վարչութեանդ՝ շտապել օգնութեան, որպէսզի դատապարտուած չը լինենք տեսնելու թէ ինչպէս է մեռնում մեր արիւնահից եղբայրը սովից և ցրտից այն ժամանակ, երբ եղբայրակիցները հազարներ են վատնում շռայլութեան վրայ»:

Կազդուանի վարչութեան նախագահ բժ. Կաճկաճեանը հոկտեմբերի 31-ից հազորդում էր.

«Գաղթականների գրութիւնը սարսափելի է, բառիս բուննշանակութեամբ: Արճշու գաւառից գաղթողներն համարեա չնչին բացառութեամբ մերկ են և բորիկ, և համարեա թէ ամենքը չունեն անկողին. այստեղ նոքա ստիպուած են չոր գետնի վրայ քնել, որովհետեւ դժուար է ամենքին անկողնի պիտոյքներ տալ և միայն հիւանդներին կարող ենք լինում մատակարարել յիշեալ պիտոյքները:

«Վարչութեան նախագահը գաւառապետի հետ ի միասին այցելելով բոլոր գիւղերը, ուր մնացած են վերջին ժամանակներումս Արճշուց եկած գաղթականներն, դտաւ նոցա կացութիւնն շատ և շատ վատթար: Մեծ մասամբ բնակվում են ախոռներում, նոյնպէս մերկ և նոյնպէս չոր գետնի վրայ: Մի քանի գիւղերում պառկած են խոտի վրայ և ծածկուելու ոչինչ չունին... Խնիկ ժողովուրդը սարսափելի անտարբեր է գէպի թշուառները»:

Իգգիբրում Ընկերութիւնը ճիւղ չունէր: Այնտեղ գաղթականներին օգնելու գործը տանում էր Սուրմալուի գաւառի գործակալ Հմայեակ վարդապետ Արշակունին, որին օգնում էին տեղական ուսուցիչները: Խորհուրդը յարաբերութիւն սկսեց այդ տեղական գործիչներին հետ և նրանցից կազմեց մի խնամատար մասնախումբ:

Հոկտեմբերի 20-ին մասնախմբի անդամ Աւետիս Ահարոնեանը, ուղարկելով Սուրմալու գաւառի գաղթականների մանրամասն ցուցակը, մի ընդարձակ նամակով բացատրում էր թէ ինչ կացութեան մէջ են գաղթականները և ինչ

է նրանց հարկաւոր: Յուլյակագրուած էին 99 ընտանիք, 775 հոգուց բաղկացած:

«Գաղթականները—գրում էր Ահարոնեանը—մեր գաւառն են են մտել առանց բացառութեան մերկ և խաղաւ կողոպտուած. առաջին եկողները կարողացան Իգդիրից հնտախներ ստանալ, մնացածները գրանից էլ զուրկ մնացին: Գիւղերում գոցա տուել են բնակարան (շատերը խիստ անյարմար, խոնաւ), ուտելու հաց, տեղ-տեղ էլ հաւաքել Կն նրանց համար բաւականին ցորեն: Իսկ նոցա զգեստի և մանաւանդ անկողնի մասին ոչ ոք չէ հոգացել»:

Լաւ չէր գաղթականների գրութիւնը և Վաղարշապատում, թէև Սրիմեան կաթողիկոսը օգնում էր նրանց: «Մինչև հոկտեմբերի 22-ը, ինչպէս հաղորդում էր տեղական Վարչութեան նախագահ Օհանջանեանը, Վաղարշապատ մտել էին 1270 հոգի գաղթականներ, որոնց մեծ մասը կաթողիկոսի կարգադրութեամբ ցրուեցին գանազան տեղեր: Վաղարշապատում և Էջմիածնայ գաւառում (գիւղերում) կան այժմ 500 հոգի գաղթականներ, որոնց մեծ մասը կազմում են 1 տարեկանից մինչև 14—15 տարեկան երեխաներ և մանուկներ, յետոյ քանակութեամբ երկրորդ տեղը բռնում են կանայք, իսկ փոքրամասնութիւնը՝ տղամարդիկը»:

Այսպիսով գործի էին հրաւիրվում զլխաւորապէս Կարսի, Կարգուանի, Վաղարշապատի, Երևանի և մասամբ Աղէքսանդրօպօլի տեղական Վարչութիւնները: Սակայն այս անգամ Սորհուրդը լոկ նրանց միջոցներ մատակարարողի գերը չէր կատարում: Օգնութեան գործը շատ բարդ էր, և նրա կազմակերպութիւնը Սորհրդի մէջ էր կենտրոնացած:

Ինչպէս տեսանք, ամենաառաջին կենսական սահանջըն էր անկողիններ և զգեստներ հասցնելը: Թիֆլիսում, Բազում և ուրիշ քաղաքներում (մինչև իսկ Ռուսաստանի հայաբնակ վայրերում) հաւաքուեցին անապին քանակութեամբ հին զգեստներ, գնուեցին կտաւեղէն և այլ ան-

հրաժեշտ կտորներ և այդ բոլորը հակերսով ուղարկվում էր Ադստափա, (ուր Սորհուրդը կազմակերպել էր մի փոքրիկ օժանդակող մարմին), այդտեղից էլ Երևան, Իգդիր, Էջմիածին, Կաղզուան, Կարս:

Այնուհետև գալիս էր հիւանդութիւնների դէմ մաքառելու անհրաժեշտութիւնը: Թիֆլիսում այդ գործը հեշտ կարգադրուեց: Գաղթականական մասնաժողովը ղլմեց Թիֆլիսի քաղաքային բժշկական մասի կառավարիչ բժ. Ստեփանեանին, որ ուրախութեամբ յանձն առաւ գաղթականներին բժշկական օգնութիւն հասցնելու գործը: Նրա կարգադրութեամբ Թիֆլիսի բոլոր թաղային բժշկիկները ձրի խնամում էին հիւանդ գաղթականներին, զեղերն էլ ձրի էին տրվում քաղաքի զեղասնից: 1897 թ. Յունուարից բժ. Նաւասարդեանն էլ սկսեց ձրի բժշկել գաղթականներին թէ իր հիւանդանոցում և թէ աներն այցելելով: 1897-ին Սորհուրդը բաց արաւ հիւանդանոց Թանդոյեան եկեղեցու բակում:

Դժուարը գաւառներում գործելն էր: Տիֆ և այլ սաւրափոխիկ հիւանդութիւնները տարածուած էին գաղթականների մէջ: Սորհուրդը ղլմեց Երևանի և Կարսի նահանգապետներին, խնդրելով թոյլ տալ, որ Իգդիրում և Կարսի շրջանում բաց անէ հիւանդանոցներ յատկապէս գաղթականների համար, սակայն չ'ստացաւ թոյլատուութիւն: Կարսի նահանգապետը յայտնեց Սորհրդին, թէ գաղթականների առողջական գրութիւնը այնքան արդէն բարեկարգուել է, որ յատուկ հիւանդանոցի կարիք չըկայ:

1896 թուի ընթացքում Սորհուրդն ստացաւ գաղթականների օգախն 19,253 ր. 32 կոպ.: Այդ գումարի մէջ կային հետեւեալ խոշոր նուիրարբերութիւնները. Ասարախանի թեմի առաջնորդ Արխատակէս արքեպիսկոպոս Սեդրակեանը հաւաքել և ուղարկել էր 4000 րուբլի (հետեւեալ տարին նաև 1178 րուբլի 72 կոպէկ), Գէորգեան ժառանգներ, Ն. Կրասիլնիկեան ժառանգներ, Ե. Փիթօեով

ընկերութիւն, Արխոդոմով, Արմաւիրի Տեղական Վարչութիւն — 1000-ական ըուբլի:

1896 թուականի դեկտեմբերի 11-ին կայացաւ Բարձրագոյն հրաման, որով թոյլատրվում էր Ռուսաստանի բոլոր կողմերում բաց անել հանգանակութիւն յօգուս թիւրքիայից փախած հայերի, այն պայմանով, որ բոլոր նուիրատուութիւնները ուղարկուեն կովկասի կառավարչապետին, իսկ օգնութեան գործը յանձնուի կառավարչական օրգաններին: Այդ կարգադրութեան հիման վրայ, 1897-ի յունվարի 10-ին կառավարչապետի պաշտօնակատարը հրատարակեց մի շրջաբերական, որի մէջ հրահանգներ էին արվում Պետական վարչութիւններին նպաստներ հաւաքելու և բաժանելու մասին:

Բարեգործական Ընկերութեան կատարելիք գերը այնուհետեւ մնում էր այն, որ յատուկ նուէրներ թիւրքահայ գաղթականներին համար նա այլևս չէր ընդունում. գաղթականները այնուհետեւ նկատվում են լսկ իբրև տառապեալներ, որոնց օգնելու իրաւունքը պարզ որոշուած էր կանոնադրութեան մէջ: 1897-ի ընթացքում տառապեալներին օգնելու համար նուիրատուութիւններ եղան 15,886 ը. 62 կոպ.: Դրանց մէջ ամենախոշորն էր Առաքել Ծառուբեանի նուէրը 10,000 ըուբլի:

Մարտի 28-ի նիստում Խորհրդի նախագահ Ա. Անանեանը դեկուցեց, որ ինքը ստացել է Դանիայի կողմէն օգնական մայրաքաղաքում հաստատած Հայկական նպաստամատոյց Յանձնաժողովից, մի առաջարկութիւն:

«Ա. Հեննիգս, Պետական Խորհրդական և Նորին Վեհափառութեան Դանիայի թագուհու կարլինէտի քարտուղարը, մի նամակ ուղղելով Խորհրդի նախագահ պ. Ա. Անանեանին, ներկայ մարտամարտի 25/13-ից գրած, յայտնում է հետեւեալը.— «1896 թուի դեկտեմբեր ամսին Դանիայում կազմուել է մի յանձնաժողով, որի նպատակն է փող ինդրել զանիական ազգից՝ մի փոքր թեթևացնելու համար թշուառ հայերի վիճակը: Այդ յանձնաժողովը գոր-



ծում է Զեւանդիայի եպիսկոպոսի նախագահութեամբ և նրա նպատակն է ամենից առաջ օգնել այն հայերին, որոնք ազատամարան են գտել ուրիշ երկրներում. իմանալով որ Թիֆլիսում գոյութիւն ունի Հայոց Բարեգործական Ընկերութիւն, Հեննիդար, որ յանձնաժողովի գանձապահն է, գիտում է յանձնաժողովի անունով պ. Անանեանին իբրև այդ ընկերութեան նախագահի և խնդրում է իմացնել՝ արդեօք արամազլիք է Ընկերութիւնը ընդունել մի գումար — 14 հազար ֆրանկ — և բաժանել այն՝ կովկասում պատսպարուած կարօտեալ հայ գաղթականներին» <sup>1)</sup>։

Ի նկատի ունենալով վերոյիշեալ կառավարչական կարգադրութիւնը, նախագահ Անանեանը, նախ քան պատասխան տալը, գիտում է Թիֆլիսի նահանգապետին և հրահանգ խնդրում: Նահանգապետը զեկուցանում է այդ մասին կառավարչապետ իշխան Գօլիցինին, որ և թոյլ է տալիս Ընկերութեան ընդունել գանձիական նպաստը և գործադրել առաջարկուած պայմաններով: Ա. Անանեանը խեղճն հեռագրով յայտնում է Հեննիդարին թէ Ընկերութիւնը ուրախութեամբ ընդունում է դանիական յանձնաժողովի առաջարկութիւնը: Հեննիդար երեք նուազում ուղարկում է Անանեանին 17,979 ըուբլի 4 կոպէկ, որ և կազմում է Սորհրդի մէջ առանձին գանձիական գումար, նուիրած յատկապէս թիւքահայ գաղթականներին:

Դանիական յանձնաժողովը, ի միջի այլոց, վճռած է լինում նպաստել, որ հայերը գաղթին Փոքր Ասիայից, քանի որ նրանց զրութիւնը այդ երկրում լաւ չէ: Այդ պատճառով նա պայման էր դնում, որ Սորհուրդը այդ գումարից նպաստներ չը տայ այն գաղթականներին, որոնք կամենում են վերագառնալ հայրենիք: Սորհուրդը այսպէս էլ կարգադրում է: Դանիական գումարը մաս-մաս ուղարկում է գաւառական վարչութիւններին, ինքն էլ ծախսում է. պահվում է առանձին հաշիւ՝ յանձնաժողովին

<sup>1)</sup> Արձ. № 16.

մանրամասն տեղեկութիւններ հաղորդելու համար, թէ ինչպէս է ծախսուած նրա ուղարկած գումարը:

Կովկասի Կառավարչապետի շրջաբերականի հիման վրայ Իզդիրի տեղական իշխանութիւնը յունվարին գաղաբեցնում է Հմայեակ վարդապետի նախագահութեամբ գործող խնամակալութեան չգործունէութիւնը և խնամակալութիւնը Սորհրդին է ուղարկում իր հաշիւներն ու դրամի մնացորդը:— Իսկ մարտին Կարսի զինուորական նահանգապետը առաջարկում է Տեղական Վարչութեան՝ գաղթականներին վերաբերեալ բոլոր հաշիւները, նպաստները յանձնել Կարսի սասիկանապետին: Սորհրդի զիտութեամբ և թոյլատուութեամբ այդ առաջարկութիւնը կատարվում է և Կարսի վարչութիւնը այլ ևս չէ խառնվում գաղթականների գործի մէջ, իսկ Սորհրդից ստացած գումարների մնացորդը—3200 բուբլի—վերագարձնում է Սորհրդին:

Մնացած Տեղական Վարչութիւնները շարունակում են իրանց գործունէութիւնը: Կարիքը դեռ սուր էր, նորանոր գաղթականներ էին գալիս և Սորհուրդը դանիաւկան գումարի միջոցով կարողանում էր նպաստներ հասցնել օգնութիւն խնդրող Վարչութիւններին: Բայց աշնանը արդէն Սորհուրդը յանձնարարում էր Վաղարշապատի Վարչութեան, որ գաղթականներին օգնելու համար գիմէ Երեւանի նահանգապետին, քանի որ կառավարութիւնը իր վրայ էր վերցրել գաղթականներին խնամելու գործը:

Թիֆլիսում կազմվում է գաղթականների խնամող յանձնաժողով, որի նախագահն էր նահանգապետի ամուսինը: Սա գիմում է Սորհրդին և յայտնելով, որ յանձնաժողովը վճռել է պահել Թանգոյեան եկեղեցու բակում նրա բացած հիւանդանոցը, խնդրում է նպաստ: Եւ Սորհուրդը որոշում է գեկտեմբերից մինչև 1898 թ. ապրիլի 1-ը տալ հիւանդանոցին նպաստ ամսական 150 բուբլի: Դեկտեմբերի 11-ի նիստում որոշվում է «առաջիկայ յունվար ամսից պահել 10 մշտական թոշակաւոր գաղթական աշա-

կերտներին թէ ներսխեան և թէ այլ դպրոցներում և այդ նպատակով առանձնացնել գաղթականների և տառապեալների գումարից 3000 ըուբլի»<sup>1)</sup>։

1897-ի վերջում գաղթականների և տառապեալների գումարից կար մնացորդ, զանխական գումարից 3031 ըուբ. և միւս նուիրատուութիւններից 11793 ը. 95 կոպ. Այս վերջին գումարից հանուեց 4800 ըուբ, որ նուիրատու Ա. Ծատուրեանի կամքով միացուեց անձեռնմխելի գումարներին խօլերայի առիթով եղած պարաքը ծածկելու համար։

Հետևեալ տարին ծախսուեց զանխական գումարի մնացորդը ամբողջովին և միւս գումարից՝ տառապեալներին 2300 ըուբլի։ Թիւրքահայ գաղթականութիւնը այնպիսի մի աղէտ չէր, որ կարելի լինէր վերացնել մի յայտնի ժամանակամիջոցում։ Թիւրքահայ տառապեալը այնուհետև էլ իւր ցաւերին դարման անելու համար դիմում էր Բարեգործական Ընկերութեան։

## VI

### ԱՐՈՎԵԱՆ—ՆԱԶԱՐԵԱՆ ԳՐԱԿԱՆ ՓՕՆԴ

1896 թ. դեկտեմբերի 11-ին Սորհուրդը դիմեց բանաստեղծ Սմբատ Շահգիրին հետևեալ գրութեամբ։

«Սորհուրդս, խմանալով որ Ձեր գրական յօրելեանի առիթով մօտ 8000 ըուբլու մի գումար է ժողովուել հիմնելու մի ֆօնդ հայ գրողներին օգնելու համար, ի նկատի ունենալով որ Թիֆլիսում թէև ջանքեր եղան հիմնել գրողներին օգնելու մի առանձին ընկերութիւն, բայց մինչև այսօր չ'ստացուեց թոյլատուութիւն. ի նկատի ունենալով, որ Բարեգործական Ընկերութիւնը իր կանոնադրութեամբ իրաւունք ունի կատարելու այն, ինչ որ պէտք է կատարէր ծրարեալ ընկերութիւնը. ի նկատի ունենալով, որ ներկայումս

<sup>1)</sup> Արձ. № 46.

շատ հայ գրողներ անօգնական մնացած, զիմում են զանազան ոչ գրական գրադուռները,— որոշեց զիմել Ջեզ, մեծապատիւ պարոն, և առաջարկել հեռակալը.— արդեօք Դուք չէ՞իք համաձայնուի յանձնել այդ գումարը Սորհրդին, որը, կազմելով գրական ֆօնդ թէ այդ և թէ ուրիշ գումարներից, որոնք կարող են ստացուել, կը գործադրէր ասկսիքը հայ գրողներին օգնելու համար համաձայն այն հիմունքների, որոնք կը մշակուեն մանրամասն երկուստեք, այն է՝ Ջեր և Սորհրդիս համաձայնութեամբ»:

Այս զիմումին Շահ-Ազիզը պատասխանում է 1897 թ. փետրուարի 2-ի նամակով, որի մէջ յայտնում է թէ սկզբունքով համաձայն է Սորհրդի առաջարկութեան, սակայն յօրելեանական յանձնաժողովը ցանկալի է համարում կատարել նուիրատուների կամքը, այն է՝ հիմնել առանձին մի ընկերութիւն: Գուցէ այն, ինչ չէ յաջողուել Թիֆլիսում, յաջողուի Մոսկուայում: Երբ այս ուղղութեամբ արած ջանքերը բոլորովին սպարգիւն կըմնան, այն ժամանակ միայն կարելի է գումարը յանձնել Բարեգործական Ընկերութեան:



Մ. ՇԱՀ-Ա. Ա. Ջ. Գ. Յ. Ա. Ն.

Մի տարուց յետոյ, 1898-ի փետրուարի 10-ին, Շահ-Ազիզը գրում է Սորհրդի նախագահին, թէ առանձին ընկերութիւն կազմելու յոյսերը զուր անցան, ուստի, եթէ Սորհուրդը չէ փոխել իր մտադրութիւնը, ինքը պատրաստ է գումարը անյապաղ ուղարկել նրան:

«Փոխադարձ պայմանագրութիւնը,— աւելացնում է Շահ-Ա.

զիզը, — ոչ մի կերպ չէ կարող արգելք լինել գործին. այդ պայմանները այնքան ևս որոշ են, որքան և պարզ է նոյն ֆոնդի նպատակը, այսինքն.

«ա) Մայր գումարը մասնաւոր բարեգործների զոհարուրթիւններով, որ կարող են լինել ներկայում և ապագայում, մնում է անձեռնմխելի:

«բ) Գումարի տոկոսը միայն տարեցատարի բաժանվում է կարօտեալ գրականագէտներին ըստ անօրէնութեան Բարեգործական Ընկերութեան:

«գ) Խորհուրդը իւր տարեկան հաշուից յետոյ լսել տեղեկութիւն է տալիս յօրեկարին, թէ ով ինչ է ստացել:

«դ) Եթէ առանձին ֆոնդ հիմնուի Կովկասում, Բարեգործական Ընկերութիւնը պարտաւորվում է յանձնել այն նոր ֆոնդին անձեռնմխելի գումարը:

«ե) Եթէ ժամանակով այլ և այլ հանդամանքների շնորհիւ խափանուի Հայոց Բարեգործական Ընկերութիւնը Կովկասում, Ընկերութիւնը պարտաւոր է մայր գումարը աւանդել ազգային հաստատութիւններից մէկին, որպէս մարդասիրական Ընկերութեան Բազում, կամ Գասպարեան Անկերանոցին Մոսկուայում»:

Խորհուրդը չէ ընդունում այս պայմանների միայն չորրորդ կէտը, առարկելով թէ ընդունելու դէպքում ընկերութիւնը կը հանդիսանայ լսել իբրև աւանդապահ և բացի դրանից, ընկերութեան կանոնադրութիւնը թոյլ է տալիս Խորհրդին կատարել այդ գործը ոչ պակաս աջողութեամբ, քան կարող է կատարել մի յատուկ ընկերութիւն: Խորհուրդը միաժամանակ փոփոխում էր պայմանների հինգերորդ կէտը այն մտքով, որ ընկերութեան փակուելու դէպքում մայր գումարը յանձնվում է ներսիսեան գլորոցին:

Մարտի 14-ի նամակով Շահ-Ազիզը համաձայնութիւն է տալիս: Իսկ վիճելի չորրորդ կէտի վերաբերմամբ գրում է.

«Այդ յօդուածը գնելով, ևս իմ աչքիս առջ ունեցել եմ այն հանգամանքը, որ նախ նոր ընկերութեան հաստատութիւնը կարող էր գրաւել և նոր գումարներ ազգի բարեգործներից, ինչպէս և մի քանիսը խոստացել էին ինձ այդ և երկրորդ, ևս այդ նոր ընկերութիւնով կամենում էի յաւերժացնել երկու նուիրական

անուն հայկական լուսաւորութեան պատմութեան մէջ, այն է՝  
Ս. Արովեանի և Ս. Նազարեանցի, հետևաբար դոցա անունով իսկ  
կոչելով «Արովեան-Նազարեան գրականական ֆոնդի կամ նպաս-  
տի ընկերութիւն»։ Այժմ այդ խնդիրը թողնելով բաց ապագայի  
համար, ես համաձայն եմ յանձնել զուամարը Բարեգործական Ըն-  
կերութեան»։

Գալով զուամարին, բանաստեղծը գրում էր.

«Գումարը, որ յանձնել է ինձ յօրելեանի մասնաժողովը, է  
եօթ հազար ինն հարիւր քառասուն և ինն ըուրլի (7949 ըուրլի)։  
Սորա վերայ ես աւելացնում եմ ինձանից 51 ը. որպէսզի զուամարը  
լինի ուզիլդ ութ հազար, առանց կոտորակի։ Որովհետեւ մեր բա-  
նակցութիւնը սկսուել է մի տարի առաջ, ես յանձն եմ առնում  
դնելու իմ վերայ տուգանք և առաջուց վճարել, իբր թէ նոյն ան-  
ցած տարուայ տոկոսը 350 ըուրլի և խոնարհաբար կը խնդրեմ  
Բարեգործական Ընկ. Սորհրդից, որ այդ 350 ըուրլին այժմս  
իսկ բաժանէ մեր կարօտեալ գրականներին։ Եւ թող—աւելացնում  
էր նա—գրականների այդ փոքրիկ զուամարը, որ է 8000 ըուրլի,  
որի հիմքը դրել է հայ հասարակութիւնը 1892 թուակ., մնայ լու-  
սաւոր հանդանակ այն գաղափարի, որ ոչ մի ազգ, եթէ նա կա-  
մենում է ապրել, այսինքն յետ չընկնել և առաջ գնալ, պէտք է  
համերաշխաբար ձեռը մեկնէ իւր կարօտեալ գրականներին և նիւ-  
թապէս օգնէ դրանց։ Այն ես հաւատում եմ որ մի օր հայկական  
ազգը, կուլտուրայի գիտակցութեամբ ներշնչած և ամենաազնիւ  
ձգտողութիւններով զարգացած, աւետիս կ'տայ իր մտաւոր մշակ-  
ներին, սակայն «Եկնայք առիս ամենայն աշխատեալք և բեռնաւորք,  
և ես հանգուցից զձեզ»։

Ապրիլի 8-ին նամակով Շահ-Ազիզը խնդրում է որ  
իր տուած զուամարը Սորհուրդը չանւանէ «գրական ֆոնդ  
Շահ-Ազիզի», ինչպէս այդ երևում է Սորհրդի գրութիւնից,  
այլ «Արովեան-նազարեան գրականական ֆոնդ»։

Նոյն տարուայ օգոստոսի 25-ի նամակով Շահ-Ազի-  
զը յայտնում է Սորհրդին, որ կամենալով ուժեղացնել  
ֆոնդը, նա իր ունեցածից տալիս է 2000 ըուրլի ի պա-  
տիւ իր նախկին աշակերտներին։ - Եւ այսպիսով, Բարե-  
գործական Ընկերութիւնը ունենում է իր գրամարկզում

10,000 ըուբլի, որի տոկոսները պէտք է տար կարօտ գրողներին: Աւելացնենք, որ այդ միջոցին «Մշակի» խումբագրութեան միջոցով նուէրներ եղան, յօդուա ֆօնդի 52 ը. 95 կոպ.:

Ս. Շահ-Ազիզի ուղարկած 350 ըուբլի տոկոսը Սորհուրդը յատկացրեց երկու կարօտ գրականագէտի:

Հետեւեալ տարին նպաստ ստացան չորս կարօտ գրողներ, իւրաքանչիւրը 100-ական ըուբլի, բայց այս տարին էլ Ընկերութեան կանոնագրութիւնը փոխուած էր և գրական ֆօնդն էլ այնուհետև յետ ուղարկուեց Շահ-Ազիզին:

## VII

### Բ Ա Ր Ե Ր Ա Ր Ն Ե Ր

Մենք տեսանք թէ ինչպէս սկսուեց կազմուել Ընկերութեան հաստատուն հարստութիւնը, անձեռնմխելի կամ մայր գումարը: Մշտական անգամների թիւը տարիների ընթացքում մեծացաւ և 1899-ի սկզբում հասնում էր 43-ի (միայն կենտրոնում): Դրանց անգամավճարները, ինչպէս գիտենք, անձեռնմխելի գումարներին էին միացվում:

Բացի դրանից, Սորհուրդը ստանում էր և նուէրներ անձեռնմխելի պահելու պայմանով: Այդ նուէրները բազմաթիւ են, բողկացած են մանր գումարներից (100—1000 և էլ աւել ըուբլի), որ չենք յիշատակի այստեղ: Այսպիսով կազմուած անձեռնմխելի գրամագուլթը առ մէկը յունվարի 1899 թ. կազմում էր 51,034 ըուբլի 34 կոպ.:

Սովորական մանր նուէրների հետ Սորհուրդը այս առաջին շրջանում (1881—1899) ստացել է և խոշոր նուիրարբերութիւններ երկու անգամ, երկուսն էլ կտակներով:

ա) ՅՈՎՍԷՓ ՄՈՒՐԱԴԵԱՆ

1884 թ. փետրվարի 27-ին Փոթիում վախճանուած Յովսէփ Մուրադեանը թողել էր մի կտակ, որով իր կարողութեան մեծագոյն մասը, այն է՝ 7000 ըուբլի, յատկացնում էր Բարեգործական Ընկերութեան:

Ստանալով այդ մասին տեղեկութիւն Գէորգ քահանայ Գնունուց, Սորճուրդը կարգադրում է հոգեհանգիստ կատարել Փոթիում և իր կողմից ներկայացուցիչ է կարգում տեղացի հայերից մէկին: Հետեւալ տարուայ փետրվարի 1-ին Սորճուրդը ստանում է հանգուցեալի կտակակատար Գաբրիէլ Սատիսեանից կրտակուած 7000 ըուբլին ամբողջովին: Մուրադեանի մահուան առաջին տարելիցին Սորճուրդը հանդիսաւոր հոգեհանգիստ է կատարում Վանքի եկեղեցում, իսկ երկրորդ տարելիցին, ծախսելով մօտ 400 ըուբլի,



Յ. ՄՈՒՐԱԴԵԱՆ  
Ընկ. առաջին բարեւար

մարմարեայ յուշարձան է գնում հանգուցեալի գերեզմանի վրայ՝ «Յովսէփ Մուրադեանին Կովկասեան Հայոց Բարեգործական Ընկերութիւնից» ոսկեգիր արձանադրութեամբ:

Արձանի բացմանը Սորճրդի կողմից ներկայացուցիչ է նշանակվում գնդապետ Ալէքսանդր Մելիք-Հայկազեանը, իսկ հանդէսը կատարում է Սորճրդի խնդրանքով Գուլթախից Փոթի գնացած Դաւիթ աւագ քահանայ Եարպեան:

Սա առաջին խոշոր նուէրն էր, որ ստանում էր Ընկերութիւնը: —



բ) ՅՈՎՀԱՆՆԷՍ ԽՈՒԴԱԴԵԱՆ

1897 թ. ապրիլի 27-ին Վանքի եկեղեցու միաբան Գրեա քահանայ Աղանեանցը գրում է Խորհրդին.

«Իմ ժողովուրդ տիրիսաքաղաքացի Բ. կարգի վաճառական Յովհաննէս Դաւթեան Խուղաղեանցը վախճանուելով ամսիս 25/26-ի գիշերը՝ թողեց մի կտակ, որով իւր հարստութեան՝ անշարժ և շարժական կալուածների մեծագոյն մասը նուիրում է Խորհրդիդ խնամքին յանձնուած Բարեգործական Ընկերութեանը:

«Իսկական կտակը պաշտօնապէս ներկայացրել ենք պատշաճաւոր իշխանութեան և դատարանական միջոցներ են գործ գրուած արդէն բոլոր կայքերի անկորուստ պահպանութեան համար:

«Հանգուցեալի բոլոր գումարները անուանական լինելով՝ իր ամուսինը իրաւունք չունի ստանալ առ այժմ և ոչ մի կողէկ և արդէն իսկ կնքուած են. իսկ նրա թաղման համար այժմ գրամ չկայ:

«Կտակի գորութեամբ, որի վաւերացրած պատճէնը սորա հետ ներկայացնում եմ յարգելի Խորհրդիդ, թաղման ծախս նշանակուած է երեք հազար բուրլի, որի մասին յայտնելով՝ յարգանքով խնդրում եմ շուտով անօրինել այդ գումարը հայթայթել իւր ընտանիքին»:

Հանգուցեալը կտակակատարներ էր նշանակել Խորհրդի նախագահին, փոխ-նախագահին և Թիֆլիսի վաճառական Կաճկաճեանին: — Խորհրդի նախագահ Անանեանը անմիջապէս հոգաց թաղման ծախսերը: Խուղաղեանը իր կտակի մէջ ցանկութիւն էր յայտնել թաղուած լինել Մողնու եկեղեցու բակում: Խորհրդի միջնորդութեամբ՝ հոգևոր իշխանութիւնը յարգեց այդ ցանկութիւնը: Թաղումը մեծ շքով տեղի ունեցաւ կիրակի օր մայիսի 4-ին: Թաղման և քառասունքի ծախսերը հասնում էին 3106 ռ. 9 կողէկի:

Այնուհետև կտակակատարները հետեւեցին, որ կատարուեն օրէնքի պահանջած ձևականութիւնները և կտակը հաստատուեց Թիֆլիսի նահանգական դատարանի կողմից 1897 թ. յունիսի 4/11-ին: — Մեծ աշխատանք էր պահանջում հանգուցեալի թողած ամբողջ հարստութիւնը որոշելու

անհրաժեշտութիւնը: Խուզագետներ մանուֆակտուրային ապրանքի մագազին ունէր ընկերակցութեամբ մի վաճառականի: Պէտք էր պարզել այդ մագազինի հաշիւները և նրանց հետ կապուած զանազան հաշիւները Թիֆլիսի բանկերում: Այդ աշխատանքը Խորհուրդը յանձնեց իր անդամ Փիլիպոս Վարդագարեանին և քարտուղար Հ. Առաքելեանին, որոնք վերջ ի վերջոյ պարզեցին բոլոր հաշիւները:

Յայտնի դարձաւ որ Խուզագետներ իր ձեռքով ցուցակագրել է իր ամբողջ կարողութիւնը և ցոյց է տուել

նրա ընդհանուր արժէքը

141.333 ռ. 20 կոպ. իսկ

պարտք 2358 ռ. 56 կոպ.:

Սակայն այդ ամբողջ կարողութիւնը չէր անցնում

Բարեգործական Ընկերու-

թեան: Խուզագետներ որոշ

զումարներ էր նշանակել՝

իւր մօրը, ամուսնուն, ազ-

գականներին և երկու հիմ-

նարկութեան տարւհամար:

— Այդ զումարները կայքի

ընդհանուր արժողութիւ-

նից դուրս գալուց յետոյ

մնում էր Ընկերութեան

անշարժ և շարժական կայք

արժողութեամբ 111997 ռ.

7 կոպէկ: — Անշարժ կայ-

քերն էին Խուզագետնի տունը

Աբաս-Աբաթեան հրապա-

րակում, գնահատուած հանգուցեալի

ձեռքով 30 հազար

րուբլի, ածուխի մայրանի  $3/4$  մասը <sup>1)</sup> — 15922

րուբլի և



Յ. ՆՈՌԻՆՆԻՍՅԱՆ

<sup>1)</sup> Մնացած  $1/4$  մասը Խորհուրդը գնեց սեփականատէրերից 1899 թուին, ծախսելով մօտ 13 հազար ռուբլի:

մի խանութ՝ 3335 բուբլի:— Մնացած շարժական գույքը բաղկացած էր պետական և բանկային արժեթղթերից:

Տալով Ընկերութեան այգալիսի մի հարստութիւն, Յովհաննէս Սուդազեանը իր կտակի մեջ պարտաւորեցնում էր. 1) որ Ընկերութիւնը այդ հարստութեան բերած եկամուտներով բաց անէ «Բարեգործական հիմնարկութիւններ, ինչպէս են՝ սպաստարաններ, դպրոցներ, աղքատանոցներ, ձրի հիւանդանոցներ և համանման հիմնարկութիւններ, ըստ բարեհայեցողութեան նոյն Ընկերութեան ընդհանուր ժողովի, սահմանելով այդ հիմնարկութիւններին համար կանոնադրութիւններ, որոնք հաստատվում են իշխանութեան կողմից: Այս հիմնարկութիւնները բաց անել կամ իմ տանը, Աբաս-Աբաթեան հրատարակի վրայ, երբ նա կանցնի Բարեգործական Ընկերութեան կամ ուրիշ տեղ, ուր Ընկերութիւնը իր բարեհայեցողութեամբ աւելի յարմար կը դատէ: Բարեգործական Ընկերութեան բացած հիմնարկութիւնները պէտք է անուանուեն «հիմնարկութիւններ Յ. Դ. Սուդազեանի» (6-րդ կէտ կտակի):<sup>1)</sup> 2), Ամեն տարի, մեծ պասին, Գրիգոր Լուսաւորչի տօնին, հանգիսաւոր հողեհանգիստ կատարել իր զերեզմանի վրայ Մողնու եկեղեցու բակում և այդ հողեհանգստին հրաւիրել քահանաներ և սարկաւազներ Մողնու, Բեթխեհէմի և վանքի եկեղեցիներին, տալով աւագ քահանաներին հինգական, հասարակ քահանաներին երեքական և ախրացուներին մի-մի բուբլի: Նոյն այդ հողեհանգստին պիտի երգէ Ներսիսեան դպրոցի երգեցիկ խումբը, որի համար նոյն դպրոցին կտակարարը կտակում է միանուագ 1500 բուբլի (կէտ 5, կտակի): 3) Բարեգործական Ընկերութեան փակուելու դէպքում ամբողջ կտակուած կարողութիւնն անց-

<sup>1)</sup> Սուդազեանի մահից յետոյ այդ տանը կօթը տարի պիտի սպրէր նրա ամուսին Մարիամը:

նում է Ներսիսեան Հոգևոր Դպրոցին, որ և պարտաւոր է կատարել կտակի բոլոր կարգադրութիւնները <sup>1)</sup>:

## IX

### ԴԻԻԱՆԱԿԱՆ ԳՈՐԾԱՎԱՐՈՒԹԻՒՆ

Առաջին, կազմակերպչական գործունէութեան տեսութեան մէջ մենք տեսանք որ Խորհրդի պաշտօնաւոր անձանց մի մասը անփոփոխ վերընտրուելով, երկար ժամանակով մնաց Խորհրդի կազմի մէջ: Նախագահ Ալէքսանդր Անանեանը և գանձապահ Ալէքսանդր Մելիք-Ազարեանը մնացին մինչև առաջին շրջանի (1881—1899) վերջը, իսկ փոխ-նախագահ Ալէքսանդր Մանթաշեանը՝ մինչև 1895 թուականը: Քարտուղար Աւետիք Եղեկեանը պաշտօնավարեց սկզբից մինչև 1892 թ. կէսը:

Այս հանգամանքն արդէն բաւական է, որ Խորհրդի ընդհանուր գործունէութեան մէջ հաստատուի միօրինակութիւն, մի որոշ բեժիմ: Ճիշտ է Խորհրդի միւս անդամները շարունակ փոփոխուում էին և շարունակ նոր անձինք էին մտնում նրա կազմի մէջ, բայց այդ փոփոխութիւնները ընդհանրապէս շատ չէին ազդում Խորհրդի սովորական գործավարութեան վրայ:

Սկզբից և եթ ընկերութեան վստահութիւնը դէպի Խորհրդի գլխաւոր պաշտօնատար անձինք արտայայտուում է նրանց ամեն անգամ վերընտրութեան մէջ: Նոյն վստահութիւնը տեսնում ենք և Խորհրդի կազմի մէջ ամեն ժամանակ: Արձանագրութիւններից երևում է որ Խորհրդի

<sup>1)</sup> Այստեղ չենք բերում Խուզադեան կտակի այն կէտերը, որոնք ժամանակաւոր նշանակութիւն ունին և վերաբերվում են հանգուցեակի ազգականներին:—

Վոխ-նախագահ Ալէքսանդր Մանթաշեանը մի քանի անգամ հրաժարուել է պաշտօնից, պատճառ բերելով իր յաճախակի բացակայութիւնները քաղաքից: Բայց ամեն անգամ Սորհուրդը չէ ընդունել այդ հրաժարականը: Իսկ երբ 1896-ի յունվարին նախագահութեան պաշտօնից գրաւոր յայտարարութեամբ հրաժարուեց Ալէքսանդր Անանեանը, Սորհուրդը, ի նկատի առնելով նրա «բազմամեայ գործունէութիւնը յօգուտ Ընկերութեան և այն հանգամանքը, որ նա Ընկերութեան հիմնադրութիւնից ղեկավարել է նրան իբրև Սորհրդի նախագահ և որ նրա հեռանալը կարող է միանգամայն վնասել Ընկերութեան շահերին, որոնց նա այդքան տարի եռանդով նուիրել է իր ոյժերը», միաձայն որոշում է խնդրել նրան յետ վերջնել իր հրաժարականը: Այդ որոշումը յայտնվում է Անանեանին առանձին գրութեամբ. Սորհուրդը միաժամանակ խնդրում է Ընդհանուր ժողովի նախագահ բժ. Նաւասարդեանին այդ գրութիւնը յանձնել Անանեանին և «համոզել նրան, եթէ հնար է, յետ առնել իր հրաժարականը»: Այս դիմումները ազդում են և Անանեանը մնում է իր պաշտօնում: 1899 թ. յունիսի 11-ին, երբ Ընդհանուր ժողովն արդէն ընդունել էր Ընկերութեան նոր կանոնադրութիւնը, Ա. Անանեան վերջնականապէս հրաժարուեց և նրա տեղ նախագահ ընտրուեց Ալէքսանդր Մելլիք-Աղաբեան, որ երեք ամիս պաշտօնավարեց, մինչև սեպտեմբերի 17-ը, երբ 1881-ի կանոնադրութիւնը վերջ գրեց իր գոյութեանը: —

Սորհրդի ամբողջ գործունէութեան ընթացքում մենք միայն մի տարի ենք տեսնում, երբ նրա անդամները բաւականաչափ ուշադրութեամբ չեն վերաբերվում իրանց պարտաւորութիւններին: Դա 1884 թուականն է, երբ Սորհրդի նախագահը բացակայում է և նրա պաշտօնը վարում է Վոխ-նախագահ բժ. Նաւասարդեան: — Մարտի 9-ից մինչև ապրիլի 26-ը Սորհրդի հինգ նիստեր միմեանց ետևից չեն կայանում, որովհետև, անդամների կանոնական թիւ չէ

դալիս: Եւ փոխ-նախագահը և նիստերին յաճախող երկու անդամները ստիպուած էին այսպիսի մի գրուածքին ուղարկել բացակայող անդամներին. «Դիմում են Ձեզ Ձեր պաշտօնակիցները, խնդրելով մի միջոց առաջարկել կամ գրաւոր կերպիւ կամ բերանացի ներկայանալով Խորհրդի առաջիկայ նիստին, ուրբաթ, ապրիլի 20-ին, թէ ի՞նչ պէտք է արած Խորհրդի պարապմունքը երեսն ի վեր չթողնելու համար: Մօտ երկու ամիս ստորագրողքս շարունակ ժողովում ենք նիստ կազմելու և միշտ իղուր: Հաւաստի ենք, մեծապատիւ պարոն, որ Դուք հաւասարապէս մօտ էք ընդունում Ձեր սրտին Ընկերութեան յառաջադիմութեան գործը»:

Նկատենք, սակայն, որ այդ տարին մի տեսակ լքման և անտարբերութեան ժամանակ էր: Ընդհանուր ժողովի նախագահ Սենեքերիմ Արծրունին էլ գրում էր Խորհրդին թէ ընդհանուր ժողովների նիստերը չեն կայանում անդամների պակասութեան պատճառով և խնդրում էր միջոցներ ձեռք առնել:

Գալով Խորհրդի դիւանական գործառնութիւններին, մենք տեսնում ենք որ նրա գրագրութիւնները առաջին իսկ տարիներից սկսում են աստիճանաբար ընդարձակուել: Թէև ինքը, Խորհուրդը, մինչև 1892 թուականը մի շատ պարզ ու հասարակ ծրագրի էր հետևում, բայց Ընկերութեան գաւառական ճիւղերը արդէն բաւական առատ նիւթ էին տալիս գրագրութիւններին: Խորհրդի նիստերում զբաղմունքների մեծագոյն մասը այդ ճիւղերն էին: Շատ յաճախ էին ծագում հարցեր, որոնք երկարատեւ բանակցութիւններ և գրագրութիւններ էին պահանջում:

Ընկերութեան կանոնագրութիւնը կենտրոնացման սկզբունքն էր սահմանել: Եւ որովհետև ընկերութեան կենդանութիւնը իր կանոնագրութեան անթերի կատարումն էր, ուստի Խորհուրդը շարունակ պիտի հսկէր, որ ճիւղերը չը

շեղուեն այդ կանոնադրութիւնից և եռանդով պաշտպանում էր կենտրոնացման անհրաժեշտութիւնը:

Այս ուղղութիւնը գաւառներին ընդունել տալու համար Սորճուրդը չէր բաւականանում ամեն մի անհատական գէպըում արուած ցուցմունքներով և բացառութիւններով, այլ և երբեմն շրջաբերականներ էր ուղարկում նոյն իմաստով:

1890 թուի յունիսի 18-ի ընդարձակ շրջաբերականով Սորճուրդը նորից և նորից շեշտում էր, որ տեղական վարչութիւնները յաճախ արհամարհում են կանոնադրութեան որոշ ու մէկին ցուցմունքները: «Այսպէս ամեն տարուայ գիտուած բան է, — Ընկերութեան Տեղ. վարչութիւններից ոմն Ժամանակին իւր նախահաշիւը չի ներկայացնում, ոմն հաշիւը, ոմն բոլորովին իսկ մոռանում է նախահաշիւ ներկայացնելու և ոմն հաշիւ, կայ նաև մին, որ ոչ միայն հաշիւ ու նախահաշիւ չէ ներկայացնում, այլ Սորճուրդի գրութիւններն անգամ անպատասխան է թողնում. այլք, հակառակ կանոնագրի, առանց Սորճուրդի գիտութեան և ընկ. ընդհանուր ժողովի տնօրէնութեան, այս և այն կարևոր գործն են սկսում, որ նախուստ պառչաճաւոր թոյլատուութեան էր կարօտ և տեղական ծանր ծախս էր պահանջում... ոմանք կանոնադրութեան 49 յօդուածը չեն կատարում և աւելացրած գումարները ինքնիշխանաբար իրենց համար անձեռնմխելի են համարում»:

Յոյց տալու համար թէ ընկերութիւնը մի է, թէ նրա միջոցները պատկանում են նրա ամբողջութեան և ոչ թէ այս կամ այն մասին, Սորճուրդը գրում էր:

«Ընկերութիւնս ամենի և ամեն տեղի համար է, նրա կենտրոնը Տփլիսում է, այն, բայց ընդարձակութիւնը և գրամական միջոցները Կովկասի և Անգրկովկասի համար են: Ամենայն Տեղ. վարչութիւն, որ իւր միջոցներով չի կարողանում իւր տեղական պէտքերը, համաձայն ընկերութեան նպատակներին, հոգալ, կարող է օգտուել և հարկաւորապէս և իրաւունքով պէտք է օգտուի կենտրոնում ամփոփուած միջոցներից, որքան սոքա կը ներեն՝ ի հարկէ, եթէ իւր օրինաւոր և հանրաշահ ընթացքով նա արժանի է գրան»:

Այս սկզբունքը, սակայն, իրագործուած չենք տեսնում: Տեղական վարչութիւնների գիմուսներ կան, որոնց մէջ





Թոյլառութեան ճիւղեր բայ անելու իրաւունքից, Սորհուրդը նոյն Թուր գեղեւեմբերի 10-ին առանձին խնդրագրով դիմում է Կովկասի կառավարչապետին և ներկայացնելով 16, 17 և 19 յօդուածները նոր, փոփոխած խմբագրութիւն, որով ճիւղերի բացման համար պարտագիր էր դառնում ամեն անգամ իշխանութեան Թոյլառութիւնն ստանալ, խնդրում էր, որ իրան Թոյլատրուի այդ նոր խմբագրութիւնը մտցնել Ընկերութեան կանոնադրութեան մէջ, որ պիտի նոր հրատարակուէր: —

Այդ միջնորդութեան պատասխանը չը տրուեց մինչև 1894 թուականը: Սորհրդի նախագահ Անանեանը անձամբ ներկայացաւ պատշաճաւոր բարձր իշխանութիւններին և խնդրեց անօրինութիւն, քանի որ պէտք կար Ընկերութեան կանոնադրութիւնը նորից տպագրելու: Այդ տեսակցութեան ժամանակ նա տեղեկացաւ, որ յիշեալ յօդուածների ոչ մի նոր խմբագրութիւն չը պիտի ընդունուի:

Եւ իրաւ, Կառավարչապետի Դիւանը 1894 թ. յուլիսի 27-ի № 6778 զրութեամբ խմաց էր անում Թիֆլիսի նահանգապետին թէ, որովհետև Բարձրագոյն հրամանով արգելուած է Կովկասում նոր հայկական ընկերութիւններ հիմնելը, ուստի 1881-ի կանոնադրութեան § 16-ի վերջը (այս է՝ «ուր այդ հնարաւոր կը լինի և Սորհուրդն օգտաւէտ կը համարէ» խօսքերը), նոյնպէս և § 17, 18 և 19 պէտք է համարուին ջնջուած: Կառավարչապետի Դիւանը Թոյլ էր տալիս հրատարակել կանոնադրութիւնը, հանելով նրա միջից այդ խօսքերը և յօդուածները: Այդ փոփոխութիւնով էլ կանոնադրութիւնը հրատարակուեց 1895-ին: —

Գործերի մէջ մենք տեսնում ենք, որ 1891-ից յետոյ շատ տեղերից դիմում են Սորհրդին, խնդրելով նոր ճիւղեր բանալ, բայց Սորհուրդը բացասում է այդ դիմումները:

Սորհրդի պաշտօնատար անձանց մասին խօսելիս՝ չէ կարելի անտես անել և քարտուղարի պատասխանատու և կարևոր պաշտօնը:

Ինչպէս տեսանք, իր առաջին իսկ նիստում Խորհուրդը որոշում է քարտուղար չընտրել իր անդամներից, այլ հրաւիրել Ընկերութեան անդամներից մէկին, յատկացնելով նրան ուճիկ: Ընկերութեան այդ միակ ուճիկաւոր պաշտօնեայի հարցը մի քանի անգամ յարուցուել է ընդհանուր ժողովներում: Առաջին անգամ նա գրուեց 1892 թուի յունվարի 12-ի նիստում: Քննելով նախահաշիւը, ժողովը գտնում է որ քարտուղարի ուճիկը—600 ռ.— շատ է և նշանակում է 300 ռուբ. և գիււանական ծախսերի համար 100 ռուբլի:—

Խորհուրդը արձանագրում է, որ «ինքն յարմարութիւն չէ գտնում կառավարել իւր գիււանը 400 ուրբլիով, երբ այնքան բարդուած են իւր գործերը բազմաթիւ տեղ. վարչութիւնների հետ գրագրական յարաբերութեամբ և գործավարական ծանրութիւններով, որոնց ամենքին պիտի հանի մի քարտուղար, առանց գրագրի, առանց ծառայի, մանաւանդ երբ նա միեւնոյն ժամանակ և հաշուապահ է Խորհրդում և՛ գանձապահի պաշտօնակատար, ստանալով գրամներ, բաշխելով ուճիկներ, նպաստներ և թոշակներ, և՛ նախագահի օգնական, որին գիմում են ամեն կաքզի խնդրատուններ, թէ՛ իրենց ցաւն յայանելու, թէ՛ տեղեկութիւններ առնելու, թէ՛ պատասխաններ ստանալու»<sup>1)</sup>:

Յաջորդ ընդհանուր ժողովը, համոզուելով թէ ճիշտ որ քարտուղարի պաշտօնը ծանր է, փոխում է իր նախընթաց որոշումը և թողնում է քարտուղարի ուճիկը 600 ռուբլի:

1892 թ. սեպտեմբերից քարտուղար Աւետիք Եգեկեանը թողնում է քարտուղարի պաշտօնը, որ ամենայն բարեխղճութեամբ և օրինակելի խնամքով վարել էր 10 տարի անընդհատ, մեն-միհակ, առանց օգնականի, կրելով իր ուսերի վրայ կազմակերպչական գործունէութեան ամբողջ ծանրութիւնը: Այդ 10 տարուայ ընթացքում Խոր-

<sup>1)</sup> Արձ. № 6.—

հուրդը գուցէ միակ հիմնարկութիւնն էր ուստահայերի մէջ, որ կարող էր օրինակելի համարուել գեղեցիկ հայերէնով գրուած իր գործավարութեամբ:

Եզեկեանին քարտուղարութեան պաշտօնում յաջորդում է Համբարձում Առաքելեանը: Այդ ժամանակից էլ Խորհրդի գործունէութիւնը աւելի ևս բարդ կերպարանք է ստանում: Ընկերութեան Գրադարան-Ընթերցարանը, ուսուցչական ցենզը, ժողովրդական ազէաները, ճիւղերի ընդարձակուած գործունէութիւնը գալիս են աւելի ևս շատացնելու զբազմունքները, գործավարական յարաբերութիւնները, կազմակերպչական հոգսերը: Միաժամանակ աւելի բարդանում է Ընկերութեան տարեկան հաշուեաւութիւնը: 1892-ից սովորութիւն է գառնում ամեն տարի տպագրած տեղեկագրներ հրատարակելը, որոնց մէջ թէ կենարոնը և թէ մասամբ ճիւղերը հանդէս են գալիս իրանց հաշիւներով, առանձին գեկուցումներով և այդպիսով հասարակութիւնը աւելի մօտիկից, աւելի մանրամասն կերպով է ծանօթանում Ընկերութեան: Բազմանում են առանձին առանձին հարցերով զբաղուող մասնաժողովները, որոնց մասնակցում էր քարտուղարը: Գրագրութիւնների տեսակէտից քարտուղարի գործը փոքր ինչ թեթեանում է գրադարանի բացուելուց յետոյ, որովհետև զբաղածը սկըում է նրան օգնել:—

Չը նայած այս բոլորին, քարտուղարական ոռճիկի հարցը երբեքն յուզվում էր Ընդհանուր ժողովներում: Պէտք է նկատել, որ այդ հարցի մէջ սկզբից և եթ դեր կատարել են աւելի կուսակցական հակառակութիւնները, քան իրական գրութիւնը:—

Խորհրդի հետգհետէ բարգուոյ գործառնութիւնը առիթ է տալիս Խորհրդի անդամ բժ. Վ. Արծրունուն 1894-ի մայիսին մտցնել մի առաջարկութիւն, որի մէջ նա ցոյց էր տալիս մի ներքին կազմական կանոնադրութեան անհրաժեշտութիւնը: Գիւսնական գործառնութեան մէջ բժ.

Արծրունին կարևոր էր համարում նորոգութիւն մտցնել աշխատանքի բաժանման սկզբունքի վրայ: —

«Նախագահը և քարտուղարը, կարծես, միակ պատասխանատու անձինքն են Սորհրդի գործունէութեան մէջ,— գրում էր նա.— միւս անդամները միանգամայն անմասն են այս պատասխանատուութիւնից և մինչև անգամ ազատ են զբաղուել կամ չը զբաղուել Ընկերութեան գործերով: Չը կայ մի որոշ կանոնագրութիւն, որով զեկավարուէր պ. Նախագահը այս ինչ կամ այն ինչ անդամին գոնէ իրան օգնութեան հրաւիրելու»: —

Կազմվում է մի մասնաժողով (Բ. Նաւասարդեան, Արծրունի, Փ. Վարդապարեանց), որ համաձայն այս առաջարկութեան՝ մշակում է «ներքին կառավարութեան կանոնագրութիւն» ծրագիրը, որ քննվում է Սորհրդի մէջ միայն 1896-ին: Սորհուրդն ընդունում է այդ ծրագրի մի քանի կէտերը, օրինակ անդամների հերթակալութիւն մի ամիս ժամանակով, աշխատանքի մի երկու ճիւղի բաժանում: —

Հաշուապահութեան, զբաղարանի, մի քանի ճիւղերի վերաբերմամբ գործունէութեան առաջարկութիւններ մրայնում է և Փ. Վարդապարեանը, որ Սորհրդի անդամ և գանձապահ էր 1895 թուից: —

Հ. Առաքելեանը քարտուղարութեան պաշտօնից հեռանում է 1898-ի սեպտեմբերին: Նրանից յետոյ այդ պաշտօնը մինչև ընկերութեան վերակազմութիւնը (1899 թ.) վարում է Գր. Տէր-Պօղոսեանը: —

## X

### ԸՆԴՀԱՆՈՒՐ ԺՈՂՈՎՆԵՐ

Ընդհանուր ժողովները մինչև 1884 թուականը գումարվում էին Արծրունի եղբայրների թատրոնում, որ Գրի-

գոր Արծրունու կարգադրութեամբ ձրի էր տըրվում: Այնուհետև երբ այդ թատրոնն անցաւ ուրիշ սեփականատիրոջ, ժողովները տեղի էին ունենում գլխաւորապէս Դումայի դահլիճում:

Առաջին տարին, երբ կազմակերպչական շրջանում էր ընկերութիւնը, տեղի ունեցաւ ընդհանուր ժողովի 8 նիստ: Յետոյ այդ թիւը սկսեց պակասել, մինչև որ արտակարգ ժողովներ հրաւիրելու շատ քիչ հարկաւորութիւն էր լինում: Բազմամարդութեան կողմից էլ հետզհետէ անկում է նկատվում: Առաջին տարիները, սովորական է տեսնել արձանագրութիւնների մէջ, որ ներկայ եղող անդամների թիւն էր 30—40: Լինում էին և այդչափ կամ պակաս կողմնակի մարդիկ:

Ընդհանուր ժողովների նախագահ եղել են բժ. Միքայէլ Շահ-Պարոնեան սկզբից մինչև 1883-ի ղեկավարները. երգուեալ հաւատարմատար Սենեքերիմ Արծրունի—այդ ժամանակից մինչև 1889 թ., երբ նա հրաժարվում է և բժ. Բ. Նաւասարդեան—1889-ից մինչև 1899 թ.:

Ընդհանուր ժողովների արձանագրութիւնները առաջին տասնամեակում կազմվում էին համառօտ և պարունակում էին իրանց մէջ համարեա միայն որոշումները: Այնուհետև արձանագրութիւնների մէջ սկսում են մտցնել և մանրամասնութիւններ, աշխատելով տալ վիճարանութիւնների էական բովանդակութիւնը: Այդ մանրամասն արձանագրութիւններն էլ տպագրվում էին տարեկան տեղեկագրերի մէջ, որովհետև կենտրոնի ընդհանուր ժողովը ընկերութեան բարձր ինստանցիան էր, ապա ուրեմն և նրա որոշումներն ու լուսաբանութիւնները կարեօր էին համարվում մանաւանդ զաւառական ճիւղերի համար:

Ընդհանուր ժողովները, բացի իրանց սովորական պարտաւորութիւններից, այն է՝ կենտրոնի և ճիւղերի նախահաշիւները, հաշիւները քննելուց և հաստատելուց, զբաղվում էին և այն առաջարկութիւնների, ծրագիրների քննու-

թեամբ, որ ներկայացնում էր Խորհուրդը: Գլխաւոր աշխատանքները մենք յիշատակել ենք իրանց տեղերում: Ներկայացրած ծրագիրներն ու կանոնադրութիւնները քննելու համար ընտրուել են մասնաժողովներ:

Նկատելի է, որ ընդհանուր ժողովների պարապմունքների վրայ ազդել են մեր մէջ գոյութիւն ունեցած լրացրական կուսակցութիւնների (գլխաւորապէս «Մշակ» և «Արձագանք») պայքարները, և այս մասնաւորապէս 1892 թուականից յետոյ: Այսպէս մենք տեսնում ենք վիճաբանութիւններ լրագրի մէջ տպուած յօդուածների մասին: Ամբողջ մի քննութիւն է սկսվում այն պատճառով, որ հակառակ կուսակցութեան պատկանող մէկը (Ս. Հախումեան) մասնակցել է ընդհանուր ժողովին, չունենալով անդամակցական տոմսակ: Ապա Խորհուրդը իր անդամներից երեքին նշանակում է քննելու նոյն այդ անձի յարձակումները քարտուղարի դէմ: Եւ այլ այսպիսի մանր մունր հաշիւներ, որոնք անհրաժեշտ են համարել արձանագրուելու ընկերութեան պաշտօնական թղթերի մէջ:

# ՄԱՍՆ ԵՐԿՐՈՐԳ

## Ճ Ի Ի Ղ Ե Ր

1881—1899

I

Ճ Ո Ի Ճ Ի

Ընկերութեան Խորհրդի ղիմումները, տեղական վարչութիւններ կազմելու մասին ամենից առաջ և անմիջապէս արձագանք են զանում Շուշի քաղաքում:

1881 թուի դեկտեմբերի 23-ի գրութեամբ Ղարաբաղի թեմի առաջնորդ Անդրէաս արքեպիսկոպոսը հաղորդում է Խորհրդին թէ թեմական դպրոցի տեսուչ Հ. Առաքելեան, գտնելով 26 անդամներ, ընդհանուր ժողովի է հրաւիրել նրանց և դեկտեմբերի 22-ին այդ ժողովը բաղկացած 19 անդամներից, ընտրել է իրան, Անդրէաս արքեպիսկոպոսին նախագահ, ապա և կատարել է տեղական վարչութեան անդամների ընտրութիւն:

Խորհուրդը ընդունում և վաւերացնում է կատարուած իրողութիւնը: 1882 թ. փետրվարի 22-ին Անդրէաս արքեպիսկոպոսը յայտնում է Խորհրդի թոյլտուութիւնը ընդհանուր ժողովին: Բայց վարչութեան անդամները, որոնք ընտրուած էին անցեալ ժողովից, հրաժարվում են, ի նկատի ունենալով որ իրանք ընտրուել են այնպիսի մի ժամանակ, երբ չը կար Խորհրդի թոյլտուութիւնը տեղական ճիւղ բանալու մասին, այլ և այն, որ ընկերութեան անդամների

թիւը այժմ աւելացել է և իրանք ցանկանում են որ վարչութեան անդամները ընտրուած լինեն առաջին ընդ. ժողովից աւելի բազմամարդ ժողովում:

Այդ հրաժարականն ընդունվում է և նոր ընտրութիւն է կատարվում: Սակայն այս անգամ էլ Սորհուրդն է համարում այն ընտրութիւնը անկանոն, քանի որ ընտրուածները միայն մէկն էր ստացել ընտրողական ձայների  $\frac{2}{3}$  մասը, ինչպէս տրամադրում է կանոնադրութիւնը: Ուստի երրորդ անգամ ընդհանուր ժողով կայանում է 1882-ի ապրիլի 11-ին, որի ընտրած վարչութիւնը այսպէս է կազմակերպում իր դիւանը. գնդապետ Իւան Քալանթարեան՝ նախագահ, բժ. Մարգար Առտամեան՝ փոխ-նախագահ, Դաւիթ Ադամեան՝ անգամ—գանձապահ, Զաւադ Իշխանեան և Սահակ Թադէոսեան՝ անդամներ, Համբարձում Առաքելեան՝ փոխ-անգամ և գործավար, տ. Գայեանէ Աթարէզեան և Գրիգորիս Իւզբաշեան՝ փոխ-անդամներ:

Այդ վարչութեան կազմած նախահաշիւը միայն սեպտեմբերին հաստատուեց Թիֆլիսի ընդհանուր ժողովում, այնպէս որ Շուշու ճիւղի իսկական գործունէութիւնն սկսվում է 1882-ի աշնանից:

Առաջին տարուայ նախահաշիւը 600 ըուբլի մուտք և այդքան էլ ծախս էր որոշում: Բայց իրապէս մուտք եղաւ 1148 ը. 65 կոպէկ, որից 500 ըուբլին նուէր Մարկոս Դօլուխանեանից՝ անձեռնմխելի պահելու պայմանով: Անդամների թիւն էր 86:

Վարչութիւնը սկզբից և եթ որոշում է բանալ Շուշում գրադարան-ընթերցարան և զրելով Սորհրդին, որ այդ մասին պատշաճաւոր թոյլտուութիւնն ստանայ, ինքը ձեռք է բերում տեղական փակուած հասարակական գրադարանի գրքերն ու գոյքը 100 ըուբլով (գրադարանի ամբողջ արժողութիւնն էր 400 ըուբլի): Սորհուրդը զիմում է Գանձակի նահանգապետին, խնդրելով թոյլտուութիւն, բայց պատասխան չէ ստանում: Այդ զիմումը նա կրկնում և



երեքլնում է հետեւեալ 1883-ին, դարձեալ պատասխան չէ ստանում:

Նախահաշուի մնացած ժառը վարչութիւնը յատկացնում է կրթական նպատակների, գլխաւորապէս գիւղական գըլարոցների օգտին: Վճռվում է կազմել դպրոցական զբաղարաններ, ուսումնական պիտոյքներ հայթայթել չքաւոր գըլարոցներին, չքաւոր աշակերտներին նպաստներ տալ: Այլքատները համար ոչինչ գումար չէ նշանակվում:— Սակայն զբաղարանների և ուսումնական պիտոյքների ենթադրութիւնը ի կատար չէ անվում և վերջ ի վերջոյ, վարչութիւնը թէ այդ և թէ հետեւեալ տարիները իր միջոցները յատկացնում է դպրոցներին, աշակերտներին և աղքատներին:

Եւ այդ միջոցները մեծ էլ չէին: Առաջին տարուց յետոյ Շուշում ևս սկսվում է գործի անկում. անտարբերութիւն է նկատվում դէպի Ընկերութիւնը, այնպէս որ 1885-ի համար կազմուած նախահաշուի գումարն է արդէն 401 ռուբլի, իսկ 1886-ի համար՝ 212 ռուբլի: Սկսվում է վարչութեան կատարեալ կազմալուծումը. 1884, 1885 և 1886 թ. հաշիւները մնում են առանց քննութեան և հաստատութեան. 1886-ին ընդհանուր ժողով բոլորովին չէ կայանում, Ընկերութեան անդամների թիւն է ընդամենը 14. անգամ են գրվում, բայց անգամավճար չեն տալիս նոյն իսկ այնպիսի մարդիկ, որոնք եղել են Վարչութեան փոխ-նախագահ, անգամ, գործավար և այլն:—

1887 թ. փետրվարին տեղական երիտասարդութիւնից 15 հոգի անգամ են գրվում և պահանջում են անունով միայն գոյութիւն ունեցող Վարչութիւնից ընդհանուր ժողով նշանակել կանոնադրութեամբ սահմանուած գործառնութիւնները կատարելու համար: Մարտի 3-ին ընդհանուր ժողովը նոր վարչութիւն է ընտրում որ և կազմակերպում է այսպէս. Հ. Առաքելեան՝ նախագահ, Յ. Կամսարական՝ փոխ-նախագահ, Ա. Բաբախանեան՝ գոր-

ծափար, Մ. Խունունց՝ դանձապահ և Ն. Աթաբէգեան ան-  
դամ: Փոխանդամներ Վ. Բարսեղեան, Ս. Ղուլիքիսցեան և  
Ա. Հայկազեան: —

Այս տարուանից Շուշու տեղական ճիւղն սկսում է  
կամայ-կամայ կենդանանալ: Անդամների թիւը հասնում է  
47-ի տարեկան մուտքը հէնց նոյն 1887-ին 805 ըուբլի է:

Վարչութեան տպագրած հաշուից տեղեկանում ենք,  
որ նա, «գիտելով որ Ընկերութեան գործերը քայքայուած  
և ողորմելի դրութեան են հասած», զիմում է քաղաքի  
երիտասարդ ոյժերի աջակցութեան իր միջոցներն աւելա-  
ցնելու համար և միաժամանակ որոշում է «իր սուղ մի-  
ջոցները առ այժմ գործ ածել զլիսաւորապէս քաղաքի  
սահմաններում, որպէս զի զօրութիւն ունենայ մի շօշա-  
փելի գործ կատարելու և զբանով ժողովրդի համակրու-  
թիւնը վաստակելու»: Իր միջոցների մեծագոյն մասը յատ-  
կացնում է դպրոցական գործին, իսկ 80 ըուբլի էլ նշա-  
նակում է ժողովրդական գրքեր հրատարակելու համար:—  
Սակայն այդ գումարը մնում է առանց գործադրութեան,  
որովհետև, ինչպէս գրում էր Վարչութիւնը, «հայ հեղի-  
նակներից ոչ ոք ձայն չը տուեց Վարչութեան հրաւեր-  
ներին և ոչ ոք ոչ մի աշխատութիւն չուղարկեց»:

Հետևեալ տարին նոյն նպատակի համար նշանակուած  
էր 100 ըուբլի:—Բայց պէտք եղաւ թողնել գրքեր հրա-  
տարակելու միտքը, որովհետև Վարչութիւնը վճռեց բաց  
անել Շուշում արհեստագիտական դպրոց չբաւոր աղջիկ-  
ների համար: Ծրագիրը ենթարկուեց բազմակողմանի քնն-  
նութեան: Բայց որքան համեստ լինէր նախագծուած գոր-  
ծը, Վարչութեան միջոցները բաւական չէին նրան իրա-  
գործելու համար: Ուստի նա ընդհանուր ժողովի յանձնա-  
բարութեամբ զիմեց Խորհրդին և խնդրեց նրանից նպաստ  
300 ըուբլի: Սկզբում Խորհուրդը յոյսեր տուեց և պա-  
հանջեց արհեստագիտական դպրոցի մանրամասն ծրագիրը:  
Եւ Վարչութիւնը շտապեց կատարել այդ պահանջը: Նրա

ներկայացրած ծրագիրը ենթադրում էր միլիաւեան մի գալրոց, երեք տարուայ դասընթացով, ուր աղքատ աշակերտուէնները պիտի սովորէին գլխաւորապէս ձեռագործ և ապա գրագիտութիւն: 1888-ի նախահաշուի մէջ մտցըրուեց այդպիսի մի գալրոցի պահպանութեան ծախս 800 բուբլի, որից 300 բ. սպասվում էր Խորհրդից իբրև նպաստ:

Սակայն Խորհուրդը չուզեց օժանդակել մի այդպիսի գործի, զոնէ առաջին տարիները, ինչպէս խնդրում էր Վարչութիւնը: Նա մերժեց այդ խնդիրը, առարկելով թէ ծրագրուած գալրոցը սովորական ծխական գալրոցներից մէկն է և իբրև այդպիսին՝ կարող է բացուել և պահպանուել տեղական Վարչութեան միջոցներով: Դպրոցը չէ բացվում:—

Այդ միջոցին լուծում է ստանում գրագարան-ընթերցարանի հարցը: Գանձակի նահանգապետը 1886 թուի յուլիսին թոյլ է տալիս բաց անել Շուշում գրագարան-ընթերցարան և Վարչութիւնը իր ուշադրութիւնը կենտրոնացնում է գլխաւորապէս այդ հիմնարկութեան վրայ: Նա մշակում է կանոններ և ներկայացնում է Խորհրդին ի հաստատութիւն: Գրագարանը բացվում է 1889 թուի մարտ ամսին:

Վարչութիւնը իր միջոցներից, ի հարկ է կարողանում է միայն փոքրիկ գումարներ յատկացնել այդ գործին: Բայց գրագարան-ընթերցարանը առաջին իսկ տարուց սկըսում է արագ առաջանալ և հարստանալ: Տրվում են նրա օգտին ներկայացումներ, ստացվում են նուէրներ, գործի գլուխ անցած երիտասարդները ջբօրհնէքի տօներին «աւետիս» են ման գալիս, գործում եռանդով:

Թէ ինչպէս է շնորհիւ այդ ջանքերի զարգանում գրագարան-ընթերցարանը, այդ ցոյց են տալիս հետևեալ թուանշանները: Առաջին տարում (1889) գրագարանն ունէր 587 կտոր գիրք, իսկ տասնամեայ գոյութիւնը բոլո-

րելուց յետոյ, առ 1 յունվարի 1899 թ.—4917 կտոր՝ 6793 ր. արժողութեամբ, առաջին տարին տուն տարուած գրքերի թիւն էր 1834, իսկ տասներորդ տարին՝ 8659:

Շուշու Տեղական Վարչութեան այդ եռանդոտ գործունէութիւնը արձանագրուած է Սորհրդի տարեկան տեղեկագրերի մէջ (1892 և 1893) և արձագանք գտաւ Թիֆլիսի Ընդհանուր Ժողովի նիստերից մէկում <sup>1)</sup>: Այդ եռանդի, ինչպէս նաև գրագարան-ընթերցարանի աստիճանաբար հարստացման արդիւնք էր, որ Ընկերութեան անդամների թիւը տարէց տարի շատանում էր և հասաւ 160-ի, գրա համեմատ մեծանում էին և Վարչութեան եկամուտները: 1898 թ. մուտք եղել է 2090 բուքլի: —

Ինչպէս տեսանք, հէնց առաջին տարում Շուշու Վարչութիւնն ունեցաւ անձեռնմխելի գումար: Հետեւեալ տարիների ընթացքում այդ գումարը աւելացաւ և 1890 թ. հասնում էր 1100 ր.: — Ըստ կանոնադրութեան, այդ գումարը պիտի պահուէր Սորհրդի գումարների հետ Թիֆլիսում: Բայց Սորհուրդը սկզբից ուշադրութիւն չէր դարձրել այդ հանգամանքի վրայ և գումարը ֆոււմ էր Տեղական Վարչութեան ձեռքին: Եւ երբ Սորհուրդը, վերջապէս, սկսեց պահանջել որ կատարուի կանոնադրութեան որամադրութիւնը, Տեղական Վարչութիւնը այլ և այլ պատճառաբանութիւններով խուսափում էր այդ պահանջը կատարելուց: Ծագեց երկարատև գրարգրութիւն Սորհրդի և Վարչութեան մէջ, մինչև որ 1891-ին գումարը ուղարկուեց Թիֆլիս և այդպիսով լուծուեցին տարիների տարաձայնութիւնները: Առ 1 յունվարի 1899 թ. Տեղական Վարչութեան պատկանող յատուկ գումարը, որ պահվում էր Սորհրդի մէջ, հասել էր 2500 բուքլու:

Շուշու տեղական վարչութեան սովորական նախահաշիւը պարունակում էր ծախսեր գրագարանի, տառա-

<sup>1)</sup> «Տեղեկագիր» 1894, էր. 77:

պեաներին և չքաւոր աշակերտներին նպաստելու համար: Այդ սովորական գործաւարութիւնից դուրս՝ Վարչութիւնը գործունէութիւն ցոյց տուեց և ժողովրդական աղէտներէ ժամանակ: 1892-ի խօլերայի միջոցին նա թէ Խորհրդից ստացած 400 ռ. նպաստը և թէ յատուկ այդ առիթով իր ստացած 275 ռ. նուէրները բաժանեց Շուշու և Չանգեղուրի գաւառներէ մնաստուած ազգաբնակութեան թէ առձեռն դրամով և թէ դեղերով: 1897 թուին, երբ թիւրքահայ գաղթականները Շուշի էլ հասան, վարչութիւնը բաց արաւ նրանց համար ձրի ճաշարան, որ գոյութիւն ունեցաւ յունվարի 15-ից մինչև մարտի 15-ը: Իսկ հետեւեալ տարին, Չանգեղուրի և Նախիջևանի գաւառներում անբերրիութիւնից տառապող ազգաբնակութեան օգնելու համար վարչութիւնն ստացաւ Կովկասեան Գիւղատնտեսական ընկերութիւնից 825 ռուբլի: Այդ գումարից 225 ռուբլի ուղարկուեց Նախիջևանի վարչութեան, իսկ մնացածը երկու յատուկ մասնաժողովներէ ձեռքով բաժանուեց Չանգեղուրի գաւառում:

Վերջապէս յիշատակենք և հրատարակչական գործունէութիւն սկսելու երկրորդ անյաջող փորձը: 1893 թ. Զրօրհնէքի տօներին մի խումբ երիտասարդներ նախկին տարիների նման, «աւետին» ման գալով, իրանց ժողոված փողերի մի մասը նուիրում են գրադարանին, իսկ միւսը— 82 ռուբլի յանձնում են վարչութեան՝ ժողովրդական դրքեր հրատարակելու յատուկ նպատակով: Այդ գումարը յետոյ դանոնում է 137 ռուբլի, բայց չէ ծախսուում: «Վարչութիւնից անկախ պատճառներով դրքերի հրատարակութիւնն անհնարին եղաւ», կարգում ենք վարչութեան տեղեկագրի մէջ (1895 թ.):

Գումարը ամբողջովին մնաց մինչև 1899 թ., երբ փակուեց Շուշու ճիւղը:

II

Ե Ր Ե Ի Ա Ն

(1882—1899)

1882 թ. փետրվարի 15-ին Սորհուրդն ստանում է Երևանից մի գրութիւն 18 երիտասարդների ստորագրութեամբ: Ստորագրողները պատմում են, որ Երևանի երիտասարդութեան մի մասը, բաղկացած աւելի քան քսան հոգուց, մի քանի անգամ ժողովներ է ունեցել և քննել թէ ինչ միջոցներով կարելի է օգնութեան հասնել լուսաւորութեան կարօտ ժողովրդին: Գլխաւոր միջոցը համարուեց «հասարակ ժողովրդի և զրքերի մէջ մի սերտ բարեկամութիւն հաստատելը: Նախ ժողովը՝ վճուեց գործ գնել իր ձեռքից եկած ուժերը հայ հասարակ ժողովրդին ծանօթացնելու մօտայնելու—բարեկամացնելու—սիրահարացնելու զրքերի, այդ կենդանի խօսքի, այդ անխարդախ և անզաւաճան ընկերութեան հետ»: Թէև թիֆլիսում արդէն գոյութիւն ունէր Հրատարակչական Ընկերութիւն, բայց ստորագրող երիտասարդները գտնում էին, որ նրա նպատակը առհասարակ զրքեր հրատարակելն է, մինչդեռ հարկաւոր է մի կազմակերպութիւն, որ բացառապէս այնպիսի զրքեր հրատարակէ, որոնք գնի և բովանդակութեան կողմից միանգամայն մատչելի լինեն ժողովրդին:

Այդպիսի մի ընկերութիւն հիմնելու միտքն ունէին Երևանի երիտասարդները: Բայց քանի որ Կովկասի Հայոց Բարեգործական Ընկերութեան կանոնադրութիւնը թոյլ է տալիս և հրատարակչական գործունէութիւն, ուստի ստորագրողները այլ ևս աւելորդ էին համարում առանձին ընկերութիւնը և առաջարկում էին Սորհրդին բանալ ճիւղ Երևանում, բայց այն պայմանով որ այդ ճիւղը ինքնուրոյն

գործելու լիակատար իրաւունք ունենայ: Այդ նպատակով առաջարկվում էր, որ նոյն իսկ փոփոխուի կանոնադրութեան 49 յօդուածը յատկապէս Երևանի վերաբերմամբ:

Սորհուրդը, ի հարկէ, մերժեց այդ առաջարկութիւնը:

Այնուհետեւ, յունիսի 7-ին ստացուեց 17 անձերից (որոնց թւում և նախկին թուղթը ստորագրողներէց մի քանիսը) մի պարզ առաջարկութիւն՝ այնէ, բայց անել Երևանում Տեղական Վարչութիւն.

Սորհուրդը թոյլ է տալիս, Երևանում անգամ են գրք-վում 49 հոդի, որոնք հոկտեմբերի 24-ին ընդհանուր ժողով կազմելով թեմի առաջնորդի փոխանորդ Գէորգ Եպիսկոպոս Սուրէնեանցի նախագահութեամբ, ընտրում են Վարչութիւն, որի ղիւանը կազմվում է այսպէս. նախագահ՝ բժ. Էլեոն Տիգրանեան, գանձապահ՝ Ռուբէն Զալալեան, գործավար՝ Թ. Մեհերեան. անգամներ՝ Հայկ Մատակեան, Յովհաննէս Տէր-Զաքարեանց, փոխ-անգամներն էին Վասիոս Տէր-Յովհաննիսեանց, Յովհաննէս Աթանասեանց և Թորոս Տէր-Ղազարեանց:

Նորընտիր Վարչութիւնը խնդրում է Սորհրդից կնիք փորել ապ, ստանում է այդ կնիքը, և այնուհետև ոչ մի տեղեկութիւն չէ տալիս իր մասին, ոչ հաշիւ է ուղարկում, ոչ պատասխանում է Սորհրդի թղթերին: Համարելով Երևանի ճիւղը փակուած, Սորհուրդը երկար որոնում է թէ ուր մնացին նրա գործերն ու հաշիւները և 1886 թ. սեպտեմբերին զիմում է Գէորգ Եպիսկոպոս Սուրէնեանին, իբրև ընդհանուր ժողովի նախագահին, մի թղթով, որի մէջ ասում էր, «Անգորբազրոց տեարներ, զրամք, կնիք և վարչութեան ղիւանի գործ, այդ ամենը ցայսօր մնացել են ուր կամ ում մօտ աւանդ՝ այդ անյայտ է կացել Սորհրդին»: Եւ խնդրում էր, որ Սուրէնեան Եպիսկոպոսը հազորդէ տեղեկութիւններ այդ բոլորի մասին:

Գէորգ Եպիսկոպոսը պատասխանում է, թէ ինքը տեղեկութիւն չունի, որովհետև հրաժարուած է եղել ընդ-

հանուր ժողովի նախագահութեան պաշտօնից, բայց խորհուրդ է տալիս դիմել Երևանի քաղաքապետին Վասիլ Գեղամեանին, որ եղել է ընդհանուր ժողովի նախագահ: Գեղամեանը պատասխանեց Սորհրդին, թէ ինքն էլ անդեկութիւն չունի, պէտք է հարցնի երկու անձանց, որոնք եղել են Վարչութեան գանձապահ և գործավար:

Սորհուրդը նորից դիմում է Երևանի առաջնորդի փոխանորդին, որ այդ ժամանակ Սուքիաս եպիսկոպոս Պարգեանցն էր և խնդրում է անդեկանալ այդ անձերից թէ ուր են Ընդեկութեան թղթերն ու հաշիւները: Սուքիաս եպիսկոպոսը կարողանում է գտնել կնիքը և ուղարկում է Սորհրդին, խնդրելով չսչնչացնել նրան, որովհետեւ ինքը մտադիր է աշխատելու, որ նորից բացուի Երևանի ճիւղը: Այս անդեկանում է, որ ինքն իրան գաղարած Վարչութեան գումարներից 270 բուրլի գտնվում է երկու անձանց մօտ:

1888 թ. ապրիլին Երևանի բնակիչներից 52 հոգի գրուով խնդրում են Պարգեան եպիսկոպոսից միջնորդել որ նորից բացուի Երևանում Տեղական Վարչութիւն: Ստանալով Սորհրդի թոյլտուութիւնը, Սուքիաս եպիսկոպոսը յունիսի 12-ին գումարում է ընդհանուր ժողով, որ իր նախագահութեամբ կատարում է վարչութեան անգամների ընտրութիւն: Այնուհետեւ Երևանի ճիւղը կանոնաւոր կերպով շարունակում է իր գոյութիւնը:

Վերաբացուած ճիւղի Վարչութեան առաջին կազմը հետեւեալն էր. բժ. Ալէքսանդր Սիմէօնեան՝ նախագահ, գործավար՝ Սիրական Տէր-Մարտիրոսեան, անգամներ՝ Էմին Տէր-Գրիգորեան, Կոստանտին Իւզրաշեանց, Կարապետ Դաղամեանց: —

Վարչութիւնը իր առաջին նախահաշիւը կազմելիս նկատի է առնում 785 բ. մուտք: Նա վճռում է բաց անել Երևանում գրադարան-ընթերցարան և յատկացնում է այդ նպատակին 400 բուրլի: Գիւղական դպրոցների գրա-



դարանների համար ընթերցանութեան գրքեր ձեռք բերելու 50 բուբլի և Երևանի բոլոր դպրոցներում սովորող հայ աշակերտներին նպաստ 250 բուբլի:— Նախկին դադարած Վարչութեան գումարներից ստացվում է միայն 70 բուբլի:—

Մտաւորապէս նոյն գործունէութիւնն ի նկատի է առնում Վարչութիւնը և հետեւեալ տարիները: Գրագարանի համար նշանակվում է գումար, որ պահվում է մինչև բացման թոյլաւութիւն ստանալը: Աւելացվում է ծախսերի վրայ և տեղական աղքատներին օգնելու համար որոշ գումար:—

Սակայն, պէտք է նկատել, որ Երևանի Տեղական Վարչութեան տարեկան ելումացոյցը գնալով մեծանում է: Այսպէս, 1893 թուի գործադիր անդամների թիւը 220 է և մոտքի գումարը հասնում է 2824 բուբլու: Այդ գումարի մեծագոյն մասը յատկացվում է կրթական գործին: Վարչութիւնը, ի նկատի ունենալով հացի պակասութիւնը, Աբարանում և Գարաշիշագում, իր միջոցներից, առանց նոյն իսկ նախապէս Սորհրդի համաձայնութիւնը հարցնելու, նախահաշուից գուրս, բաժանում է սոված ազգաբնակչութեան 449 ը. 60 կոպէկ:—

Աւելի նշանաւոր է Տեղական Վարչութեան գործունէութիւնը հետեւեալ 1894 թուականին, երբ ինչպէս զիտենք, հացի թանգութիւնը Երևանի նահանգում աւելի ևս սասակացաւ: Յատկապէս սովեալներին օգնելու համար Վարչութիւնն ստացաւ Սորհրդից և ուրիշ տեղերից 5257 բուբլի: Այդ գումարով նա ձեռք բերեց 3335 պուգ ցորեն և բաժանեց Նոր-Բայազէզի, Գարաշիշագի, Արխրուլագի և Աբարանի զիւղերում: Օգնութիւն ստացան ընդամենը 1117 ընտանիք բաղկացած 6007 հոգուց:— Մնացորդ 1405 ը. գործադրուեց նոյն նպատակով հետեւեալ տարին:—

Իսկ 1896 թուականից սկսվում է Վարչութեան գործունէութիւնը թիւրքահայ գաղթականներին օգնելու հա-

մար: Այդ թուին Վարչութիւնն արդէն ստանում է յատուկ յօդուտ գաղթականներին 761 ր. 45 կոպ. և ծախսում է 1354 ր. 40 կոպէկ: Հետեւեալ տարին յօդուտ գաղթականները ստացվում է 3141 ր. 33 կոպ., որից 1900 ր. Սորհուրդն էր ուղարկել: Ստացուեց բացի դրանից և մօտ 25 հակ զգեստներ զանազան քաղաքներից, այլ և մեծ քանակութեամբ կտորներ: Վարչութիւնը բաժանեց գաղթականներին 3542 կտոր հագուստեղէն, 3822 արշին ճօթեղէն և դրամական նպաստ ապրուստի, բժշկական օգնութեան և ճանապարհածախսի համար 2950 ր. 56 կոպ. Ընդամենը ծախսուեց 4331 ր. 32 կոպէկ:— Իսի 1898-ին գաղթականների համար ստացվում է Սորհրդից 300 ր. և ծախսվում է 1210 րուբլի:

Վարչութեան սեփական միջոցներն էլ զգալի կերպով աճում են. և մենք տեսնում ենք, որ հաշիւների մէջ ցոյց է արվում եկամուտ պարահանդէսներից, ներկայացումներից 1000 ր: Համեմատ դրան աւելանում են և նպաստները կրթական գործին: Այսպէս, 1898-ին Երևանի թեմական դպրոցի չքաւոր աշակերտներին բաժանուած են նպաստներ ընդամենը 807 րուբլի: Իսկ անդամների բազմութեան կողմից Երևանի ճիւղը երբեմն հաւասարվում էր Թիֆլիսի կենտրոնին:

Թիւրքահայ գաղթականների տառապանքները միտք են տալիս Վարչութեան հիմնելու Երևանում մի ապաստարան-աղքատանոց: Յետ է դրվում այդ նպատակով 500 րուբլի: Մշակվում է ծրագիր և ուղարկվում է Սորհրդին: Սակայն թէ այս հիմնարկութիւնը և թէ դրադարան ընթերցարանը գլուխ չեն գալիս Վարչութիւնից անկախ պատճառներով:

Գրադարանի բացման թույլտուութիւն Սորհուրդը խընդրում է Երևանի նահանգապետից դեռ 1890 թ. նոյեմբերի 8-ի գրութեամբ: Լրացուցիչ տեղեկութիւններ ուղարկվում են նահանգապետին 1892-ի մարտին: Իր խնդիրքը Սոր-

հուրդը կրկնում է 1893-ին և 1896-ին: Նոյն թոււի հոկտեմբերի 16-ի գրութեամբ նահանգապետը յայտնում է Պորհրդին, թէ ընկերութեան միջոցներով բացուող գրադարանները պիտի ենթարկուեն այն կանոններին, որ սահմանել է ներքին գործերի մինիստրը ժողովրդական ձրի գրադարանների համար, քանի որ այդ կանոնները վերաբերում են և այն գրադարաններին, որոնք թէև ձրի չեն, բայց մատչելի են ժողովրդի հասարակ դասին: Հիմնուելով այդ կանոնների վրայ, նահանգապետը յայտնում էր, որ եթէ Պորհուրդը կամենում է որ գրադարանի թույլաւութեան հարցը ընթացք ստանայ, նա պիտի ներկայացնէ իրան, նահանգապետին. 1) այն կանոնների ծրագիրը որոնք որոշում են ընթերցարանի նշանակութիւնը և նրանից օգտուելու պայմանները. 2) տեղեկութիւններ՝ թէ ինչ միջոցներով է ընթերցարանը հիմնվում և ապահովվում: Բացի դրանից, այդ տեսակ գրադարաններում կարելի է պահել միայն այն գրքերը, որոնք աւանդին ցուցակով թույլատրուած են ժողովրդական լուսաւորութեան մինիստրի կողմից: Եւ որովհետև այդ ցուցակում նշանակուած են միայն ուսուերէն գրքեր, ուստի Պորհուրդը պիտի ներկայացնէ նահանգապետին և հայերէն գրքերի ցուցակը, որպէս զի այդ ցուցակն էլ ուղարկուի ուր հարկն է ի հաստատութիւն:

Նահանգապետի այս պահանջները վերաբերում էին և այն գրադարաններին, որոնց բացման մասին խնդրել էին Հին-Նախիջևանի և Վաղարշապատի Տեղական Վարչութիւնները:

Պորհուրդը որոշում է ձեռք բերել նահանգապետի մատնանշած կանոնները և նրանց հետ ծանօթանալուց յետոյ, պարտ ու պատշաճը անօրինել: Եւ այնուհետև Պորհուրդը, պատասխանելով 1898-ին Տեղական Վարչութեան նոր դիմումին, յայտնում է թէ ինքը Վարչութիւնը թող ներկայացնէ նահանգապետին հայերէն լրագրների և գրքերի ցու-

ցակը և Սորհուրդ է տալիս, որ մինչև թոյլաւութեան ստանալը բացուի զբաղարան առանց հայերէն գրքերի:

Այնուհետև այլ ևս ոչ մի տեղեկութիւն չը կայ այս հարցի մասին:

Առ 1 յունվարի 1899 թ. Երևանի Վարչութեան տրամադրութեան տակ մնում էր առձեռն գումար զբաղարանընթերցարանի համար 1360 ռ. 13 կոպ:

### III

## Ա Խ Ա Լ Ց Խ Ա<sup>1)</sup>

Սորհուրդը գիմել էր Կարապետ Յովհաննջան Մութաֆեաններին՝ Ախալցխայում ճիւղ բանալու մասին: Այդ երկուսի նախաձեռնութեամբ՝ 17 հոգի ախալցխացիներ 1882-ի մարտի 10-ին գիմում են Սորհրդին, խնդրելով թոյլաւութիւն՝ ճիւղ բանալու համար: Սորհուրդը անմիջապէս թոյլատրում է: Բայց «մի քանի տեղական հանդամանքներ» պատճառով, ինչպէս ասուած է Յովհաննջան Մութաֆեանի նամակում, այդ թոյլաւութիւնը գործադրվում է միայն 1884-ի յունվարին, երբ գումարվում է անդամների ընդհանուր ժողով, զնդապետ Իսահակ Մէլիք-Հայկազեանի նախագահութեամբ և ընտրվում են Վարչութեան անդամներ: Ընտրուածներն էին. զնդապետ Ի. Մէլիք-Հայկազեան, Յովհաննջան Մութաֆեան, Գրիգոր Պուտուղեան, Աբրահամ քահանայ Ղազազեանց և Յովհաննէս Չաթալբաշեան: Վարչութեան նախագահն էր Ի. Մէլիք-Հայ-

<sup>1)</sup> Սորհրդի արիւիւում այս ճիւղի գործունէութեան մասին կցատուր տեղեկութիւններ կան: Տեղական Վարչութեան հաշիւները շատ անկանոն և խառն ի խառն են:

կազման, որ վարեց այդ պաշտօնը անընդհատ մինչև 1894 թուականը:

Նորընտիր Վարչութիւնը, գլխաւորապէս շնորհիւ իր նախագահի դործ գրած ջանքերի, առաջին տարին այնպիսի



ԳՆՆ. Ռ. ՄՆՆՆԵ - ՆՍՅՆՆՆՆՆ

աչքի ընկնող եռանդ է ցոյց տալիս, որ Սորհրդի շնորհակալութիւններին և բարեմաղթութիւններին է արժանանում: Եւ իրաւ, այդ առաջին տարին Ախալցխայի ճիւղն ունէր 100 անգամ, բացի դրանից՝ Վարչութիւնը հաւաքեց նուէրներ 578 ր. 72 կոպէկ: Ընկերութեան նուիրուեցին և անցեալ տարիները թիւրքահայ Բարեգործական Ընկերութիւնների համար հաւաքուած նպաստներից մնացած 500 րուբլի, իսկ մի անհատ (Արշակ Յակոբջանեան) նուիրեց և խաղարկութեան

մի տոմս <sup>1)</sup>): Այսպիսով Վարչութիւնը առաջին իսկ տարին կազմեց իր համար անձեռնմխելի մի գումար 1325 ր., որ վերածուեց բանկային արժէթղթերի:

Սակայն երկրորդ տարուանից տեղացիները ոգևորութիւնը պակասում է և անդամների թիւը հասնում է մինչև 15-ի: Այնուհետև այդ թիւը դարձեալ սկսում է բարձրանալ և 1897 — 1898 թուականներին հասնում է 80 — 90-ի:

Ախալցխայում էլ Վարչութեան առջև կանգնած գլխաւոր հոգսը կրթական դործն էր, որի նպաստելու համար

<sup>1)</sup> 1887-ին երկու խաղարկութեան տոմս նուիրեց Սուրէն Մութաֆեանը:

նա ծախսում էր իր միջոցների ամենախոշոր մասը: Նա օգնում էր չքաւոր աշակերտներին, իսկ ժողովրդի կրթական պահանջներին բաւարարութիւն տալու համար 1892 թուին Վարչութեան անդամ Սամսոն Յարութիւնեանի ջանքերով բաց արաւ գրադարան-ընթերցարան: Այս գործի մէջ Տեղական Վարչութիւնը այն ինքնուրոյն թիւը ցոյց տուեց, որ նախքան գրադարան-ընթերցարան բանալը նրա համար սեփական շինութիւն ունեցաւ: Գլխաւորապէս Ս. Յարութիւնեանի միջնորդութեամբ քաղաքը ընծայեց մի կտոր գետին, իսկ շինութիւնը շինուեց տեղացիների նուէրներով: Նրա վրայ ծախսուեց 3000 ռուբլի:

Գրադարան-ընթերցարանի մասին մենք ունենք միայն համառօտ տեղեկութիւններ, որոնք վերաբերում են 1897 թուականին: Այդ տարուայ սկզբին գրադարանում կային 1755 կտոր գիրք՝ 1497 ը. արժողութեամբ: Բացի ընկերութեան անդամներից, որոնք ձրի էին օգտվում, գրադարանն ունեցել է, տարեկան և ամսական յատուկ բաժանորդներ — 198:

Ախալցխայի Վարչութեան ինքնուրոյն գործունէութիւնը արտայայտուեց և արհեստաւորներին նպաստելու գործում: 1887 թ. յունվարից նա բաց արաւ գորգագործութեան արհեստանոց չքաւոր դասի կանանց համար: Տարաբախտաբար, յայտնի չէ թէ ինչպէս կազմակերպուեց այս գործը, որքան սովորողներ կային և գրամական ինչ միջոցներ էին ծախսվում: Վարչութեան մի գեկուցադրից իմանում ենք, որ գորգագործութիւնը գոյութիւն ունեցաւ միայն հինգ տարի և պատրաստեց փորձուած վարպետահիւներ:

Ախալցխայում հին ժամանակներից գոյութիւն ունէր առանձին աղքատախնամ հոգաբարձութիւն, որ ունենում էր իր ձեռքի տակ բաւական նշանաւոր գումարներ, բայց որովհետեւ մատակարարութիւնը կատարվում էր անհատների ձեռքով, առանց հսկողութեան և կօնորոյի, ուստի

և կորչում էին գումարները: Տեղական վարչութեան բացուելու օրից, նրան է յանձնվում և ազքատախնամ հոգաբարձութեան ամբողջ գործը: Հոգաբարձութիւնը, շարունակելով ըստ հին աւանդութեան իր գոյութիւնը, գտնվում էր Տեղական վարչութեան հսկողութեան տակ և իր միջոցները պահում էր վարչութեան գանձարանում: Սակայն այսպէս գործել կարելի եղաւ միայն առաջին տարին, որովհետև Թիֆլիսի Սորհուրդը պահանջեց, որ կամ ազքատախնամ հոգաբարձութիւնը վերջ տայ իր գոյութեան, յանձնելով իր բոլոր գործերը Տեղական վարչութեան, կամ բաժանուի Ընկերութիւնից: Այս վերջին պայմանն էլ կատարուեց:

Ախալցխայի Տեղական վարչութիւնը լուրջ փորձեր արաւ և մի հիւանդանոց կառուցանելու: Նախագահ Մէլքիշայկազեանը, ինչպէս կարգում ենք Տեղական վարչութեան զեկուցագրի մէջ, «հրաւիրում է պատուաւոր քաղաքացիներ, մասնագէտ բժիշկներ, կազմում է նոցանից մի մասնաժողով և ձեռնարկում կանոնադրութեան նախագիծը կազմելու»: Թիֆլիսի նահանգապետը, որին ներկայացուած էր այդ ծրագիրը, համակրութիւն ցոյց տուեց և խոստացաւ իր աջակցութիւնը: Սակայն, «իրանից մի քանի անկախ պատճառներով», այդ հիմնարկութիւնը գլուխ չէ գալիս: — Տեսանք որ Տեղական վարչութիւնը առաջին տարուց կազմեց անձեռնմխելի գումար: Այդ գումարը պատճառ դարձաւ ընդհարումների՝ Սորհրդի և վարչութեան մէջ: — Նախ և առաջ երկար զրազրութիւն սկսուեց կանոնադրութեան 49 յօդուածը կատարելու մասին: Իսկ երբ վարչութիւնը կատարեց այդ յօդուածը, ուղարկելով իր անձեռնմխելի գումարները Սորհրդին, այն ժամանակ էլ հարց յարուցուեց, թէ ի՞նչ տեսակ գումար պէտք է համարել խաղարկութեան տուսերը: Սորհուրդը պահանջում էր, որ նրանք համարուեն անձեռնմխելի և ոչ յատուկ: վարչութիւնը իր իրաւունքներն էր պաշտպանում և բերում էր նուիրատուների պարզ արտայայտուած ցանկութիւնը:

որ այդ տոմսերը յատկապէս Ախալցխայի տեղական պէտքերի համար նշանակուած համարուեն:

Պէտք է խոստովանել որ Սորհուրդը այս հարցի մէջ աւելորդ կրքոտութիւն մտցրեց: Այս երևում է 1891 թ. մայիսի 25-ի գրութիւնից, որի մէջ Սորհուրդը, նոյն իսկ աւելորդ համարելով ընդհանուր ժողովի անօրէնութիւնը հարցնել, իր կողմից կարգադրում էր, որ եթէ նուիրատուները համաձայն չեն, կարող են յետ վերցնել իրանց նուէրը: Եւ նրանցից մէկը, Յակոբջանեան, անուանելով Սորհրդի այդ վարմունքը «բռնաբարութիւն իրաւունքի և ցանկութեան», իր խաղարկութեան տոմսը նուիրում է Ախալցխայի քաղաքային դպրոցին, որի տեսուչ Բողղանովը ստանում է այդ տոմսը:

Յարաբերութիւնները Սորհրդի և Տեղական Վարչութեան մէջ կրքոտ բնակութիւն են ստանում, մանաւանդ 1893 թուականին: Սորհրդի քարտուղարը փետրվարի 14-ի ընդհանուր ժողովում կարգում է զեկուցագիր Ընկերութեան 19 ճիւղերի եռամեայ (1889, 1890 և 1891 թ.) հաշիւների մասին, ցոյց է տալիս նրանցից մի քանիսի կատարած «զեղծումները և յապաղումները» և առաջարկում է ուղարկել «քննիչներ՝ տեղական ճիւղերի գործունէութեան աւելի կանոնաւոր ընթացք տալու համար»:

Սուք է լինում և Ախալցխայի մասին: Տեղական Վարչութեան նախկին անդամ Սամսոն Յարութիւնեանը յայտարարում է, թէ «Ախալցխայի ճիւղին վերադրած մի քանի զեղծումները իրօք զեղծում չեն, այլ գործունէութիւն: Այդ ճիւղը ձեռնարկելով մեծամեծ գործերի, ինչպէս օր. ընթերցարանի և արհեստանոցի հիմնարկութեան, չէ կարողացել ժամանակին ուղարկել հաշիւները և կամ ճշտութեամբ հետևել նախահաշուին և այդ պատճառով քննիչ ուղարկելը, նա համարում է անհիմն» <sup>1)</sup>:

<sup>1)</sup> «Տեղեկագիր» 1893, եր. 71.



Այդ առիթով և պատասխանելով Սորհրդի գրութիւններին, Տեղական Վարչութիւնը մի խիստ բանակուռի մէջ է մտնում: Նա ապացուցանում է, որ ինքը ոչ մի զեղծում չէ գործել և սաստիկ բողոքում է ընդհանուր ժողովում կարգացուած զեկուցազրի դէմ, անուանելով այն «անհիմն և աննպատակ, որ ոչ այլ ինչ էր, եթէ ոչ ցուցամոլութեան դարձեալ մի նոր ապացոյց»:

1894 թուին Վարչութեան նախագահ Մէլիք-Հայկազեանը հեռացաւ Ախալցխայից: Այս առիթով Վարչութիւնը տեղական ընդհանուր ժողովին առաջարկեց ընտրել Մէլիք-Հայկազեանին ընկերութեան պատուաւոր անդամ ի վարձատրութիւն նրա տասնամեայ անխոնջ գործունէութեան: Առաջարկութիւնն ուղարկուեց Սորհրդին: Վերջինս առաջ բերեց վերոյիշեալ բանակուռը, գտնելով որ Մէլիք-Հայկազեանի նախագահութեան օրով են տեղի ունեցել «զեղծումները և յապագումները»: Սակայն Վարչութիւնը նորից պնդեց, որ ոչմի զեղծում տեղի չէ ունեցել: Առաջարկութիւնը ներկայացուեց Թիֆլիսի ընդհանուր ժողովին, որ և 1896 թ. փետրվարի 25-ի և մարտի 3-ի նիստերում, երկարատև վիճարանութիւններից յետոյ, ընտրեց Մէլիք-Հայկազեանին Ընկերութեան պատուաւոր անդամ:

Ախալցխայի ճիւղի գործունէութեան մէջ յիշատակելի է և այն, որ նա Սորհրդից ստացած նպաստներով մասնակցել է հայ ուսուցիչներին ցենզ ձեռք բերելու համար օգնելու գործի մէջ, ինչպէս և խնամել է թիւրքահայ գաղթականներին:

## IV.

### ՔԱՐՎԱՆՍԱՐԱ ԳԻՒՂ

(1882—1883)

Սորհուրդը ստորագրական թերթ և հրաւէր էր ուղարկել այս գիւղի ծխատէր քահանայ Ղուկաս Սիմէօնեանցին, որ 1882-ի մարտին, ներկայացնելով Սորհրդին 15 անդամները ցուցակը և նրանց վճարած 75 բուբլին, խնդրեց թոյլտուութիւն բաց անելու գիւղում տեղական վարչութիւն:

Վարչութիւնը կազմուեց նոյն տարուայ հոկտեմբերին և նրա նախագահ ընտրուեց նոյն Ղուկաս քահանան: Վարչութիւնը, տեղեկացնելով Սորհրդին, թէ արդէն սկսել է իր գործունէութիւնը, խնդրեց վերագարձնել իրան պատկանող 75 բուբլի գումարը: Սորհուրդը կատարեց այդ խնդիրը: Այնուհետև Տեղական Վարչութիւնը կատարեալ լուծութեան մասնեց իրան: Եւ մի տարուց յետոյ Սորհուրդը գրում էր. «Վարչութիւնդ անցեալ 1882-ի հոկտեմբերի 22-ից իւր գոյութիւնը Սորհրդին յայտարարելուց դէս, էլ ոչ մի հազորդութիւն արած չլինելով... և ոչ վերջապէս այսքան ժամանակ կամեցած լինելով իւր գոյութեան շարունակութիւնը որևէ նշանով ապացուցանել Սորհրդին»: Սորհուրդը հարցնում էր տեղեկութիւններ, պատասխան չը ստացուեց:

Միայն 1885-ին նախագահ Ղուկաս քահանան յայտնում է Սորհրդին, թէ Տեղական Վարչութիւնը մի տարի միայն գոյութիւն է պահպանել, երկրորդ տարին անկարելի է լինում անդամներ գտնել և ճիւղը փակվում է: Վարչութեան զբամը, մօտաւորապէս 130 բուբլի, մնացել է գան-

ձապահի մօտ, որ տուել է զանազան անձանց ի շահեցողութիւն:

Սորհուրդը գրում է Ղուկաս քահանային, որ նա ամեն ջանք գործ զնէ Վարչութեան գործունէութիւնը նորից սկսելու, իսկ եթէ այդ անհնար է, այն ժամանակ աշխատէ ստանալ Վարչութեան գումարը՝ 130 ռ. և անդորրագրերի տետրակի ու գործի հետ ուղարկէ Սորհրդին:

Պատասխան չէ ստացվում:

## V

### Գ Օ Ր Ի

(1884—1899)

Այս ճիւղի հիմնադիրն էր Ստեփանոս աւագ քահանայ Տէր-Ստեփանեանցը և դրդապատճառը եղել է Գօրում 1876 թուից բացուած Անդրկովկասեան Ուսուցչական Սեմինարիան, որի նպատակն էր գիւղական ուսուցիչներ պատրաստելը:

Ստեփանոս քահանան կրօնուսոյց և հայոց լեզուի դասատու էր այդ Սեմինարիայում: Գիւղական ուսուցչի պաշտօնին ձգտում էին գլխաւարապէս անապահով դասակարգի երիտասարդները: Նրանք զնում էին Գօրի, համարեա ամենքն էլ չունենալով ապրուստի միջոցներ: Թէև պետական գանձարանից չբաւորներին մասնաւոր նպաստ էր տրվում, բայց միայն այդ նպաստը բաւական չէր ապրելու համար:

Ահա այդպիսիներին օգնելու համար էր, որ Ստեփանոս քահանան ձեռնարկում էր Ընկերութեան ճիւղ հիմնելուն: Բացի դրանից, նրան ղեկավարում էր և մի

այլ գաղափար, որ նա այսպէս էր բացատրում 1884 թ. յունիսի 8-ին Սորհրդին ուղարկած թղթի մէջ:

«Ուսանողների գործնական վարժութեանց համար (Սեմի-նարիայում) բացուած են չորս տարրական դպրոցներ՝ սուսայ, հայոց, վրաց և տաճկաց, որտեղ ապագայ ուսուցիչները դասախօսում են իրանց մայրենի լեզուով ամեն մէկը իր ազգութեան պատկանեալ դպրոցում: Հայոց տարրական դպրոցի կազմակերպութիւնը բնականից փոքր ինչ շեղուած է, որովհետև Գօրույ և Նրա գաւառի հայերը, չիմանալով իրանց մայրենի լեզուն, չեն մատակարարում այնպիսի անզբաղէտ մանուկներ, որոնք կարողանային սկզբնական դաստիարակութիւնը սկսել իրանց մայրենի-հայերէն լեզուով. այդպիսիները թէև ուսանում են հայերէնը, բայց օտար լեզուի օգնութեամբ»: Այդ պակասութիւնը վերացնելու համար պէտք էր հայաբնակ գաւառներից անզբաղէտ երեխաներ բերել Գորի, իսկ նրանց ապրուստի միջոցները հայթհայթել Ընկերութեան նպաստով:—

Ստանալով Սորհրդից թոյլաւութիւն, Ստեփանոս քահանան 1885 թ. յունիսի 4-ին գումարում է տեղական անդամների ընդհանուր ժողով, որ ընտրում է Տեղական Վարչութիւն: Ընտրուեցին. Ստեփանոս աւագ քահանայ Տէր-Ստեփանեան, Յակոբ Էլիմիրզեան, բժիշկ Չաքար Տէր-Մինասեան, Գալուստ Ստեփանեան և Ալէքսանդր Յակոբեան: Վարչութեան նախագահ ընտրուեց ինքը հիմնադիրը, որ և վարեց այդ պաշտօնը մինչև իր մահը (1894):—

Տեղական հանգամանքների համեմատութեամբ՝ Գօրու ճիւղը բաւական աչքի ընկնող գործունէութիւն ունէր: Անդամների թիւը 1885-ին 40 էր, 1887-ին՝ 87: Տարեկան նախահաշիւը երբեմն հասնում էր մինչև 900 ռ. <sup>1)</sup>:

Այդ միջոցների գործադրութեան եղանակը արդէն նախատեսուած էր Ստեփանոս քահանայի վերոյիշեալ

<sup>1)</sup> Բոլոր տարիներին վերաբերեալ հաշիւներ չը կան Սորհրդի գործերի մէջ:

Թղթի մէջ: Նորընտիր Վարչութիւնը 1885 թ. յունվարի 25-ին իր արձանագրութեան մէջ գրում էր հետևեալը.

«1) Կովկասու Հայոց Բարեգործական Ընկերութեան ամենանշանաւոր նպատակներէ մէկն է լուսաւորութիւն տարածել հայ հասարակութեան մէջ ընդհանրապէս. համակրելով այս սուրբ նպատակին, Գօրւայ Տեղական Վարչութիւնը մասնաւորում է այդ նպատակը, կենտրոնացնելով իւր գործունէութիւնը Գօրւայ և նրա վիճակի վերախօս հայ մանկաւոյ վրայ: Ուրեմն աշխատելու է նախ՝ բազմաթիւ բնակչաց մէջ, որոնք լեզուով բոլորովին խորթացած են հայութիւնից, տարածել հայախօսութիւնը և ապա ազգային լեզուի միջնորդութեամբ հայ մանկաւոյն մատակարարել և տարրական ամենակարևոր ուսումը, չը շեղուելով երբէք բրիտաննէական-բարոյական ուղղութիւնից: 2) Որովհետև Գօրւայ մէջ հայախօսութիւնը չէ ընդհանրացած հայ ընտանիքներում և այս պատճառով դժուար է այստեղ գտնել հայախօս մանուկներ, ուստի վերոգրեալ նպատակը յաջողութեամբ յառաջ տանելու համար զանազան հայախօս դաւաններից ինչպէս՝ Ելիսաւեստայօլ, Շուշի, Շամախի, Ախալցխա և այլն, պիտի հերթով Վարչութեանս ծախսով հրաւիրուեն անդրադէտ հայախօս ազգատ ծնողաց որդիք 7—9 տարեկան, որպէսզի սորա տարրական ուսումը ստանալով Գօրիում գտնուող Անդրկովկասեան Ուսուցչական դպրանոցի հայոց դպրոցում, առանձին բնակարանում կենան վերախօս հայ, նոյնպէս ազգատ ծնողաց որդոց հետ: Սոցա թէ թուոյ, թէ ընտրութեան և թէ ապրուստի եղանակների մասին Վարչութիւնս ունի մշակել առանձին կանոններ»:

Ծրագրվում է բաց անել աշակերտական բնակարան. առաջին տարին այդտեղ պիտի ընդունուէին երկու հայախօս և երկու վերախօս երեխաներ: Այդ բնակարանը բացվում է նոյն 1885-ին: Դա մի փոքրիկ, բայց հետաքրքրական հիմնարկութիւն էր: Կարևոր ենք համարում նրա մասին մի քանի տեղեկութիւններ տալ: Ահա ինչ էր գրում Տեղական Վարչութիւնը 1887-ի մայիսի 16-ին.

«Աշակերտական բնակարանի կարևորութիւնը վաղուց զգացվում էր Գօրի քաղաքի համար, որպէսզի նոյն տեղում բնակուելով հայախօս երեխաներ վերախօսների հետ, վերջինները միջոց

ունենան հայախօսութեան մէջ վարժուելու. բացի դրանից նոյն բնակարանում ազատ մուտք ունենալով հայ մանուկներ թէ հայոց ծխական և թէ ուսուցչական դպրանոցի տարրական ուսումնարաններից, նոյնպէս վարժուին հայախօսութեան մէջ, մանաւանդ որ Գորի քաղաքում դժուար է գտնել մի հայ ընտանիք, որտեղ ընդհանրացած լինի հայախօսութիւնը: Բայց որպէսզի բնակարանի գոյութիւնը օրինասահման լինի, Վարչութիւնս հրահրեց երկուց վարժապետաց, այն է պ. պ. Սողոմոնի Տէր-Յարութիւնեանց և Գրիգորի Խիթարեանց մասնակցութիւնը, որոնցից առաջինը ծառայում է Անդրկովկասեան Ուսուցչական դպրանոցում, իսկ երկրորդը՝ հայոց ծխական դպրոցներում և օրիորդական պրօգրիմագիւյում, ուստի երկու իսկ անձինք յայտնի են տեղական դպրոցական վարչութեանը, որոնց մօտ անարգել կարող են բնակութիւն ունենալ թէ հայոց ծխական և թէ ուսուցչական դպրանոցի աշակերտները»: Այդ ուսուցիչները յանձն են առնում աշակերտական բնակարանում ապրել և վճարել Վարչութեան ամսական 20-ական բուբլի իբրև իրանց ծախս: «Գործի աշխարհի դրութեան օգուտը տէներև ցոյց արուեցաւ վեց ամսեայ փորձովը թէ նիւթապէս և թէ մանաւանդ բարոյապէս: Գորեայ վիճակից գեկեմբերին քուէով ընտրած 8 տարեկան զիւղացի մանուկը—Սարգիս Մովսիսեանց—չորս ամսուայ միջոցում սկսեց հայերէն խօսել: Բացի դրանից՝ նոյն բնակարանում նոյն միջոցում կատարուեցան երկու գրականական երեկոյ և մի գրականական առաւօտ, յորում բնակարանի աշակերտները, խառնուելով հայոց ծխական դպրոցի աշակերտների հետ, վարժվում էին հայախօսութեան մէջ, մանաւանդ գրականական երեկոների նախապատրաստող պարապմունքների ժամանակ»:

Վեց ամսուայ ընթացքում այդ բնակարանի վրայ ծախսուել էր 327 բուբլի: Եւ որովհետև Վարչութիւնը միջոցներ չունէր բնակարանի կահաւորման ծախսերը հոգալու, նրա խնդիրքով Խորհուրդը իր միջոցներէր 1886-ին միանուագ նպաստ տուեց 120 բուբլի:

Սակայն այս հիմնարկութիւնը մշտապես չէր: Վարչութիւնը երեք տարուց յետոյ արդէն միայն որդեգիրներ է պահում դպրոցներում, նպաստներ է տալիս ծխական դպրոցներին, բժշկուելու միջոց չունեցող հիւանդներին: Այս

սահմանների մէջ էլ Գօրու ճիւղը շարունակում է իր  
գործունէութիւնը մինչև 1899 թուականը:—

## VI

### Հ Ի Ն Ն Ա Խ Ի Զ Ե Ի Ա Ն

(1885 — 1899)

Ճիւղը բացվում է Նախիջևանի յաջորդ Յովսէփ վար-  
դապետ Փինաչեանի նախաձեռնութեամբ: 1885 թ. յուն-  
վարի 21-ի Ընդհանուր ժողովից ընտրուած Վարչութեան  
կազմն էր. Միքայէլ Մելիքեանց (նախագահ), Ստեփան-  
բէդ Գասպարբէգեանց, Սերգէյ Սարգսեանց, Յովհաննէս  
Բախչիեան, Յովհաննէս Մելիքսէթեան:

Վարչութիւնը վճռում է գրադարան-ընթերցարան  
բաց անել: Սպասելով թոյլտւութեան, նա ոչ մի ծախս  
չէ անում, նոյն իսկ նախահաշիւ չէ կազմում հետևեալ  
տարուայ համար: Մի տարուց աւել անցնելուց յետոյ  
Սորհուրդը ստիպուած է լինում նամակով հարցնել Փի-  
նաչեան վարդապետից թէ արդեօք գոյութիւն ունի՞ Տեղա-  
կան վարչութիւնը և ստանում է հեռագրով պատասխան-  
թէ՛ այն գոյութիւն ունի: 1887 թ. Սորհուրդը գրութիւն-  
ներ ստանում է Տեղական Վարչութիւնից:

1887-ին էլ Երևանի նահանգապետը № 4265 վկայա-  
կանով թոյլ է տալիս բաց անել գրադարան, որ և բաց-  
վում է:

Բայց 1889 թ. յուլիսի 13-ին նախագահ (որ և գան-  
ձապահ) Մելիքեանը գրում է Սորհրդին թէ Վարչութեան  
անդամներից մէկը 1888-ին 8 հատ անդամակցական ան-  
գորրագրեր էր բաժանել զանազան անձանց և երբ նրա-  
նից պահանջուեց այդ անգորրագրերի փոյլը, նա պատաս-

խանեց թէ դեռ չէ ստացել, թէ գրուողներէց ոմանք վերագարձրել են անդորրագրերը և թէ ինքը չը գիտէ թէ ուր է գրել այդ վերագարձրածները: Բայց խոստացաւ թէ փոյր և թէ անդորրագրերը հասցնել Վարչութեան: Ամիսներ անցան, նորից պահանջուեց և նորից նոյն պատասխանն ստացուեց: Այս պատճառով ամենքը զգուած հեռացան և ոչ ոք այլ ևս չը կամեցաւ Ընկերութեան անդամ գրուել: Քանի անգամ հրաւերներ եղան, բայց ոչ ոք չեկաւ:—

Սրտի ցաւով յայտարարելով այս մասին, նախագահը խնդրում էր Սորճրգից, որ Նախիջևանի ճիւղը այնուամենայնիւ փակուած չը համարուի, քանի որ նորից ճիւղ բանալը ոչ միայն դժուար է, այլ և անհնարին:

Սորճուրդը «սեպտեմբերի 16-ի նիստում ցաւօք սըրտի եկաւ այն տխուր եզրակացութեանը, թէ երբ մի փոքրիկ և ամիսփ հասարակութեան մէջ, որ հնարաւորութիւն ունի միշտ տեղեակ լինելու իր հասարակական շահին վերաբերեալ մի գործի, ուրեմն և նրա կատարման թերութիւնները և անճշտութիւնները լրացնելու և ուղղելու, այնքան անտարբերութիւն է տիրապետում, որ նա ոչ թէ յիշեալ պակասութիւնների կարճումն է պահանջում խստութեամբ, այլ մէկի գործած զեղծմունքի պատճառով միւսներն իրենց ձեռքերը լուանում և յետ են քաշվում,— այնպիսի տեղում մի հասարակական հիմնարկութիւն, որ պիտին է Ընկերութեանս տեղական բաժինը, չի կարող առ ժամն զոյութիւն ունենալ առանց խանգարելու Ընկերութեան կանոնաւոր և ապահով ընթացքը»: Եւ որոշում է փակուած համարել Նախիջևանի ճիւղը և խնդրել նախագահին որ հաշիւները, գոյքը ուղարկէ իրան, Սորճրդին, մարբելով նաև վերոյիշեալ 40 բուբլու հաշիւը:—

Փակուած ճիւղն ունեցել է 1885-ին՝ 23 անգամ, 1886-ին 19, 1887-ին և 1888-ին՝ 21:—

1891 թուին Հին-Նախիջևանի երիտասարդութիւնը



(21 հոգի) խնդրում է յաջորդ Գրիգորիս վարդապետ Տէր-Յակոբեանից միջնորդել, որ նորից բացուի Տեղական Վարչութիւնը: Խորհրդի թոյլաւութեամբ ընդհանուր ժողով է հրաւիրուում, ընտրուում է վարչութիւն, համարեա հին կազմով: Ընթերցարանը բացվում է նորից 1892-ին: Անդամների թիւը 27 է: Ընթերցարանի վրայ ծախսվում է 191 ռուբլի:

Բայց նոյն 1892-ին փոխվում է Վարչութեան կազմը և Գրադարան-Ընթերցարանը դառնում է նոր Վարչութեան առանձին հոգացողութեան առարկայ: Թէ ինչ գրութեան մէջ էր այդ հիմնարկութիւնը մինչև այդ, ցոյց է տալիս Վարչութեան մի գրութիւն, որի մէջ ասուած է. «Գրադարանը կառավարվում էր շատ անկանոն կերպով. ամիսներով փակ էր, գրքեր գրեթէ չըկային գրադարանում և եղածներից էլ ոչ ոք չէր օգտվում, ստացվում էին միայն թիֆլիսում հրատարակուող հայերէն և ռուսերէն պարբերական հրատարակութիւնները, որոնք յաճախ փոխանակ ընթերցարանում գրուելու, գանազան անձանց ձեռքն էին ընկնում»:

Նոր Վարչութեան ջանքերով բարեկարգուած Գրադարան-Ընթերցարանը անմիջապէս ազդում է ճիւղի գործունէութեան վրայ. անդամների թիւը հասնում է 61-ի:

Սակայն նոյն 1893-ի հոկտեմբերին տեղային ոստիկանական պրիստաւը փակում է Գրադարան-Ընթերցարանը, յայտնելով թէ այդ կարգադրութիւնն արել է երեւանի նահանգապետը, «որ անյարմար է գտել Նախիջևանում Ընթերցարանի գոյութիւնը»: Յայտնելով այս եղելութիւնը Խորհրդին, Վարչութիւնը խնդրում էր որ նա իր կողմից հնարաւոր ջանքերն անէ, որպէս զի նորից բացուի Գրադարան-Ընթերցարանը, քանի որ առանց նրան Նախիջևանի ճիւղը չէ կարող ունենալ յաջողութիւն:

Եւ իրաւ, հետևեալ տարին 1894-ին, անդամների թիւը արդէն 16 է և Վարչութիւնը 130 ռուբլի է տալիս ու-

սուսնարաններին: Իսկ 1896-ին թէև անդամների թիւը 22 է, բայց ծախսը միայն այս է. դիւանական՝ 6 ռ. 72 կոպ., 5 % ֆոնդի համար 5 ռ., տաճկահայ գաղթականներին 16 ռ. 90 կոպ., տեղական աղքատներին՝ 3 ըուբլի: Գումարը 31 ռ. 62 կոպէկ, մնացորդ 184 ռ. 19 կոպ.: Հետևեալ տարիներին հաշիւները չը կան Սորհրդի գործերում:—

Փակուած գրադարանի մէջ, ինչպէս երևում է Վարչութեան ուղարկած ցուցակից, կային ընդամենը 258 հատ հայերէն և ուսերէն հրատարակութիւններ, մեծագոյն մասը էժանագին բրոշիւրներ և ուսերէն շաբաթաթերթերի ձրի յաւելուածներ: Սորհուրդը զիմեց Երևանի նահանգապետին, խնդրելով թոյլտուութիւն որ վերաբացուի Գրադարանը, բայց մեզ արգէն յայտնի է նահանգապետի կարգադրութիւնը գրադարանների մասին <sup>1)</sup>:

## VII

### Բ Ա Թ Ո Ի Մ

(1889—1899)

1889 թուականի մարտի սկզբում, մի խումբ երիտասարդների նախաձեռնութեամբ, Բաթումի հայ հասարակութիւնից 58 հոգի ժողով կազմելով, ժամանակաւոր նախագահ են ընտրում Առաքել Մարուխանեանին, քարտուղար Յովսէփ Տէր-Պետրոսեանին և գանձապահ՝ Մկրտիչ Միհրանեանին և Ընկերութեան անգամ գրուելով ու անդամավճարը գանձապահին յանձնելով, ստորագրում են մի թուղթ Սորհրդի անունով, խնդրելով թոյլ տալ որ Բաթումում

<sup>1)</sup> Տես վերևում բերանը:—

բացուի Տեղական Վարչութիւնն: Յովսէփ Տէր-Պետրոսեանը, ուղարկելով այդ թուղթը ընդհանուր ժողովի նախագահ բժ. Նաւասարդեանին, մի առանձին նամակով խնդրում էր նրա աջակցութիւնը, որ Սորհուրդը շուտ կարգադրութիւն անէ ճիւղը բանալու մասին և մանրամասն հրահանգներ սայ թէ ինչպէս պէտք է տանել գործը: Նա յայտնում է թէ որքան կարևոր է ընկերութեան ճիւղի գործունէութիւնը Բաթումում, թէ որքան ուրախութիւն պատճառեց այն հանգամանքը, որ կարելի եղաւ ի մի խմբել հասարակութեան մի մասը՝ այգպիսի մի գործ յաջողացնելու համար:

Ստանալով թոյլաւութիւն, ժամանակաւոր նախագահ Սարուխանեանը նոյն թուի ապրիլի 20-ին հրաւիրեց անդամներին ընդհանուր ժողովի, ուր և ընտրուեցին Վարչութեան անդամներ. Առաքել Սարուխանեան, Յարութիւն Մնացականեան, Յովհաննէս Գէորգբէգեան, Արշակ Ծատուրեան և Մկրտիչ Միհրանեան: Վարչութիւնն այսպէս կազմակերպեց իր գիւտներ. նախագահ՝ Սարուխանեան, փոխ-նախագահ՝ Գէորգբէգեան, գանձապահ՝ Միհրանեան, գործավար Յովսէփ Տէր-Պետրոսեան:—Ա. Սարուխանեան վարեց նախագահի պաշտօնը մինչև 1895-ի կէսը:

Նոյն 1889 թուին, Բաթումի Տեղական Վարչութեան միջնորդութեամբ, բացուեց Արդուինում Տեղական Մասնաժողով, որ ենթարկուած էր Բաթումի ճիւղին:

Առաջին տարին Բաթումի Վարչութիւնը նախահաշիւ և ծախսեր չունեցաւ: Ընդհանուր ժողովը, ի նկատի առնելով որ տարուայ կէսն արդէն անցել է և թիֆլիսի ընդհանուր ժողովը նախահաշիւը կարող է քննել և հաստատել միայն երկրորդ կիսամեակին, աւելի լաւ համարեց որ Տեղական Վարչութիւնը պահէ իր եկամուտները եկող տարուայ համար:

1890 թուի նախահաշիւը նախատեսում էր մուտք 1414 ռուբ. 10 կ.: Անդամների թիւը նշանակուած էր

80: — Այդ եկամուտը ամբողջութեամբ յատկացվում էր գալրոցական գործին: Վարչութիւնը սղոյոց ծխական դըպրոցին նպաստ նշանակեց 500 ռուբլի. և որովհետև մտադրութիւն կար նոյն թուի սեպտեմբերին բայց անել օրիորդական գալրոց ևս, Վարչութիւնը, այդ գործը յաջողեցնելու համար որոշեց տալ այդ գալրոցին 800 ռուբլի նպաստ: Գլխավորապէս այդ օգնութեան շնորհիւ էր որ բացուեց օրիորդաց ծխական գալրոցը:

Մի ժամանակ Վարչութիւնը որոշում է բաց անել Բաթումում գրադարան-ընթերցարան և դիմում է Սորհրդին պատշաճաւոր իշխանութեան թոյլտուութիւնն ստանալու համար: Տեղական թատերասէրները յատկապէս այդ նպատակով ներկայացում են տալիս և եկամուտը, 251 ռ. 32 կոպ., յանձնում են Վարչութեան: Սորհուրդը դիմում է Բաթումի գինւորական նահանգապետին, բայց սա չէ ընդունում Բաթումի Վարչութեան կողմից ներկայացրած անձին իբրև պատասխանատու գրադարան-ընթերցարանի համար: Սորհուրդը 1894-ին առաջարկում է ուրիշ անձնավորութիւն: Թէ ինչ հետեանք է ունենում այս առաջարկութիւնը, յայտնի չէ: Գրադարան-ընթերցարան Բաթումում չէ բացվում:

1892 թ. Բաթումի Տեղական Վարչութիւնը վճռում է գալրոցական գործը ապահովել մի հիմնաւոր օժանդակութեամբ: «Ծխական գալրոցը իր սեփական շինութիւնը չունենալով, — կարգում ենք Վարչութեան տեղեկագրի մէջ — պահվում էր այնպիսի բնակարանում, որ գալրոցական պահանջներին չը համապատասխանելով հանդերձ, մեծ գումար (տարեկան 900 ռուբլի) էր կլանում վարձի համար գըպրոցի նիւթականապէս նեղ միջոցներէց: Այս գալրի պահասութիւնը գարմանելու համար՝ Տեղական Վարչութիւնս որոշեց յատուկ ուսումնարանի համար և ամեն գալրոցական յարմարութիւն ունեցող մի շէնք կառուցանելով՝ այն յանձնել Բաթումի ազգային — ծխական երկու գալրոցներին:

Հարկ եղած ձևականութիւնները կատարելով և պատշաճաւոր հոգեւոր իշխանութիւնից այդ մասին իրաւունք ստացուելով, մտադրուած շէնքը սկսուեց կառուցանուել»<sup>1)</sup>։

Վարչութիւնը, ի հարկէ, պատրաստի միջոցներ չունէր մի այդպիսի մեծ ձեռնարկութիւն իրագործելու համար։ Բայց նա գիտում է վերին աստիճանի եռանդոս միջոցների և կարողանում է արագութեամբ գլուխ բերել իր մտադրութիւնը։ Ամենից առաջ Բաթումի քաղաքային Վարչութիւնը ձրի տալիս է 400 սաժէն հող, այն պայմանով, որ այդ հողի վրայ կառուցուի միմիայն դպրոցական շինութիւն։ Իսկ զբամական միջոցներ դանելու և շինութիւնը կառուցանելու համար Վարչութիւնը ընտրում է մի յատուկ յանձնաժողով, որի մէջ մտնում էին Վարչութեան փոխ-նախագահ Դաւիթ Սարաղեան և զանձապահ Աւետիս Սոջամիրեան։

Յանձնաժողովը նուիրատուութիւններ է հաւաքում Բաթումում, թատրոնական ներկայացումներ է սարքում։ Հանգանակութիւնը, որին մասնակցել են առաւելապէս օտար ֆիրմաները, տուեց 5068 ռ. 65 կոպէկ. թատրոնական ներկայացումներից դոյացաւ 1326 ռ. 39 կոպէկ։ Բացի դրանից, Վարչութիւնը Սորհրդից խնդրեց փոխարինաբար, առանց տոկոսների, և ստացաւ 3000 ըուբլի, երեք տարուայ ընթացքում վերադարձնելու պայմանով։ Սակայն այսքան միջոցներն էլ քիչ էին, որովհետեւ շինութեան կառուցումը որ աւարտուեց 1893-ին նստեց 10498 ռ. 73 կոպէկ։ Պակասող գումարը Վարչութիւնը պարտք վերցրեց զանազան տեղերից։ Սակայն Վարչութեան եռանդն այնքան մեծ էր, որ նա ստանալով Սորհրդի փոխատուութիւնը 1892 թ. դեկտեմբերին, հետեւեալ տարուայ յունվարին արդէն վերադարձնում է նրան 1000 ըուբլի։— Առ 1-ն յունվարի 1894 թ. Վարչութեան վրայ դեռ մնում

<sup>1)</sup> «Տեղեկագիր» 1892, հր. 57—58։

էր պարտք 4168 ռ. 69 կոպէկ: Այդ թուին նախահաշուով որոշուած էր վճարել 3168 ռ. 69 կոպէկ: Բայց, ուրիշ որ և է ծախս չանելով հանդերձ՝ կարողանում է վճարել միայն 808 ռուբլի:—1895-ին նոյնպէս Վարչութեան համարեա բոլոր միջոցները գործադրվում են պարտքի մի մասը (1631 ռ.) վճարելու համար. իսկ 1896-ին վճարվում է 500 ռ...

Այսպիսի ջանքերով Տեղական Վարչութիւնը կարողանում է յաջողութեամբ կատարել «այնպիսի մի գործ, որ մշտական յիշատակով բարձր պիտի պահէ Բաթումում Ընկերութեան անունն ու յարգը»): Ընչպէս գրում էր նախագահ Ա. Սարուխանեանը Խորհրդի նախագահ Անանեանին:— Այդ պաշտօնական թղթով վկայելով որ այդ գործի յաջողութիւնը ամենամեծ մասամբ պարտական է փոխ-նախագահ Դաւիթ Խարազեանի և գանձապահ Աւետիս Խոջամիրեանի եռանդուն ջանքերին, Ա. Սարուխանեան խնդրում էր որ Ընկերութեան կենտրոնի կողմից շնորհակալութիւն յայանուի այդ աշխատաւորներին:

Դպրոցական շինութեան հետ միաժամանակ Բաթումի Վարչութիւնը օգնութիւն է հասցրել և ուսանողներին: Այսպէս, 1892 և 1893 թուականներին նա 700 ռուբլի է տուել ժընեվում ուսանող Վ. Փափազեանին և ճանապարհածախս է տուել Պետերբուրգի երկու ուսանողների:

Վարչութիւնը փորձել է և տառապեալներին օգնելու գործը կանոնաւորել: («Բաթումը՝ թէ իբրև միջնորդ քաղաք Կարսի և Տաճկահան հայաստանի մէջ և թէ իբրև արտահանութեան կարևոր նաւահանգիստ՝ միշտ ունենում է իր մէջ մեծ թուով չքաւոր պանդուխտներ»), գրում է Վարչութիւնը 1892 թ. իր տեղեկագրի մէջ: Դրանք դիմում են ժողովրդին, որ շատ յաճախ չէ կարողանում իմանալ թէ ով է իսկական չքաւորը և կարօտը: Ուստի Վարչութիւնը «որոշեց, որ կարօտեալները, փոխանակ ժողովրդին դիմելու, ուղղակի Վարչութեանը դիմեն և Վարչութիւնն էլ իր կողմից որոշէ նպաստի չափը և եղանակը՝ կարօտեալի հանգամանքների համեմատ: Այս նպատակի համար Վարչութիւնը

իւր տարեկան նախահաշուի ելքի մէջ առանձին զուամար մասերեց և սպազրեւ տեւց նուիրատութեան անդորրապրերի տեսարակներ, որոնցով Վարչութեան անդամները կամ սրանց կողմից նշանակուած անձինք հաւարում են զրամական նուէրներ և յանձնում Վարչութեան զանձապահին»<sup>1)</sup>։

Ինչպէս տեսանք Սորհրդի գործունէութեան պատմութեան մէջ, հայկական կոտորածների հէնց սկզբում Բաթումն էր այն տեղը, ուր առաջին անգամ թափուեցին սարսափահար, մերկ ու անօթի գաղթականները։ Այդ միջոցին Բաթումի Տեղական Վարչութեան զրամական կացութիւնը շատ ախուր էր։ 1896-ի սկզբում, ինչպէս ասում է տարեկան տեղեկագիրը, «Վարչութիւնը ոչ միայն մի կողմէի չէ ունեցել զրամարկղում, այլ և ճիւղիս վրայ ծանրացած է գտել մօտ երկու հազար բուբլի պարաք» (գպրոցի շինութեան)։

Սակայն դիտենք, որ յատկապէս գաղթականներին խնամելու համար Սորհուրդը շարունակ զուամարներ է ուղարկում Վարչութեան։ 1896-ին Վարչութիւնը Սորհրդից ստացաւ 4100 բուբլի. եղան և Տեղական նուիրատութիւններ—1295 բ.։ Այս միջոցներով ահա Վարչութիւնը պիտի գործէր ահագին կարիքի դէմ։ Բաթում թափուած փախըստականների թիւը հաշուում էր 5000 հոգի, որոնցից առնուազն 2000 հոգի կարօտ էին օգնութեան։

Նախորդ Վարչութիւնից մնացել էին երկու հոգի։ դեռ 1895-ի նոյեմբերի 15-ին տեղական ընդհանուր ժողովը ընտրեց երեք անգամ և կազմուեց նոր Վարչութիւնը. նախագահ՝ Աբխսոզով Յովհաննիսեան, փոխ-նախագահ՝ Ս. Թառումեան և զանձապահ Ա. Սոջամիրեան։ «Իսկ գործավարութեան համար խնդրեցին պ. Միք. Համբարձումեանցին շարունակել իւր արդիւնաւոր պաշտօնը», զրում է Վարչութիւնը։

<sup>1)</sup> «Տեղեկագիր» 1892 թ. եր. 59։

Նկատի առնելով, որ Վարչութեան կազմը բաւարար չէ գաղթականների հոգսը քաշելու համար, տեղական ընդհանուր ժողովը ընտրեց և մի օժանդակիչ մասնախումբ, բաղկացած վեց հոգուց, որոնցից չորսը կանայք:

Գաղթականների կարիքները բազմակողմանի էին: Եւ Վարչութիւնը բաժանում էր այդ կարիքները հետեւեալ կերպով. 1) *Բնակարան*: Բոլորովին անճար գաղթականների ժամանակաւոր բնակութեան համար վարձուեցին մի բնակարան՝ վեց սենեակից բաղկացած և սենեակներ քարվանսարաններում: Ծախսուեց մօտաւորապէս 1000 ռուբլի: 2) *Սննդաղբում*: Երկու տեսակ էր — ամսական և միանուագ: Վարչութիւնը որոշում էր իւրաքանչիւր ընտանիքի կարօտութեան չափը և դրա համեմատ փող էր տալիս կերակրուելու համար, ումանց կարճ ժամանակով, մինչև գործու աշխատանք գտնելը, իսկ որբերով ճանրաբեռնուածներին՝ երկար ժամանակ. ծախս 2100 ռ.: 3) *Ճանապարհածախս*: Փախստականներից շատերն ունէին բարեկամներ և ազգականներ, որոնք առաջուց գաղթել էին Սև ծովի ուռւական ափերը և այդտեղ ծխախոտի մշակութեամբ էին պարապում: Վարչութիւնը այդպիսիներին ճանապարհածախս տուեց՝ իրանց բարեկամների և ազգականների մօտ գնալու համար: Եւ ծախսեց մօտ 1700 ռ. 4) *Գործ*: գաղթականներին Վարչութիւնը տեղաւորել է գործարաններում և մշակների գանազան խմբերի մէջ, ումանց էլ ուղարկել է ուրիշ քաղաքներ: Բացի այս՝ ընտանիքի հայր արհեստաւորներից ումանց տուել է գործիքներ, հում նիւթ (կաշի, թիթեղ, մարմար), կամ մի փոքր առևտուր սկսելու համար դրամադուլիս է տուել 10—30 ռուբլի: Իսկ երկրագործների համար գնուել են գործիքներ (կացին, բահ և այլն): Կանանց տեղաւորել է ընտանիքներում իբրև սպասուհի, լուացարար և այլն: 5) *Հանդերձեղէն*: Բաժանել է գանազան տեղերից (ի միջի այլոց և Ամբրիկայից) ուղարկուած հնամաշ և նոր զգեստեղէններ: 6) *Բժշկական օգնութիւն*:



երկու հայ բժիշկներ, Մ. Միրիմանեան և Մ. Զարգարեան, ձրիաբար բժշկել են դաղթականներին: «Կոտորածի ժամանակ վիրաւորուածներին և ծանր հիւանդներին հիւանդանոց է փոխադրել, թէ քաղաքային, թէ զինուորական, և իւր ծախսով բժշկել նոցա, քանի որ տաճկաց հիւպատոսը զլանում էր նոցա չքաւորութեան վկայական տալ և այդ պատճառով էլ քաղաքային վարչութիւնը մերժում էր նոցա ձրի ընդունելու» 7) Այլ ևւ այլը: Այս վերնագրի տակ Վարչութիւնը դասաւորում էր այն նպասաները, որ տալիս էր դաղթականներին Ծննդեան և Զատիկի տօներին, մեռելներ թաղելու, մկրտութիւն, ամուսնութիւն կատարելու համար:

Օժանդակող մասնախմբի անդամներից առանձնապէս եռանդուն գործունէութիւն են ցոյց տուել տիկին Շուշանիկ Յարութիւնեան և Յակոբ Մեղաւորեան: «Այս երկու յարգելի անձինք շարունակ յաճախում էին դաղթականներին, նորեկների մասին լիակատար տեղեկութիւններ բերելով, հների մասին ընդարձակ բանաւոր ղեկուցումներ տալով, և առհասարակ հսկելով, որ ոչ ոք օգնութեան կարօտներից անմասն չը մնայ ձիւղիս նպատից»:

1897 թ. շարունակվում էր օգնութեան գործը նոյն եղանակով: Վարչութեան գործը թեթեւցնում էր այն, որ դաղթականների հոսանքը համարեա բոլորովին դադարեց ամառը:

Իայց ահա նոր կոտորած Կ. Պոլսում և աշնանը դաւձեալ դաղթականների նոր մեծ հոսանք:

Սորհուրդը այս անգամ ուղարկեց Գանիական գումարից 5556 ռուբլի. տեղական նուէրներ Վարչութիւնն ստացաւ 1038 ռ. ներկայացումներից՝ 715 ռուբլի: Վարչութիւնը ուրիշ ոչ մի նպատակ չէր ճանաչում, բացի դաղթականներին օգնելուց: Այդ տարին նա ծախսեց. աննդադրամ՝ 4000 ռ., ճանապարհածախս՝ 2000 ռուբլի, բնակարան՝ 800 ռ., դեղերի՝ 300 ռուբլի:

Ճանապարհածախսի համար շատ գումար էր պահանջվում այն պատճառով, որ գաղթականների մի մասը ամառը սկսեց վերադառնալ հայրենիք, Տրապիզոն և ուրիշ տեղեր:

Իսկ հետևեալ տարին <sup>1)</sup> 1898-ին ճանապարհածախսի կարիքը աւելի ևս սաստկացաւ: Մարտ ամսին հրատարակուեց Բարձրագոյն հրաման, որով թիւրքահայ գաղթականներին տրվում էր մի տարուայ ժամանակամիջոց՝ հայրենիք վերադառնալու համար: Բաթումի վրայով վերադարձողների թիւը շատ մեծ էր: Իսկ Վարչութիւնը այլ ևս չէր կարող Սորհրդի աջակցութեան վրայ յոյս գնել: Սորհուրդը գումարներ չունէր այլ ևս և միայն 500 ռ. կարողացաւ ուղարկել Բաթում: Տեղական նուիրաբերութիւններն էլ շատ նուազել էին, որովհետև Բաթումի հայերը այդ միջոցին եկեղեցի էին կառուցանում իրանց համար:

Իր ամբողջ մուտքից Վարչութիւնը միայն իր գիււանի համար ծախսեց 22 ռուբլի, մնացածը ամբողջովին յատկացրեց գաղթականներին: Միայն ճանապարհածախս նա բաժանեց 1045 ռուբլի: Դա մի փոքրիկ նպաստ էր, որ շուտ սպառուեց: Սակայն Վարչութիւնը կարողացաւ փոքրիկ միջոցներով էլ խոշոր գործ կատարել: Նա բանակցութիւններ սկսեց շոգենաւային ընկերութիւնների հետ և յաջողեցրեց որ յատկապէս գաղթականներին տոմսակիներ զնից 30—50% զեղջ անուի:— Իր միջոցներով Վարչութիւնը ճանապարհ դրեց մօտ 700 հոգի: Իսկ երբ այլ ևս միջոցներ չկային, նա միջնորդ հանդիսացաւ գաղթականների և շոգենաւային ընկերութիւնների մէջ. նրա ցուցմունքներով էժանացրած տոմսակիներ ստացան և ճանապարհուեցին մօտ 1000 հոգի:

<sup>1)</sup> Այս ժամանակ Վարչութեան նախագահ էր՝ Յակոբ Գոչարեան, փոխնախագահ՝ Իլի՛ Եռուանիկ Յարութիւնեան, գանձապահ՝ Ս. Թառուսեան:

## VIII

## ՆՈՐ-ԲԱՅԱԶԷՏ

(1889 — 1899)

Նոր-Բայազետ դաւառի գործակալ եղիազար քահանայ Տէր-Միքայէլեանը 1889 թ. ապրիլի 5-ի գրութեամբ ուղարկեց Սորհրդին 15 անձանց ստորագրութեամբ մի խնդիրք՝ քաղաքում Տեղական Վարչութիւն բաց անելու մասին: Առաջին ընդհանուր ժողովը կայանում է մայիսի 5-ին: Նրա ընտրած Վարչութիւնը, նախագահ՝ Գէորգ Արծրունի, փոխ-նախագահ՝ Ստեփան Բաղիկեանց, գանձապահ՝ Ալէքսանդր Մաղաքեանց, գործավար՝ Երուանդ Ատովեան:

Ինչպէս և պէտք էր սպասել, Բարեգործական Ընկերութեան ճիւղը Նոր-Բայազիտի նման մի խուլ, աղքատ դաւառական անկիւնում շատ սահմանափակ միջոցների և սահմանափակ գործունէութեան տէր պիտի լինէր: Եւ իրաւ նրա եկամուտը համարեա միշտ կազմվում էր անդամավճարներից, իսկ անդամների թիւը զանազան տարիների ընթացքում 16—54 էր հասնում: Սովորական բիւջէն 80—290 ըուբլի:— Այդ եկամուտը Վարչութիւնը ծախսում էր, նպաստներ տալով տեղական դպրոցին, աշակերտներին, երբեմն ուսանողներին և տառապեալներին:

Սակայն միայն այսքանը չէր այն օգնութիւնը, որ Տեղական Վարչութիւնը հասցնում էր կարօտ ազգաբնակիւթեան: Հէնց լոկ նրա գոյութիւնը արդէն այն օգուտն ունէր, որ ազգաբնակիւթիւնը ընդհանուր ազէաների ժամանակ իր բաժինն էր ստանում այն միջոցներից, որ ծախսում էր Ընկերութեան կենարոնը: Այսպէս էր 1892-ի խօլերայի ժամանակ (նպաստ Սորհրդից 228 ռ. 50 կոպ.

դեղերով): Այսպէս էր և 1893—1894 թուերի սովի ժամանակ: —

Ազէար ստիպում է Վարչութեան յաճախակի դիմումներ անել Խորհրդին և նպաստներ խնդրել: Նա գրում էր որ միայն քաղաքում սովեալները թիւը հասնում է 3000-ի, իսկ գիւղերը գրութիւնը աւելի ևս սարսափելի է: 1894-ին Տեղական Վարչութիւնն ստացաւ Խորհրդից 1600 ըուբլի և ուրիշ տեղերից փողով և ալիւրով 2395 ըուբլի:—Այդ դումարից 1192 ը. Վարչութիւնը բաժանեց քաղաքի սովեալներին՝ յատուկ կազմուած քաղաքային յանձնաժողովի ձեռքով: Գնեց և նուէր ստացաւ 2627 պուդ 18 ֆունտ ալիւր և ցորեն, որից 360՝ պուդ ստացան քաղաքի սովեալները, իսկ մնացածը բաժանուեց 16 հայ գիւղերի սովեալներին Վարչութեան նախագահի և անդամների ձեռքով:

## IX

### Կ Ա Ղ Զ Ո Ի Ա Ն

(1889 — 1899)

Այս ձիւղը հիմնուել է բժիշկ Գէորգ Կաճկաճեանի (այժմ հանգուցեալ) նախաձեռնութեամբ 1889 թուի ապրիլին: Խորհրդին դիմող կազմուանցիները թիւն էր 22: Առաջին ընդհանուր ժողովը մայիսի 10-ին: Նրա ընտրած Վարչութիւնը, նախագահ՝ բժ. Կաճկաճեան (որ այնուհետև էլ շատ անգամ եղել է այս պաշտօնում և առհասարակ եռանդուն գործունէութիւն է ցոյց տուել), փոխնախագահ՝ Ս. Բալասանեան, գանձապահ՝ Ս. Զանփուլագեան, գործավար՝ Յ. Փիլոյեան: —

1890 թուի համար կազմուած նախահաշիւը հետեւեալ պատկերն է ներկայացնում. 50 անդամ—250 ըուբ-

լի և հուռէր — 50 բուբլի: Այդ գումարը հշանակլում էր նպաստ տեղական դպրոցի աշակերտներին և տառապեալներին: — Մօտաւորապէս այսչափ եկամուտները (300-500 բ.) տէր էր Վարչութիւնը և միւս տարիներում: Եւ ծախսի աղբիւրներն էլ մի և նոյնն էին մնում: — 1898-ին Վարչութիւնը վճռեց գրադարան-ընթերցարան բաց անել, բայց յետոյ փոխեց այդ վճիռը և կար ու ձեռի մի դպրոց բաց անելու միտքը առաջարկեց: — Սակայն այս էլ գլուխ չեկաւ:

Սովի և գաղթականութեան ժամանակ (1894, 1896 — 1897 թ.) Տեղական Վարչութիւնը ստացաւ հետևեալ նպաստները. 1894-ին՝ Խորհրդից 900 բ. և ուրիշ տեղերից՝ 1301 բ. 90 կոպէկ, 1896-ին՝ 1795 բ. 86 կոպէկ, 1897-ին՝ 200 բուբլի: Այդ նպաստները արուել են սովեալներին և գաղթականներին: (Մանրամասնութիւններ չկան Խորհրդի գործերի մէջ): —

1898-ին Կազգուանի ճիւղի անդամները թիւը այնքան նուազել էր, որ հարց գրուեց ճիւղը փակելու մասին: — Այդ հարցը գրականապէս վճռեց Տեղական Ընդհանուր ժողովը 1899-ի սկզբներում: Թիֆլիսի Ընդհանուր ժողովը յունիսի 6-ի նիստում լանձնարարեց յորդոր կարգալ Կազգուանի Վարչութեան, որ նա վերսկսէ իր գործունէութիւնը: Բայց արդէն նոյն տարին փոփոխուեց Ընկերութեան Կանոնագրութիւնը, որի մէջ ճիւղեր այլ ևս չը կային: —

## X

### Կ Ա Ր Ս

(1889 — 1899)

Կարսի հայոց ծխական դպրոցի ուսուցիչ Ալէքսանդր Պետրոսեանը հաւարում է 58 ստորագրութիւն և 1889 թ.

սպրիլին ուղարկում է Խորհրդին, խնդրելով Տեղական Վարչութիւն բանալու թոյլտուութիւն: Առաջին Ընդհանուր ժողովը, որ կայանում է յուլիսի 31-ին Կարսի յաջորդ Յուսիկ վարդապետ Մովսիսեանի նախագահութեամբ, ընտրում է Վարչութիւն, որի կազմն այսպէս էր. նախագահ՝ Բժիշկ Ալէքսանդր Ղազազեանց, փոխ-նախագահ՝ Մինաս քահանայ Տէր-Գրիգորեան, գանձապահ՝ Բժ. Շահրխար Մելիք-Փարսաղանեան, անդամներ՝ տ. տ. Սօֆիա Ղազազեան և Նունէ Մելիք-Փարսաղանեան, գործավար՝ փոխ-անդամ Սեդրաք Գրիգորեանց: —

Բացի սովորական աղքատախնամութիւնից, երկու պիսաւոր տեղական կարիքների բաւարարութիւն տալու հարկն էր, որ անհրաժեշտ էր դարձնում Բարեգործական Ընկերութեան ճիւղի բացումը Կարսում — եկեղեցական-ձխական դպրոցներին նպաստելը և գրագարան-ընթերցարան ունենալը: — Ուստի այս երկու հիմնարկութիւնների վրայ էլ կենտրոնացաւ Տեղական Վարչութեան գործունէութիւնը:

Իր անդրանիկ նախահաշուի մէջ (1890 թ.) Վարչութիւնը ենթադրում էր ունենալ 103 գործադիր անդամ: Հետեւեալ տարիներում այդպիսի թիւ այլ ևս չըկար, բայց Կարսի ճիւղը առհասարակ անդամների թուի շատութեան կողմից աչքի ընկնող ճիւղերից մէկն էր: Ամեն տարի 70 — 95 անդամներ ունէր: Տարեկան ելլամտացոյցը 1000 ըուբլուց պակաս չէր: Տեղական դպրոցին, տեղական հայոց և պետական դպրոցների չքաւոր աշակերտներին տաւապեալներին նպաստներ հասցնելուց յետոյ, Վարչութիւնը սրոշ գումար էր յետ դնում գրագարան-ընթերցարանի համար, որի բացումը ուշանում էր:

Այս սովորական գործառնութիւնից դուրս Կարսի Տեղական Վարչութիւնը շատ աշխոյժ և գնահատելի գործունէութիւն ցոյց է տուել ժողովրդական աղէտների ժամանակ:

1892-ի խօլերայի ժամանակ Տեղական Վարչութիւնը չը բաւականացաւ Խորհրդի ուղարկած 200 ր. նպաստով, այլ ինքն էլ հաւարեց նուէրներ դրամով և նիւթեղէնով 756 ր. 23 կոպ. և բաց արաւ ձրի ճաշարան, որ 25576 բաժին կերակուր բաց թողեց աղքատներին առանց խրտուրթեան ազդութեան և կրօնի: — Այդ տարին Վարչութեան նախագահն էր բժ. Ալէքսանդր Տէր-Յարութիւնեան:

Չը բաւականանալով այդ աչքի ընկնող օգնութեամբ, Տեղական Վարչութիւնը 1892-ի աշնանը ծրագրեց շօնութիւն համաճարակի չքաւոր գոծերին: Խօլերայից մեռածների սրբ ընտանիքները պէտք էր պատասխարել ձմեռուայ ցրտերին: Եւ որովհետև Վարչութիւնը սեփական միջոցներ չունէր, ուստի զիմեց Խորհրդին, խնդրելով 1000 բուբուլ փոխառութիւն, հինգ տարուայ ընթացքում մասմաս վերադարձնելու պայմանով: Փոխառութիւնը թոյլատրուեց Թիֆլիսի Ընդհանուր Ժողովի կողմից և 1000 բուբլին մտաւ Կարսի Տեղական Վարչութեան 1893-ի նախահաշուի մէջ իբրև նպաստ տառապեալներին: — Սակայն այդ փոխառութիւնը պատրուակ դարձաւ որ Կարսի Տեղական Վարչութեան մէջ պառակտումներ և տարածայնութիւններ ծագեն: Փոխառութիւնը Վարչութիւնն արել էր առանց նախապէս Տեղական Ընդհանուր Ժողովի թոյլտուութիւնը խնդրելու: Եւ ահա Վարչութեան անդամների մի մասը և ընկերութեան անդամներից մի քանիսը յայտարարութիւն են տալիս Վարչութեան, որի մէջ գովաբանելով նրա գործունէութիւնը խօլերայի ժամանակ, արձանագրում էին փոխառութեան համար Տեղական Ընդհ. Ժողովի հաւանութիւն չըստանալը: —

Այս անմեղ հանդամները բորբոքում է կրքեր: Վարչութեան նախագահը և նրա հետ մնացած երկու անդամները չեն կարողանում պատշաճաւոր սառնասրտութիւն պահպանել: Երկու անդամ և երեք փոխ-անդամ, որոնց մէջ և գանձապահը հրաժարական են տալիս և սկսում են

բողոքել թէ Վարչութեան նախագահ Տէր-Յարութիւնեանի  
և թէ Ընդհանուր ժողովի նախագահ Նահապետ վարդա-  
պետի «բռնութիւնների և կամայականութիւնների դէմ»։ —  
Տարածայնութիւնները գնալով սուր կերպարանք են ըն-  
դունում. հրաժարուած գանձապահը չէ յանձնում իր հա-  
շիւները Վարչութեան, համարելով նրան լուծուած։ Սկըս-  
վում է անաղին գրագրութիւն Սորհրդի հետ։ Վարչու-  
թիւնը տասնեակ երեսներից բաղկացած բացատրութիւն-  
ներ էր գրում, բողոքողները իրանց կողմից Վարչութեան  
դէմ էին գրում։ Կիրք, անձնական և կուսակցական հաշիւ-  
ներ երկու կողմից։ Ինքն ըստ ինքեան այդ երկոյթը հաս-  
կանալի էլ չէր լինի, եթէ բողոքողները պարզապէս չը  
խոստովանէին, որ Բարեգործական Ընկերութեան մէջ  
մտել էին գրտում, հասարակական գործերի շուրջը կազ-  
մուած կուսակցական պայքարները։ —

Սորհուրդը երկարօրէն բացատրութիւններ է տալիս,  
բայց կարտում կրքերը իսկոյն չեն հանդարտվում։ Տա-  
րուայ վերջերում ընդհանուր ժողովների մէջ լինում են  
վերաւորական յարձակումներ, անվայել վարմունքներ։  
Կարգը վերջ ի վերջոյ հաստատվում է շնորհիւ այն հան-  
դամանքի, որ բողոքողները փոքրամասնութիւն էին կազ-  
մում։ Նրանք հեռացան ժողովից, հաւանաբար և ընկերու-  
թիւնից, իսկ մեծամասնութիւնը վերընտրեց Վարչութեան  
նախագահին և նրա համախոհներին։

Բարեբախտաբար Տեղական Վարչութեան գործու-  
նէութիւնը շատ չը փոստուեց այդ տարածայնութիւնից։  
Եռանդը և հասարակութեան համակրական վերաբերմուն-  
քը չը սղակասեցին։ Եւ այդ շատ հարկաւոր էր, քանի որ  
առջևում կար սովի և գաղթականութեան դժբախտ  
տարին։

«1894 թ. սկզբներից—գրում էր Վարչութիւնը իր տարե-  
կան տեղեկագրի մէջ—քաղաքիս և նահանգի մէջ օր աւուր սկսաւ  
բազմանալ Տաճկաստանից գաղթած հայերի թիւը։ Այդ թը-



շուանները, վայրենի բուրդի բարբարոսութիւնից իւրեանց կեանքը և պատիւը ազատելու համար, թողնելով հայրենի հողը, տունը, տեղը և բոլոր գոյքը, գաղթեցին մեր երկիրը, հանգիստ կեանք վարելու համար: Բայց ճակատագիրը այլ կերպ էր անօրինել նոցա բազը: Նոքա ազատուելով բարբարոս քուրդի արինաթաթախ ճիրաններից, մեր երկրում ընկան քաղցածութեան և սովի գիրկը: Մի կողմից խտտաշունչ ձմեռը, միւս կողմից սովը և մերկութիւնը այդ խեղճերին հասցրին յետին աստիճանի դրութեան և աղքատութեան, այնպէս որ գիւղերում և քաղաքում ամեն դրան ատաջ կարելի էր տեսնել նոցանից տասնեակ անձնաւորութեանց ողորմութիւն և օգնութիւն խնդրելիս» <sup>1)</sup>:

Այդ մեծ թշուառութեան զիմաց Վարչութիւնն ունէր իր նախահաշուի մէջ միայն 400 ր. նպաստ տառապեալներին՝ նրան չէր օգնի և տեղական հանդանակութիւնը (1098 ր.), եթէ զբսից խոշոր գումարներ չը գային աղէտի դէմ մաքառելու համար: Տարուայ ընթացքում Վարչութիւնն ստացաւ 8672 ր. 20 կոպ. (Վեհ. կաթողիկոսից 3000 ր., «Մշակ» լրագրի հաւաքած 2400 ր., Խորհուրդը 1150 ր.):

Քաղաքի չքաւորների համար նորից բացուեց ձրի ճաշարան, որ գործեց 53 օր և իւրաքանչիւր օր բաց էր թողնում 350—400 բաժին կերակուր: Գիւղերում բաժանուեց 3839 բուբ. 68 կոպէկի ցորեն, գարի և ալիւր: Կարսի գաւառի 54 գիւղեր ստացան 1520 պուգ ալիւր, Կաղզուանի գաւառում 10 գիւղ՝ 624 պուգ և Նախիջևանի գաւառամասի 7 գիւղ՝ 116 պուգ: Ընդամենը օգնութիւն ստացան 37 բնիկ և 524 գաղթական ընտանիքներ, բաղկացած 3657 հոգուց:—

Հետևեալ տարին, 1895-ին գաղթականների հոսանքը ոչ միայն չը դադարեց, այլ աւելի սաստկացաւ: Վարչութիւնը զիմեց Վեհ. կաթողիկոսին և ստացաւ նրանից 3000 բուբլի: Նախորդ տարուանից նա ունէր մնացորդ 3329

<sup>1)</sup> «Տեղեկագիր» 1894, եր. 111:—

բուրլի: Այդ գումարներով դարձեալ նպաստներ բաժանուեցին զլիաւորապէս ալիւրով և մասնաւորապէս դրամով գաղթականներին և տեղացի չբաւորներին: Քաղաքի մէջ 206 գաղթական ընտանիք ստացան 1113 պ. ալիւր, Շիրակում 88 դիւղերի մէջ 430 ընտանիք՝ 1872 պ., Թախտէ գաւառակում և Կարսի շրջակայքում 23 գիւղերի մէջ 454 ընտանիք՝ 2137 պ. ցորեն. Բասենի գաւառակի 10 գիւղերի մէջ 168 ընտանիք՝ 849 պ. ցորեն: —

Աւելի դժուար գործ զեռ առջևումն էր, 1896—1897 թուերին, երբ կոտորածից փախած գաղթականներին պէտք էր պահպանել: Տարաբախտաբար, այդ թուականներին վերաբերեալ մանրամասն տեղեկագրեր և հաշիւներ չը կան Սորհրդի արխիւում, ուստի պէտք է բաւականապէս այն տեղեկութիւններով, որոնք գեաեզուած են Սորհրդի գործունէութեան մէջ:

Այդ լարուած գործունէութեան միջոցին, այն է 1895-ին, Կարսի զինուորական նահանգապետը թող տուեց Տեղական Վարչութեան բաց անել դրադարան-ընթերցարան: Տարիների ընթացքում գումարներ յետ գնելով, Վարչութիւնն ունէր այդ հիմնարկութեան համար 1500 ռուբլուց աւել մի գումար: Գրադարան-ընթերցարանը բացուեց 1896 թուականին: Սակայն նրա կազմակերպութեան և գործունէութեան մասին մենք ոչինչ տեղեկութիւն չունենք:

## XI

### Դ Ե Ր Բ Ե Ն Տ

(1889 — 1899)

Ճիւղը բացուեց 1889 թ. դեկտեմբերին համաձայն 23 հոգու խնդրագրի: Վարչութեան առաջին կազմն էր.

նախագահ՝ Գր. Իւզըաշեան, գործախար Կ. Մելիք-Շահնա-  
զարեան:

Անդամների թիւը տատանվում էր տարիների ըն-  
թացքում 16-ի և 40-ի մէջ, տարեկան եկամուտը՝ 140—  
400 բուբուռ մէջ:—Տեղական Վարչութիւնը նպաստներ էր  
տալիս տեղական հայոց դպրոցին և նրա աշակերտներին,  
տեղական ընթերցարանին, իսկ դպրոցը փակուելուց յե-  
տոյ՝ առ հասարակ աշակերտներին և տառապեալներին:

## XII

# Վ Ա Ղ Ա Ր Շ Ա Պ Ա Տ

(1889--1899)

Վաղարշապատում ճիւղ բանալու փորձ արուել է դեռ  
Ընկերութեան հիմնադրութեան առաջին տարին: Խորհրդի  
գիմուժը ուղղուած էր Գէորգ Խան-Աղեանին, որ գտնոււմ  
է 14 անդամ և ստորագրական թերթն ու անդամավճար-  
ները յանձնոււմ է Գէորգեան Ճեմարանի տեսուչ Արշակ  
Նահապետեանին, խնդրելով որ նա մի անդամ էլ գտնէ և  
իր վրայ վերցնէ Տեղական Վարչութիւնը բաց անելու  
հոգսը: Նոյն խնդրքով Նահապետեանին գիմոււմ է և Խոր-  
հուրդը: Սակայն Նահապետեանը ինքը ևս անգամ գրուելով,  
ուղարկոււմ է անդամավճարները Խորհրդին և յայտնոււմ է,  
որ զբաղուած լինելով, չէ կարող Տեղական Վարչութիւն  
բաց անել:

1889 մայիսին բժշկապետ Բ. Նաւասարդեանը Վա-  
ղարշապատում ժողով է գումարոււմ, որ և վճոււմ է Տե-  
ղական Վարչութիւն բաց անել: Խորհրդին ուղղած թղթին  
ստորագրոււմ են 61 հոգի:

Առաջին ընդհանուր ժողովը գումարվում է սեպտեմ-

բերի 28-ին Գրիգոր քահանայ Տէր-Գրիգորեանի նախագահութեամբ: Առաջին Վարչութեան կազմը. նախագահ Գ. քահանայ Տէր-Գրիգորեան, անդամներ՝ Յովհաննէս Յովհաննիսեան, Մատթէոս Տէր-Պետրոսեան, Կ. Եղիսարէթ Տէր-Յովսէփեան, Մատթէոս Բարսեան, զործավար՝ փոխանդամ Մկրտիչ Ենգիբարեան:

Անդամների թիւը տատանուել է 40—65-ի մէջ: Տարեկան բիւջէն 400—800 ըուրլի: Նպաստներ են տուել տեղական դպրոցներին, նրանց աշակերտներին, բարձրագոյն դպրոցներում սովորող ուսանողներին:

Այդ սահմաններից դուրս Տեղական Վարչութիւնը երկու միաք էլ է աշխատել իրագործել: 1893-ին նա վճռեց բաց անել Վաղարշապատում շերամապահական կայարան և գրադարան-ընթերցարն:

Շերամապահական կայարանի համար մշակած ծրագրից մենք իմանում ենք, որ այդ հիմնարկութեան նպատակը պիտի լինէր զարգացնել շերամապահութիւնը տեղական ազգաբնակչութեան մէջ, ցոյց տալով նրան կատարելագործուած միջոցներ՝ անտեսութեան այդ կարևոր ճիւղը աւելի ևս արդիւնաւոր դարձնելու համար: Կայարանը պիտի փոքր չափեր ունենար: Նրա կառավարիչը ոչ միայն պիտի գործնական օրինակներ տար ժողովրդին, այլ և պիտի դասախօսութիւններ կարգար կատարելագործուած շերամապահութեան մասին թէ՛ Վաղարշապատում և թէ՛ շրջակայ գիւղերում:

Սակայն Խորհուրդը այդ ձեռնարկութիւնը համարեց ոչ թէ արհեստների զարգացում, այլ արդիւնաբերութիւն, որ արդէն դուրս էր Ընկերութեան կանոնադրութեան սահմաններից: Տեղական ընդհանուր ժողովը համաձայն չէր այդ բացատրութեան, նա գտնում էր որ հիմնարկութիւնը ժողովրդին սովորեցնելու նպատակն ունէր. նա նոյն իսկ համաձայն էր բանալ կայարանը միայն 2—3 տարով և պիտի փակէր, երբ ժողովրդի մէջ բաւականաչափ տարա-

ծուած կը լինէր կատարելագործուած շերմապահուածութիւնը: Հարցը ձգձգուեց տարիներով, իսկ Տեղական Վարչութիւնը պահում էր այդ գործին յատկացրած 320 բուբլին: Բայց կայարանը վերջ ի վերջոյ չը բացուեց:

Գրադարան-ընթերցարանն էլ չը բացուեց: Երևանի նահանգապետը պատասխանեց Խորհրդին թէ ինքը կարելի չէ համարում թոյլառութիւն տալ այն պատճառով, որ Վաղարշապատի Տեղական Վարչութիւնը չէ ներկայացնում օրէնքով պահանջուող հաշիւներ իր գործունէութեան մասին և չէ կատարում Տեղական Վարչութեան պահանջները այս առիթով, այնպէս որ նոյն իսկ հարց կար Վարչութիւնը պատասխանատուութեան ենթարկելու: Բայց բացի այս հանգամանքից մենք արդէն տեսնք թէ ինչ հայեացք ունէր նահանգապետը գրադարան-ընթերցարանների մասին առհասարակ<sup>1)</sup>:

Վաղարշապատի Տեղական Վարչութեան գործունէութիւնը շատ եռանդոտ էր կոտորածներից փախած թիւրքահայ գաղթականներին օգնութիւն հասցնելու մէջ: 1896 թ. ամառը, երբ փախստականների առաջին խմբերը երևացին ռուսաց հողի վրայ, Վարչութիւնն սկսեց պատրաստութիւններ տեսնել: Գլխաւոր հոգան այն էր, որ Վաղարշապատում այդ միջոցին տարածուած էին տարափոխիկ հիւանդութիւններ—գլիֆտերիտ, տիֆ: Որպէս զի հիւանդութիւնները զարգայման և աւերանքի նպատաւոր հող չը գտնեն քաղցած ու մերկ փախստականների և առհասարակ չքաւորութիւնից տառապող ժողովրդի մէջ, Վարչութիւնը մի շարք միջոցներ ձրագրեց, այնէ՛ խնամել հիւանդներին, հայթայթելով նրանց բժշկական օգնութիւն, սնունդ և այլն: Գաղթականներից միայն 26 ընտանիք տեղաւորվում են Վաղարշապատ գիւղի մէջ: Քանի եղանակները լաւ էին և դաշտերում ու այգիներում շարունակվում էին գիւ-

<sup>1)</sup> Տես «Երևան»:

գական աշխատանքները, Վարչութիւնը այդ գաղթականներին աշխատանքի ընդունակներին ուղարկում էր գործելու և օրավարձ ստանալու: Իսկ ձմեռը, մինչև միւս տարուայ սպրիլը, գաղթականներին պատասպարելու և խնամելու համար Վարչութիւնը կազմեց 417 բուբյու նախահաշիւ:

Բացի այդ գաղթականներից, նորեկ 16 ընտանիք, բազկացած 100 հոգուց, գիմել էին էջմիածնի վանքը, որ և տեղաւորել էր նրանց վանական գոմանոցում, տալիս էր հաց և կերակուր: Սրանց գրութիւնը մանաւանդ շատ ծանր էր: Ամենքն էլ մերկ էին և ոտաբոբիկ, մէջները կային հիւանդներ, գոմանոցի հակառողջական պայմանները աւելի ևս նպաստում էին հիւանդութիւնների տարածման:

Այս բոլորն ի նկատի առնելով, Տեղական Վարչութիւնը նոյեմբերի 5-ին գիմեց Խրիմեան կաթողիկոսին մի գրաւոր յայտարարութեամբ, որի մէջ ասում էր:

«Ձերդ Վեհափառութեան տնօրէնութեամբ՝ նորեկ գաղթականների համար առ ժամանակեայ բնակութեան տեղ նշանակած է Վանքի գոմանոցը, իսկ հիւանդների համար՝ գիւղի մէջ գտնուած վանական շինութիւնը, ուր, որպէս տեղեկացանք, երեք-չորս հիւանդ կար պոռկած: Սակայն գաղթականները, բնակուելով Վանքի գոմանոցում և ստանալով Վանքից հաց և կերակուր, կնթակայ են լինում թէ անպատուութեան ծառաների կողմից և թէ գանազան հիւանդութիւնների, շնորհիւ այն անյարմարութեան և հակառողջական պայմանների, որոնց մէջ թշուառները ստիպուած են իւրեանց դառն օրերը անցկացնելու, մինչդեռ գոմանոցի հիւանդներին տեղափոխելով նոցա համար նշանակուած հիւանդանոցը, իսկ առողջներին բնակեցնելով գիւղի մէջ, կարելի կը լինէր մի կողմից հիւանդութեան տարածման առաջն առնել, ապատելով գոնէ միւսներին վարակուելուց»:

Վարչութիւնը խնդրում էր իրան յանձնել հիւանդանոցը և թոյլ տալ գոմանոցի գաղթականներին տեղափոխել գիւղը և շարունակել տալ նրանց հաց և կերակուր: Կաթողիկոսը համակրանքով է ընդունում այդ առաջարկու-

թիւնը, խոստանում է կերակրի տեղ առլ նիւթեղէններ, որոնցից գաղթականները կարող էին իրանք կերակուր պատրաստել: Բայց մի քանի օրից յետոյ Վարչութիւնն ստանում է Կաթողիկոսի գիւանից թուղթ, որով յայանվում է թէ Վարչութեան խնդիրը մերժուած է Վեհափառի կողմից:

Միաժամանակ Վարչութիւնը Խորհրդի յայնձնարարութեամբ տեղեկութիւններ է հաւաքում Էջմիածնի գաւառում ջրուած գաղթականների դրութեան մասին: Վարչութեան նախագահ Աւետիս Օհանջանեանը և անդամ Սուքիասեանը շրջում են գիւղերը և ջուղակազբում են 81 ընտանիք, բաղկացած 428 հոգուց: Դրանց դրութիւնը սնունդի և կացարանի կողմից ապահովուած էր. հայ գիւղացիները անտրտունջ օգնում էին իրանց թշուառ եղբայրակիցներին: Մի ահագին կարիք, որ զգացվում էր և այստեղ, ինչպէս և ամեն տեղ, ուր սիւռուել էին փախստականները, հագուստի և անկողինների պակասութիւնն էր:

Վաղարշապատի Վարչութիւնը եռանդով գործում է և այդ սուր կարիքը վերացնելու համար Խորհրդից և այլ տեղերից նա ստանում է կտորներ՝ հագուստ և անկողիններ պատրաստելու համար, ինչպէս նաև պատրաստ զգեստներ, ինքն էլ գնում է ոտնամաններ և բաժանում է գաղթականներին:

Նոյն այդ գործունէութիւնը, որի համար Տեղական Վարչութիւնը շնորհակալութիւն էր ստանում Խորհրդից, շարունակուեց և 1897 թուին, մինչև աշուն: Այդ տարին նա ծախսեց գաղթականների վրայ Խորհրդից և այլ տեղերից ստացած 3021 ըուբլի: Պէտք է ասել որ այդ տարին գաղթականների թիւը աւելի ևս շատացաւ, բայց Խորհուրդը այլ ևս միջոցներ և իրաւունք չունէր գաղթականներին օգնելու: Ինչպէս տեսանք, պատասխանելով Վարչութեան գիմուսին, նա խորհուրդ էր տալիս օգնութիւն խնդրել տեղական իշխանութիւնից, քանի որ նրան էր

Լանճուռած գաղթականների խնամատարութեան ամբողջ գործը:

1899 թուականին Տեղական Վարչութիւնը ծրագրեց մի դահլիճ կառուցանել ապագայ գրադարան-ընթերցարանի համար և էջմիածնի Սինոդը թոյլատրեց այդ շինութիւնը շինել Վաղարշապատի Ս. Աստուածածին եկեղեցու գաւթում: Բացի դրանից, Վարչութիւնը ի նկատի ունէր բաց անել և արհեստանոց ու կիրակնօրեայ դպրոց:

Նոյն թուականին լրանում էր Վաղարշապատի ճիւղի տանեամեակը: Վարչութիւնը որոշում է տօնել այդ տարեդարձը համեստ կերպով: Ամենից առաջ նա վճռում է այդ առիթով, որ բժշկապետ Բագրատ Նաւասարդեանը, թէ իբրև Ընկերութեան առհասարակ և մասնաւորապէս Վաղարշապատի ճիւղի հիմնադիր, ընտրուի ընկերութեան պատուաւոր անդամ: Տեղական ընդհանուր ժողովը միաձայն ընդունում է այդ առաջարկը: Խորհուրդը այդ որոշումը առաջարկում է Թիֆլիսի ընդհանուր ժողովին, որ 1899 թ. յունիսի 6-ի իր նիստում «ընտրեց ընկերութեանս հիմնադիր պ. բժ. Բագրատ Նաւասարդեանին կ. չ. Բ. Ընկերութեան պատուաւոր անդամ», ինչպէս ասուած է Վաղարշապատի Տեղական Վարչութեան գեկուցագրի վրայ գրուած մակագրութեան մէջ:

### XIII

## Ա Ր Մ Ա Ի Ի Ր

(1889 — 1899)

Արմաւիրում ճիւղ բաց անելու փորձ լինում է զեռ 1882 թուին: Սակայն Խորհրդի արած զիմումին պատասխանում են թէ անկարելի եղաւ ճիւղ բաց անել:



1889 թ. հոկտեմբերին արմաւիրցիները ինքնաբերաբար, 30 հոգու ստորագրութեամբ թոյլաւութիւն են խնդրում Սորհրդից Տեղական Վարչութիւն հիմնելու: Թոյլաւութիւնն իսկոյն ուղարկվում է, բայց արմաւիրցիները իսկոյն չեն կարողանում ընդհանուր ժողով կազմել, որովհետև տեղական իշխանութիւնը չէր ճանաչում ընկերութիւնը, թէև նրան ներկայացուած էր կանոնադրութիւնը: Բայց այդ արգելառիթ հանգամանքը չէ յուսահատեցնում արմաւիրցիներին: Կանոնադրութեան վրայ հիմնուելով և ունենալով Սորհրդի թոյլաւութիւնը նրանք 1889 թ. գեկտեմբերի 30-ին կազմում են ընդհանուր ժողով Գաբրիէլ քահանայ թուեկեանի նախագահութեամբ: Ընտրվում է Վարչութիւն հետևեալ կազմով. Աղէքսանդր Թորոսեան (նախագահ, անընդհատ վարել է այդ պաշտօնը մինչև ճիւղի փակուելը, 1899 թ.), Յովհաննէս Հալաջեան (փոխնախագահ), Յարութիւն Թորոսեան (փոխ-անդամ, գանձապահ), Բողոքասար Կուսիկեան, Յովակիմ Գասպարեան, Յովհաննէս Գէորգեան (անդամներ) գործավար՝ Յարութիւն Տէր-Մկրտչեան:

Այսպիսով գոյութիւն է ստանում Բարեգործական Ընկերութեան ամենակարևոր ճիւղերից մէկը Հիւսիսային Կովկասի հայաբնակ մեծ գիւղում, որի ազգաբնակիւթիւնը, ինչպէս յայտնի է, բաղկացած էր չէրքէզահայերից, այսինքն այն հայերից, որոնք հին ժամանակներից գաղթականութիւն էին հաստատել Կովկասեան լեռներում, չէրքէզիներէրկրում և կորցրել էին իրանց մայրենի լեզուն, պահպանելով միայն կրօնը և սպա, XIX դարի առաջին կէսում, կովկասեան պատերազմների ժամանակ, գաղթել էին Կուբանի տափարակները, ուր հիմնել էին Արմաւիր գիւղը:

Հետաքրքրական հանգամանք է որ տեղական իշխանութիւնը շարունակեց չը ճանաչել Վարչութիւնը և այն ժամանակ, երբ նա սկսեց իր գործունէութիւնը: Այսպէս, երբ Սորհուրդը ուղարկեց Վարչութեան կնիք, մատեաններ,

տեղական պոստը չը տուեց այդ ծրարը, որովհետև նա չէր ճանաչում այդպիսի մի հիմնարկութեան գոյութիւնը, իսկ ոստիկանատունը չէր վաւերացնում պօստային ծանուցազիրը դարձեալ նոյն պատճառով: Հարկաւոր եղաւ որ Խորհուրդը խնդրէ յանձնել իր ուղարկած ծրարը Վարչութեան անդամներից մէկին յականէ յանուանէ: Սակայն տեղական իշխանութիւնը միաժամանակ չէր էլ արգելում Վարչութեան գործունէութիւնը: Վարչութիւնը յայտնել էր իշխանութեան ճիւղի բացումը, ինչպէս պահանջում էր կանոնադրութիւնը, և սկսեց անարգել գործել:

1899 թ. ապրիլի 3-ին Վարչութիւնը գումարեց Ընկերութեան անդամների ժողով, որին հրաւիրուած էին և տեղական հասարակութեան անդամները: Ժողովի նպատակն էր ծանօթացնել հասարակութեան թէ ինչ է ընկերութիւնը և շատացնել անդամների թիւը: Կարգացուեց և բացատրուեց ընկերութեան կանոնադրութիւնը. ժողովի նախագահ Ալէքսանդր Թորոսեան, ինչպէս գրում էր Վարչութիւնը, «ատենաբանեց և պ. Բաղդասար Կուսիկեանց ճառախօսեց»: Ժողովը, շարունակում է Վարչութիւնը, «փառաւոր հետեանք ունեցաւ. մշտական անդամ ստորագրուեցին քսան և հինգ անձինք, որոնցից պ. պ. Ալէքսանդր և Մարկոս Թորոսեանները ի բաց առեալ անդամակցական վճարը, հարիւրական ըուբլի էլ նուէր տուին: Մշտական անդամների ստորագրութեան գումարը հասաւ եօթն հազար ինն հարիւր ըուբլու: Տարեկան անդամներին առաջարկուեց միանուագ նուէր տալ՝ դրամագլուխ կազմելու համար. անդամակցական վճարների և միանուագ նուէրների ստորագրութիւնը հասաւ հազար երկու ըուբլու»:

Սակայն, երբ սկսեցին հաւաքել ստորագրուած գումարները, ծագեց մի մեծ դժուարութիւն: Ստորագրողները ուսումնասիրել էին կանոնադրութիւնը: Եւ նրա 49 յօդուածը, որով Տեղական Վարչութիւնները պարտաւորվում էին իրանց բոլոր յատուկ, անձեռնմխելի գումարներն ուղարկել Խոր-

հրդին, շատերին յետ է կասեցնել տալիս: Նրանք փող տալիս էին Արմաւիրի տեղական պէտքերի համար և յանկարծ գուրս էր գալիս որ նրանց կազմած դրամադրուելը պիտի պահուի Սորհրդի գանձարանում<sup>1)</sup>: «Եւ իրաւի,— գրում էր Վարչութիւնը— ո՞ր հայ հասարակութիւնը առաւել բազմագլմի, անյետաձգելի բարոյական կարիքներ ունի, քան Արմաւիրի մի բուն հայ գաղթականութիւնը, որը ազգութեան գլխաւոր ֆակտորից՝ մայրենի լեզուի գիտութիւնից գուրկ է և որ իր մատաղերամ սերունդը հայ ոգւով դաստիարակելու համար մի միակ յուսալի նեցուկը Տեղական Վարչութեանս գոյութեան մէջ է գտնելու»:

Սակայն արմաւիրցիների այս արամադրութեան մէջ շատ շուտով առաջանում է յեղաշրջում: Մայիսի 27-ի նիստում Վարչութեան նախագահ Ա. Թորոսեանը յայտնում է թէ «ընկերութեան ստորագրուող անդամները և նուէր առուողները վերջնականապէս եկել են այն եղբակացութեան, որ ընդհանուր հիմունքների վրայ պէտք է միանալ Կովկասի Հայոց Բարեգործական Ընկերութեան հետ» և Վարչութիւնը միաձայն որոշեց «որ փողը անմիջապէս ուղարկուի ի սնօրէնութիւն Սորհրդի՝ ըստ ընդհանուր արամադրութեան կանոնադրութեան»: Եւ անմիջապէս ուղարկում է Սորհրդին մշտական անդամների վճարներից գոյացած 8000 ըուբլի:

Այնուհետեւ էլ, հետեւեալ տարիներում, Արմաւիրը տալիս է մշտական անդամներ, որոնց վճարները դարձեալ ուղարկվում են Թիֆլիսի կենտրոնին: Առ 1 յունվարի 1899 թ. Արմաւիրի մշտական անդամների թիւը հասնում էր 32-ի:

Եւ Արմաւիրի Տեղական Վարչութիւնը կարիք էլ չուներ իր այդ յատուկ գումարի տոկոսներն ստանալու: Ամեն տարի նա կազմում էր հարուստ բիւջէ, որից գեռ խոշոր

<sup>1)</sup> Պէտք է ստել որ 49 յօդ. բար գալթակութեան է եղել բոլոր Տեղական Վարչութիւններէ համար:

մնացորդներ էլ էին մնում: Անդամների սովորական թիւն էր 120—170. մուտքի գումարը սովորաբար 3, 4 կամ նոյն խսկ 5 հազար էր: Եւ այդպիսի մի եկամուտ տեղումը ծախսելու երկու գլխաւոր աղբիւր կար՝ դպրոց և տառապետներ: Գպրոցական նպաստների մէջ խոշորագոյնը մենք տեսնում ենք 1894 թ. հաշուի մէջ, ուր ցոյց է տուած իբրև ծախս 5000 ռուբլի դպրոցի շինութիւն կառուցանելու համար, մի գործ, որի մանրամասնութիւնները մեզ յայտնի չեն: Շուտով հայոց դպրոցները փակվում են և Տեղական Վարչութիւնը իր առջև ունենում է համարեա միայն ուսանողներին և տառապետներին օգնելու գործը: Այսպէս, 1898-ի նախահաշուի մէջ նշանակուած է. «ուսումնարաններին ա) թոշակաւոր 1200 ռ., բ) միանուագ՝ 500 ռ.»: Իսկ տառապետներին յատկացրած ենք տեսնում 300—500 ռուբլի:

1897 թուին տեղային ռուսաց բարեգործական մի հաստատութիւն խնդրում է Վարչութեան օգնել նրա հիմնած գրադարանին: Ընդհանուր ժողովը որոշում է «ա) Ռուսաց Ընկերութեան նորարաց գրադարանում ունենալ հայոց գրքերի առանձին բաժին, որի համար և յատկացնել միանուագ 400 ռ., բ) մասնակցել նոյն գրադարանի տարեկան ընդհանուր ծախքերին, նշանակելով իւրաքանչիւր տարի 150 ռ., որից 50 ռ. գործադրել հայ պարբերական հրատարակութիւնների համար, գ) Հայոց Բարեգործական Ընկերութեան կողմից նշանակել մարդիկ, որոնց պարտականութիւնը լինի գրադարանի հայոց բաժնի համար ընտրել գրքեր և պարբերական հրատարակութիւններ և հսկել այդ գրքերի, հրատարակութիւնների թէ գործադրութեան և թէ պահպանութեան վրայ մինչև Հայոց Բարեգ. Ընկ. տեղական ճիւղի ապագայ գրադարանի բացումը, ուր փոխադրել անմիջապէս Ռուսաց գրադարանից հայոց գրքերի բաժինը»:

Եւ իբրև, սեփական գրադարան հիմնելու որոշումը կայացնում է Տեղական Վարչութիւնը 1897-ին, այդ նպա-

տակով յետ դնելով իր գումարներից 750 ըուբլի:—Բայց գրադարան չէ բացվում:

Գալով ժողովրդական աղէտներին, Արմաւիրի Տեղական Վարչութիւնը 1892-ի խօլերայի ժամանակ հեռազրով 1000 ըուբլու արտակարգ ծախսի թոյլատուութիւն է խընդրում սանիտարական մասնախմբեր կազմելու համար:—Բայց ծախսում է միայն 386 ըուբլի:—1894-ի սովի ժամանակ Վարչութիւնը հանգանակութիւն է անում և ուղարկում է Կաթողիկոսին: Իսկ թիւրքահայ զաղթականներին օգնելու համար Վարչութիւնը, ինչպէս տեսանք իր տեղում, ուղարկեց Սորհրդին 1000 ըուբլի:

### XIII

## Ա Խ Ա Լ Ք Ա Լ Ա Ք

(1890 — 1898)

Այս ճիւղը բացուել է 1890 թ. յունվարի 21-ին համաձայն խնդրագրի 28 անձանց, որոնք ղիմել էին Սորհրդին: Առաջին ընդհանուր ժողովը, նախագահութեամբ Սորէն աւագ քահանայ Բարսեղեանցի, ընտրեց Վարչութիւն այսպիսի կազմով: Աբրահամ Երիցփոխեան (նախագահ), Զարմայր Առվանեան, Արշակ Գրիգորեան, Յարութիւն Յարութիւնեան և Զալալ Տէր-Գրիգորեան (գործաւար, ապա փոխ-նախագահ և յետոյ նախագահ, կարճ ընդհատումով, մինչև ճիւղի փակումը):

Գործադիր անդամների թիւը տարեկան 23--60: Նախահաշիւ միջին թուով տարեկան 400 ը.:—Գործադրութիւն. նպաստներ զպրոցներին, աշակերտներին, տառապեալներին, մասնաւորապէս աղքատ հիւանդներին:—

Տարեկան մի փոքրիկ գումար էլ (30—50 ըուբլի)

ծախսվում էր ժողովրդական էփանագին գրքոյկներ գնելու և ձրի տարածելու համար:

Տարիների ընթացքում իր սովորական մուտքից գումարներ յետ դնելով, Տեղական Վարչութիւնը կազմեց մի յատուկ գումար Ախալքալաքում մանարան-գործարան արհեստանոց բաց անելու համար: 1898-ի նախահաշուով այդ հիմնարկութեան համար յետ դրած գումարը 1628 ռ. 72 կոպէկ էր: Վարչութիւնը պիտի թոյլտուութիւն ստանար և բաց անէր արհեստանոցը:— Բայց նա չը բացուեց:

## XIV

### Թ Ե Լ Ա Ի

(1890 — 1899)

Այս ճիւղի նախաձեռնողներ եղել են թելաւում պետական ծառայութեան մէջ գտնուող Քրիստափոր Թադէոսեան և Մատթէոս Մուրատեան: Խորհրդին խնդիրքով դիմողների թիւն էր 15:

1890 թ. փետրվարի 4-ին տեղական ընդհանուր ժողովի (նախագահ Գէորգ Վալ. քահանայ Տէր-Սարգսեան) ընտրած վարչութիւնը, նախագահ Աբէլքահանայ Սուքիասեան (միշտ վերընտրուելով, մնացել է այդ պաշտօնում մինչև ճիւղի փակուելը), փոխ-նախագահ՝ Միքայէլ Թաթուղեանց, գանձապահ՝ Յովհաննէս Բաղդոյեանց, գործավար՝ Մատթէոս Մուրատեանց և անգամ Արաթմ Տէր-Սարգսեան:

Տարեկան անդամների թիւը, սակաւ բացառութեամբ, 60: Տարեկան մուտք, միջին թուով, 800 ռուբլի:— Բարեգործական նպատակներ, նպաստներ ուսումնարանին, աշակերտներին, տառապեալներին:

երբ 1896 թ. սկզբին փակուեցին հայոց ծխական գալրոցները, թեւաւի օրիորդաց գալրոցի աշակերտուհիներէից շատերը մտան Ս. Նունէի գալրոցը (заведение): Վարչութեան նախագահ Արէլ քահ. Սուքիասեան համաձայնութիւն կայացրեց այդ գալրոցի վարչութեան հետ, որ հայոց լեզուի դասերը աւելացուն մինչև 8 (շաբաթական), այն պայմանով, որ Տեղական Վարչութիւնը նպաստ տայ գալրոցին յատուկ այդ նպատակով տարեկան 150 ըուրլի: Խորհրդի թոյլտուութեամբ այդ նպաստը տրուեց:—

Թեւաւի Տեղական Վարչութիւնը սկզբի տարիներէից շինեց հայոց ուսումնարանի մէջ թատրոնական դահլիճ և բեմ, որից վարձ էր ստանում տարեկան 140—150 ըուրլի:—

1892-ի խօլերայի ժամանակ Վարչութիւնը, ստանալով Խորհրդից 200 ը., բաց արաւ յատուկ խօլերային հիւանդանոց 10 մահճակալներով:—

1898-ի նախահաշուի մէջ մտցրուեց 750 ըուրլի՝ թեւաւում արհեստանոց բաց անելու համար: Բայց այդ միաքը չիրագործուեց:—

## XV

# Ա Լ Է Ք Ս Ա Ն Դ Ր Օ Պ Օ Լ

(1890 — 1899)

Տեղական Վարչութիւն Ալէքսանդրօպօլում իսկապէս բացուել է դեռ 1884 թ. մարտի 15-ին Կարապետ Զալալեանի ջանքերով: Այդ թուի ընդհանուր ժողովը նոյն իսկ ընտրել էր Վարչութեան անդամներ: Սակայն այդ Վարչութիւնը, ոչինչ գործ չունենալով, ինքն իրան լրափափուեց իր:

1890 թուականին Ալէքսանդրօպօլի յաջորդ Գարեգին

վարդապետ Սաթուռեան, տեսնելով որ այդ ընդարձակ փիճակը չունի Բարեգործական Ընկերութեան ճիւղ, ժողովներ է անում, բացատրում է ճիւղ բաց անելու անհրաժեշտութիւնը և ուղարկում է Խորհրդին 71 անձանց ստորագրութեամբ մի թուղթ, որով խնդրում են Տեղական Վարչութիւն կազմելու թոյլտուութիւն: — Առաջին ընդհանուր ժողովը գումարուեց 1890 թ. օգոստոսի 19-ին, իսկ նրա ընտրած Վարչութիւնն այսպէս կազմեց իր գիււանը. նախագահ՝ Յարութիւն Զիթոցեան, փոխ-նախագահ՝ Յարութիւն Յարութիւնեան, գանձապահ՝ Յովհաննէս Յակոբեան և գործավար՝ Մեսրոպ քահանայ Գեօնջեան: Վարչութիւնը գործունէութիւն սկսում է տարուայ վերջից:—

Անդամների թիւը 39 — 90: Տարեկան եկամուտ 300—800 բուրլի: Ծախքի սովորական աղբիւրներն էին չքաւոր աշակերտներ և սովորական տառապեալներ:

Առաջին տարուց Ալէքսանդրօպօլի Վարչութիւնը իր ուշադրութիւնը կենտրոնացնում է գրագարան-ընթերցարանի վրայ: Այդ հիմնարկութեան անհրաժեշտութիւնը այնքան զգալի էր քաղաքում, որ տեղական ընդհանուր ժողովները յաճախ յանձնարարում էին Վարչութեան շտապեցնել գործը: Վարչութեան խնդրանքով Խորհուրդը դեռ 1892-ին դիմեց Երևանի նահանգապետին թոյլտուութիւն ստանալու համար: Սակայն այդ թոյլտուութիւնը չը ստացուեց: Գրագարանի համար Վարչութիւնը տարիների ընթացքում յետ էր գրել իր եկամուտներից մօտ 800 բուրլի, մշակել էր կանոններ, նոյն իսկ կազմել էր ձեռք բերելիք ուսուերէն և հայերէն գրքերի ցուցակը:

1897 և 1898 թուականների նախահաշիւների մէջ մենք այլ ևս չենք տեսնում գրագարանական գումար: Գրագարանի փոխարէն Վարչութիւնը ծրագրում է բաց անել արհեստանոց և յատկացնում է այդ նպատակին մինչև 700 բուրլի: Բայց այս ձեռնարկութիւնն էլ չէ յաջողվում:



Ալէքսանդրօպօլի Տեղական Վարչութեան ամենաեւանդոս գործունէութեան շրջանը 1894-ի սոփն է:

Թէ ինչ չափեր էր ստացել ժողովրդական այդ աղէտը Ալէքսանդրօպօլի շրջանում, երևում է Տեղական Վարչութեան գրութիւնից, որ ուզողւած է Սորհրդին 1894 թ. ապրիլի 6-ին: Նա յայտնում էր թէ կարօտեալները գրութիւնն ուսումնասիրելու համար, ինքը կազմել է մի առանձին մասնաժողով, որ շրջել է գիւղերը և անձամբ տեղեկացել կարօտութեան չափերին:

«Շիրակի, հացի այդ շտեմարանի բնակիչները, — գրում էր Վարչութիւնը, — ծայրայեղ թշուառութեան մէջ են: Գիւղացիները  $\frac{2}{3}$  մասը միջին թուով 100 բուբուլ չափ պարաք ունի ամենածանր տոկոսներով,  $\frac{1}{3}$  մասից աւելին ոչ մի անասուն չունի: Շատ գիւղացիք ցրուած են զանազան կողմեր մուրացկանութեան, երիտասարդները, չնայելով գարնան վրայ հասնելուն, գուրս են եկել հեռաւոր քաղաքներ պանդխտութեան»:

Աղէտի դէմ հնար եղածին չափ մաքառելու համար միջոցներ որոնելով Վարչութիւնը Տեղական Ընդհանուր Ժողովի հետ որոշում է Սորհրդից 1000 բուբուլ փոխառութիւն խնդրել, գրադարանական 500 բուբուլ գումարը փոխարինաբար ծախսել և խնդրել որ սովեալներին յատկացրած նպաստների մի մասն էլ Ալէքսանդրօպօլ ուղարկուի:

1000 բուբուլ փոխառութիւնը չէ յաջողում: Բայց Վարչութիւնը բաւականաչափ նպաստներ է ստանում ծրագրած օգնութիւնը իրականացնելու համար: Ալէքսանդրօպօլում հանգանակվում է 488 ռ., ստացվում է քաղաքից 300 բուբուլի մի գումար, որ հաւաքուած էր խօլերայի ժամանակ: Սորհուրդը 1400 բուբուլ է ուղարկում, Սըրիմեան կաթողիկոսը 500 ռ., «Մշակի» խմբագրութիւնը՝ 768 բուբուլ:— Ստացվում են և ուրիշ տեղերից նուէրներ:—

Օգնութեան գործը կազմակերպվում է այսպէս: Քա-

ղաքի սոված ազգաբնակութեան համար բացվում է ձրի ճաշարան, իսկ գիւղական ազգաբնակութեանը բաժանվում է ցորեն և գարի, թէ իբրև սերմացու և թէ իբրև ուտելիք:

Բաղաքի ձրի ճաշարանը բացվում է յունվարի 24-ին և փակվում է ապրիլի 24-ին: Երեք ամսուայ ընթացքում նա ծախսում է 1642 րուբլի և կերակուր է մատակարարում օրական մօտ 260 ընտանիքի: Սերմացու և ուտելիք հացահատիկներ բաժանվում են երկու մասնախմբերի ձեռքով: Սերմացու ստանում են 39 գիւղ, բաղկացած 533 ընտանիքից, ընդամենը 1422 պուղ 20 ֆունտ ցորեն և 1096 պ. գարի: Իսկ ուտելիք ստանում են քաղաքում 112 ընտանիք (525 հոգի) և 10 գիւղ (86 ընտանիք) գարի՝ 297 պ. 20 ֆ., ալիւր՝ 25 պ. և ցորեն — ալիւր 286 պուղ: —

Սերմացու գիւղացիներին բաժանուած էր փոխարինաբար, յետ ստանալու պայմանով, որովհետև Վարչութիւնը մտադիր էր Շիրակում հիմնել կենտրոնական շտեմարան: Բայց յետ ստացուածը ծախվում է և փողը մանոււում է Վարչութեան նախահաշուի մէջ:

## XVI

Յ Խ Ի Ն Վ Ա Լ

(1890 — 1899)

Գօրու գաւառի այս փրախօս հայ գիւղում Ընկերութեան ճիւղ բաց անելու մասին 1890 թուի յունիսին խընդիր են ուղարկում Խորհրդին 19 հոգի: — Առաջին վարչութիւնն ունէր հետեւեալ կազմը, նախագահ և զանձապահ՝ Ալէքսանդր Զաւրեան, փոխ-նախագահ՝ Սաշինօ Մուրադեան, գործավար՝ Յովհաննէս Շահպարոնեան:

Առաջին տարին ճիւղն ունենում է 36 անդամ, այնուհետև երկու տարի՝ 22 անդամ և վերջապէս անդամները թիւը իջնում է 15-ի: Տարեկան եկամուտը 100—200 ռ. (մի տարի 600 ռուբլուց աւել):

Ինքն ըստ ինքեան հասկանալի է, որ այդպիսի մի միջավայրում Վարչութեան հոգսը պիտի լինէր տեղական հայոց ծխական դպրոցը: Վարչութիւնը իր գրութիւններէից մէկում յայտնում էր Խորհրդին թէ որքան ծանր է գործել Յիսինվալի պէս մի շրջանում, ուր հայերը «բացի անունից կորցրել են այն ամենը, ինչ որ յատուկ է ազգութեան, այսինքն լեզուն, սովորութիւնները»:

Այնուամենայնիւ, այս աննպաստ պայմաններում էլ Յիսինվալի Վարչութիւնն ունի մի փոքրիկ շրջան, երբ նա ցոյց է տալիս եռանդ և արդիւնաւոր գործունէութիւն: Այդ շրջանը սկսվում է 1893 թուից, երբ Վարչութեան նախագահ է ընտրվում Յովհաննէս Տէր-Ստեփանեանցը: Սա շարունակ միջոցներ էր որոնում Վարչութեան եկամուտները շատացնելու համար: Նոյն թուին Վարչութիւնը կազմակերպում է ժողովրդական զբօսանք վիճակախաղով և ստանում է 237 ռուբլի արգիւնք: Միաժամանակ Վարչութիւնը դիմում է Խորհրդին, խնդրելով նրա աջակցութիւնը որպէս զի կարելի լինի մի յարմար շինութիւն կառուցանել տեղական օրիորդաց ծխական դպրոցի համար, քանի որ այդ դպրոցի գրութիւնը շատ խղճալի է:

Այդ հարցը առաջ է դնում մանաւանդ շնորհիւ այն հանդամանքի, որ թիֆլիսաբնակ այրի Մարիամ Պօպովեանցը, գնալով Յիսինվալ և տեսնելով կարիքը, իր կողմից 2000 ռուբլի է նուիրում յօգուտ դպրոցի շինութեան: Իսկ Զատլ Օհանեանը նուիրում է նոյն նպատակով 540 քառակուսի սաժէն հող: Վարչութիւնը ծրագրում է այդ գեանի վրայ կառուցանել ոչ միայն դպրոց, այլ և եկեղեցի: Ծախս հաշուած էր ընդամենը 5000 ռուբլի: Այդ

գումարից Յիսինվալը կարող էր տալ մօտ 1000 ըուբլի, հեռահարար կարիք կար հաւաքելու դեռ ևս 2000 ըուբլի:

Վարչութիւնը խնդրում է որ կամ Խորհուրդը ինքը փոխարինարար տայ այդ գումարը, կամ, թէ չէ կարող, հանգանակութիւն բաց անէ Թիֆլիսում: Ինքը Վարչութիւնն էլ հանգանակութիւն է սկսում և հաւաքում է 273 ըուբլի: Նա պատրաստում է ռուսերէն ու հայերէն լեզուներով տպագրուած դիմումներ, խնդրելով բարեսէր մարդկանց օգնութեան ձեռք մեկնել ցիւրկալցիներին:

«Մեր ընկերութիւնը—ստուած էր այդ թղթի մէջ—գիմում է ձեր մարդասիրական զգացմունքներին, խոնարհարար խնդրելով, որ մասնակցութիւն յանձն առնէք իրագործելու այն բարձր քրիստոնէական նպատակները, որոնց նա կոչուած է ծառայելու—թեթևակցելու «կրտսեր եղբայրների» վիճակը, որոնք կաշկանդուած են տգիտութեան և աղքատութեան մէջ, և բարձրացնելու նոցա մտաւոր և բարոյական հորիզոնը արժանավայել աստիճանի:

«Կեանքի հետ ծանօթ իւրաքանչիւր մարդ փորձով գիտէ, թէ սրչափ դժուար է այս բարի նպատակի իրագործութիւնը մեր նիւթական դարում. բայց նա հարիւրապատիկ աւելի դժուար է վիրախօս հայերի մէջ, որոնք զրկուած են իրանց «աւազ եղբայրների» բարերար ազդեցութիւնից և խրախոյսից՝ նիւթական, բարոյական և մտաւորական յատաճադիմութեան շաւիղը մտնելու համար»:

Վարչութիւնը խոստանում է ամեն տարի, Զատիկից յետոյ, եկեղեցում կատարել մաղթանք կենդանի նուիրատուների և հոգեհանգիստ՝ մեռածներին համար: Բացի դրանից, 100 ըուբլուց աւել նուէր տուողի անունը պիտի արձանագրուէր մարմարէ տախտակի վրայ, որ եկեղեցու պատի մէջ պիտի դրուէր: Բացի ծրագրուած շինութիւնից Տեղական Վարչութիւնը միտք ունէր նաև արհեստանոց բաց անել գիւղում «պարսպ մնացած և դատարկ շրջող մատաղահաս տղայոց համար» և այդ նպատակով նոյն իսկ ձեռք էր բերել գործիքներ:

Խորհուրդը առաջարկեց Վարչութեան, որ նա սու

այժմ մի կողմ թողնէ թէ ինչ միջոցով պէտք է ձեռք բերել պակասորդ 2000 ը.— փոխառութեան մը արդեօք, թէ հանգանակութեամբ. այլ նախ կազմել տայ մակարդակ և բոլոր ծախսերի նախահաշիւը, որպէս զի կարելի լինի կարգաւորել հարցը:— Բայց 1894-ի վերջերում նախագահ Տէր-Ստեփանեանը ստիպուած է լինում թողնել իր պաշտօնը, և այնուհետև Յիսինյալի ճիւղը մասնավում է մեռելութեան:

Գիւղում չէ ճարվում մի մարդ, որ ընդունակ լինէր վարելու նախագահի պաշտօնը, ուստի Վարչութեան նախագահ ընտրվում է Գօրու յաջորդ Եղիշէ Մուրադեանը. իսկ երբ նա պաշտօնով տեղափոխվում է Կարս, Յիսինյալի ճիւղը սկսում է քայքայուել: Վարչութեան անդամները վրացերէն էին ստորագրում Խորհրդին ուղարկած թղթերը: Այդ անդամներից միայն մէկը, տեղական քահանայ Խախանեանը, գրում էր թղթերը: Նա էլ 1896 թուին յայանեց Խորհրդին, որ ճիւղը փակուելու վտանգի մէջ է և խնդրեց մի ազգեցիկ մարդ ուղարկել Յիսինյալ, որպէս զի կարելի լինի կարգաւորել գործերը և կենդանացնել Տեղական Վարչութիւնը:

Խորհուրդը խնդրում է Թիֆլիսի թեմի թեմական Տեսուչ Մեսրոպ քահ. Մելեանին, որ նա իր այցելութեան ժամանակ, իբրև ընկերութեան անդամ, վերահասու լինի Տեղական Վարչութեան գործերին և միջոցներ ձեռք առնէ ճիւղը փակուելու վտանգից ազատելու համար: Թեմական Տեսուչը կատարում է այդ յանձնարարութիւնը, ընդհանուր ժողով է հրաւիրում, նոր Վարչութիւն է ընտրել տալիս, բացատրում է Բարեգործական Ընկերութեան նշանակութիւնը, կազմում է 1896 թուականի համար նախահաշիւ:

Սակայն այդ թուականից յետոյ Խորհրդի գործերում տեղեկութիւններ չը կան Յիսինյալի մասին. 1898-ին, ինչպէս երևում է Խորհրդի տարեկան տեղեկագրից, Յիսինյալ

վալի ճիւղը դեռ գոյութիւն ունէր, որովհետեւ նա էլ այդ տարին զրուած է Ընկերութեան ճիւղերի ցուցակի մէջ:—

## XVII

Ն Ո Ւ Խ Ի

(1890—1899)

Երբ Կովկասի Հայոց Բար. Ընկերութիւնը հիմնվում էր Թիֆլիսում, Նուխում գոյութիւն ունէր մի ընկերութիւն, որի անունն էր «Ուսումնասիրական Ընկերութիւն Նուխի քաղաքի յանուն սրբոյն Եղիշէի առաքելոյն Աղուանից»: Նա հիմնուել էր 1878-ին և նրա կանոնադրութիւնը հաստատել է, Գէորգ կաթողիկոսը 1880 թուին:

Այդ «Ուսումնասիրական Ընկերութիւնը» 1882-ի յուլիսին զիմում է Խորհրդին և յայտնելով թէ ինքն ունի 25 պատասուսուր, հիմնադիր և մշտական անդամներ և առձեռն գումար 1126 ռուբլի, ցանկութիւնը էր յայտնում միանալու Կովկասի Հայոց Բար. Ընկեր. հետ, կազմել Նուխու ճիւղ «որոշ պայմաններով»:— Խորհուրդը պատասխանում է թէ ինքը ուրիշ պայմաններ չէ ճանաչում բացի իր կանոնադրութիւնից և հրաւիրում էր Նուխու ընկերութեանը բացատրել թէ ինչ են նրա «որոշ պայմանները»: Պատասխան չէ ստացվում և յայտնի չէ թէ ինչ է դառնում «Ուսումնասիրական Ընկերութիւնը»:

1890 թուին Նուխու յաջորդ Վահան վարդապետ Տէր-Գրիգորեանը հաւաքում է նուխեցիներին և 40 հոգու համաձայնութիւն առնելով, ստանում է Խորհրդից Նուխում ճիւղ բաց անելու թոյլտուութիւն: Առաջին ընդհանուր Ժողովը, նոյն Վահան վարդապետի նախագահութեամբ 1890 թ. գեղեմբերի 5-ին ընտրում է Վարչու-

թիւն, որ ստանում է այսպիսի կազմ. նախագահ՝ Գրիգոր Մարգարեան, փոխ-նախագահ՝ Սաշատուր խօջամիրեան, զանձապահ՝ Յովհաննէս Բինխաթեան, գործավար՝ Գալուստ Թումանեան:

Առաջին տարին անդամների թիւն էր 71, յետագայ տարիներում այդ թիւը բարձրացաւ, հասնելով 104-ից—107-ի (1904-ին): Բայց պէտք է նկատել որ բոլոր անդամները նուխում ապրողներից չէին, կէսը օտար քաղաքներում ապրողներից էին: Վարչութեան տարեկան եկամուտը սկզբի երկու տարիներում 350—390 ռ., այնուհետև 800—1200 ռուբլի:

Բացի գալրոցին, աշակերտներին և տառապեալներին օգնելուց, Վարչութիւնը 1893-ից աշխատել է գրագարան-ընթերցարան բաց անել և այդ նպատակով իւրաքանչիւր տարի յետ է գրել մի որոշ գումար: Գրագարանի թոյլատուութիւնը Գանձակի նահանգապետը տուել է նոյն 1893-ի յուլիսին: Եւ 1894-ի յունվարի 23-ին մի համեստ հանդիսով բացվում է այդ կրթական հաստատութիւնը:

Այնուհետև Տեղական Վարչութիւնը իր միջոցների մեծագոյն մասը ծախսում է գրագարան-ընթերցարանի վրայ: Թէև որոշում է բանալ և ապաստանարան և այդ նպատակով մտցնում էր իր նախահաշիւների մէջ մօտ 800 ռ., բայց այս մտադրութիւնը մնում է առանց իրագործման:

Թիւրքահայ գաղթականները նուխի էլ են հասնում և նրանց օգնելու համար Վարչութիւնը Սորհրդից ստանում է 400 ռուբլի նպաստ:

Առ 1 յունվարի 1899 թ. նուխու գրագարանն ունէր 972 հատ հայերէն և 590 հատ Ռուսերէն գրքեր, ընդհանուր արժողութեամբ 2321 ռուբլի: 1898-ին Ընթերցարանն ստանում էր 20 հատ պարբերական հրատարակութիւններ: Գրագարան-ընթերցարանի տուած եկամուտը նոյն թուին 65 ռուբլի. ծախս Վարչութեան միջոցներից՝ 804 ռուբլի:

## XVIII

# Ա Ր Դ Ա Յ Ա Ն

(1891—1894)

Այս ճիւղը բացուել է Արզահանի երիտասարդութեան նախաձեռնութեամբ 1890 թ. դեկտեմբերի 8-ին Վարչութեան նախագահն էր Մկրտիչ Տէր-Սիմէօնեան, անդամներ՝ Յակոբ Ալօեան, Բաղդասար Սիրունեան, գործավար՝ Վ. Տէր-Անտօնեան:

1891-ին անդամների թիւն էր 30, 1892-ին՝ 33: Տարեկան եկամուտ 250—380 ըուբլի: 1892-ին Վարչութիւնն ստացաւ Պորհրդից 200 ըուբլի՝ խօլերայի դէմ մաքառելու համար: Իւր միջոցներով նա օգնում էր տեղական դպրոցին և տառապեալներին:

1894-ին Վարչութիւնը դադարեցրեց իր գործունէութիւնը՝ անդամների պակասութեան պատճառով: Իսկ երբ 1895-ին Պորհրդի ջանքերով և յորդորներով ճիւղը վերըսկըսեց իր գործունէութիւնը և նոր Վարչութիւն ընտրուեց, Կարսի զինուորական նահանգապետը արգելեց նրան գործել, պատասխանելով Պորհրդի դիմումին, թէ ընկերութիւնը, համաձայն 1891-ի Բարձրագոյն հրամանի, այլ ևս իրաւունք չունի ճիւղեր բանալ:



# XIX

## Բ Ա Լ Ա Խ Ա Ն Ի

(1898)

1890 թ. վերջում Բալխանում Գաբրիէլ Պապեանի նախաձեռնութեամբ կազմվում է մի խումբ՝ Տեղական Վարչութիւն բաց անելու համար:

1891 թ. փետրվարի 5-ին ընդհանուր ժողով է գումարվում և նրա ընտրած Վարչութիւնը կազմակերպվում է այսպէս, նախագահ՝ Մուշեղ Մամիկոնեան, փոխ-նախագահ՝ Դաւիթ Յարութիւնեան, գանձապահ՝ Արսէն Կրասիլնիկեան, գործավար՝ Սարգիս Տէր-Զաքարեան և անդամ՝ Տէր-Մարգարեան:

Սակայն Բագուի գաւառապետը յայտարարում է, որ ինքը չի թոյլ տայ Վարչութեան գործել՝ առանց Նահանգապետի թոյլտուութեան: Բանակցութիւնները գաւառապետի հետ ոչ մի արդիւնք չեն տալիս: Վարչութիւնը դիմում է նահանգապետին, բայց նա, ինչպէս յայտնել էր գաւառապետը, դիմել էր Կովկասի Կառավարչապետին՝ հարցնելով թէ կարելի՞ է թոյլ տալ Վարչութեան գործունէութիւնը: Խորհուրդն էլ երկար ժամանակ առանց պատասխանի է թողնում Վարչութեան դիմումները:

Իսկ Վարչութիւնը, հաւաքելով 168 անդամների վճարը, անգործութեան է մատնվում: 1891 թուի յունվարից յետոյ Ընկերութիւնն այլ ևս իրաւունք չունէր ճիւղեր բաց անելու: Եւ Խորհուրդը այնուհետեւ աշխատում է ստանալ Բալխանու ճիւղի անդամավճարները՝ գոյացած գումարը: Այդ գումարը 840 ըուբլի, նա ստանում է 1894-ին գանձապահ Ա. Կրասիլնիկեանից:

XX

Գ Ա Ն Չ Ա Կ

( 1891 )

Գանձակի հայուհիները, թուով 16 հոգի, 1889 թ. գեկտեմբերին խնդիրք են ուղարկում Սորհրդին որ թոյլ տայ ճիւղ բաց անել Գանձակում: Եւ ահա ինչ է պատասխանում Սորհուրդը:

«Շնորհակալ խոստովանելով իրան Մեծարուհի Տիկնայցոյ՝ որ Ընկերութեանս բարի գործը հայութեան մէջ ծաւալելու օժանդակ էք կամենում հանդիսանալ բարի նախանձաւորութեամբ, Սորհուրդը, սակայն նկատելով որ ստորագրուածների թուում ոչ մի այլ մարդ չը կայ, կասկածամտեցաւ թէ մի՞ գուցէ Մեծարուհի Տիկնայցոյ անխառն, այն է միայն և միայն կանանց շրջանակի մէջ էք ուզում ամփոփել ցանկացեալ Տեղ. Վարչութիւնը, իբր սկզբունք դրած լինելով՝ չընդունել արանց մասնակցութիւնը: Սորհուրդը, նախ քան խնդրեալ թոյլտուութիւնն անելը, կը ցանկար ստուգիւ տեղեկանալ Ձեր դիտաւորութիւնը»:

Գանձակի հայուհիները այս հարցման չեն պատասխանում: Ուղիղ մի տարուց յետոյ Գանձակում ճիւղ հիմնելու ջանքեր անում է այստեղի յաջորդ Գրիգորիս եպիսկոպոս Աղուանեանը: Երկու կիրակի նա բարոզներ է խօսում եկեղեցիներում, բացատրում է Ընկերութեան նպատակը և ապա ժողով գումարելով, 77 անդամներ է գտնում Ընկերութեան համար: Ընդհանուր ժողովը մարտի 10-ին ընտրում է Վարչութեան անդամներ: Սակայն Սորհուրդը բեկանում է այդ ընտրութիւնները՝ կանոնադրութեան § 45-ը պահպանուած չը լինելու պատճառով: Նոր ընտրութիւններ են կատարվում, գործը ուշանում է: Եւ ահա 1891 թ. յունիսի հրամանը վրայ է հասնում, որով ընկերութիւնն այլ ևս նոր ճիւղեր բացանելու իրաւունք չունէր:

## XXI

### ԹԷՄԻՐ - ԽԱՆ - ՇՈՒՐԱ

Նոյն պատճառով չէ կարողանում գործունէութիւն սկսել և Թէմիր - Խան - Շուրայի ճիւղը, որը բացուել էր 1891-ին զինւորական ինժիներ Եփրեմ Աւարեանցի ջանքերով և որ արդէն ունէր ընտրուած Վարչութիւն:

Ընկերութեան առաջին շրջանում մեծ Ղարաբլիսան, Մոզզոկը և Եկատերինոզարը թոյլաւութիւն են ստացել Խորհրդից՝ Տեղական Վարչութիւններ հիմնելու համար, բայց չեն իրագործել այդ թոյլաւութիւնը:

# ՁԵՆՆԵ ԵՐԿՐՈՐԴ

*Կանոնադրուածիւն*

*1899—1908 թուականի.*

## ՎԵՐԱԿԱԶՄՈՒԹԻՒՆ

ա. ՆՈՐ ԿՍՆՈՆՍԴՐՈՒԹԻՒՆԸ

1889 թ. մարտի 11-ին Թիֆլիսի ոստիկանապետը գրութեամբ յայտնում է Սորհրդին թէ Կովկասի կառավարչապետ իշխան Գօլիցինը ներքին գործերի մինիստրի համաձայնութեամբ կազմել է Ընկերութեան համար նոր կանոնադրութեան ծրագիր: Ուղարկելով այդ ծրագիրը՝ Սորհրդին, ոստիկանապետը առաջարկում էր «Գումարել ընդհանուր ժողով մինչև մի ամիս պատասխանելու՝ կամենո՞ւմ է արդեօք ընկերութիւնը ընդունել առաջարկուած ծրագիրը և նրանով շարունակել իր գործունէութիւնը, իսկ եթէ չէ կամենում ընդունել, այն դէպքում, դադարելով այլապէս գոյութիւն ունենալուց, ի՞նչ նպատակի է յատկացնում Ընկերութիւնը իր գումարը և գոյքը» <sup>1)</sup>:

Ընկերութեան անդամներին նոր կանոնադրութեան հետ ծանօթացնելու համար Սորհուրդը, նախ քան ընդհանուր ժողով հրաւիրելը, տպագրել է տալիս իրան ուղարկուած ծրագիրը և բաժանում է անդամներին:

Ահա այդ կանոնադրութեան էական կէտերը:

Թիֆլիսում գոյութիւն ունեցող «Հայոց Բարեգործական Ընկերութիւնը Կովկասում» վերակազմվում է, դառնալով «Թիֆլիսի Հայոց Բարեգործական Ընկերութիւն» հետևեալ հիմունքների վրայ:

I. ԸնկերՐՈՒԹԵԱՆ ՆՊՍՏԱԿԸ: Թիֆլիսի Հայոց Բարեգործական Ընկերութեան նպատակն է հայթայթել միջոցներ՝ բարեկեանելու համար հայ-լուսաւորչական դաւանութեան պատկանող եր-

<sup>1)</sup> Արձ. № 4:

կու սեռի անձանց նիւթական գրութիւնը՝ բացառապէս Թիֆլիսում, առանց խորութեան հասակի և զիրքի:

Գոյութիւն ունեցող ճիւղերը կարող են շարունակել իրանց գործունէութիւնը միայն իբրև անկախ տեղական հայոց Բարեգործական Ընկերութիւններ, երբ ամեն մէկի համար առանձին կանոնադրութիւն կը հաստատուի՝ ներկայ կանոնադրութեան հիմունքներէ վրայ:

Ընկերութիւնը կարող է օգնել.

ա) Տալով հագուստ, կերակուր և ապաստարան չքաւորներին, եթէ սրանք չեն կարողանում ձեռք բերել այդ բաները իրանց սեփական աշխատանքով. կարելի է նոյնպէս զբամական նպաստներ տալ, բայց ծայրայեղ դէպքերում:

բ) Աջակցելով որ կարօտեալները պարապմունքներ և ծառայութեան տեղ դաննն, որ նրանք ձեռք բերեն աշխատանքի համար նիւթեր ու գործիքներ և շահաւէտ կերպով վաճառունն աղքատ աշխատաւորների պատրաստած իրերը:

գ) Հասցնելով աղքատ հիւանդներին բժշկական օգնութիւն՝ տանը՝ բժշկի հսկողութեամբ, կամ տեղաւորելով այդպիսի հիւանդներին, ընկերութեան միջոցներով, հիւանդանոցներում, նոյնպէս և օժանդակելով մեռածների թաղմանը:

դ) Տեղաւորելով զառամեալներին և անկարողներին աղքատանոցներէ, ապաստարաններէ մէջ, իսկ անչափահասներին՝ որբանոցներէ մէջ:

ե) Միջոցներ տալով որբերին, չունեւորներէ կամ անյայտ ծնողներէ երեխաներին պահպանելու համար:

զ) Զունեւորներին միջոցներ տալով վերադառնալ հայրենիք:

Այս բոլորը իրագործելու համար, ընկերութեանը, ըստ չափուածման նրա միջոցների, տրվում է իրաւունք բնաւու հասարակական ճաշարաններ, թէյատներ, էժանագին բնակարաններ, գիշերելու տներ, ապաստարաններ, հանրակացարաններ, աշխատանքի տներ, հիւանդանոցներ, ամբուլատորիաներ և այլ այսպիսի հիմնարկութիւններ, բայց ամեն անգամ առանձին թոյլտուութիւն ստանալով պատշաճաւոր իշխանութիւնից:

II. ԸՆԿԵՐՈՒԹԵԱՆ ԿԱԶՄԸ: Ընկերութիւնը կազմվում է անսահմանափակ թուով երկու սեռի անձինքներից, բայց բացառապէս այնպիսիներից, որոնք մշտական բնակութիւն ունին Թիֆլիսում և ռուսահպատակ են: Անդամ չեն կարող լինել. ա) անչափահաս-

ները և դպրոցներում սովորողները և բ) դասատասանական վճիռներով իրաւունքների սահմանափակման ենթարկուածները:

Անդամները երկու տեսակի են. պատուաւոր և գործադիր: Պատուաւոր անդամ կարող են դառնալ այնպիսիները, որոնք ընկերութեանը խոշոր նուիրարեւութիւն են արել (ոչ պակաս քան 500 ռ. միանուագ) կամ որոնք ուրիշ աչքի ընկնող ծառայութիւններ են մատուցել: Գործադիր անդամների տարեկան վճարը որոշում է ընդհանուր ժողովը, բայց 6 բուբուլայ պակաս չը պիտի լինի: Միանուագ 150 բուբուլի տուողը նոյնպէս գործադիր անդամ է համարվում ընդ միշտ: Ընկերութեան այն անդամը, որի գործողութիւնները խախտում են ընկերութեան շահերը, կարող է հեռացուել ընկերութեան կազմից, ընդհանուր ժողովի որոշումներով:

III. ԸՆԿԵՐՈՒԹԵԱՆ ՄԻՋՈՅՆԵՐԸ կազմվում են. ա) անդամակցական վճարներից, բ) ընկերութեան դրամագլխի և կայքերի արդիւնքներից և գ) ընկերութեան անդամների, կողմնակի անձանց և զանազան հիմնարկութիւնների նուէրներից, ինչպէս դրամով, նոյնպէս և իրերով, այլ և կտակներով նշանակուած գումարներից: Նուէրներ և կտակներ ընկերութիւնը կարող է ընդունել բացառապէս այն նպատակների համար, որոնք յիշուած են վերևում:

Ընկերութեան գումարները երկու տեսակ են. անձեռնմխելի և ընթացիկ արամագրելի: Անձեռնմխելի գումարներին ամեն տարի աւելացվում է ընկերութեան. եկամուտների 10<sup>0</sup>/<sub>0</sub>:

IV. ԸՆԿԵՐՈՒԹԵԱՆ ԳՈՐԾԵՐԻ ԿԱՌԱՎԱՐՈՒԹԻՒՆԸ յանձնվում է. ա) Ընկերութեան Վարչութեան և բ) անդամների ընդհանուր ժողովներին:

Հայ-լուսաւորչական հոգևորականութեան ներկայացուցիչները չեն կարող մասնակցել Ընկերութեան Վարչութեան մէջ և ընտրուել ընդհանուր ժողովների նախագահ կամ ընկերութեան հիմնարկութիւնների պաշտօնատար անձ:

ա) Վարչութիւնը բաղկացած է ընդհանուր ժողովից որոշուած թուով (6—12) անձերից, որոնք ընտրվում են նոյն ընդհանուր ժողովի ձեռքով ընկերութեան անդամներից, երեք տարի ժամանակով: Ամեն տարի փոխվում է Վարչութեան կազմի <sup>1</sup>/<sub>3</sub> մասը: Ընտրվում են և 2—4 անձնափոխանորդներ:

Վարչութեան անդամները ընտրում են իրանց միջից նախագահ, փոխ-նախագահ, գանձապահ և քարտուղար: Բոլոր անդամ-

ները ծառայում են ընկերութեան գործին ձրի: Վարչութեան նիստերը օրինական են, երբ ներկայ հողոյների թիւը անդամների կիսից պակաս չէ:

Ամբողջ գործաւարութիւնը, գրազրութիւնները և հաշիւները, պետական վերահսկողութիւնը հեշտացնելու համար, սուսերէն լիզուով են վարվում:

բ) Ընդհանուր ժողովները լինում են սովորական և արտա-կարգ:

Ընդհանուր ժողովների օրուայ, ժամի, տեղի և պարապմունք-ների առարկաների մասին Վարչութիւնը պարտաւոր է ամեն ան-գամ վաղօրօք յայտնել թիֆլիսի նահանգապետին և ընկերութեան անդամներին: Ընդհանուր ժողով կարող է կայանալ միայն այն դէպքում, երբ թայլաւութիւն է ստացուած թիֆլիսի նահանգա-պետից, որ կարող է, կի՛քէ հարկաւոր համարէ, նշանակել մի պաշ-տօնեայ այդ ժողովներում ներկայ լինելու համար:

Սովորական ընդհանուր ժողովները տեղի են ունենում տա-րին ոչ պակաս քան մի անգամ: Արտակարգ ժողովներ հրաւիր-վում են անյետաձգելի հարցեր քննելու համար, կամ Վարչութեան որոշումով ու բարենայեցողութեամբ, կամ ներքին գործերի մի-նիստրի, Կովկասի կառավարչապետի և թիֆլիսի նահանգապետի պահանջով, կամ վերաստուգիչ Յանձնաժողովի առաջարկութեամբ և կամ ընկերութեան անդամների  $\frac{1}{10}$  մասից ոչ պակաս անձանց պարտը յայտարարութեան հիման վրայ:

Ընդհանուր ժողովը բաց է անում Վարչութեան նախագահը և այնուհետև իւրաքանչիւր նիստի համար ընտրվում է նախագահ:

Ընդհանուր ժողովները, ի միջի այլոց քննում են և ընկե-րութեան կամ նրա անդամների դէմ հղած գանգաւանները և այն առաջարկութիւնները, որ յանձնում են նրանց քննութեան նա-հանգապետը և Կովկասի կառավարչապետը կամ ներքին գործերի մինիստրը: Այս գանգաւանները և առաջարկութիւնները քննվում են մօտապայ սովորական կամ արտակարգ ընդհանուր ժողովում և նրա որոշումները անյապաղ հաղորդվում են թիֆլիսի նահան-գապետին, կամ նրա միջոցով, Կովկասի կառավարչապետին և ներքին գործերի մինիստրութեան:

V. ԸՆԴՀԱՆՈՒՐ ԿԱՆՈՒՄՆԵՐ: Ընկերութիւնն ունի կնիք լրացատապէս իր անունով միայն: Ոչ մի դրոշմ, էմբլէմ և նշանակ ընկերութեան կնիքի վրայ չէ թոյլատրվում:



Ընկերութիւնն իրաւունք ունի օրէնքով սահմանած միջոցներով ձեռք բերել և օտարացնել անշարժ կալուածներ, ամեն տեսակ գաշնագիրներ կապել, նոյնպէս և պաշտպանել իր շահերը գատարաններում՝ հաւատարմատարների միջոցով:

Կանոնադրութեան փոփոխութեան կամ լրացման համար ամեն անգամ թոյլտուութիւն է խնդրվում Թիֆլիսի նահանգապետի միջոցով Կովկասի կառավարչապետից:

Մանրամասն տարեկան հաշիւները ընկերութեան գումարներին և գործունէութեան մասին, ընդհանուր ժողովից հաստատուելուց յետոյ, ներկայացվում են՝ երկու օրինակ Թիֆլիսի նահանգապետին, չորս օրինակ նրա միջոցով, Կովկասի կառավարչապետին և ներքին գործերի մինիստրութեան: Նոյն կարգով ներկայացվում են և ընկերութեան տպագրած կանոնադրութիւնից հինգ-հինգ օրինակ Կովկասի կառավարչապետի Վարչութեան և ներքին գործերի մինիստրութեան: Անկախ սրանից, նոյն տեղերը ներկայացվում են, որոշուած ձևով, նաև համառօտ քաղուածքներ ընկերութեան տարեկան հաշիւներէից և ընկերութեան բոլոր անդամներին, Վարչութեան և նրան ենթակայ հիմնարկութիւնների ցուցակները: Այս պահանջի անկատար մնալը երկու տարուայ ընթացքում կարող է հիմք դառնալ ընկերութիւնը փակելու համար: Կովկասի կառավարչապետին իրաւունք է տրվում ամեն ժամանակ, իրան ենթարկուած պաշտօնեաների միջոցով, ընկերութեան գործերին և հիմնարկութիւններին վերաքննութիւն կատարել:

VI. ԸՆԿԵՐՈՒԹԵԱՆ ՓԱԿՈՒՄԸ: Կովկասի կառավարչապետը իրաւունք ունի փակելու ընկերութիւնը միշտ, երբ այս հարկաւոր կը համարուի համաձայն այնպիսի տեղեկութիւնների, որոնք ցոյց կը տան թէ ընկերութեան մէջ տեղի ունին անկարգութիւններ կամ կանոնադրութիւնը խախտուած է:

Եթէ Ընկերութիւնը որ և է պատճառով փակուի, նրան պատկանող ամբողջ գրամագուլտիսը և բոլոր կայքերը անցնում են տեղական քաղաքային ինքնավարութեան, որ գործադրում է այդ միջոցները համաձայն գոյութիւն ունեցող կարգադրութիւնների, իսկ յատուկ գումարները պէտք է յատկացուին այն նպատակներին, որ ցոյց են տուել նուիրատուները:

Ընդհանուր ժողովը, որ պիտի ծանօթանար այս կանոնադրութեան հետ և յայտնէր իր համաձայնութիւնը կամ անհամաձայնութիւնը, կայացաւ 1899 թ. ապրիլի 1-ին,

նախագահութեամբ բժշկապետ Բ. Նաւասարդեանի: Ահա ինչ ենք կարգում այդ նիստի արձանագրութեան մէջ:

Պ. նախագահը ամիսփում է բոլոր վիճարանութիւնները, ապա մի համառօտ պատմական ակնարկ է գցում Ընկերութեան 18 ամեայ գոյութեան և գործունէութեան վրայ. պատմում է թէ ինչ հանդամանքների և պայմանների մէջ ծնունդ առաւ այդ ընկերութիւնը, ինչ փառաւոր գործունէութիւն ունեցաւ և թէ որքան անհրաժեշտ է Կովկասի հայերի համար ունենալ մի բարեգործական հաստատութիւն: Բացատրելով որ կառավարութիւնը կայսրութեան բոլոր Բարեգործական Ընկերութիւնների համար մշակած ունի «նորմալ» կանոնագրութիւն և այժմ այդ նորմալ կանոնագրութիւնն է յարմարեցրել և Հայոց Բարեգործական Ընկերութեան կանոնագրութիւնը, բայց... լայն ասպարէզ է թողնում բարեգործութեան համար, պ. նախագահը կոչում արեց ժողովի զգացմունքներին ընդունել նոր ծրագիրը և թոյլ չը տալ վերագանալ նախկին դրութեան, երբ թիֆլիսում հայերը չունէին ոչ մի բարեգործական հաստատութիւն, ուր գումարուելով մտածէին իրանց չքաւոր եղբայրների օգնութեան համար:

«Ժողովը միաձայն ընդունեց պ. նախագահի առաջարկութիւնը: Այդ հիման վրայ պ. նախագահը յայտարարեց որ կառավարութեան առաջարկած նոր կանոնագրութեան ծրագիրը, որով «Հայոց Բարեգործական Ընկերութիւնը Կովկասում» վերակազմվում է և վերածվում «Թիֆլիսի Հայոց Բարեգործական Ընկերութեան», ընդունվում է միաձայն»:

Նոր կանոնագրութիւնը հաստատուեց ներքին գործերի մինիստր սենատօր Գօրեմիլկինի կողմից նոյն 1899 թուին, ճիշտ այն օրը, երբ հաստատուել էր 1881-ի կանոնագրութիւնը, այն է յուլիսի 6-ին:

բ. ԼԻՔԻՈՒԻԴԱՅԻԱ

Ապրիլի 1-ին Ընդհանուր ժողովից յետոյ Խորհրդի առաջին գործն է լինում հաղորդել ընդունած որոշումը դաւառական ճիւղերի վարչութիւններին: Ապա կազմվում է մանրամասն ցուցակ այն գումարների, որոնք յատուկ

նպատակներով յանձնուած են Խորհրդին և այն գումարներն, որոնք ուղարկուած են ճիւղերից և պահվում են Խորհրդի գանձարանում:

Պարզուեց հետևեալը.

ա. Ծիւղերի գումարներ.

1) Շուշին ունի 2500 ռ., որի  $\frac{0}{100}$   $\frac{0}{100}$  Տեղական վարչութիւնը գործ է դնում իր պէտքերի համար: 2) Կարսը ունի 600 ռ., որի  $\frac{0}{100}$ -ով, ըստ կտակողի կամքի, պէտք է մի որդեգիր պահուի Կարսի ծխական դպրոցում: 3) Ախալցխան ունի ա) 275 ռ. գրադարանական գումար և բ) 1200 ռ., որ 30 տարի բարդ  $\frac{0}{100}$ -ով պէտք է շահեցնել և ապա գործ դնել Ախալցխայում արհեստներ տարածելու: 4) Ալէքսանդրոպոլն ունի. ա) 500 ռ., որի  $\frac{0}{100}$ -ը գործադրվում է տեղական պէտքերի համար, բ) 600 ռ. գրադարանական գումար և գ) 800 ռ. յատկացրած կար ու ձևի դպրոց բաց անելու նպատակին: 5) Նուխին ունի 256 ռ. 51 կոպ. Նուխում աշակերտական սպասարանի հիմնելու համար: 6) Փորին՝ 817 ռ. 92 կոպ., որ յատկացրած է Փորու գաւառում ծխական դպրոց բանալու: —

բ) Խորհրդի յատուկ գումարներ.

1) Ինժիներ Համբարձում Կարապետեանը տուել էր 1000 ռ., որ նրա  $\frac{0}{100}$ -ով չքաւոր աշակերտ պահուի. 2) Գաբրիէլ Սունդուկեանը 1890 թ. դեկտեմբերին յանձնել էր Խորհրդին իր «Ամուսիններ» պիէսի առաջին ներկայացումից դոյացած գուտ արդիւնքը 835 ռուբլի 66 կոպ. այն պայմանով, որ այդ գումարը համարուի յատուկ և անձեռնմխելի պահուի, արուելով շահեցողութեան, որպէսզի յանձնուի Հայոց Դրամատիքական Ընկերութեան, բայց միայն այն ժամանակ, երբ այդ Ընկերութիւնը «մի օրինական յարատուութիւնը ապահովեցնող կազմակերպութիւն կունենայ»: 3) Այբի Մարիամ Պօպովեանի նուէրը 2000 ռ.

Յխինավալի դպրոցի համար<sup>1)</sup>: 4) «Աբովեան-Նազարեան» գրականական ֆոնդ՝ 10000 ռուբլի, որի մասին արդէն մանրամասն խօսել ենք:—

Ի նկատի ունենալով որ նոր կանոնադրութիւնն ընդունելուց յետոյ, Խորհուրդը այլ ևս անկարող պիտի լինի պահել իր մօտ այդ բոլոր գումարները, նախ այն պատճառով, որ ճիւղերը այնուհետև անկախ ընկերութիւններ պիտի նկատուին և երկրորդ՝ որ «կրթական գործին և լուսաւորութեան նպաստելը դուրս է նոր կանոնադրութիւնից» որոշվում է դիմել վերոյիշեալ բոլոր ճիւղերին և անձերին և առաջարկել որ նրանք շտապեն հաղորդել թէ ինչ կարգադրութիւն են անում իրանց գումարների վերաբերեալ:—

Ամենքը, առանց բացառութեան, ցանկութիւն են յայտնում յետ ստանալ իրանց գումարները: Եւ Խորհուրդը, ստանալով յունիսի 13-ի Ընդհանուր ժողովի հաւանութիւնը, վերադարձնում է այդ բոլոր գումարները: Տեղական Վարչութիւններից մէկը հարց է յարուցանում որ վերադարձուեն և այն գումարները, որոնք կազմուել են տարիների ընթացքում իւրաքանչիւր տարուայ եկամուտից հանած 5 %-ից (անձեռնմխելի ֆոնդ): Սակայն յունիսի 13-ի Ընդհանուր ժողովը մերժեց այդ առաջարկը, գտնելով որ այդ ֆոնդը, ըստ կանոնադրութեան, կարելի է ծախսել միայն այն դէպքում, երբ Ընկերութիւնը փակվում է, մինչդեռ այժմ Ընկերութիւնը չէ փակվում, այլ միայն կերպարանափոխվում է:—

Նկատենք այստեղ, որ Խորհուրդը, բացի վերոյիշեալ գումարներից, ունէր իր մօտ և Արմաւիրի ճիւղի գումարը, որ, ինչպէս գիտենք, գոյացել էր մշտական անդամների վճարից և հասնում էր 9600-ի: Երևանի ճիւղը ունէր 3661 ռ. 90 կոպ., իսկ Նոր-Բայազէզի ճիւղը՝ 194 ռ. 70

<sup>1)</sup> Տես վերև «Յխինավալ»:—

կողէկ: Նրանք մնացին առանց վերադարձնելու և անցան վերակազմուած Ընկերութեան Վարչութեան:

Նոր Կանոնագրութիւնը փակում էր և Ընկերութեան Գրադարան-Ընթերցարանները: Թիֆլիսի Կենտրոնական գրադարանի հարցը Սորհուրդը զրեց յունիսի 13-ի Ընդհանուր Ժողովի առաջ: Ժողովը որոշեց՝ գրադարանը նուիրել մի որ և է ազգային հիմնարկութեան և լիազօրութիւն տուեց Սորհրդին կարգադրել այդ գործը, ըստ իր բարեհայեցողութեան:— Բայց Սորհուրդը յանձնեց գրադարանը ամբողջութեամբ իրան յաջորդած Վարչութեան:—

Հաստատուած նոր Կանոնագրութիւնը ստացուած էր և սեպտեմբերի 19-ին նշանակուած էր Ընդհանուր Ժողով՝ այդ Կանոնագրութիւնը գործադրութեան մէջ մտցնելու համար:

Սորհրդի սեպտեմբերի 10-ի նիստում կարգացվում է Ընկերութեան 9 գործադիր անդամների գրութիւնը, որով նրանք առաջարկում են Ընկերութեան պատուաւոր անդամ ընտրել Ալէքսանդր Մելիք-Ազարեանին ի վարձատրութիւն նրա երկարամեայ ծառայութեան: Մելիք-Ազարեանը շնորհակալութիւն յայանելով առաջարկութիւն մտցնողներին, ասում է որ ինքը գործել է Ընկերութեան մէջ սկզբից՝ և միշտ Ալէքսանդր Անանեանի հետ:— Այդ պատճառով առաջարկում է Ընդհանուր Ժողովի առաջ գնել նաև Ալէքսանդր Անանեանին պատուաւոր անդամութեան կոչումը տալու ինդիքը: Սորհուրդն ընդունում է այդ առաջարկը, բայց վճռում է հարցը չը հանել սեպտեմբերի 19-ի Ընդհանուր Ժողովի առաջ, որի պարագմունքի առարկան պիտի լինի միայն նոր Վարչութիւն ընտրելը, այլ յանձնել նոր Վարչութեան ի անօրինութիւն:—

Սորհրդի վերջին նիստը տեղի է ունենում սեպտեմբերի 17-ին:

Սեպտեմբերի 19-ի Ընդհանուր Ժողովը բաղկացած էր երկու մասից և ունի երկու արձանագրութիւն—հայե-

րէն և ուսերէն: Հայերէնը վերաբերում է այդ օրը վերջ ստացած Կովկասի Հայոց Բարեգործական Ընկերութեան և շատ համառօտ է. «Նախագահ պ. Բ. Նաւասարդեան, յայտնելով խորին շնորհակալութիւն Ընկերութեան բոլոր գործողներին և յորդորելով ու ցանկութիւն յայտնելով որ այդ գործողները նոյն եռանդով շարունակեն գործել վերակազմուող Թիֆլիսի Հայոց Բարեգործական Ընկերութեան մէջ, յայտնում է որ այսօրուանից Կովկասի Հայոց Բարեգործական Ընկերութեան գործունէութիւնը պէտք է շարունակուի ըստ նոր Կանոնադրութեան իբրև «Թիֆլիսի Հայոց Բարեգործական Ընկերութիւն»:—

Այնուհետև նախագահն առաջարկում է ընտրել ըստ նոր Կանոնադրութեան նախագահ այս ժողովի համար: Ժողովը միաձայն նախագահ է ընտրում հէնց իրան բժ. Նաւասարդեանին:

#### գ. ԱՌԱՋԻՆ ԸՆԴՀԱՆՈՒՐ ԺՈՂՈՎ

Նոր Կանոնադրութեամբ Ընկերութեան անդամներ կարող են լինել միայն նրանք, որոնք մշտական բնակութիւն ունին Թիֆլիսում: Ստուգում և տեսնում են որ բոլոր ներկայ եղողները այդպիսի անդամներ են: Կարգադրում է Թիֆլիսի ոստիկանապետի հաղորդագրութիւնը թէ Ընկերութեան կանոնադրութիւնը հաստատուած է ներքին գործերի մինիստրից:

Ժողովը անդամակցական վճար նշանակում է 6 բուբլի տարեկան: Այլա նախկին Կովկասի Հայոց Բարեգործական Ընկերութեան պատուաւոր անդամ բժ. Նաւասարդեանին և մշտական անդամներին հաստատում է նոյն չկոչումները մէջ: —Վարչութեան կազմը որոշում է լինել 9 հոգուց: Եւ ապա գաղտնի քուէարկութեամբ ընտրում է Վարչութեան անդամներ:

Ընտրուեցին. Յովսէփ Ամիրխանեան, Աբրահամ Երեց-

Վոլիսեան, Մարկոս Գօլուխանեան, Պետրոս Ալիբէգեան,  
 Փիլիպպոս Վարդապարեան, բժ. Արիստակէս Զարգարեան,  
 Իշխանուհի Մարիամ Թումանեան, Սողոմոն Ծուրինեան և  
 Նիկողայոս Աբրահամեան: Փոխ-անդամներ. Ադասի Մելիք-  
 Այվազեան, Ստեփան Մալխասեան և Յովհաննէս Թումա-  
 նեան:

II

Վ Ա Ր Զ Ո Ի Թ Ի Ի Ն

Վարչութիւնը նախագահ ընտրեց Մարկոս Գօլուխա-  
 նեանին, որ յաջորդ տարիներում ևս վերընտրուելով, շա-  
 րունակեց այդ պաշտօնը



մինչև 1904 թիւը: Փոխ-  
 նախագահ ընտրուեց Ա.  
 Երեցփօխեան, գանձապահ՝  
 Փ. Վարդապարեան, քար-  
 տուղար՝ Ամիրխանեան:—

Յաջորդ տարիներում  
 հետևեալ փոփոխութիւն-  
 ները եղան այդ պաշտօն-  
 ների մէջ՝ 1904-ին նախա-  
 գահ ընտրուեց Յովհաննէս  
 Սպենդիարեան, 1905-ին՝  
 Տիգրան Յովհաննիսեան և  
 1906-ին՝ Սամսոն Յարու-  
 թիւնեան: Փոխ-նախագահ  
 1902-ին ընտրուեց Իշխա-  
 նուհի Մ. Թումանեան, որ

Մ. ԳՈԼՈՒԽԱՆԵԱՆ

Վարչութեան նախագահ

մինչև 1906 թ., երբ ընտրուեց Լևոն Սարգսեան. իսկ  
 մնաց այդ պաշտօնում





ժամանակ, երբ փակուեցին հայոց դպրոցները, Թիֆլիսի Հայոց Հրատարակչական Ընկերութիւնը, գրաւուեցին եկեղեցական կալուածները և այլն: —

Բնականաբար, Ընկերութեան առանց այն էլ սահմանափակուած գործունէութիւնը պիտի աւելի ևս նեղուած լինէր: Եւ մենք տեսնում ենք, որ հասարակութեան վերաբերմունքը դէպի Ընկերութիւնը արտայայտուած է



ամենից առաջ գործադիր անդամների թուի մէջ: Ութ տարուայ ընթացքում անդամների թիւը միայն մի անգամ է (1902-ին) հասել 200-ի, այն էլ շնորհիւ այն հանգամանքի, որ Ընդհանուր ժողովը ուշադրութիւն էր դարձրել անդամների թուի նուազութեան վրայ և ընտրել էր մի առանձին յանձնաժողով, որ պիտի միջոցներ ձեռք առնէր այդ թիւը շատացնելու համար:

Տ. ՅՈՎՀԱՆՆԻՍԾԱՆ

Վարչութեան նախագահ

Երկու տարի իրար ետևից, 1903-ին և 1904-ին, Վարչութիւնը իր տարեկան տեղեկագրի մէջ դառնապէս դանդատուած էր հասարակական անտարբերութեան վրայ: Ահա ինչ ենք կարդում 1904-ի տեղեկագրի մէջ. «Վարչութիւնը իր պարտքն է համարում մասնացոյց անել Թիֆլիսի հայ ժողովրդի անտարբերութեան վրայ դէպի Հայոց Բարեգործական Ընկերութեան կարիքները: Ընկերութեան օգնութեան ամեն օր դիմում են բազմաթիւ խնդրատուներ, որոնց ամենաէական պահանջներին բաւարարութիւն տալու համար Վարչու-



ցրեց զբազարանի հարցը, ծախելով նրա ամբողջ շարժական մասը Թիֆլիսի էժանագին Գրագարանին 100 ռուբլով, իսկ հիմնական մասը վճռեց պահել իբրև Ընկերութեան գոյք:— Արմաւիրի փակուած ճիւղը պահանջում էր Վարչութիւնից վերագարձնել 9600 ռուբլի գումարը: Վարչութիւնը գտաւ, որ այդ գումարը կարելի է վերագարձնել միայն այն դէպքում, երբ Արմաւիրում կը բացուի Բարեգործական Ընկերութիւն: Եւ Ընդհանուր ժողովը համաձայնութիւն տուեց այդ որոշման այնպէս, որ գումարը մնաց Վարչութեան ձեռքին: Բայց միևնոյն ժամանակ Վարչութիւնը Երևանի ճիւղի գումարից 1902 թուին ուղարկեց Երևանի քաղաքային Վարչութեան 1360 ռուբ. 13 կոպ. զբազարան բաց անելու համար: Այդպիսի մի վճիռ կայացրել էր Երևանի ճիւղը, բայց, ինչպէս տեսանք, Սորհուրդը չէր ընդունել այդ վճիռը:— Վարչութիւնը այդ գումարը ուղարկեց քաղաքային Վարչութեան այն պայմանով, որ եթէ Երևանում բացուի Հայոց Բարեգործական Ընկերութիւն, զրամբ յանձնուի նրան:

Վարչութեան գործունէութեան մէջ նկատելի կերպով փոփոխութիւն և ինքնավստահութիւն է նկատվում 1905 թուից, երբ Կովկասի բարձր կառավարութեան ձեռք փոխվում է և Փոխարքայ է նշանակվում կոմս Ի. Ի. Վորոնցով-Գաշկովը: Փոխարքայի բարեացակամ վերաբերմունքը դէպի կովկասեան ազգութիւնները հնարաւորութիւն է տալիս, որ Վարչութիւնը սեղմուած չը մնայ իր կանոնադրութեան տառացի տրամադրութիւնները սահմաններում: Այսպէս մենք տեսնում ենք որ հայ-թրքական ընդհարումների ժամանակ Փոխարքայի կառավարութիւնը ինքն է հնարաւորութիւն տալիս Վարչութեան որ սա օգնէ աղէտից վնասուածներին և Թիֆլիսից դուրս <sup>1)</sup> 1906-ին, նախ ընդհանուր ժողովների, ապա և Վարչութեան արձա-

<sup>1)</sup> Տես ներքև, «Հայ-թրքական ընդհարումներ»:

նազբութիւնները սկսում են զրել հայերէն լեզուով: 1905 թուից յետոյ Վարչութիւնը վստահանում է աշխատակցութեան հրաւիրելու՝ ընկերութեան անդամներին, կազմելով զանազան մասնաժողովներ, որոնց մէջ մասնակցում էին և Վարչութեան անդամ չեղող անձինք:

### III

## Ա Ղ Ք Ա Տ Ա Խ Ն Ա Մ Ո Ւ Թ Ի Ի Ն

Վարչութիւնը ամբողջ ժամանակ զբաղուած էր իր կանոնադրութեան որոշած աղքատախնամութեան զանազան ձևերով:—Նրա տարեկան նախահաշիւը զրեթէ միաման պատկերն ունէր: Եկամուտը միջին թուով մինչև 4000 բուբլի: Ելքի մէջ ամենախոշոր գումարներն էին. աղքատներին 2800—3000 բուբ. և դիւանական ծախսեր 1100—1200 բուբլի:

Որպէս զի ցոյց տանք աղքատախնամ գործունէութեան մանրամասնութիւնները, բերում ենք 1903-ի տարեկան հաշուից հետեւեալ տեղեկութիւնները:

Աղքատախնամ նպաստները երկու տեսակի էին — մըշտական և միանուագ: Մշտական էին կոչվում այն նպաստները, որ Վարչութիւնը ամսէ ամիս տալիս էր աղքատներին՝ բնակարան վարձելու համար: Այդպիսի նպաստ 1903-ին ստացել են 96 ընտանիք, միջին թուով իւրաքանչիւրը 2 բ. 36 կոպ. ամսական, ընդամենը 1876 բուբլի:—Այնուհետև դալիս էր մշտական նպաստների երկրորդ տեսակը՝ սնունդի նպաստ: Այս նպաստը Վարչութիւնը առհասարակ առձեռն զբամով չէր տալիս: Նա զնում էր էժանագին ճաշարանի տոմսեր և բաժանում էր իրան զիմող աղքատներին: Բայց լինում էին և այնպիսի դէպքեր, երբ սնունդի նպաստներ տրվում էին առձեռն զբամով:—

1903 թուին այդպիսի նպաստներ ստացել են 20 հոգի: Միջին թուով օրեկան ստացել են  $12\frac{1}{2}$  ճաշ՝ 87 կոպէկի արժողութեամբ: Ընդամենը 317 ռ. 9 կոպ.: Բացի դրանից՝ սննդագրամ տրուել է 130 ռ. 50 կոպէկի:—

Միանուազ նպաստներ ստացել են, 25 հոգի՝ սնունդի և այլ կարիքների համար 52 ռ. 30 կոպ., 20 հոգի՝ հայրենիք վերադառնալու համար՝ 111 ռ. 79 կոպ., 19 հոգի՝ զգեստի և ոտնամանների համար՝ 46 ռ. 50 կոպ., 23 հոգի՝ բժշկուելու, դեղերի համար՝ 79 ռ, 50 կոպէկ. 4 հոգի Միքայէլեան հիւանդանոցում բժշկուել են Ընկերութեան հաշուով, տրուած է 151 ռ.: Ընդամենը բժշկութեան համար նպաստներ՝ 230 ռ. 50 կոպ.: 9 մեռելի թաղման ծախս տուած է 43 ռուբլի: Երկու հոգու տուած է 20 ռ. 50 կոպ. նպաստ՝ կարի մեքենաներ գնելու համար:

Ընդամենը աղքատախնամ նպաստներ տարուայ ընթացքում 2828 ռ. 24 կոպէկի:

Բայց որ աստիճան էր այդ նպաստը բաւարարութիւն տալիս թիֆլիսի աղքատ ազգաբնակչութեան կարիքներին: Վարչութիւնը յայտարարում էր թէ ինքը մերժել է 378 բերանացի և 50 զրաւոր դիմումներ՝ միջոցներ չունենալու պատճառով. և այս ոչ թէ մի տարուայ ընթացքում: «Յուլիս ամսից, — կարգում ենք տեղեկագրի մէջ — Վարչութիւնը ստիպուած էր ոահմանափակել խնդիրքների ընդունելութիւնը և փակել Բարեգործական Ընկերութեան դռները խնդրատունների բազմութեան առջև»:—

Մօտաւորապէս այս պատկերն էր ներկայացնում Վարչութեան աղքատախնամ գործունէութիւնը նրա գոյութեան ընթացքում:

Վարչութիւնը փորձեց իրագործել աղքատախնամութեան և մի այլ միջոց: 1900 թուականին նա որոշեց բաց անել աշխատանքի տուն: Այդ որոշումը Ընդհանուր ժողովի հաւանութիւնը գտաւ: Վարչութիւնը յատուկ այդ նպատակով ստացաւ «Միրզօս և ընկ.» նաւթարդիւնաբե-

բական ընկերութիւնից 1500 ըուբլի: Բայց աշխատանքի տունը չը բացուեց:

## IV


### ԽՈՒԴԱԴԵԱՆ ՈՐԲԱՆՈՑ

Դեռ 1898 թուին ընդհանուր ժողովը ընարել էր 6 հոգուց բաղկացած մի յանձնաժողով, որ պիտի մշակէր ծրագիր թէ ինչպէս պէտք է գործադրել Սուգաղեանի կտակը: Յանձնաժողովի անդամներն էին. բժիշկներ Ա. Զարգարեան և Բ. Նաւասարդեան, Երուանդ Լալայեան, Կարապետ Եաղուբեան, Վաս. Վարդանեան և Աւետիք Արասխանեան: Յանձնաժողովը չը կարողացաւ միանալ մի որոշ նպատակի շուրջը և ներկայացրեց Սորհրդին երկու ծրագիր: Մեծամասնութիւնը, բաղկացած չորս անդամից, առաջարկում էր բանալ Սուգաղեան գումարով մի որբանոց, որ պիտի ունենայ երկու բաժանմունք—տղաների և աղջիկներին: Պիտի ընդունուէին որբեր 7 տարեկան հասակից. նրանք պիտի վայելէին որբանոցի խնամքը մինչև տասն տարի: Այդ ժամանակամիջոցում որբերը կամ զըպրոցներ կուղարկուեն, կամ արհեստներ կը սովորեն: Իսկ փոքրամասնութիւնը, բաղկացած երկու անդամից, կարծում էր որ աւելի նպատակայարմար է պահել յանուն Սուգաղեանի զբաղարան-ընթերցարան երկու ընդարձակ բաժանմունքով—Կովկասագիտական և հանրակրթական: Գրադարանի համար կառուցանել յատուկ շինութիւն Սուգաղեանի քարվանսարայի տեղը, որի վերանորոգութիւնը կամ վերաշինութիւնը այժմ անխուսափելի է: Ապագայում այդ շինութեան կից կարելի է բանալ ժողովրդական լսարան, իսկ առայժմ այդտեղ կարելի է գետեղել Սորհրդի զբասնենակը:

Յանձնաժողովն ստացաւ առաջարկութիւններ և մի-  
քանի կողմնակի անձերից. 1) բանալ ձրի ճաշարան աշա-  
կերաների և տառապեալների համար. 2) հիմնել հիւրանոց  
իր անտեսական, առողջապահական և այլն ընդարձակ բա-  
ժանմունքներով. 3) հիմնել աշակերտական ապաստանա-  
րան. 4) բանալ գիւղական ինսպոզական դանձարան:

Այս առաջարկութիւններէից ոչ մէկը չընդունեց յան-  
ձնաժողովը և Սորհրդին ներկայացրեց իր սեփական երկու  
ծրագիրը: Բայց Սորհուրդն էլ այդ ծրագիրներին հաւանու-  
թիւն չը տուեց: Նա ունէր իր սեփական ծրագիրը: Եւ  
այս երևում է 1899 թ. փետրուարի 11-ի արձանագրու-  
թիւնց: Ահա ինչ ենք կարգում այդտեղ:

«Որքանոց բանալուն Սուղադեանի անունով՝ Սորհուրդս հա-  
ւանութիւն չէ տալիս հետեւեալ երեք հիմքով. նախ որքանոցից  
օգտուել կարող է սահմանափակ մի դասակարգ միայն, նա, ով  
որը է, իսկ չքաւոր դասակարգի ոչ-որը գաւակները զրկվում են  
բարեգործի կտակից. այդ նեղ մտքով սահմանափակումը և մաս-  
նաւորացումը ցանկալի չէ: Երկրորդ՝ Սորհրդիս ծրագրած գործու-  
նէութիւնը բոլորովին անուշազիր է թողնուած յանձնաժողովի կող-  
մից. Սորհուրդս իւր սուղ միջոցներով հազիւ միայն կարողանում  
է աննշան օգնութիւն տալ այն բազմաթիւ կարիքներին, որոնցով  
չըջապատուած է. Սուղադեանի հազուադէպ և խոշոր կտակը շատ  
նպատակայարմար կը լինէր, եթէ նրանով բացուէր մի հաստա-  
տութիւն, որը կը փոխարինէր այն խնամքին, որ թերի կերպով  
միայն կարողանում է կատարել Սորհուրդը. որքանոց բանալով,  
Սուղադեանի գրամազուլտը կը գործադրուի այդ հաստատութեան  
վրայ ամբողջովին, որ նոր է և ոչ մի կերպ Սորհրդի անցեալ և  
ներկայ ծրագրուած աշխատութեան չէ կարող օժանդակ հիմնար-  
կութիւն հանդիսանալ: Երկրորդ՝ որքանոցի իբրև մատաղ հասակի  
համար մի դասիտարակիչ հաստատութեան երկսեռ բաժանմունքը  
խիստ պատասխանատու դժուարակիր մի խնդիր է, որին շատ  
հեշտութեամբ է նայել յանձնաժողովը: Սորհուրդս առաջարկում է  
բանալ «Ապաստանարան յանուն Յ. Դ. Սուղադեանի հայ չքաւոր  
տղայոց համար»: Ապաստանարանը Սորհրդի գործունէութեան  
հետ սերտ անջութիւն ունեցող մի հաստատութիւն է. Սորհուրդը  
իւր տարեկան եկամուտի  $\frac{1}{2}$  և մերթ  $\frac{2}{3}$ -ը ուսումնասիրուելի մէջ







ԻՌԻԿԱԳԵՐՆ ՈՐԲԱՆՈՅ. — Սեզոնատուն:



է բաժանում առանց հսկելու հնարաւորութիւն ունենալու նրանց բարոյականի, սնունդի և նիստ ու կացի վրայ, այդ հաստատութիւնը հիմնուելով թէ յիշեալ պահասութիւնը կը լրանար և թէ Սորհրդիս գործունէութիւնը կընդարձակուէր դէպի այլ և այլ բարեգործական նպատակներ, որոնք այժմ մնում են անուշադիր՝ միջոցների սղութեան պատճառով: Ապաստանարանում կընդունուեն թէ որը և թէ ոչ-որը երեխաներ»<sup>1)</sup>:

Այս բոլոր առաջարկութիւնները քննվում էին ընդհանուր ժողովի նիստի մէջ, որ կայացաւ 1899 թ. փետրվարի 21-ին: Չը կարողանալով կանգ առնել առաջարկութիւններից մէկն ու մէկի վրայ, ժողովն ընտրեց չորս հոգի (այն է՝ Ստեփան Մալխասեան, Տիգրան Փիրումեան, Սիմէօն Շահվերդեան և Գէորգ Ղարաջեան), որոնք նախկին վեց հոգու հետ պիտի նորից մշակէին այն հարցը, թէ ինչպիսի գործադրութիւն պէտք է տալ Սուղադեանի կրտակած գումարին: Յանձնաժողովին առաջարկվում էր քննել այդ հարցը նախ առանձին նիստերում, ապա Սորհրդի հետ խառն ժողովներ կազմելով, որպէս զի կարելի լինի որոշ եզրակացութեան գալ: Բացի դրանից, յանձնաժողովը պիտի ընդունէր առաջարկութիւններ և կողմնակի անձինքներից և այդ բոլոր նիւթերը տպագրելով, ներկայացնէր ընդհանուր ժողովին:

Վերակազմուած Թիֆլիսի Հայոց Բարեգործական Ընկերութեան առաջին ընդհանուր ժողովը սեպտեմբերի 19-ի նիստում վերահաստատեց այս յանձնաժողովը իր պաշտօնի մէջ: Բայց թէ ինչ արաւ նա, այդ մասին գործերի մէջ մանրամասնութիւններ չենք գտնում <sup>2)</sup>: Յայտնի

<sup>1)</sup> Արձան. № 7:—

<sup>2)</sup> Նկատենք, որ առհասարակ Ընկերութեան այս երկրորդ շրջանի դեւանական գործերը չափազանց աղքատ են և անկանոն. իսկ Պարչութեան արձանագրութիւնները կազմուած են չափազանց համառօտ կերպով և մանրամաս տեղեկութիւններ չեն պարունակում:

է միայն, որ յանձնաժողովը երկար զբաղուել է այս հարցով և մշակել է որբանոցի կանոնադրութիւնը:

1900 թ. փետրվարի 29-ի նխատու մ. Վարչութիւնը, հարկաւոր համարելով ընդհանուր ժողով հրաւերել, նշանակում է զբաղմունքների առարկաները, որոնցից մէկն է. «Վարչութեան զեկուցումը՝ Սուղազեանի անուանով մանկական սպաստանարան հիմնելու մասին»:—Այնուհետև ընդհանուր ժողովի արձանագրութեան մէջ (ապրիլի 16, 1900 թ.) կայ հետևեալ տեղեկութիւնը. «Կարգացուեց Վարչութեան զեկուցումը՝ յանուն Յովհաննէս Սուղազեանի՝ աղջիկների որբանոց հիմնելու մասին: Ընդհանուր ժողովը որոշեց. համաձայն Վարչութեան զեկուցման, հիմնել աղջիկների համար որբանոց յանուն Յովհաննէս Դաւթեան Սուղազեանի, յանձնարարելով Վարչութեան, պատշաճաւոր իշխանութիւնից թոյլտուութիւն ստանալուց յետոյ կազմել հրահանգ որբանոցի կառավարութեան մասին և այդ հրահանգը ներկայացնել ընդհանուր ժողովին ի քննութիւն»:

Բացման թոյլտուութիւնը առեց Կովկասի կառավարչապետը 1902 թ. նոյեմբերի 8-ին: Հետևեալ տարուայ սկզբին Վարչութիւնը կազմեց այդ նոր հիմնարկութեան նախահաշիւը և ընդունեց յանձնաժողովի կազմած հրահանգը նրա կառավարութեան մասին: Երկուսն էլ հաստատութիւն դտան 1903 թ. մարտի 23-ի ընդհանուր ժողովի կողմից:


Ահա այդ հրահանգը, որ մենք թարգմանում ենք ուսանելից.

§ 1. Աղջիկների որբանոցը նպատակ ունի խնամել, դաստիարակել և ուսուցանել հայ-լուսաւորչական գաւառութեան բոլորովին որբ (հօրով և մօրով), կէս-որբ (հօր կամ մօր կողմից) երեխաներին, նոյնպէս և ամենաաղքատ ծնողների երեխաներին:

§ 2. Որբանոցում խնամուող երեխաները կամ կը յաճախեն տարրական դպրոցները կամ թէ որբանոցի մէջ կը սովորեն գրագիտութիւն՝ տարրական դպրոցների ծրագրով:



ՀԱՅՈՑ ԲԱՐԵՎՈՐԵԱԿԱՆ ԸՆԿԵՐՈՒԹԻՆ ԿՈՎՎԱՍՈՒՄ



ԻՌԻԿԱԿԵԱՆ ՔՐԻԱՆՈՅ. — Որբեր:



§ 3. Բացի դպրոցներում սովորելուց, երեխաները որբանոցի մէջ կը սովորեն կար, խոհարարութիւն և առհասարակ անպահութիւն:

§ 4. Որբանոցը Թիֆլիսի Հայոց Բարեգործական Ընկերութեան անմիջական տնօրինութեան տակ է գտնուում:

§ 5. Որբանոցին աւելի մօտիկուց հսկելու համար Վարչութեան անդամները իրանց միջից ընտրում են երկուսին, մի տարի ժամանակով:

§ 6. Կընդունուեն 6-ից մինչև 12 տարեկան հասակի երեխաներ, նրանք կարող են մնալ որբանոցում մինչև այն հասակը, երբ կարող կը լինեն աշխատել անկախ:

§ 7. Այն անձինք, որոնք կամենում են տալ իրանց աղգականներին և երեխաներին Որբանոց, պիտի խնդրէ տան Վարչութեան անունով, կցելով խնդրագրին վկայականներ՝ աղքատութեան մասին ստտիկանութիւնից, ծննդեան և ծաղկի պատուաստման: Երեխաների ընդունելութիւնը կարող է լինել և առանց խնդրագրի, երբ ինքը Վարչութիւնն իմանում է թէ կան ըստըզիս անխնամ մնացած որբեր:

§ 8. Սկզբում որբերի թիւը սահմանափակվում է 20-ով: Ընդունելութեան միջոցին անհայր և անմայր որբերը ունին անպայման նախապատուութիւն և միայն այդպիսի որբերին տեղաւորելուց յետոյ, ազատ տեղերը տրվում են կէս-որբերին և ամենաաղքատ ծնողների երեխաներին: Միանման գրութեան մէջ զբտնուող երեխաների ընդունելութիւնը կատարվում է վիճակով:

§ 9 Կէս-որբերը և ամենաաղքատ ծնողների երեխաները ընդունվում են միայն այն ժամանակ, երբ նրանց ծնողները և աղգականները տալիս են գրաւոր պարտաւորութիւն հնազանդուելու Բարեգործական Ընկերութեան կարգադրութիւններին և պահանջներին: Ամեն տեսակ գանդատներ և պահանջներ, որոնք ծագում են որ և է թիւրիմացութիւնից, ծնողները և աղգականները պարտաւոր են յայտնել անմիջապէս Որբանոցի կառավարչուն, որ յանձնում է գանդատը Բարեգործական Ընկերութեան Վարչութեան:

§ 10. Անհայր և անմայր որբեր ընդունելիս պէտք է պահանջել ստորագրութիւն, որ եթէ որբը որ և է պատճառով հեռացուի որբանոցից, այն անձը, որ մտցրել է որբ երեխային որբանոց, պարտաւոր է նորից նրան ընդունել իր մօտ: Այս պատճառով թէ այդ անձինք և թէ կէս-որբի ու աղքատ երեխաների



ծնողները պարտաւոր են ամեն անգամ յայտնել իրանց բնակութեան տեղի փոփոխութեան մասին:

§ 11. Որբանոցի մօտիկ հսկողութիւնը և կառավարութիւնը յանձնւում է կառավարչունուն, որ նշանակւում է Բարեգործական Ընկերութեան Վարչութեան կողմից: Կառավարչունին պարտաւոր է հսկել Որբանոցի ներքին կարգի վրայ: Նա հսկում է և երեխաների վարքի վրայ, ղեկավարում է նրանց պարապմունքները դպրոցական զբաղմունքներից ազատ ժամանակ: Հետևում է երեխաների մտաւոր և բարոյական զարգացման, տեղեկութիւններ է հաւաքում երեխաների առաջագիմութեան մասին դպրոցներում, հոգա է տանում որբանոցի մաքրութեան և կերակրի լաւութեան մասին: Որբանոցի բոլոր ծառայողները անմիջապէս ստորագրուած են կառավարչունուն:

§ 12. Կառավարչունին նշանակում է այն օրերը և ժամերը, երբ երեխաներին կարող են այցելել նրանց ծնողները և ազգականները: Նա իրաւունք ունի թոյլ տալ երեխաներին տօն օրերին այցելել իրանց ազգականներին, բայց այն պայմանով, որ երեխաները տուն զնան և որբանոց վերադառնան ազգականների ուղեկցութեամբ:

§ 13. Բարեգործական Ընկերութեան իւրաքանչիւր անգամ ունի իրաւունք ամեն ժամանակ այցելելու որբանոցը և իր նկատած պակասութիւնների մասին յայտնելու Վարչութեան:

§ 14. Որբանոցի գործավարութիւնը առանձին է կատարւում և իւրաքանչիւր տարուայ վերջում Վարչութիւնը որբանոցի առանձին տեղեկագիր է կազմում:

Վարչութիւնը որոշել էր որբանոցը բաց անել Խուզադեանի տանը, Աբաս-Աբադեան հրապարակում, բայց այդ տունը ընկերութեան ձեռքը պիտի անցնէր 1904-ի մայիսին: Ուստի հարկաւոր եղաւ վճարել Խուզադեանի այրուն վարձ մինչև մայիս 894 ը. 40 կոպէկ: Սյդ տան մէջ կատարուեցին վերաշինութիւններ և կարկատաններ, որոնք նստեցին 1987 ը. 28 կոպէկ: Համաձայն հրահանգի, Վարչութիւնը որբանոցի կառավարիչներ նշանակեց իր անդամներից իշխանունի Մ. Թումանեանին <sup>1)</sup> և Ա. Սատիսեանին:

<sup>1)</sup> Իշխանունի Թումանեանը, որ շատ աշխատել է նաև թոյլտուութիւն

1903-ի մայիս ամսին Վարչութիւնը յայտարարեց լրագրներու մէջ ընդունում է որբեր: Մինչև սեպտեմբեր Վարչութեան տրուած խնդրագրերի թիւը հասնում էր 95-ի: Մի առանձին յանձնաժողով կազմուեց այդ խնդրագրերի քննութեան, վերաստուգութեան և որբերի ընարութեան համար: Ընարուեցին 20 երեխայ, ինչպէս սահմանուած էր նախահաշուով և հրահանգով: Դրանցից եօթը հոգի անհայր և անմայր երեխաներ էին 6—11 տարեկան, իսկ 13-ը՝ կէս-որբեր 6—9 տարեկան:

Սեպտեմբերի 20-ին, ընդունուած որբերի ներկայութեամբ, Մուղնու եկեղեցու բակում հողեհանգիստ կատարուեց Խուզարկեանի գերեզմանի վրայ և պաշտօնապէս բացուեց «Խուզարկեան որբանոցը»: Կառավարչուհի նշանակուեց օրիորդ Շուշանիկ Քեանդարեանը, որ այդ պաշտօնը ամենայն բարեխղճութեամբ վարում է մինչև այսօր:— Որբանոցի կահաւորման համար ծախսուեց 1031 ռ. 99 կ.: Ընդամենը առաջին տարին ծախս եղաւ 6524 ռ. 88 կոպէկ: Հետեալ 1904 թ. ընդունուեցին դարձեալ 7 որբ. 1905-ին աւելանում են դարձեալ 3 որբ, 1906-ին՝ 1 որբ, 1908-ին կային 33 որբ:

Որբանոցը ծախսում է Խուզարկեանի կտակած գումարի բոլոր տոկոսները: 1904 թուին ծախսուել է նրա վրայ 4260 ռ., 1905-ին՝ 5148 ռ., 1906-ին՝ 5906 ռ., 1907-ին (մինչև 1908-ի փետրվարը) 6780 ռ.:

Սկզբի 3—4 տարիներում չափազանց դժուար էր մի այդպիսի նոր հիմնարկութեան կանոնաւորումը: Սոսկալի աղքատութեան ճիրաններից խլած, կեղտերի մէջ կորած փոքրիկ որբերին պահել պահպանելը ոչ միայն լարուած

---

ստանալու գործում, այդ պաշտօնը Վարչութեան մի անդամի հետ (որ փոփոխվում էր) վարեց մինչև 1905 թ., այնուհետև որբանոցի կառավարութեան համար ընտրվում էր մի ամբողջ մասնաժողով, որին մասնակցում էր և իշխութեամբ:

ուշադրութիւն էր պահանջում, այլ և կատարեալ անձնագոհութիւն: Սակայն իշխանուհի Թումանեանի անսպասեռանդը և սրտազին, իստակ մայրական վերաբերմունքը դէպի որբուհիները տարիների ընթացքու վերացրին բոլոր դժուարութիւնները: Տիկին Թումանեանը ամբողջ օրեր էր անցկացնում որբանոցում, իր ձեռքերով լուանում, մաքրում էր որբերին, օգնում էր օր. Քեանդարեանին, խրախուսում էր նրան անվատ տանել իր ծանր պաշտօնը, որին դեռ սովոր չէր օրիորդը: Որբերի շահերը իշխանուհի Թումանեանը պաշտպանում էր ամեն տեղ, իսկ որբանոցի բարեկեցութիւնը նրա հոգսերի գլխաւոր առարկան էր: Նա մի դաշնամուր նուիրեց որբանոցին, որպէսզի երաժշտական ընդունակութիւն ունեցող երեխաները սովորեն և երաժըշտութիւն:

Այժմ բերենք մի քանի տեղեկութիւններ այդ հիմնարկութեան ներքին կացութեան մասին:

1. Բնակարան: 1908-ի Տեղակազրից իմանում ենք, որ Որբանոցը գետեղած է Խուդադեանի տան վերին յարկում, ունի 8 սենեակ: Իրանցից չորսը ննջարան, մէկը կառավարչուհու սենեակ, երկուսը պարապմունքների համար, մէկը՝ հիւանդանոց: Ունի և մի մեծ պատշգամբ, որ յարմարեցրած է ցերեկուայ պարապմունքների համար: Մինչև 1908 թուականը որբանոցն ունէր սեփական խոհանոց: Այդ թուականից Ընկերութեան ճաշարանը բացուեց Ընկերութեան շինութեան մէջ և սրբերը ճաշում են այդտեղ:

2. Ներքին կեանքը: Ընկերութեան Վարչութիւնը իր տարեկան տեղեկագրի մէջ միայն մի անգամ 1904-ին է մանրամասն տեղեկութիւններ հաղորդել Որբանոցի մասին: Բերում ենք այդ տեղեկութիւնները աննշան կրճատումներով:

«Դպրոցական հասակի որբերը՝ թւով 20 յաճախում են Զիգրաշէնի ծխական դպրոցը, իսկ մնացածները առայժմ մնում են որբանոցում, որտեղ որբանոցի կառավարչուհու հսկողութեամբ պատրաստվում են:

«Որբանոցի բացման օրից սանուհիների համար սահմանուած են հետեւել կարգերը: Առաւօտեան նօսք վաղ վեր են կենում,

թէյ են խմում և գնում ուսումնարան: Վերադառնալով որբանոց ժամը 12-ին, նրանք հանգստանում են մինչև ճաշ, որ տեղի է ունենում ժամը 2-ին: Այնուհետև սանուհիները մի ժամի չափ կրկին հանգստանալուց և խաղալուց յետոյ, սկսում են սովորել հետեւեալ օրուայ դասերը և ապա զբաղուել անային գործերով: այսպէս օրինակ, մաքրում են իրենց շորերը, սրբում կօշիկները, օգնում խոհարարուհուն ամաններ լուանալու մէջ, հարթակում լուացքի մի մասը, սրբում սեղանատունը և պատշգամբը, կարում թաշկինակներ և երեսորիչներ: Երեկոյեան ժամը 6½-ին սանուհիները թէյ են խմում և ապա պարապում. իսկ ժամը 8-ին պառկում են քնելու: Առաջին տարուայ փորձը ցոյց տուեց, որ ժամանակի բաժանման վերաբերմամբ սահմանուած այս կարգը, բացի անյարմարութիւններ չյարուցանելուց, նաև բարերար ազդեցութիւն է գործում նրանց առողջութեան վրայ:

«Սանուհիները, որբանոց ընդունելիս, կարելի է ասել, առանց բացառութեան վատառողջ էին. չքաւոր կեանքը, մուրացիկ պատահական հացը, որով կերակրվում էին մի քանիսը որբանոց մտնելուց առաջ և ընդհանրապէս մանկական հասակին անհրաժեշտ խնամքի բացակայութիւնը, թողել էին նրանց վրայ իրանց վնասակար ազդեցութիւնը — շատերը նրանցից չափազանց նիհար էին, Ֆիլիբրապէս անզբազացած իրանց հասակի համեմատութեամբ, վատոյժ, գունատ, սակաւարիւն, յաճախ ենթարկուած հիւանդութիւնների, շատ անգամ ամենաչնչին պատճառներից: Չնայելով այն առատ սննդին, որ սանուհիները ստանում են որբանոցում բացման առաջին օրերից, չնայելով կանոնաւոր կեանքին, մաքրութեան պահպանմանը և առհասարակ այն ամեն պայմաններին, որոնցով որբանոցի կեանքը անհամեմատելի չափով գերազանց էր սանուհիների նախկին կեանքից, այնուամենայնիւ առաջին կիսամեակի ընթացքում կարելի էր կարծել, որ որբանոցի կեանքը չբարձր կարողանար փոխարինել նրանց Ֆիլիբրական առողջութեան այն կտրուստը, որ նրանք ունեցել էին ըստ երեւոյթին անդառնալի կերպով, իրանց նախկին գրութեան ժամանակ: Սակայն երկրորդ կիսամեակից սկսած, փոքր առ փոքր սկսեցին երեւալ նախ սանուհիներից մի քանիսի և ապա նաև միւսաների վրայ նշաններ, որոնք յոյս էին տալիս նրանց առողջութեան վիճակի կատարեալ բարւոքման, բացի Սիրանոյշ Յովհաննիսեանից, որ անցեալ սեպտեմբեր ամսին վախճանուեց:

«Կարելի էր սպասել, որ ժողովրդի ստորին խաւերից հա-

ւաքած որբուհիները կը բերեն իրանց հետ որբանոց այնպիսի բարոյական պակասութիւններ, որոնք յաճախ պատահում են այդ կեանքում և բզլիսում են աննպաստ հանգամանքներէից, որոնց մէջ ապրում է չքաւորը: Ընդհանուր առմամբ փոքրիկ որբիկները մտան որբանոց մանկական ոպու անարատութեամբ և այն մասնաւոր բարոյական պակասութիւնները — ստախօտութիւն, նախանձ, երեխայական զանգատասիրութիւն և այլն, որ ունէին որբերէից մէկը կամ միւսը, յամառ դիմադրութիւն չ'ցոյց տւին ուղղելու ճանապարհի վրայ:

«Իբրև դաստիարակչական միջոցներ՝ սանուհիների բարոյական աշխարհի վրայ աղղելու և նրանց մէջ ցանկալի յատկութիւններ արծարծելու համար, բացի դպրոց յաճախելուց, որբանոցում նոցա հետ զրազուել են զրուցատուութեամբ և ընթերցանութեամբ: Բացի այդ պարապմունքներից հէնց առաջին տարւանից որբանոցում նախապատրաստում են ապագայ աշխատաւոր կեանքի համար և սանուհիներից ամեն մէկին տրվում է իրանց հասակի համապատասխան աշխատանք, որ նրանք կատարում են սիրով և առանց դժուարութեամբ:

«Դպրոց յաճախող սանուհիներից, նախկին տարուայ ընթացքում, դասատները փոխել են 8 հոգի, ուսումնարանական ժամանակից ուշ յաճախելու պատճառով, մնացել են դասարանում 7 հոգի: Անցեալ 1904 թ. ուսումնարան սկսել են յաճախել 20 հոգի, իսկ մնացել են 6-ը:

«Որպէս զի սանուհիների և նոցա աղղականների մէջ եղած կապը չկտրուի իսպառ, Ջրօրհնէքի և Զատիկական տօներին, այն սանուհիները որոնք ունեն բարեկամներ, արձակվում են մէկ կամ երկու օրով նոցա մօտ: Իսկ առհասարակ անարգել կերպով թոյլ է տրվում այցելել իրանց որբերին որբանոցում: Որբանոցի միանրման կեանքը զանազանակերպելու և սանուհիներին կրթիչ զուարճութիւն պատճառելու նպատակով, տարուայ ընթացքում տօներին կատարուել են մանկական հանդէսներ և տօնածառ, որ մեծ զուարճութիւն է պատճառել նրանց:

«Անցեալ տարուայ յունիս ամսի 15-ին սանուհիները ուղարկուեցին Թիֆլիսի մօտակայ Գլղան գիւղը: Փորձը ցոյց տուեց, որ ամարանոց զնալը նոյն իսկ մի այնպիսի դիւզ, ինչպիսին Գլղանն է, ուր չկան այնքան յարմարութիւններ, այնուամենայնիւ բարեբար աղղեցութիւն ունեցաւ սանուհիների վրայ, տալով նրանց հնարաւորութիւն համարեա իննամսեայ փակ կեանքից յետոյ,

ազատ ընութեան երես տեսնելու և թարմ ու առողջարար օդ շնչելու և թէ ընդլայնացնելու սանուհիներէ մտաւոր աշխարհը, գիւղը և նրա շրջապատը դաշտերն ու ձորերը, անտառները: Գիւղական անտեսութիւնը իւր բազմատեսակ առօրեայ զբաղմունքներով, իւր քաղաքային կեանքից այնքան տարբեր հոգսերով և գործերով անսպառ նիւթ է մատակարարում երեխաների մտաւոր աշխարհին: Ոչինչ այնքան կրթիչ նշանակութիւն չի կարող ունենալ նրանց համար, քան գիւղացի կնոջ անխոնջ, անտրտունջ և ուրախ աշխատանքը, առաւօտից մինչև երեկոյ: Բացի որբանոցի սանուհիներէից ամաբանոց էին տարւել նաև երեխաների Խնամատարութեան ընկերութեան որբանոցից 4 հայ երեխաներ, որ խնդրել էր այդ ընկերութեան վարչութիւնը բարեգործական ընկերութեան՝ խնամել նոցա միայն ամառուայ ամիսների ընթացքում, այնպէս որ ամառը որբերի թիւը 4-ով աւելացել էր»:

Ամառը որբերին ամաբանոց ւանելը սովորութիւն դարձաւ և այնուհետև:

1906-ին աւելի նպատակայարմար համարուեց բաց անել որբանոցում դպրոց: Այդ դպրոցը բացուեց, բայց մի տարուց աւելի գոյութիւն չունեցաւ: Որբանոցի գոյութեան ընթացքում մինչև 1909 թուականը, վախճանուել են չորս որբեր — երեքը 1907 թուին և մէկը 1908-ին: Երկուսը վախճանուեցին ժառանգական թոքախտից իսկ երկուսը՝ սկարլատինա հիւանդութիւնից:

## V

### Ճ Ա Շ Ա Ր Ա Ն

Ընդհանուր ժողովը 1904 թ. ապրիլի 25-ի նիստում որոշեց բաց անել ձրի և էժանադին ճաշարան՝ գլխաւորապէս աղքատ աշակերտների համար: Ահա ինչ տեղեկութիւններ է հաղորդում Վարչութիւնը այդ հիմնարկութեան մասին 1904-ի, իր տեղեկագրի մէջ<sup>1)</sup>:

<sup>1)</sup> Եր. 32—34.

«Ճաշարանը բացուեց 1904 թ. նոյեմբերի 12-ին 40 հոգու համար Աբաս-Աբազակիյ հրապարակի վրայ ընկերութեան տան ներքին յարկի մէջ:

«Այդ գործի թէ կազմակերպութեան և թէ ղեկավարութեան համար Վարչութիւնը իր միջից մի մասնաժողով ընտրեց երկու անդամից բաղկացած: Մասնաժողովի անդամներ ընտրուեցին պ. պ. Ա. Մելիք-Այվազեանցը և Գ. Մելիք-Կարապետեանը:

«Մասնաժողովը ամեն կերպ աշխատում էր ճաշարանի վերաբերմամբ ընդհանուր ժողովի որոշումը իրագործել հէնց նոյն 1904 թուին, և որովհետև ճաշարանից օգտուելու ցանկացողները խնդիրները ստուգելը շատ ժամանակ կարող էր խլել, մասնաժողովը առաջարկեց Վարչութեանը դիմել զանազան դպրոցական և այլ հիմնարկութիւններին, խնդրելով, որ նրանք մասնակց անեն իրենց աշակերտներից ամենաչքաւորները վրայ: Այս միջոցը ընդունուեց, Վարչութեան կողմից բերանացի դիմումներ արուեցին և ճաշարանի բանալուց յետոյ կէս շաբաթ անցած, ճաշողների ամողջ ցուցակը արդէն լրիւ էր:

«Ճաշարանը բաղկացած է երկու սենեակից խոհական ճաշարանից և խոհանոցից:

«Սոհանոցին կից գտնվում է մթերանոցը, կայ և նկուզ վառելափայտի և ածուխի համար: Ըճաշարանի մէջ դրուած են չորս մեծ սեղաններ, որոնք ծածկուած են սպիտակ կլէճոկայով: Ըճաշարանի գործը անմիջապէս վարում են կառավարչուհին և խոհարարը: Կառավարչուհու պարտականութիւնն է՝ ստուգել բազարից բերած մթերքները, պաշարեղէն տալ խոհարարին մթերանոցում գտնուող մթերքների պահեստից, ղեկավարուելով Վարչութեան կողմից հաստատուած չափերով, հետեւի որ ճաշը միշտ ժամանակին պատրաստ լինի, և որ ճաշարանից օգտուեն նոքա, որոնք այդ թոյլտուութիւնը արդէն ստացել են Վարչութիւնից, որ ճաշը համեղ լինի, առողջարար և բաժանուի հաւասար. լսել այցելողների զանգասները և ըստ հնարաւորութեան, բաւարարութիւն տալ նրանց և աւհասարակ անհրաժեշտ և անյայտաղ կարգադրութիւններ անել թէ խոհանոցի և թէ ճաշարանի վերաբերմամբ: Մասնաժողովը յատկապէս յանձնարարել է կառավարչուհուն խստիւ հետեւի գործի առողջապահականութեան վրայ, մաքուր պահելով թէ սեղանատունը և թէ ամանները:

«Ճաշողները բոլորն էլ աշակերտներ և աշակերտուհիներ են, գլխաւորապէս Ներսիսեան դպրանոցից, կիրակնօրեայ ուսումնա-

րանից, Կանանց Բարեգործ. Ընկ. ուսումնարանից: Ճաշողներից տղաներ եղել են 22, իսկ օրիորդներ՝ 18 հոգի, հասակով, 8-ից մինչև 20 տարեկան:

Ճաշարանի սկզբնական ծախսերի (կահաւորում, վերանորոգում բնակարանի) և երկու ամսուայ գործունէութեան համար Վարչութիւնը տուեց իր միջոցներից 509 ռուբլի: Այնուհետև այս հիմնարկութիւնն սկսեց աստիճանաբար մեծանալ: Հետևեալ տարին ճաշ պատրաստվում էր 60 հոգու համար, ծախս եղաւ 1527 ռուբլի: 1906 թուին Վարչութիւնը 90 հոգու համար տուեց 2234 ռուբլի: Բացի դրանից Ներսիսեան դպրոցի հոգաբարձութիւնը տուեց 757 ռուբ. 58 կոպ. յատկապէս այդ դպրոցի աշակերտներին ճաշ տալու համար: Ստացուեցին և մի քանի մասնաւոր մանր նուէրներ: 1907 թուականին Վարչութիւնն 120 հոգու համար ծախսեց իր միջոցներից 4206 ռուբ. 57 կոպէկ: Բացի դրանից, Ներսիսեան դպրոցը վճարեց 1127 ռուբ. 27 կոպ., մի անյայտ անձ 20 աշակերտներին ճաշ տալու համար նուիրեց 537 ռուբլի: Էժանազին ճաշերից ստացուեց 173 ռուբ. 10 կոպէկ:

Այդ տարին բաց թողած ճաշերի թիւն էր 38386: Ծախսուեց ընդամենը 6009 ռուբլի 86 կոպէկ:

Ընկերութեան միջոցները հասարակութեան նուէրներով աւելացնելու համար՝ Վարչութիւնը 1908-ի յունվարի 8-ի նիստում որոշում է ժողովրդականացնել Թիֆլիսի հայ հասարակութեան մէջ այն միտքը, որ աւելի նպատակայարմար է ննջեցեալների քեղերի փոխարէն նուէրներ տալ Բարեգործական Ընկերութեան: Այդ միտքը տարածելու համար Վարչութիւնը հետևեալ միջոցներն է որոշում:

«1) Լրագրների միջոցով դիմումներ անել ժողովրդին Բարեգործական Ընկեր. կողմից, 2) նոյն տեսակ դիմումներ անել նաև տպագրած թերթերով ամեն անգամ ննջեցեալների տէրերին, 3) դիմել թեմական առաջնորդներին, խնդրելով. ա) եկեղեցու բեմից



յորդորներ անել ժողովրդին այդ ուղղութեամբ և նոյնը տպագրած կախել տալ եկեղեցիներէ պատերին, ք) պատուիրել քահանաներին՝ հանգամանքից օգտուելով այն դիմումները անել թէ եկեղեցիներէ բնակից և թէ իւրեանց ծխի մէջ իւրաքանչիւր դէպքում, 4) ննջեցեալներէ տէրերից Ընկերութեան օգտին ստացած նուէրների համար ունենալ Ընկեր. գրասենեակում առանձին ժապաւինեալ մատեան, 5) նոյնը յայտարարել լրագրութեան միջոցով, 6) Ընկերութեանս աշակերտական ձրի ճաշարանում կախել փոքր գրատախտակ, որի վրայ իւրաքանչիւր անգամ գրել թէ որ հանգուցեալի յիշատակին է այդ օրուայ ճաշը»<sup>1)</sup>:

Քելեխի սովորութիւնը, ի հարկէ, չը վերացաւ, բայց Վարչութիւնը նուէրներ ստանում էր ննջեցեալների տէրերից՝ յատկապէս ճաշարանի համար:

## VI

### ՂԱՅ-ԹՐԲԱԿԱՆ ԸՆԴՀԱՐՈՒՄՆԵՐ

Յայտնի էր որ 1905 թ. փետրվարի 6-ին Բագու քաղաքում թուրքերը յարձակուեցին հայերի վրայ և սկսուեց կոտորած ու թալան, որ տևեց երեք օր: Դա նախերգանքն էր այն անուելի արիւնահեղութեան այդ երկու ազգերի մէջ, որ պատերազմի դաշտ դարձրեց Անդրկովկասի շատ տեղերը և որ ընդհատումներով շարունակուեց մի տարի և ութ ամիս:

Բագուի առաջին կոտորածի ազգած ընդհանուր սարսափը փոքր ինչ մեղմացաւ, երբ գրանից յետոյ անմիջապէս երկու հարեան ազգերը սկսեցին փոխադարձ համերաշխութեան և բարի գրացիութեան ցոյցեր անել: Բայց գրանք խաբուսիկ նշաններ էին: Նոյն փետրվարի 20—22-ին հայ-թրքական ընդհարումները տեղի ունեցան Երևա-

<sup>1)</sup> Ա.րձ. № 2.

նում: Այստեղ էլ սակայն համերաշխութեան և հաշտութեան ցոյցեր հանդէս եկան արիւնահեղութիւնից անմիջապէս յետոյ և յոյս ծնուեց թէ անմիտ, զարհուրելի եղբայրասպան պատերազմը ուրիշ տեղեր չի անցնի:

Բայց յանկարծ, անսպասելի կերպով, կոտորածի և գաղանթութիւնների դաշտ դարձաւ Հին-Նախիջևանը իր գաւառով: Այդտեղ փոքրաթիւ հայ ժողովուրդը ենթարկուեց այնպիսի խժգժութիւնների, որոնք Թիւրքիայում տեղի ունեցած հայկական կոտորածների ճիշտ նմանութիւնն էին բերում: Կոտորածը Հին-Նախիջևանում սկսուեց մայիսի 12-ին: Հայ վաճառականները կոտորուեցին իրանց խանութներում, որոնք կողոպտուեցին և յետոյ հրդեհուեցին: Աւելի զարհուրելի էին միաժամանակ սկսուած կոտորածները Նախիջևանի գաւառում. — կանանց և աղջիկների բռնաբարում, եկեղեցիների և նրանց անօթների պղծում, բռնի մահմեդականացում, մի խօսքով՝ Թուրք խուժանի հին, ծանօթ խժգժութիւնների կատարեալ պատկեր: Նա սարսափ և զայրութ պատճառեց ամեն տեղ: Եւ այս սարսափները դժբախտ գաւառում տևեցին մինչև մայիսի 15 — 16-ը:

Մայիսի 15-ին Թիֆլիսի Հայոց Բարեգործական Ընկերութիւնը ընդհանուր ժողով ունէր քաղաքային Դումայի գահլիճում:

Բայ անելով ժողովի նիստը, Վարչութեան նախագահ Յ. Սպենդիարեանը առաջարկեց յարգել Հին-Նախիջևանում զոհուածների յիշատակը: Ժողովը ոտքի կանգնելով ի նշան յարգանքի Հին-Նախիջևանի դէպքերի առիթով ընդունեց հետևեալ բանաձևը. «Ընդհանուր ժողովը, յարգելով յոսնկայս Հին-Նախիջևանի և նրա շրջակայքում ընկած անմեղ զոհերի յիշատակը, միաձայն որոշեց իր խորին ցաւակցութիւնը և կալիճը յայտնել այդ աղէտալի դէպքերի առիթով և իր անհուն զգուանքը դէպի մարդասպանների անարգ խուժանը և նրանց կազմակերպողները»:

Սակայն Ընկերութիւնը լուկ այդպիսի պլատոնական վերաբերմունքով չը բաւականացաւ: Կոտորածները թշուառութեան մի ամբողջ ծով էր բաց անում՝ դժբախտ ազգաբնակիւթեան առջև: Հարկաւոր էր օգնութիւն ամենալայն չափերով: Թէև Թիֆլիսում գոյութիւն ստացաւ մի յատուկ նպաստամատոյց մարմին, բայց Բարեգործական Ընկերութիւնն էլ, չը նայած իր Կանոնադրութեան սահմանափակող արամադրութիւններին, անմասն չը մնաց ընդհանուր ազէտի դէմ մաքառելու գործի մէջ:—

Յուլիսի 17-ին Վարչութիւնը որոշում է խնդրել թոյլտուութիւն՝ դրամով և իրերով նուիրատուութիւններ հաւաքելու յօգուտ հայ-թրքական ընդհարումներից մլաստաւածների Թիֆլիսում և նրա գաւառում և այս մասին յայտարարութիւն տպել լրագրների մէջ: Միաժամանակ Վարչութիւնը նշանակում է իր անդամներից և Ընկերութեան անդամներից հերթապահութիւն իր զբոսանեակում՝ նուիրած իրերն ստանալու համար:

Վարչութեան օգնութեան է հասնում ինքը, կառավարութիւնը: Փոխարքայի դիւանատունը կարգադրութիւն է անում որ պետական գանձարանը տայ Բարեգործական Ընկերութեան 8200 ըուբլու արժէթղթեր, որոնք պահվում էին այնտեղ թիւրքահայ գաղթականների անունով: Ինչպէս տեսանք, կառավարչապետ իշ. Գօլիցինի ժամանակ թիւրքահայ գաղթականներին խնամելու գործը յանձնուած էր իշխանութեան, որ և ստանում էր բոլոր նուիրատուութիւնները: Այդպիսով հաւաքուած գումարների մեծագոյն մասը յանձնուած էր գանձարանին և մնում էր այնտեղ առանց գործադրութեան: Փոխարքայ կոմս Վօրճնցով-Դաշկօվի առաջին գործերից մէկն եղաւ վերջացնել այդ հաշիւը: Եւ նրա կարգադրութեամբ՝ մնացորդ գումարը 8200 ըուբլի, յանձնվում էր Բարեգործական

Ընկերութեան՝ բաժանելու համար Թիւրքիայից փախած հայերին և այժմ անկարգութիւններից վնասուածներին»<sup>1)</sup>։

Բացի դրանից, Վարչութիւնը նոյն 1905-ին ստացաւ նուէրներ յօգուտ կոտորածներից վնասուածների 2316 բուբլի։ Հետեւեալ տարին 1800 ր. և 1907 թ. 5252 բուբլի։— Դրամական նպաստներ աղէտեալներին տրվում էին Թիֆլիսում, ուր Կովկասի զանազան կողմերից հաւաքուած էին կոտորածներից փախածները։ Բացի դրանից, ինչպէս յայտնի է, Թիֆլիսում էլ 1905-ի վերջերում տեղի ունեցաւ հայ-թրքական ընդհարումներ։ 1905-ին Վարչութիւնը ծախսեց 2184 ր. 94 կոպէկ և գաղթականների գումարից 1622 ր 85 կոպէկ, իսկ 1906-ին 1397 ր. աղէտեալների գումարից և 3523 ր. 43 կոպէկ գաղթականների գումարից։—

Բացի դրանից, Վարչութիւնը ստացաւ թէ Թիֆլիսից և թէ Անդրկովկասի այլ քաղաքներից գործ ածած զգեստներ մեծ քանակութեամբ։ Դրանց մի մասը նա ուղարկեց Հին-Նախիջևան Թումա Վարդապետին՝ կոտորածներից վնասուածներին բաժանելու համար, մի մասն էլ Գանձակ տեղային յանձնաժողովին։

Վարչութիւնը այդ օգնութեան գործը կազմակերպելու միջոցին (1905 թ. ամարուանից մինչև 1907 թ. ամառը) գործում էր աչքի ընկնող եռանդով։ 1906-ին նախագահ Տիգրան Յովհաննիսեանի առաջարկութեամբ, Վարչութիւնը որոշեց բացի իր սովորական նիստերից՝ շաբաթը երկու արտակարգ նիստ էլ ունենալ՝ օգնութեան գործը աջողութեամբ տանելու համար։

Ստանալով Բաթումի թիւրքահայ գաղթականներից խնդիրք իրանց օգնութեան կարօտ վիճակի մասին, Վարչութիւնը իր անդամներից մէկին և գործավարին ուղարկեց Բաթում, ուր նրանք հայոց եկեղեցու երեսփոխի ու

<sup>1)</sup> Ա.րձ. № 25.

քահանայի հետ միասին սառուղեցին կարօտութեան չափը  
և բաժանեցին 1500 ըուբլի:—

## VII

### ԱՆՁԱՐԺ ԿԱԼՈՒԱԾՆԵՐ

Վարչութիւնը Սուրբազեանի կտակած անշարժ կալուածների պահպանութեան և վերանորոգութեան հարցերով շատ է զբաղուել: Գլխաւոր հոգսը պատճառում էր քարվանսարան, որ, ինչպէս տեսանք, քայքայուած դրութեան մէջ էր գտնվում: Զանազան ժամանակ մասնագէտների ձեռքով կազմուեցին նախագծեր այդ շինութիւնը վերանորոգելու համար: Բայց այդ նախագծերը չիրագործուեցին, որովհետև մեծ ծախքեր էին պահանջում: 1907-ին Վարչութեան նախագահը զեկուցեց որ կարելի է համեմատաբար փոքր գումարով շինել քարվանսարան: Ծախս հաշուած էր 9 հազար ըուբլի: Ընդհանուր ժողովի հաւանութեամբ՝ Վարչութիւնն սկսեց իրագործել այդ նախագիծը: Առանձին շինարարական յանձնաժողով կազմուեց մասնագէտներից և Վարչութեան անդամներից: Շինութիւնն աւարտուեց 1907-ի ամառը: Ծախս եղաւ (Սուրբազեանի գումարներէն) 15385 ը. 71 կոպէկ:

Նոյն տարին Ընկերութիւնը նոր անշարժ կալուածք էլ գնեց: Վարչութեան նախագահ Ս. Յարութիւնեան, ի նկատի ունենալով, որ աճուրդով ծախվում է Սուրբազեանի տան կպած Արէշեանի տունը, առաջարկեց որ Ընկերութիւնը գնէ այդ տունը, «ի նկատի առնելով որ այդ տունը Սուրբազեանի տան կից է և ապագային Ընկերութեանը

հարկաւոր է ուսումնարանի և իր հիմնարկութիւնների համար»<sup>1)</sup>։

Տունը գնուեց 11500 ըուբլով։

## VIII

### ԲԱՐԵՐԱՐՆԵՐ

Ընկերութիւնը իր այս երկրորդ շրջանում ունեցաւ մի հատ բարերար։ 1907 թուականի մայիսի 15-ին Օդեսայում վախճանուեց Բագուի առաջին կարգի վաճառական Նդիա Գալստեան Բուդաղեանը, թողնելով մի կտակ, որով զանազան գումարներ էր յատկացրել ազգային հիմնարկութիւններին։ Այդ կտակով Թիֆլիսի Հայոց Բարեգործական Ընկերութեան նշանակուած էր տալ 10,000 ըուբլի։



Ն. Ա. Բ Ա Ղ Գ Ա Ղ Ե Ն Ն

Գումարը հանգուցեալի այրի Սոփիա Բուդաղեանը ուղարկեց վարչութեան նոյն թուի գեկտեմբերին։ Նուէրի գործադրութեան եղանակը հանգուցեալը թողել էր Բարեգործական Ընկերութեան։

<sup>1)</sup> Արձ. № 2.







## ՀԻՆ ԿԱՆՈՆԱԴՐՈՒԹԵԱՆ ՎԵՐԱԿԱՆԳՆՈՒՄԸ

Կովկասում կառավարչապետ իշխան Գոլիցինի հաստատած վարչական ռեֆորմը վերջացավ 1905 թուականի սկզբում: Այդ խոշոր պատմական եղելութիւնը մի առանձին և պատահական երևոյթ չէր, այլ կապուած էր Ռուսաստանի մէջ տեղի ունեցող մեծ շարժման հետ, որ վերջի վերջոյ բերեց հասցրեց Ռուսաստանը սահմանադրական կարգին: 1905 թուականը մի սահմանագիծ է հին և նոր Ռուսաստանի մէջ: Հին կարգը, որ լցուած էր անվստահութեամբ դէպի ժողովրդական ինքնագործունէութիւնը, կատարեալ պարտութիւն էր կրել: Ստեղծվում էր նոր կարգ, արևմտեան Եւրոպայի օրինակով, մի կարգ, որ գործունէութեան ընդարձակ դաշտ էր բաց անում հասարակութեան առաջ, ազատելով նրան արգելքների կապանքներից:

Այդ նշանաւոր ռեֆորմներից զուրկ չը մնաց և Կովկասը, ուր վարչական խտուրթիւնները հասել էին ծայրայեղութեան: Ձեջուեց կառավարչապետի պաշտօնը և նորից վերականգնուեց փոխարքայութիւնը, որ այնքան լաւ յիշողութիւններ էր թողել երկրի ազգաբնակչութեան մէջ:

Նոր նշանակուած փոխարքայ կոմս Ի. Ի. Վորոնցով-Դաշկովը, Կովկաս ժամանելուց առաջ, հրատարակեց „Кавказъ“ լրագրում մի պաշտօնական դիմում, որի մէջ պարզում էր այն քաղաքականութիւնը, որին ինքը պիտի հետևէր: Այդ ծրագիրը իր բարեացակամ տրամադրութիւններով մեծ տպաւորութիւն թողեց ամբողջ ազգաբնակչութեան վրայ, և ամենքը զգացին, որ Կովկասում սկսվում է նոր դարագլուխ, երբ խաղաղ կուլտուրական զարգացման

հնարաւոր հովանաւորութիւն կը տրուի և Կովկասի բազմաթիւ ազգութիւնները երկրի բարձր իշխանութեան մէջ կը գտնեն իրանց օրինաւոր, մտաւոր և կուլտուրական շահերի պաշտպան:

Այդ վստահութիւնը ամենից առաջ արձագանք գտաւ Թիֆլիսի Հայոց Բարեգործական Ընկերութեան մէջ: Դեռ նոր էր Փոխարքան մեծ հանդիսով մուտք գործել Թիֆլիս, և ահա Վարչութիւնը մայիսի 8-ին հրաւիրուած Ընդհանուր Ժողովի պարապմունքների մէջ դնում է և Կանոնադրութեան փոփոխութիւնը: Բայց որովհետև այդպիսի փոփոխութեան համար պահանջվում էր Ընկերութեան անդամների կէսի ներկայութիւնը, ուստի այդ օրը հարցը չը քննուեց: Մայիսի 15-ին նոյն Ժողովի շարունակութիւնն էր: Բայց, ինչպէս տեսանք, հէնց այդ օրը ամենքը գտընվում էին Հին-Նախիջևանի զարհուրելի կոտորածների և գազանութիւնների ազդեցութեան տակ: Հարցը ոչ միայն չը քննուեց այդ Ժողովում, այլ և հանուեց օրակարգից, որովհետև հայ ժողովուրդը յանկարծ զրուած էր այնպիսի մի զրութեան մէջ, որ չէր ապահովում նրա կեանքը, գոյքը, պատիւը:—

Սակայն անցնում են արիւնոտ իրականութեան ազդած առաջին սարսամփները: Հայ ժողովուրդը նոյն իսկ այդ արհաւիրքների մէջ էլ չէ մոռանում իր մտաւոր կուլտուրական պահանջները: Այսպէս է եղել նա իր ամբողջ պատմութեան ընթացքում—ամենասոսկալի դժբախտութիւնների տարիներում իսկ մոռացութեան չը տալ իր ազգային գոյութեան յենարանները: 1906 թուի փետրվարի 19-ին, երբ հայ-թրքական ընդհարումների մղձաւանջը դեռ չէր վերացել, Թիֆլիսի Հայոց Բարեգործական Ընկերութեան Ընդհանուր Ժողովի առջև զրուած էր նոյն հարցը—Կանոնադրութեան փոփոխութիւնը:

Ահա ինչ ենք կարդում այդ Ժողովի արձանագրութեան մէջ.

«Ընկերութեան հիմնադիր և պատուաւոր անդամ լժշկ. Բագրատ Նաւասարդեան (ժողովի նախագահ) զեկուցանում է հետեւեալը. 1881 թուին փոխարքայութեան ժամանակ, հաստատուեց Կովկասեան Հայոց Բարեգործական Ընկերութեան Կանոնադրութիւնը: Այլ Կանոնադրութիւնը յետ անուեց իշխան Գօլիցինի կառավարչապետութեան ժամանակ և նրա փոխարէն տրուեց Թիֆլիսի Հայոց Բարեգործական Ընկերութեան Կանոնադրութիւնը: Նախկին Կովկասեան Հայոց Բարեգործական Ընկերութիւնը, իրրև հասարակական հաստատութիւն, գործել է միշտ խիստ օրինական ճանապարհով, իր պարտաւորութիւնների սահմանում և Կովկասի հասարակութեան համար օգտակար մի հաստատութիւն է եղել: Խնդրէնք Նորին Պայծառափայլութեան Փոխարքայ կոմս Վօրօնցով-Դաշկովից վերահաստատել նախկին Կովկասեան Հայոց Բարեգործական Ընկերութեան Կանոնադրութիւնը և շնորհել մեզ մեր նախկին Ընկերութիւնը:

«Ժողովը միաձայն որոշում է—խնդրել Նորին-Պայծառափայլութիւն Փոխարքայ կոմս Վօրօնցով-Դաշկովից վերահաստատել նախկին Կովկասեան Հայոց Բարեգործական Ընկերութեան Կանոնադրութիւնը և վերականգնել նախկին Ընկերութիւնը:

«Վարչութեան նախագահ Տ. Յովհաննիսեան յայտնեց, որ 1905 թուի օգոստոսից սկսած թէ Թիֆլիսից և թէ գաւառական քաղաքներից Վարչութեան դիմել են խմբական ստորագրութիւններով, օրինակ՝ Բաթումից, Ախալքալաքից, Ախալցխայից, Երևանից և այլն, ուր զոյութիւն ունէին նախկին Կովկասեան Հայոց Բարեգործական Ընկերութեան գաւառական ճիւղեր ու գրադարաններ և խնդրում են դիմումներ անել ուր հարկն է նախկին Կովկասեան Հայոց Բարեգործական Ընկերութիւնը վերականգնելու համար: Ուստի Վարչութիւնը Ընդհանուր ժողովին առաջարկում է ընտրել պատգամաւորական մարմին՝ ներկայանալու Նորին Պայծառափայլութիւն Փոխարքայ կոմս Վօրօնցով-Դաշկովին և մի պետիցիտայով արտայայտելու Կովկասեան հայ հասարակութեան ցանկութիւնն ու խնդրքը վերահաստատելու նախկին Կովկասեան Հայոց Բարեգործական Ընկերութեան Կանոնադրութիւնը և վերականգնելու նախկին Ընկերութիւնը, որը արդէն բոլորում է իր քսան և հինգերորդ տարեշրջանը:

«Ժողովը ընդունեց Վարչութեան առաջարկութիւնը, որոշեց ընտրել պատգամաւորական մարմին, գնելով նրա վրայ պարտաւորութիւն՝ կազմել պետիցիա ժողովի տրամադրութեան համա-

պատասխանող իմաստով և, ներկայանալով Փոխարքային, խնդրել վերահաստատել նախկին Կովկասեան Հայոց Բարեգործական Ընկերութեան Կանոնադրութիւնը:

«Այնուհետև ժողովը զբաղուեց պատգամաւորական մարմնի ընտրութեամբ, որ տուեց հետևեալ հետևանքը:— Ընկերութեան երեք պատուաւոր անդամներ՝ Բ. Նաւասարդեան, Ա. Մելիք-Ազարեան և Ա. Անանեան, Վարչութեան նախագահ Տ. Յովհաննիսեան, փոխ-նախագահ իշխ. Մ. Թումանեան և պ. պ. Գ. Սունգուկեան, Ա. Խատիսեան, Ա. Քալանթար, Յ. Ամիրխանեան և Յ. Սպենդիարեան»:—

Սակայն այդ պատգամաւորութիւնը չը ներկայացաւ Փոխարքային զանազան հանգամանքների շնորհիւ, ինչպէս բացատրեց Բ. Նաւասարդեանը նոյն տարուայ հոկտեմբերի 8-ի Ընդհանուր Ժողովում: Ընդհանուր Ժողովը, ընտրելով նոր Վարչութիւն, նրան յանձնեց այդ գործը: Իսկ նորընտիր Վարչութիւնը նոյեմբերի 4-ի նիստում յանձնարարեց իր նախագահ Սամսոն Յարութիւնեանին և անդամներ Միքայէլ Աթարէպեանին և Յովհաննէս Սպենդիարեանին ներկայացնել 1881-ի Կանոնադրութիւնը կոմս Վօրօնցով-Դաշկովին:—

Վարչութեան անունից կազմուեց հետևեալ խնդրագիրը.

«Ութսունական թուականների սկզբին, հայ հասարակութիւնը, զգալով ստիպողական անհրաժեշտութիւնը այնպիսի բարեգործական հիմնարկութիւնների, որոնք կարողանային բաւարարութիւն տալ հայ ազգաբնակչութեան աղքատ մասի նիւթական և հոգևոր պահանջներին, այս առիթով միջնորդութիւն յարուցեց նորին Կայսերական Մեծութեան Կովկասեան Փոխարքայի առաջ:

«Այդ միջնորդութիւնը արժանացաւ երկրի բարձր իշխանութեան ուշադրութեան: 1881 թ. յուլիսի 6-ին նորին Կայսերական Մեծութեան Կովկասեան Փոխարքայի պաշտօնակատար գեներալ-ադիւտանտ Մելիքովը հաստատեց Հայոց Բարեգործական Ընկերութեան Կանոնադրութիւնը: Հայոց Բարեգործական Ընկերութիւնը այդ Կանոնադրութեան հիման վրայ գործեց մինչև 1889 թուականը, երբ այդ Կանոնադրութիւնը, ի մեծ վիշտ հայ

ազգաբնակութեան, փոխարինուեց մի նոր Կանոնադրութեամբ: Հին Կանոնադրութեամբ Ընկերութիւնը կրում էր «Հայոց Բարեգործական Ընկերութիւն Կովկասում» անունը և նոր Կանոնադրութեան մտցնելու միջոցին ունէր 19 բաժանմունք Կովկասի զանազան տեղերում: Իսկ Ընկերութեան գործունէութիւնն արտայայտւում էր՝ տարրական, միջնակարգ և բարձր դպրոցներում սովորողներին թողակներ տալու, էժանագին ճաշարաններ, գրադարաններ, ընթերցարաններ պահելու, չունեողներին նիւթական օգնութիւն հայթհայթելու, խօլերայի ժամանակ Կովկասի ազգաբնակութեան բժշկական օգնութիւն հասցնելու համար, բժշկական առողջապահական խմբեր կազմակերպելու մէջ և այլն:

«Ընկերութեան այս ամբողջ կրթական-մարդասիրական գործունէութիւնն անցնում էր Կովկասի բարձր իշխանութեան վերահսկողութեան տակ և այդ իշխանութեան ամեն տարի ներկայացվում էին օրէնքով և շրջաբերականներով պահանջուող հաշիւները և իր տասն և ութ ամեայ գոյութեան ընթացքում Ընկերութիւնը բոլորովին չէ նկատուած որ և է դատապարտելի բանի մէջ:

«Բայց, չը նայած սրան, 1899 թուականին, գլխաւոր իշխանութեան առաջադրութեամբ, ներքին գործերի պ. մինիստրը հաստատեց մի նոր Կանոնադրութիւն, որի գօրութեամբ Հայոց Բարեգործական Ընկերութիւնը զրկուեց ճիւղեր ունենալու իրաւունքից, ուստի և բոլոր 19 ճիւղերը փակուեցին: Իսկ Թիֆլիսի Հայոց Բարեգործական Ընկերութեան գործունէութիւնը զրուած է ամենանեղ շրջանակների մէջ. նա իրաւունք ունի միայն նիւթական օգնութիւն հասցնելու, այն էլ շատ սահմանափակ շրջանի մարդկանց, որ է՝ այն չքաւորներին, որոնք բնակվում են Թիֆլիս քաղաքում և պատկանում են հայ-լուսաւորչական գաւառութեան: Եւ յետոյ նոր Կանոնադրութեամբ արգելուած է Ընկերութեան, ի միջի այլոց, ա) հայերէն լեզուի գործածութիւնը Ընկերութեան գործափարութեան և Ընդհանուր Ժողովների մէջ, բ) դպրոցներ, գրադարաններ, ընթերցարաններ և առհասարակ կրթական դաստիարակչական հիմնարկութիւններ պահելը, գ) թողակներ և նպաստներ տալը դպրոցներում սովորողներին: Այս բոլոր սահմանափակումների հետեանքն էր Ընկերութեան բազմաթիւ կրթական հիմնարկութիւնների փակումը և Ընկերութեան թողակաւուններին կրթութիւնը շարունակելուց զրկելը:

«Ընկերութեան հասցրած հարուածը դառնութեամբ լցրեց

բոլոր հայերի սրտերը, որոնք բոլորովին անմեղ Ընկերութեան փակման մէջ տեսնում էին ոչ մի կերպ չարդարանալի անարդարութեամբ մի գործողութիւն:—

«Որ այդ վերաւորանքը խոր զգում են Կովկասի բոլոր հայերը մինչև այժմ, երեսում է Կովկասի բոլոր քաղաքների զանազան խմբերի և անձերի կողմից Ընկերութեան Վարչութեան ուղղած բազմաթիւ դիմումներէց, որոնց մէջ պահանջվում է միջնորդել Ձեր Պայծառափայլութեան առաջ, որ վերականգնուի Ընկերութեան հին Կանոնադրութիւնը:—

«Մ' նկատի առնելով այս յայտարարութիւնները և կեանքի առաջացրած ստիպողական պահանջները, Թիֆլիսի Հայոց Բարեգործական Ընկերութեան անդամների Ընդհանուր Ժողովը այս տարուայ փետրվար և հոկտեմբեր ամիսներում կայացած իր նիստերի մէջ լիազօրեց Ընկերութեան Վարչութեանը՝ Ձեր Պայծառափայլութեան լուսամիտ ուշադրութիւնը դարձնել այն հանգամանքի վրայ, որ Ընկերութիւնը առանց պատճառի զրկուած է հայ խաւար, աղքատ ազգաբնակչութեան մէջ կրթական և ճշմարիտ մտքդասիրական նպատակներ իրագործելուց և խնդրել Ձեզ վերականգնել 1881 թ. Կանոնադրութիւնը:—

«Վարչութիւնը, խորապէս հաւատալով որ Ձեր անկեղծ ցանկութիւնն է օգուտ բերել Ձեզ հաւատացած երկրի ազգաբնակչութեան, մանաւանդ նրա ամենաաղքատ մասին, և կատարելով Ընկերութեան Ընդհանուր Ժողովի յիշեալ որոշումները, պատիւ ունի ամենայն յարգանքով խնդրելու Ձեր Պայծառափայլութեանը որ չը մերժէք բաւարարութիւն տալու Ընդհանուր Ժողովի աւելի ճիշտ՝ Կովկասեան ամբողջ հայ ազգաբնակչութեան արդարացի միջնորդութեան՝ 1881 թ. Կանոնադրութեան վերականգման մասին:

«Այս խնդրագրին կցուած են 1881 և 1889 թուականների Կանոնադրութիւնները»:

Նոյն նոյեմբերին Վարչութեան երեք լիազօրները ներկայացան փոխարքային:

Կոմս Վօրօնցով—Դաշկովը համակրութեամբ վերաբերուեց այս դիմումին և պատգամաւորների հետ ունեցած խօսակցութեան միջոցին ասաց. «Ես պատրաստ եմ օգնելու այս բարի գործին»:

Սակայն փոխարքան իր իշխանութեամբ չը կարգա-

դրեց այդ հարցը: Վարչութեան նիստում, 1907 թ. ապրիլի 14-ին, նախագահ Ս. Յարութիւնեանը զեկուցեց թէ ինքը տեղեկացել է որ Վարչութեան դիմումը փոխարքայի կողմից ուղարկուած է Պետերբուրգ, որովհետեւ գործող կանոնադրութեան վերացումը և հնի վերականգնումը տեղի պիտի ունենայ Բարձրագոյն հրամանով և այս մաքով էլ փոխարքան միջնորդութիւն է յարուցել Պետերբուրգի իր ներկայացուցիչ բարձն Նովիչի միջոցով: Նախագահը աւելացրեց որ ինքը հեռագրներով խնդրել է Պետական Խորհրդի անդամ Ղուկասեանին և Պետական Դումայի անդամ Աթաբէգեանին որ նրանք միջնորդեն ուր հարկն է; որպէսզի ընդունուի Վարչութեան խնդրքը:

Չը բաւականաւով այսքանով, Վարչութիւնը մայիսին մի երկրորդ խնդրագրով զիմեց փոխարքային և նորից բացատրելով այն նկատառումները, որոնք ցանկալի են դարձնում 1881 թուականի կանոնադրութեան վերականգնումը, խնդրում էր որ շուտափոյթ անօրինութիւն անուի, որովհետեւ թէպէտ և Վարչութեան առանձին խնդրագրին ընթացք է տուած, բայց մինչև այժմ հարցը բարեյայտող լուծում չէ ստացել:

Այս խնդրագրի մէջ Վարչութիւնը շօշափում էր և մի կարևոր հարց: 1906 թուին հրատարակուած օրէնքով նոր ընկերութիւններ բացվում էին իւրաքանչիւր նահանգական Վարչութեան մէջ կազմուած առանձին ատեանի հաւանութեամբ: Վարչութիւնը գտնում էր որ 1881-ի կանոնադրութիւնը այդ օրէնքի սահմանած կարգով չը պիտի վերականգնուի, քանի որ այս դէպքում նոր ընկերութիւն չէ հիմնվում, իսկ 1906-ի օրէնքով ընկերութիւնները բացվում են մի քանի անձանց նախաձեռնութեամբ և արձանագրվում են նահանգական վարչութիւնների առանձին ատեանների մէջ: Այսպիսի կարգով ընկերութիւնը չէ կարող ունենալ 1881-ի կանոնադրութեամբ բացուող ընկերութեան ոյժը: «Կարևոր է մանաւանդ այն,— գրում էր Վարչութիւնը,—

որ այժմ Բարեգործական Ընկերութիւնը իրաւունք չունի յանձնելու նոր ընկերութեան իր գրամագուլիսը և կայքերը, որոնք մօտ 300,000 ըուբլի գումարի են և նուիրուած են հէնց ներկայ Բարեգործական Ընկերութեան այն պայմաններով, որոնք արտայայտուած են ընծայաբերութեան թըղթերի և կտակների մէջ»։—Եւ խնդրում էր փոխարքայի աջակցութիւնը որ ամբողջ հայ ազգաբնակիչութեան վաղուց սպասուող բարեյաջող լուծումը շուտ գրուի 1881 թուականի կանոնադրութեան վերաբերմամբ, «որ կարողութիւն կը տայ զբազուելու խաղաղ և կուլտուրական աշխատանքով ժողովրդի աղքատ և տգէտ մասսայի մէջ»։

Այս երկրորդ դիմումին փոխարքայի դիւանատունը պատասխանեց թէ գործը ուղարկուած է Պետերբուրգ։ Վարչութիւնը մայիսի 31-ի նիստում, նախագահի առաջարկութեամբ, որոշում է նորից դիմել Պետերբուրգում գլխաւոր հայերին. «խնդրել պ. պ. Ղուկասեանին, բժ. Վարդանեանին, Աթաբէգեանին և Եւանգուլեանին դիմումներ անել վերականգնման խնդրի առթիւ, տայով նրանց լիազօրութիւն հրաւիրել նաև ում որ յարմար կը համարեն՝ իրանց օգնելու այս հարցում։ Կառավարութիւնից մերժում ստանալու դէպքում՝ դիմումն անել ուր հարկն է ընկերութիւնը վերակազմելու խնդրի առթիւ նոր օրէնքի հիման վրայ։ Այս հարցի մշակելը յանձնել պ. պ. Ս. Յարութիւնեանին, Ա. Սարուխանեանին, Հ. Առաքելեանին, բժ. Բ. Նաւասարդեանին, Յով. Սպենդիարեանին, Մ. Գէորգեանին, Բ. Վերմիշեանին։ Մասնաժողովին լիազօրութիւն տալ հրաւիրել նաև կողմակի անձանց»<sup>1)</sup>։

Եւ այսպիսով վճռվում էր, 1881 թ. կանոնադրութիւնը չը վերականգնելու դէպքում, դիմել 1906 թ. օրէնքին և նրա ցոյց տուած ձևով վերակազմել Ընկերութիւնը։ Այս դէպքում 1881-ի կանոնադրութիւնը իր տառացի

<sup>1)</sup> Ա.րձ. № 28.



ամբողջութեամբ չէր վերակենդանանում, այլ ենթարկվում էր մշակութեան: Վարչութիւնը սեպտեմբերի 14-ին գրաւոր լիազօրութիւն է տալիս Ս. Յարութիւնեանին, իբրև իր նախագահին, որ նա ուր հարկաւոր է գրաւոր և բերանացի միջնորդութիւններով աշխատէ որ շուտ վերականգնուի 1881 թ. կանոնադրութիւնը:

Վարչութեան ցանկացած եղանակով 1881-ի կանոնադրութիւնը չը վերահաստատուեց: Ներքին գործերի մինիստրը յայտնեց, որ կարիք չը կայ կենտրոնական բարձր կառավարութեան դիմելու, քանի որ 1906-ի օրէնքով կարելի է կարգաւորել Ընկերութեան վերակազմութիւնը Թիֆլիսի նահանգական վարչութեան առանձին ատեանի միջոցով:

Վերամշակուած կանոնադրութիւնը նախ կարդացվում է նոյեմբերի սկզբին կայացած մասնաւոր խորհրդակցութեան մէջ, որին հրաւիրուած էին Ընկերութեան անդամներից 22 հոգի: Ապա հարցը տանջվում է ընդհանուր ժողովին, որ գումարուած էր դեկտեմբերի 1-ին: Նախագահ Նաւասարդեանը բացատրեց թէ նոր վերամշակուած կանոնադրութիւնը իր էական կէտերով նոյն է, ինչ էր 1881-ի կանոնադրութիւնը, բացառութեամբ միայն մի քանի կէտերի: Չեռնհաս անձանց խորհրդակցութիւնը շատ հաւանել է այդ նոր խմբագրութիւնը, որի գլխաւոր կէտերն էլ կարդաց նախագահը:

Ժողովականներից ոմանք փորձ են անում փոփոխելու Ընկերութեան անունը: Նրանք, «առաջնորդուելով,— ինչպէս կարդում ենք արձանագրութեան մէջ,— այն հանգամանքով, որ կանոնադրութեամբ Ընկերութիւնը կամենում է իր սեփական ուսումնարաններն ունենալ և այլ կուլտուրական գործեր կատարել, առաջարկում են վերականգնելիք Ընկերութիւնը անուանել «Կովկասեան Հայոց կրթութեան—Բարեգործական Ընկերութիւն», իսկ ոմանք էլ— ուղղակի դուրս գցել «Բարեգործական» բառը և անուանել

նրան միմիայն կըթական կամ կուտուրական ընկերութիւն»:

Այդ առաջարկութեան դէմ բերվում է այն բացատրութիւնը թէ «զա անկարելի է անել պարզապէս այն հիման վրայ, որ Ընկերութեան անունը հիմնովին փոխելը կը նշանակէր վերջնականապէս փակել հին Բարեգործական Ընկերութիւնը և նրա տեղը մի նոր Ընկերութիւն հիմնել, մի բան, որ ներկայ ժողովը ոչ մի իրաւունք չունի, քանի որ սա Թիֆլ. Հ. Բարեգ. Ընկերութեան ժողովն է, հրաւիրուած այդ Ընկերութեան Վարչութեան կողմից»: Ցանկալի էլ չէր համարվում ընկերութեան անունը փոխել և այն պատճառով, որ «այդ անուան հետ երկար տարիների տրադիցիաներ են կապուած և որ ինչ գլխաւորն է, Ընկերութեան անունը փոխելով, նա կարող է զրկուել այն բոլոր հարստութիւններէ, որ թողնուած են նրան կտակով»:

Այնուհետև ընդհանուր ժողովը միաձայն ընդունեց Վարչութեան ներկայացրած կանոնադրութիւնը և յանձնեց Վարչութեան որ, նա, Ընկերութեան պատուաւոր անդամներ Նաւասարդեանի և Մելիք-Աղաբեանի հետ միասին կանոնադրութիւնը ներկայացնեն նահանգական աստանին, միաժամանակ իրաւունք տալով նրանց, հարկ եղած դէպքում, այս կամ այն փոփոխութիւնը մտցնել կանոնադրութեան մէջ:

Կանոնադրութիւնը անփոփոխ հաստատուեց 1908 թ. յունվարի 31-ին <sup>1)</sup>:

<sup>1)</sup> Տես Յաւելուած:

## II

### ՆՈՐ ԿԱԶՄԱԿԵՐՊՈՒՄ

#### ա. ԱՌԱՋԻՆ ԸՆԴՀԱՆՈՒՐ ԺՈՂՈՎ

Կանոնադրութեան հաստատութիւնից երկու օր անցած, փետրվարի 2-ին, Թիֆլիսի Բօրսայի գահլիճում կայացաւ Ընկերութեան առաջին ընդհանուր ժողովը: Ինչպէս և Ընկերութեան սկզբնաւորութեան ժամանակ, 1881-ին, նկատելի էր հասարակութեան վառ հետաքրքրութիւն: Նիստը բացուեց երեկոյեան 7<sup>1</sup>/<sub>2</sub> ժամին 128 անդամներէ ներկայութեամբ: Նախագահ ընտրուեց բժշ. Բ. Նաւասարգեան, քարտուղար՝ Աշոտ Աթանասեան:

«Նախագահը—կարգում ենք արձանագրութեան մէջ— շնորհաւորեց ժողովականներին, որ այսօր Կովկասի հայ ժողովրդի կուլտուրական ամենաթանկագին հաստատութիւններից մէկը՝ որպիսին էր Կովկասեան Հայոց Բարեգործական Ընկերութիւնը նորից կեանք առան, վերականգնեց իր գործունէութիւնը, որը անագին համակրութիւն էր գտել ամեն տեղ, իւր երկարամեայ գոյութեան ընթացքում:

«Ամասն Յարութիւնեանը (Վարչութեան նախագահ) խօսք առնելով, տասց. «Ուրախ եմ, որ այսօր կարող եմ ես ևս շնորհաւորել հայ հասարակութեանը նախկին «Կովկասի Հայոց Բարեգործական Ընկերութեան» վերաստեղծման փաստով, մի ընկերութեան, որ շնորհիւ սրանից տասը տարի առաջ գոյութիւն ունեցած ներքին քաղաքականութեան ջանքերի՝ 1899 թուականին փակուեց և նրա տեղը մենք ստացանք «Թիֆլիսի Հայոց Բարեգործական Ընկերութիւն» սահմանափակ գործունէութեան շրջանով մի կանոնադրութիւն. այս վերջինը համեմատած իր նախորդի հետ, հանդիսացաւ մի ողորմելի ընկերութիւն և, չը նայելով որ նա ապրում և գործում էր, Բայց այդ կեանքը մեռած էր, գործը տալարդիւն, անհետաքրքիր և այնքան նեղ, որ ըստ այդ կանոնադրութեան Ընկերութիւնը կարող էր օգնել միմիայն Թիֆլիս

քաղաքում ապրող թշուառներին և այն էլ միմիայն հայ լուսաւոր-  
չականներին և այդ օգնութիւնը դրամական չնչին նպաստներից,  
հանդերձեղէն հայթայթելուց այն կողմը չէր կարող անցնել: Հէնց  
դրանով էլ պէտք է բացատրել այն տխուր փաստը, որ այդ ըն-  
կերութիւնը հայ հասարակութեան կողմից չէ գտնուում ոչ մի հա-  
մակրութիւն, որով Ընկերութեան նիւթական աղբիւրները օր ըստ  
օրէ ցամաքում են և հասնում են մի խղճուկ դրութեան: Հայ հա-  
սարակութիւնը սակայն չէր մոռանում իր նախկին Ընկերութիւնը  
և ակնապիշ անհամբերութեամբ սպասում էր այն օրին, երբ նա  
հնարաւորութիւն կունենայ նորից տեսնել վերաստեղծուած «Կով-  
կասեան Հայոց Բարեգործական Ընկերութեան» հին և լայն կա-  
նոնադրութիւնը իր բազմաթիւ ճիւղերով, իր ընդարձակ գործու-  
նէութեան սահմաններով: Այսօր հայ հասարակութեան իր ձեռքը  
այդ նկատմամբ իրազործուած են. վերադարձուած է մեզ մեր հին  
Ընկերութեան կանոնադրութիւնը, որով մենք վերջապէս հնարա-  
ւորութիւն ենք ստանում սոսկ բարեգործութիւնից անցնել կուլ-  
տուրական—կրթական բազմաղիմի մի գործունէութեան, որը իր  
ճիւղերը փոխուէ Կովկասի բոլոր հայաբնակ քաղաքներում և զարկ  
է տալու մեր ազգային առաջադիմութեանը, աւելի քան մի այլ  
հաստատութիւն: Այժմ այդ ընկերութեան շուրջը կարող են հա-  
մախմբուել բոլոր, մանաւանդ մեր ինտելլիգենտ ոյժերը, առանց  
քաղաքական-հասարակական հայեացքների խտրութեան, քանի որ  
մեր Ընկերութեան գործունէութեան սահմանները խիստ լայն են  
ամեն տեսակ կուլտուրական ձգտումների համար: Շնորհաւորելով  
այսօրուայ օրով, հրաւիրում եմ ձեզ բոլորիդ գալ միանալ և ձեռք  
ձեռքի տուած շարունակել մի գործ, որ այնպէս կոպիտ ձեռքով  
ընդհատուել էր»:

Հաւագոյն ապացոյցը թէ հասարակութիւնը որքան  
համակրական վերաբերմունք ունէր դէպի Ընկերութեան  
վերակազմութիւնը, այն փաստն էր, որ այդ խօսքերից  
յետոյ Ս. Յարութիւնեանը հաղորդեց ժողովին: Ընկերու-  
թեան նախկին Խորհրդի նախագահ և պատուաւոր անդամ  
Ալէքսանդր Անանեանը այդ օրուայ առիթով ուղղել էր Ս.  
Յարութիւնեանին հետևեալ նամակը:

«Ի սրտէ շնորհաւորելով Կովկասի Հայոց Բարեգործական  
Ընկերութեան վերակազմութիւնը, որին (Ընկ.) երկար տարիների

ընթացքում ծառայել և սիրել եմ, իբրև մի նշանաւոր և ազգօգուտ հաստատութեան, շատ ցաւում եմ, որ հիւանդութեանս պատճառով անկարող եմ ներկայ լինել այսօր Ընկերութեանդ ընդհանուր ժողովի առաջին նիստին:

Համակրելով ընկերութեանդ նոր մշակած կանոնադրութեան բոլոր նպատակները, առաւելապէս կրթականը, ես ի հաստատութիւն իմ այդ համակրանքի դէպի այդ ընկերութիւնը, նուիրում եմ այժմ Ընկերութեանը քսան հազար բուրլի կանխիկ գումար հետեւեալ պայմաններով. 1) Այդ գումարը պէտք է լինի անձեռնմխելի, իբր նուէր իմ անունից: 2) Գումարի տոկոսները պէտք է գործադրուին յատկապէս կրթական նպատակների համար, գլխաւորապէս գիւղական դպրոցների վերայ, հիմնելով նոր դպրոցներ կամ օժանդակելով նոր բացուելիք և գոյութիւն ունեցող հայ դպրոցներին: 3) Իցէ թէ Ընկերութեան այժմեան կանոնադրութիւնը փոփոխութեան ենթարկուի և շնորհիւ այդ հանգամանքի Ընկերութիւնը անկարող լինի հայկական դպրոցներ հիմնել կամ այդպիսիներին օժանդակել, այդ դէպքում իմ ներկայ գումարի տոկոսը Ընկերութիւնը պէտք է գործադրի միւս հայկական և կանոնադրութեամբ թոյլատրուելիք կարիքների վերայ: 4) Իսկ եթէ Ընկերութիւնը փակուի, այն ժամանակ այս գումարը յատկացվում է մի այլ հայկական հաստատութեան կամ նպատակի՝ Ընդհանուր ժողովի որոշմամբ:

«Նոր սերնդի բարոյական ու մտաւոր զարգացումից կախուած է մեր հայ ժողովրդի ապագան: Բարոյազիտութիւնը զըզրոցներում պէտք է անհրաժեշտութիւն ներկայացնի և այդ առթիւ ես կը ցանկանայի որ Ընկերութիւնը հետեւէր Եւրոպայի, գլխաւորապէս Գերմանիայի կենդանի օրինակին

«Ի գիտութիւն Ընկերութեան հարկաւոր եմ համարում յայտնել որ նա բացի այս քսան հազար բուրլուց, կը ստանայ ապագայում իմ կտակով ևս տասն հազար բուրլի: Կրկին անդամ շնորհաւորելով Կովկասի Հայոց Բարեգործական Ընկերութեանդ վերաբացումն, խորին սրտով ցանկանում եմ Ընկերութեանդ յառաջադիմութիւն՝ յօգուտ մեր ազգի:

«Թիֆլիս, 2 փետրուարի 1908 թ.

Սորին յարգանք՝ Ա. Անեանեան,

«Յ. Գ. Յարգելի պ. Սամսոն Յարութիւնեան.

Ուղարկելով այս նամակը Ձեզ, իբրև Կ. Հ. Բ. Ընկերութեան

նախագահի, խնդրում եմ այս մասին յայտնել Ընկերութեանդ այսօրուայ Ընդհանուր ժողովին»:

Ընդհանուր ժողովը ծափահարութիւններով ընդունում է իր նախագահի առաջարկութիւնը, այն է, որ Վարչութեան նախագահ Ս. Յարութիւնեանը ժողովի կողմից շնորհակալութիւն յայտնէ Ա. Անանեանին: —

Այնուհետեւ Վարչութեան անդամ Հ. Առաքելեանը «կարդում է իր զեկուցումը, որը պարունակում է իր մէջ Կովկասեան Հայոց Բարեգործական Ընկերութեան ողջ գործունէութիւնը»: Իսկ Վարչութեան զանձապահ Ա. Սարուխանեանը ծանօթացնում է ժողովին Ընկերութեան նիւթական կարողութեան հետ, որի ամբողջ արժէքն էր 236,800 ռուբլի: —

Այս զեկուցումները լսելուց յետոյ Ընդհանուր ժողովը դիմում է զլիսաւոր հարցին, այն է՝ վերակազմութեան և «ի նկատի առնելով, որ նոր Կանոնադրութեամբ նոք ընկերութիւն չէ կազմուել, այլ Թիֆլիսի Հայոց Բարեգործական Ընկերութիւնը կերպարանափոխուել է, դառնալով Հայոց Բարեգործական Ընկերութիւն Կովկասում, որ այս հիմամբ Ընկերութեան ունեցածը մնում է նոյն դրութեան մէջ, անփոփոխ, առանց յանձնելու մէկ կողմից և առանց ընդունելու միւս կողմից, որոշեց Թիֆլիսի Հայոց Բարեգործական Ընկերութեան բոլոր ունեցուածքը — թէ շարժական և թէ անշարժ, համարել սեպհականութիւն Հայոց Բարեգործական Ընկերութեան Կովկասում»:

Նոր Կանոնադրութեան գործունէութիւնն սկսվում է պաշտօնատար անձանց ընտրութեամբ. «Վարչութեան նախագահ պ. Ս. Յարութիւնեանը յայտնում է, թէ աչքի առաջ ունենալով, որ Թիֆլիսի Հայոց Բարեգործական Ընկերութիւնը այժմ գործելու է նոր Կանոնադրութեամբ, ընդարձակ ծրագրով և որ իրենք ընտրուած են ըստ հին Կանոնադրութեան, ուստի և նա և իր հետ Վարչութեան բո-

լոր անդամները հրաժարվում են իրենց պաշտօններից և առաջարկում ժողովին ընարել պաշտօնական նոր մարմին: Տ. Յովհաննիսեանն առաջարկում է յայտնել շնորհակալութիւն Վարչութեանը, որ կարողացաւ համեմատաբար կարճ ժամանակամիջոցում գլուխ բերել վերակազմուած Ընկերութեան Կանոնադրութեան հաստատումը: Ժողովը ծափահարութեամբ շնորհակալութիւն է յայտնում: Նախագահը շնորհակալութիւն է յայտնում և հին Վարչութեանը, որ այս գործը նախաձեռնեց (ծափահարութիւն), ապա առաջարկում է պատուել ոտքի կանգնուելով Ընկերութեան հանգուցեալ անդամների յիշատակը (ժողովը ոտքի է կանգնում):—

Ի վերջոյ ժողովն սկսում է ընտրութիւններ կատարել: Ընտրողներ թիւն էր 102: Ընտրվում են Սորհրդի անդամներ. Սամսոն Յարութիւնեան (որ ստանում է 100 սպիտակ քուէ), Սամուէլ Բալաղեան, Առաքել Մարուխանեան, Յովհաննէս Սպենդիարեան, Սաչատուր Աֆրիկեան, Սմբատ Սաչատրեան, Յովսէփ Ամիրխանեան, Սահակ Լիսիցեան, աիկին Հեղինէ Առստամեան, Յակոբ Շահնագարեան, Ալէքսանդր Պապովեան, Յակոբ Բոչարեան: Փոխանդամներ՝ Ստեփան Մալխասեան, Արշալոյս Մխիթարեան, Սարգիս Մելքումեան, Գէորգ Սատիսեան:

### բ. ԽՈՐՀՈՒՐԴԸ

Սորհուրդը իր առաջին հերթական նխառում կազմակերպեց իր դիւանը, այսպէս.— նախագահ՝ Սամսոն Յարութիւնեան (որ մինչև այս օր էլ վարում է այդ պաշտօնը), փոխ-նախագահներ՝ Յովհաննէս Սպենդիարեան (որ նոյնպէս վարում է այդ պաշտօնը մինչև այսօր) և Սմբատ Սաչատրեան: 1909-ին՝ Սամուէլ Բալաղեան, 1910-ին Նիկոլեմ վարդապետը (այժմ եպիսկոպոս), գանձապահ՝ Առաքել Մարուխանեան (այսօր էլ նոյն պաշտօ-

նում), քարտուղար՝ Ալեքսանդր Պոպովեան (1909-ից Յակոբ Շահնազարեան):

Սկզբից և եթ Սորհուրդը ընտրում է գործունէութեան մի այնպիսի ընդարձակ և բազմակողմանի ծրագիր, որի նմանը չէ ունեցել Ընկերութիւնը իր գոյութեան սկզբից: Անցեալ շրջանից մնացած երկու հիմնարկութիւնները—որբանոց և ճաշարան շարունակում են իրանց գոյութիւնը, սովորական աղքատախնամութիւնը նոյնպէս մնում է իբրև գլխաւոր ճիւղերից մէկը: Դրանց վրայ Սորհուրդն աւելացնում է ընդարձակ դպրոցական գործունէութիւն, գրադարան-ընթերցարան, գրական ֆօնդ, հրատարակչական գործ: Թէև նոր Կանոնադրութեամբ Սորհուրդը բաղկացած է 12 անդամից, բայց այդ թիւը չէր կարող բաւարարութիւն տալ՝ գործունէութեան բոլոր ճիւղերը պատշաճաւոր բարեկարգութեամբ առաջ տանելու համար: Ուստի Սորհուրդը սկզբունք է ընդունում գործելու յատուկ մասնաժողովների աշխատակցութեամբ, մասնաժողովներ, որոնք կազմում են Սորհրդի անդամներէից և դրսից հրաւիրուած ձեռնհաս անձերից: Այս կերպով կազմակերպվում են հետևեալ մասնաժողովները՝ ճաշարանի, որբանոցի, ֆինանսական, կալուածական, նպաստամատոց, գրադարան-ընթերցարանի, գիւղատնտեսական, գրական ֆօնդի, հրատարակչական, ներկայացումների և երեկոյթների. առաջին տարին նաև՝ գիւղատնտեսական, և թիւըքահայ գաղթականների:

Այդ ընդարձակ գործունէութիւնը արտայայտվում է հէնց առաջին տարուայ համար կազմուած նախահաշուի մէջ: Սորհուրդը այդ նախահաշուով սպասում էր սովորական մուտք և նուէրներ 18624 ըուրլի, մի գումար, որ երբէք հանդէս չէ եկել Ընկերութեան նախահաշիւների մէջ: Այդպիսի մի նախահաշիւ իրականացնելու համար Սորհուրդը պիտի դիմէր եռանդուն միջոցների: Ընկերութեան գործը ժողովրդականացնելու և հասարակական



ուժերը դէպի այդ գործը զբաւելու համար նա ղիմումներ արաւ թէ ընդհանրապէս մամուլի միջոցով և թէ մասնաւորապէս բազմաթիւ անհատները և ազգային հաստատութիւնները: Եւ այդ ղիմումները չը մնային առանց արծագանքի: Նուիրատուութիւնները, ինչպէս կը տեսնենք, բաւական խոշոր էին և նրանց միջոցով Սորհուրդը կարողացաւ մի կարճ միջոցում աչքի ընկնող խոշոր գործեր կատարել:

Միաժամանակ Սորհուրդը առանձին ուշադրութիւն դարձրեց Ընկերութեան անդամների թիւը մեծացնելու վրայ:

Ընկերութեան հովանատրոջ խնամակալ: 1910 թ. ապրիլի 24-ի ընդհանուր ժողովում Սորհրդի նախագահ Ս. Յարութիւնեանը, նկարագրելով Ընկերութեան ներկայ բարգաւաճ դրութիւնը և հետզհետէ ընդարձակուող գործունէութիւնը, որի գլխաւոր առարկան հայ ժողովրդի կրթական-կուլտուրական գործն է, շեշտեց որ այդ գործունէութիւնը վայելել է հոգևոր իշխանութեան հովանաւորութիւնը, ուստի առաջարկեց. «Ազերսել Նորին Վեհափառութեան, որ նա լինի բարձր հովանաւորող անդամ Ընկերութեան, մանաւանդ որ նրա սրտին միշտ մօտ է եղել մեր Ընկերութեան գործունէութիւնը»:

Ժողովը միաձայն և յոսնկայս ընդունում է այդ առաջարկութիւնը: Վեհ. Իգմիրլեան Մատթէոս Բ. Կաթողիկոսը ի պատասխան այդ ընտրութեան, ուղղում է Սորհրդին հետեւեալ կոնգակը.

Գերազնիւ նախագահաց ընդհանուր ժողովոյ և խորհրդի և պատուական տեսրց անդամոց Բարեգործական Ընկերութեան Հայոց Կովկասու, հարազատ և հաւատարիմ որդւոց մօքս լուսոյ Ս. Էջմիածնի բազմասցի շնորհ, սէր և ողջոյն փրկչաւանդ հանդերձ հայրապետական օրհնութեամբ:

Գոհունակութեամբ ընկալաք զհեռագիր սիրեցեալ առ ի մէնջ որդւոցդ ի 25 ամսեանն ապրիլի, յորմէ իրազեկ եղաք, եթէ ընդ-

հանուր ժողովն Բարեգործական Ընկերութեանց Հայոց Կովկասու  
որոշեալ է համարել զՀայրապետան լրութեան Ազգիս պատուաւոր  
անդամ Հովսեփաւորոզ Ընկերութեանդ:

Հռչակ բեղմնաւոր և արդիւնաշատ գործունէութեան Բարե-  
գործական Ընկերութեանց իսկզբանէ անտի ցայսօր քաջայայտ է  
մերազնեայ ժողովրդեան, զի պատկառելի հաստատութիւնդ, բազ-  
մաթիւ ճիւղաւորութեամբ իւրովք, ընդ հովանեաւ բարեխնամ  
պետութեան Ռուսիոյ, շնորհիւ բարեմիտ և գիտակից անձանց  
ձեռն օժանդակութեան կարկառէ յամենայն ժամ բազմաթիւ  
դժբախտ անձանց, չքաւորաց, ուսումնատենչ պատանեաց և առ-  
հասարակ ամենայն կրթական և հանրօգուտ ձեռնարկութեանց և  
հաստատութեանց, որով մեծապէս նպաստէ մտաւոր և բարոյա-  
կան յառաջադիմութեան և երջանկութեան Ազգիս:

Արդ՝ ընկալեալ Մեր գործունէն Ընդհանուր ժողովոյ սոյնպիսի  
բազմարդիւն Ընկերութեանց վասն կոչման պատուաւոր Հովա-  
նաւորոզ անդամութեան Մերոյ, որ ի յարգանս Հայրապետու-  
թեան Ամենայն Հայոց, այսու Հայրապետական Կոնդակաւ մերով  
յայտնեմք սիրելի որդւոցդ զսրտագին գոհունակութիւնս Մեր  
հանդերձ օրհնութեամբս. մաղթեմք առ Տէրն տէրանց ի հաճոյս  
իւր ընդունել զբոլորանուէր վաստակս Մեծայարգ անդամոցդ  
և պարգեւել բազմավաստակ սիրելեացդ զիմաստութիւն, զեռանդ  
բարեգործութեան և զքաջառողջութիւն՝ նովին սրտաբուխ եռան-  
դեամբ և անձնուիրութեամբ շարունակել զբեղմնաւոր գործու-  
նէութիւնն Ձեր յօգուտ տառապեալ ազգիս:

Ողջ լերուք, զօրացեալ ի Տէր, պահպանեալ ի խնամս Հօրն  
երկնաւորի և օրհնեալ ի Մէնջ. Ամէն:

ՄԱՏԹԻՈՍ Բ. Կաթ. Ամ. Հայոց

2 Մայիսի 1910 ամի և ըստ  
տոմարիս ՌՅԾԹ

Ի Հայրապետութեան Մերում Ա. ամի  
յԱրարատեան Մայր Աթոռ Ս. Էջմիածնի  
Ի Վաղարշապատ  
Թ. 1192:

Գործադիր անդամներ: Տարեկան 5 բուբլի վճարող անդամների թիւը 1908-ին հասաւ 304-ի, բայց հետեւեալ տարին այդ թիւը իջաւ 267-ի, իսկ 1910 թուին կենտրոնի անդամների թիւն էր 342: Ամեն տարի խորհուրդը ուղարկում է Թիֆլիսում ապրող հայերին հարկւրաւոր տպագրուած նամակներ, որոնց մէջ թուելով Ընկերութեան կատարելիք գործերը, առաջարկում է անդամ



Ա. Ղ. Ր. Ն. Ջ. Ե. Ն.

Պատասաոր տնօրէն:

գտնել, որոնց թիւը առ 1 յունվարի 1910 թ. կազմում էր 29 հոգի:

Պատասաոր անդամներ: Ընկերութեան այս երկրորդ շրջանում մենք տեսնում ենք որ խորհուրդը Ընկերութեան խոշոր նուէրներ անուղներին պատուաւոր անդամ կոչում տալու որոշումն է անում և իրագործում: Իր

գրուել: Եւ անշուշտ խորհրդի մեղը չէ որ այդ դիմումների մեծագոյն մասը անպտուղ է մնում:

Մշտական անդամներ: Նոր կանոնադրութեամբ միանուագ 100 բուբլի վրճարողները համարվում են մշտական անդամներ: Խորհուրդը աշխատելով մեծացնել այդպիսի անդամների թիւը, պատրաստել տուեց յատուկ մեծագիր վկայականներ, զարդարուած գեղարուեստական նկարով<sup>1)</sup> և առանձին-առանձին անհատների դիմելով, կարողացաւ մշտական անդամներ

(<sup>1</sup> Տես այս գրքի շապիկը:

գործունէութեան երկրորդ ամսում Սորհուրդը Ընդհանուր Ժողովին առաջարկութիւն է անում պատուաւոր անդամ Ընտրելու Պետրովսկի վաճառական Ալէքսանդր Ղարաջեանին, որի առատաձեռն նուէրով կառուցվում է շինութիւն Սուղազեանի ստան կից<sup>1)</sup>: Ընդհանուր Ժողովը մարտի 22-ի նիստում ընտրում է Ա. Ղարաջեանին պատուաւոր անդամ:—

Նոյն 1908 թ. մայիսին Շուշու Տեղական Վարչութիւնը, Տեղական Ընդհանուր Ժողովի հաւանութեամբ, առաջարկում է Սորհրդին՝ Ընկերութեան պատուաւոր անդամ ընտրել Առաքել Բաբախանեանին (1էօ), սրա գրական գործունէութեան 25 ամեայ յօբելեանի առիթով, որ տօնվում էր նոյն մայիսին: Իր զեկուցագրի մէջ Վարչութիւնը թւում էր թէ ինչ ծառայութիւն է մատուցել Ա. Բաբախանեանը Շուշու Տեղական Ճիւղին: Սորհուրդը իր կողմից զեկուցում ներկայացրեց մայիսի 17-ի Ընդհանուր Ժողովին, որ և միաձայն ընտրեց Ա. Բաբախանեանին Ընկերութեան պատուաւոր անդամ:



Ա. ԲԱԲԱԽԱՆԵԱՆ (1870)

Պատուաւոր անդամ:

որ և միաձայն ընտրեց Ա. Բաբախանեանին Ընկերութեան պատուաւոր անդամ:

Հետեւեալ տարին, 1909-ին, պատուաւոր անդամ ընտրուեցին երկու հոգի. մայիսի 17-ի Ընդհանուր Ժողովը միաձայն ընտրեց Ալէքսանդր Մանթաշեանին, որ ինչպէս

<sup>1)</sup> Տես ստորև «Բաբերաբներ»:

արդէն գիտենք 1881—1895 թուականների ընթացքում անընդհատ Սորհրդի անդամ է եղել և որ 1908-ին նուիրել էր Ընկերութեան 20000 բուբլի: Միաժամանակ զբուսած էր և Թիֆլիսի Վաճառական Տիգրան Աֆրիկեանին պատուաւոր անդամ ընտրելու հարցը: Աֆրիկեանի մասին Սորհուրդը զեկուցեց որ նա յանձն է առել և անցեալ տարուանից սկսել է տալ 4700 բուբլի տարեկան նպաստ դպրոցներին: Ընդհանուր ժողովը ընտրեց Տ. Աֆրիկեանին պատուաւոր անդամ:



Տ. Ա Փ Ր Վ Ս Ա Ն  
Պատուաւոր անդամ:

Իսկ 1910 թուի յունվարի 10-ին Ընդհանուր ժողովը միաձայն պատուաւոր անդամ ընտրեց Թիֆլիսի վաճառական Աւետիս Պօղոսեանին, որ առանձին դրամով 7100 բուբլի էր նուիրել՝ զբքեր հրատարակելու համար:—

Ընկերութեան տունը: Ինչպէս տեսանք, 1907-ին Վարչութիւնը գնեց Աբաս-Աբաղեան հրապարակում գանուող նրա տան կից շինութիւնը, որ պատկանում էր Արէշեանին:— Սորհրդի առաջին գործը եղաւ քան-

դել այդ հին շինութիւնը և նորը կառուցանել: Շինութիւնը նոյն 1908-ին շինուեց Ա. Ղարաջեանի նուէրով: Սորհրդի անդամ ինժիներ Սահակ Լիսիցեանի նախագծով Եւ ընկերութեան անդամ Ա. Ի. Շահիկեանի հսկողութեամբ կառուցուած այդ շինութիւնը միացուեց Սուրհուրեանի տանը և այդպիսով Ընկերութիւնն ունեցաւ Թիֆլիսում մի մեծ և գեղեցիկ տուն, որի մէջ աեղաւորուեցին Ընկերութեան





ԸՆԿԵՐՈՒԹՅԱՆ ՏՈՒՆԸ (Թիֆլիս, Արաս-Արաղվայան հրապարակ):





բոլոր հիմնարկութիւնները — որբանոց, գրադարան-ընթեր-  
ցարան, ճաշարան, Խորհրդի գրասենեակ: Նոր շինութեան  
վերին յարկը մի ընդարձակ դահլիճ է, երկու մասից բաղ-  
կացած, ուր կայանում են Ընկերութեան ընդհանուր ժո-  
ղովները, լինում են դասախօսութիւններ, երեկոյթներ:  
Շինութիւնը լուսաւորվում է ելեքտրականութեամբ:

Ծիւղեր: 1908-ի Խորհուրդն էլ, 1881-ի Խորհրդի  
նման, իսկոյն և եթ դիմումներ արաւ Կովկասի և Անգրկով-  
կասի հայաբնակ վայրերը՝  
Ընկերութեան ճիւղեր բաց  
անելու համար: Եւ այդ  
հրաւէրները արձագանք  
տուին բազմաթիւ տեղե-  
րում, մի հանգամանք, որ  
ապացուցում էր թէ միան-  
գամայն ճիշտ էր ասում  
1907-ին Վարչութիւնը Կով-  
կասի փոխարքային տւած  
իր խնդրագրի մէջ՝ թէ ամ-  
բողջ Կովկասի հայ ազգա-  
բնակութիւնը փափագում է  
վերականգնած տեսնել Հա-  
յոց Բարեգործական Ընկե-  
րութիւնը իր նախկին կա-  
նոնադրութեամբ:



Ա. Պ Օ Ղ Ո Ս Ե Ա Ն

Պատւաւոր անդամ:

Խորհուրդը կազմուեց  
փետրուարի 2-ին, իսկ մարտի 22-ին գեկուցանում էր  
ընդհանուր ժողովին, որ մինչև այդ, թոյլտուութիւն են  
ստացել ճիւղեր բանալու 18 հայաբնակ քաղաքներ և գիւ-  
ղեր: 1908-ի վերջում Ընկերութիւնը ունէր 40 ճիւղ, իսկ  
այժմ երեսնամեայ գոյութիւնը բոլորելու վրայ, ունի 45  
ճիւղ:

Ներկայ կազմը: Խորհրդի ներկայ կազմը, որին

վիճակուած է իր գործունէութեամբ բոլորել Ընկերութեան կեանքի երեսնամեայ շրջանը, բաղկացած է հետևեալ անձերից. նախագահ՝ Սամսոն Յարութիւնեան (1906 թ.), փոխ-նախագահներ՝ Յովհաննէս Սպենդիարեան (Նոյնպէս) և Եփրեմ Եպիսկոպոս Սուքիասեան, զանձապահ՝ Առաքել Սարուխանեան (1907-ից), քարտուղար՝ Յակոբ Շահնազարեան և անդամներ՝ տ. Հեղինէ Առստամեան, Ալէքսանդր Շահիկեան, Սահակ Լիսիցեան, Սարգիս Մելքումեան, բժ. Բախշի Աղասարեան, Զաքար Մամուլեան և բժ. Արամ Մխիթարեան: Այս կազմի մեծագոյն մասը (Յարութիւնեան, Սպենդիարեան, Սարուխանեան, Շահնազարեան, Շահիկեան, Մելքումեան) Ընկերութեան երկարամեայ ծառայութիւններ մատուցած մարդկանցից է բաղկացած: Երեսուն տարուայ ընթացքում Ընկերութիւնը ստեղծել է գործիչներ ի մի ամբողջ շարք, որից և զխաւորապէս կազմվում են նրա պաշտօնատար մարմինները:

Ընդհանուր ժողովներին երրորդ շրջանի ընթացքում նախագահել են՝ բժշկ. Բ. Նաւասարդեան (ութ անգամ) Ա. Բալանթար (վեց անգամ) Տ. Յովհաննիսեան (1 անգամ):


### III

## ԿԵՆՏՐՈՆԻ ԳՈՐԾՈՒՆԵՆՈՒԹԻՒՆԸ

(1908—1911)

### ա. ԴՊՐՈՑԱԿԱՆ ԳՈՐԾ

Վերակազմուած Ընկերութեան ամենագլխաւոր հոգար, ինչպէս և 1881—1899 թ. շրջանում, դառնում է հայ ժողովրդի կրթութեան գործը: Բայց օգնութեան սխտեմի, միջոցների տեսակէտից մեծ տարբերութիւն է նկատվում նախկին և նոր Խորհուրդների մէջ:





ԽՈՐՀՈՒՐԳ

Մէջ ձեւը — Ս. Յարսիսեան (նախագահ): ՉԱն ԿՊՄՄԻՑ. Եփրեմ Լոյսեպետա Սարգսեան (վիպի - նախագահ), անդամներ — Տ. Չեփնէ Առստեան, Առանկ Սարսիսեան (գրանագրան), Ալեքսանդր ճամբկեան, Յարթը ճաննապետեան (տարտապար): ԱԶ ԿՊՄՄԻՑ — Յայնմնէն Ապեղյուրեան (վիպի - նախագահ), անդամներ — Սարգիս Մեյրամեան, Մանակ Ալոյիեան, Չարտր Մամուկեան, բժ. Արամ Միկայելեան:



Մենք տեսանք որ նախկին Խորհուրդը բաւականա-  
նում էր իր նախահաշուի խոշոր մասը յատկացնելով  
ուսումնառուներին, այսինքն աշակերտներին և ուսանող-  
ներին, տալով նրանց ամսական փոքրիկ թոշակներ կամ  
միանուագ նպաստներ. երկարատե կամ միանուագ նպաս-  
տներ ստանում էին և մի քանի ծխական դպրոցներ: Գա-  
ւառների կրթական դրութիւնը համարեա միանգամայն ան-  
ծանօթ էր Խորհրդին. տեղական ճիւղերն էին միայն, որ  
իրանց կարողութեան չափ օգնում էին տեղային դպրոց-  
ներին: Սակայն մենք տեսանք արդէն, որ տեղական ճիւ-  
ղերը նախ և առաջ շատ բազմաթիւ չէին և երկրորդ՝  
նրանց դրամական միջոցներն էլ մեծագոյն մասամբ շատ  
սահմանափակ էին:

Նոր Խորհուրդը նախկինի շաւղով չը գնաց: Նրա առջև  
կանգնած էր ժողովրդական մեծ կարիքը աւելի որոշուած,  
աւելի ընդարձակ սահմաններով գծագրուած կերպարան-  
քով: Վերջին տարիների անեղ ցնցումները—նախ հայ-թըր-  
քական ընդհարումները, ապա ամբողջ Կովկասը բռնած  
յեղափոխական շարժումները վերջնականապէս ջլատել էին  
հայ ժողովրդի նիւթական և բարոյական կարողութիւնը:  
Թշուառութիւնների անսահման և անեղր ծով էր ներկա-  
յացնում հայութիւնը Անդրկովկասում: Եւ երբ անցան փո-  
թորիկները, երբ վերահաստատուեց խաղաղութիւնը, աւե-  
րանքների ենթարկուած կեանքը նորից և աւելի մեծ,  
տենդային թափով հրապարակ հանեց խաղաղ կուլտուրա-  
կան աշխատանքի տենչերը, միմիայն այդ աշխատանքի  
մէջ տեսնելով իր փրկութիւնը անտեսական և բարոյական  
կատարեալ քայքայումից:

Բայց ի՞նչ պատրաստութիւն ունէր, ի՞նչ կարողու-  
թեան տէր էր հայ ժողովուրդը, իր կուլտուրական տեն-  
չերը իրականացնելու համար:

Խորհուրդը, 1908-ին սկսելով իր դպրոցական գործու-  
նէութիւնը, միաժամանակ մի վերին աստիճանի կարևոր

գործ կատարեց: Իր ճիւղերի և իր յատուկ շրջիկ լիազօրի միջոցով նա մանրամասն տեղեկութիւններ հաւաքեց հայ ժողովրդի կրթական դրութեան և գոյութիւն ունեցող հայ դպրոցների մասին:—Այդ բազմակողմանի տեղեկութիւնները հարուստ և կարևոր նիւթեր են մեր ժամանակակից կուլտուրական կեանքի պատմութեան համար: Նրանք ցոյց տուին որ աղէտը երևակայածից անգամ շատ մեծ է: Նրանք հանդէս բերին անդրազիտութեան միապաղաղ թանձր խաւարի մէջ թաղուած մի ամբողջ ժողովուրդ: Վերին աստիճանի հետաքրքրական է այդ կողմից Խորհրդի լիազօր Վահան Տէր-Աբրահամեանի կազմած ընդարձակ տեղեկադիրը, որ տպուած է Ընկերութեան 1908-ի ընդհանուր Տեղեկադրի մէջ <sup>1)</sup>: Ահա ինչ փաստեր ենք գտնում այնտեղ:

1907 թ. ընդհանուր ժողովրդագրութիւնը զիւղացի ազգաբնակչութեան գրագիտութեան վերաբերմամբ տուել է մի շարք թուանշաններ, որոնք մօտաւոր ճշտութեամբ այսպիսի պատկեր են ներկայացնում.

ԳՈՒԹԱՅԻՄԻ ՆԱՃԱՆԳՈՒՄ 1000 տղամարդկանց գալիս է 172 գրագէտ, այսինքն 17,2<sup>0</sup>/<sub>0</sub>, 1000 կանանց՝ 92 կամ 9,2<sup>0</sup>/<sub>0</sub>: Այս թուերը վրացի ազգաբնակչութեան են վերաբերվում: Տեսնենք հայաբնակ երկու նահանգները— Գանձակի և Երևանի:

ԳԱՆՁԱԿԻ նահանգում հազար տղամարդկանց գալիս է 50 գրագէտ, այսինքն՝ 5<sup>0</sup>/<sub>0</sub>, 1000 կանանց՝ 7 գրագէտ, այսինքն 0,7<sup>0</sup>/<sub>0</sub>: ԵՐԵՒԱՆԻ նահանգում 1000 տղամարդկանց գալիս է 66 գրագէտ կամ 6,6<sup>0</sup>/<sub>0</sub>, 1000 կանանց՝ 0,6<sup>0</sup>/<sub>0</sub>:

«Այս երեք նահանգների գրագիտութեան միջին <sup>0</sup>/<sub>0</sub>-ը գիւղական ազգաբնակչութեան համար կազմում է 9,6<sup>0</sup>/<sub>0</sub> (տղամարդ) և 3,3<sup>0</sup>/<sub>0</sub> (կին):»

Այս թւերի դէմ կարելի է առարկել, թէ Գանձակի ու Երև-

<sup>1)</sup> Եր. 18—40.

ւանի գաւառների հայ աղգարնակութեան գրադիտութեան տոկոսը անսպասման շատ աւելի բարձր կարող է լինել, քանի որ թուրք աղգարնակութիւնը նուազեցնում է այդ տոկոսը: Բայց, համեմատելով գրեթէ ամբողջովին թրքարնակ Դաղստանի, Զաքարթալի շրջանի և Բազալայ նահանգի գրադիտութեան թւերի հետ, կարելի է գալ այն համոզման, որ թուրքերը կարող են նուազացնել այդ տոկոսը ոչ աւելի, քան 10%: Մեր հարեան վրացիները մեզնից շատ առաջ են ընթացել կրթութեան ճանապարհին, իսկ թուրքերից էլ այդ խնդրում գրեթէ չենք տարբերում:

Վերև բերած թուրք եթէ համեմատելու լինենք Ռուսաստանի և մանաւանդ եւրոպական երկրների գրադիտութեան ընդհանուր թուերի հետ, մեր առաջ կը բացուի այն վիճը, որ բաժանում է մեր երկիրը ժամանակակից քաղաքակրթութիւնից:

Ռուսաստանում (1897 թ.)	1000 մարդուն ընկնում է	277	գրագէտ
Գերմանիայում (1895 թ.)	»	»	» 980
Բելգիայում	»	»	» 998
Ֆրանսիայում	»	»	» 979
Միացեալ Նահանգներում	»	»	» 893

Բայց ոչ միայն գրադիտութեան 0%-ով ենք տարբերում միւս երկրներից, նոյնքան պերճախօս են նաև փաստերը—կրթութեան որակի մասին, որ տալիս են մեզ համեմատական տախտակները: Կրթութեան էութիւնը միայն կարգով գրելու մէջ է: Որչափ նպաստաւոր պայմաններում դրուած լինեն դպրոցները նիւթականի նկատմամբ, կրթութեան որակը այնքան բարձրանում է:

Եւ Տեղեկագիրը բերում է մի շարք երկիրներ և տեղեկութիւն է տալիս թէ իւրաքանչիւր երկրում մի շնչին ընդհանուր դպրոցական բիւջէից սրբան է ընկնում: Եւ մենք տեսնում ենք որ մինչդեռ միացեալ նահանգներում մի շնչին գալիս է 4 ր. 86 կոպէկ, Շվեյցարիայում՝ 2—43, Ֆրանսիայում՝ 1—66, Եպպօնիայում՝ 54 կ. Ռուսաստանում 31 կոպ. մեզ մօտ, Նոր-Բայազէդի գաւառում, մի շնչին ընկնում է 7½ կոպէկ: Մինչդեռ Ռուսաստանում մի դըպրոցը ընկնում է 2117 շնչին, նոյն Նոր-Բայազէդի գաւառում մի դպրոցն ընկնում է 9199 շնչին:

Տեղական Վարչութիւնների միջոցով հաւաքած տեղեկութիւններից երևում է հետևեալը:



Կարսի շրջանում գտնուած 91 հայ գիւղում (64,500 բնակիչ, Կարս քաղաքը չը հաշուած) կան միայն հինգ ծխական և 14 պետական դպրոցներ: Մնացած 72 գիւղերը զուրկ են դպրոցներից: Ընդարձակ Շիրակը, բաղկացած 25 հայ գիւղերից, ունի միայն 2 դպրոց: Օլթիի թրքախօս շրջանում, ուր հայ լեզուն մոռացութեան է արուել, 9 հայ գիւղեր ունեն միայն 2 դպրոց: Բասենի 12 հայ գիւղերը—2 դպրոց: Թախտիի շրջանում եղած 16 հայ գիւղերը—կրկին միայն 2 դպրոց, իսկ Կաղզուանի շրջանում՝ և ոչ մի դպրոց:

Հին-Սախիջեանի վիճակում գտնուած 85 գիւղերից 74 հայ գիւղեր չունեն ծխական դպրոցներ:

Սոր-Բայազէտի գաւառը, բաղկացած 58 հայ գիւղերից (102,327 բնակիչ, քաղաքը չը հաշուած), ունի միայն 8 ծխական դպրոց: Այդ գաւառի Գեղարքունիքի մասում, 33 գիւղերից բաղկացած, կայ միայն 1 (մէկ) ծխական դպրոց, այն էլ Նոր-Բայազէտ քաղաքում, իսկ գիւղերում՝ միայն 3 պետական դպրոց:

Ալէքսանդրապօլի հոգևոր փոխանորդութեան վիճակում, այս ամենահայաշատ շրջաններից մէկում, որը ունի 130,000 հայ ազգաբնակչութիւն, կայ միայն 22 ծխ. դպրոց, որոնք նոր են բացուել: Իսկ եթէ հաւատանք Մատթէոսեան վարդապետի՝ Խորհրդրդիս ուղղած գրութեանը, — այս շրջանում ազգաբնակչութեան 95<sup>0</sup>/<sub>10</sub>-ը անգրագէտ է:

Աբարանը, իր 25 գուտ հայաբնակ գիւղերով, ուր ապրում են 30,000 բնակիչ, ունի միայն 2 (երկու) դպրոց:

Գանձակի շրջանի 35 հայաբնակ գիւղերից միայն երկուսը ունին ծխական դպրոցներ:

Գորուայ գաւառի 19 վերախօս հայ գիւղերից միայն երեքում կան դպրոցներ:

Ախալքալաքի շրջանը, բաղկացած 87 հ. գիւղերից (76,469 հայ ազգաբնակչութիւն), ունի միայն 1 ծխական դպրոց. աստեղ կան նաև 15 պետական դպրոցներ:

Իսկ եղած դպրոցները ի՞նչ դրութեան մէջ էին: Այս հարցը լուսաբանելու համար Խորհուրդը մի շրջաբերակա՝ նով դիմեց բոլոր ճիւղերին և գնելով 43 հարց, որոնք վերաբերվում էին դպրոցների կազմակերպութեան, կատարած գործին, խնդրեց պատասխաններ ուղարկել: Ստա-

ցուած տեղեկութիւններէց դպրոցական տեղեկագիրը հետեւեալ եզրկացութիւններն էր գուրս բերում.

Դպրոցը—դա ինքը ուսուցիչն է. դպրոցում ուսման առաջադիմութեան դործում միակ մեծ դերը կատարում է լաւ պատրաստուած ուսուցիչը, սակայն մեր ուսուցիչները մի մասը բաւարար պատրաստուած չէ իր պատասխանատու պաշտօնի համար: Կարիք է զգացում մի յատուկ ուսուցչանոցի. իսկ առ այժմ այդ կարիքը կարող էին լրացնել մեր թեմական դպրոցները, եթէ բանային մանկավարժական մասնագիտական դասարաններ մէկ կամ երկուտարւայ դասընթացով:

Ներկայումս մեր դպրոցներում խոշոր պակասութիւն է զգացւում օրինակելի դասագրքերի: Նաև մայրնի լեզուի առանձին դասագրքի կարիքը, յատկապէս վերախօս և թրքախօս վայրերում գտնուած դպրոցների համար, անհրաժեշտութիւն է ներկայացնում: Մի դովիլի գործ կատարած կը լինեն այդ վայրերում պաշտօնավարած հմուտ ուսուցիչները, եթէ օր առաջ զբաղուեն այդ խնդրով և հէնց առաջիկայ ուս. թ. սկզբին հրատարակեն այդպիսի ձեռնարկներ:

Ի՞նչ կարող է անել նոյն իսկ լաւ ուսուցիչը, երբ դպրոցը զուրկ է անմենակարևոր պիտոյքներից: Նոյն իսկ դպրոցական շէնքերը, մասնաւորապէս գիւղերում, խիստ անյարմար են պարտմունքների համար: Ահա մի խոշոր պակասութիւն ևս, որին շատ գիւղին կերպով կարող էր բաւարարութիւն տալ հէնց տեղական շահագրգռուած համայնքը՝ ընդհանուր ոյժերով: Հարկաւոր են միայն նախաձեռնողներ.

Մեր ժողովուրդը խիստ կարիք ունի նաև աշխատանոցների, ինչպիսիք են, օրինակ, արհեստանոցներ, որ շատ վայրերում և ընկերութեանս ձիւղերի շնորհիւ, արդէն գոյութիւն ունեն:

Մի խոշոր կարիքի—գիւղատնտեսական դպրոցների—մասին ևս հոգացել է խորհուրդս:

Ահա որքան մեծ ու աղէտալի էր դպրոցական սովը մեզանում: Ի՞նչ կարող էր անել Բարեգործական Ըկերութիւնը այդ համատարած թշուառութեան դէմ: Խորհուրդը մասնաւոր խորհրդակցութիւններ կազմեց Ըկերութեան ձեռնհաս անդամներից: Հարցը քննուեց և ընդհանուր ժողովներում: Ծրագրերն էր շատ եղան, քննադատութիւններ՝

նչ պակաս: Սակայն վերջ ի վերջոյ, թէ տուճեան միջոցները և թէ ընդհանուր դրութիւնն ի նկատի ունենալով, Սորհուրդը այսպէս ծրագրեց իր գալրոցական գործունէութիւնը. «1) Աջակցել հայոց եկեղեցական—ծխական գրպայրոցներին, ընկերութեանս միջոցներով այգալիսինները հիմնելով կարևոր վայրերում և նպաստելով արդէն գոյութիւն ունեցող գալրոցներին, որոնք նիւթական միջոցների պակասութեան պատճառով ենթարկուած են փակման վտանգին, 2) Նոր գալրոցներ հիմնելիս կամ եղած գալրոցներին նպաստելիս, նախապատուութիւն տալ այն վայրերին, որտեղ մեծ տարածութեան վրայ գոյութիւն չունեն գալրոցներ և կամ ուր մայրենի լեզուն մոռացութեան վտանգ է սպառնում: 3) Որ և է վայրում գալրոց հիմնելիս, աշխատել, որ տեղական հայ հասարակութիւնը իր կարողութեան չափով մասնակցէ գալրոցական ծախքերին»<sup>1)</sup>:

Եւ հետեւելով այդ ծրագրին, Սորհուրդը 1908 թուին նպաստներ տուեց 63 եկեղեցական ծխական գալրոցների թիֆլիսի և Երևանի թեմերում: Ընդհանրապէս նպաստների քանակն էր 100—300 ըուբլի, բայց Տ. Ա. ֆրիլեանի հաշուով պահուող գալրոցներից չորսը ստացան 500-ական և մէկը 900 ըուբլի:—Նպաստների ընդհանուր գումարն էր այդ տարում 15650 ըուբլի: Այգալիսի գումար Բարեգործական Ընկերութիւնը դեռ ոչ մի տարի չէր ունեցել իր հաշիւների մէջ իբրև գալրոցական նպաստ:—

Նպաստներով գործելու եղանակը, ինչպէս ասացինք, քննադատութիւնների տեղիք էր տալիս Ընդհանուր Ժողովներում: Գտնում էին որ փոքրիկ նպաստներով չէ կարելի շօշափելի բարելաւում մտցնել գալրոցական գործի մէջ: Աւելի լաւ էր որ Սորհուրդը իր ծախսած գումարով մի քանի կամ նոյն իսկ մի հատ օրինակելի, ապահովուած գալրոց պահէ, քան մի քանի տասնեակ գալրոցների համե-

<sup>1)</sup> «Տեղեկագիր» եր. 26.

մատարար չնչին նպաստներ տայ: Այսպիսի վիճաբանութիւններ եղան 1908 թ. սեպտեմբերի 24-ի և 1909 թ. փետրվարի 22-ի Ընդհանուր Ժողովներում, ինչպէս և ուրիշ անգամներ: Սակայն այդ վիճաբանութիւնները որոշ եզրակացութեան չը հասցրին և գերակշռող մնաց այն հանգամանքը, որ պարզ գրագիտութեան տարածուելուն նպաստելն էլ պէտք է շատ դոճացուցիչ համարուի ներկայ հանգամանքների մէջ:

Սակայն նպաստների գործը փոխանակ հետգհետէ մեծանալու, երկրորդ տարուանից սկսեց պակասել: 1909 թուի նախահաշուով նշանակուած էր դպրոցական նպաստ 17000 ռուբլի: Բայց Խորհուրդը կարողացաւ նպաստ տալ 54 դպրոցների (5 միդասեան և 49 երկդասեան) 12839 ռ. 41 կոպէկ, ուրեմն նշանակածից 4160 ռ. 59 կոպ. պակաս: Իսկ 1910 թուին բաժանուած է նպաստ 57 դպրոցների (հաշուելով և այդ առիթով գանազան ծախսեր) 11300 ռուբլի:

Այս թուանշանները ցոյց են տալիս որ Խորհուրդը սկսելով մեծ եռանդով և ընդարձակ ծրագրով դպրոցական գործունէութիւն, հասարակութեան կողմից բաւարար աջակցութիւն չը գտաւ: Դպրոցական նպաստի տարեկան գումարը իսկապէս կազմվում է հետևեալ նուէրներից. Պետերբուրգի Հայոց եկեղեցական Խորհրդից՝ 4000 ռ., Տիգրան Աֆրիկեանից՝ 4700 ռուբլի, Անանեանի և Մանթաշեանի գումարներից՝ 2189 ռ. 76 կ., Հոխիսիմէ Աղամեանից՝ 600 ռուբլի, Միքայէլ Ալիբէգեանից՝ 300 ռուբ., Սամսոն Յարութիւնեանից՝ 250 ռ. և Գարրիէլ Կաֆեանից՝ 150 ռուբլի: Լինում են և պատահական նուէրներ:

Դպրոցական գումարի մէջ մտնում է և Խորհրդի լատուկ լիազօր վերահսկիչի ստացած ռոճիկը: Այս պաշտօնիայի մասին հետևեալն ենք կարդում Խորհրդի Տեղեկագրի մէջ. «Խորհուրդը ցանկանալով թէ որքան արժանի են ուշադրութեան և բաւարարութեան այն բազմաթիւ

գլխումնները, որ ստացվում են հոգաբարձութիւններից, գիւղական հասարակութիւններից նպաստ նշանակելու իրենց թէ նոր բացուելիք և թէ փակման վտանգին մատնուած դպրոցներին և կարևոր համարելով, որ ուսումնական տարուայ ընթացքում հսկողութիւն լինի, որպէս զի նշանակած նպաստները ծառայեն իրենց նպատակին, մանաւանդ որ այդպիսի պահանջ դրուած է նուիրատուների մեծամասնութեան կողմից, ունեցել է յատուկ ուսումնարանական վերահսկիչ»<sup>1)</sup>: Նա այցելում էր Ընկերութիւնից նպաստներ ստացող դպրոցները, հաւաքում էր տեղեկութիւններ դպրոցների նիւթական և ուսումնական դրութեան մասին և զեկուցում էր Սորհրդին, որ այդպիսով մօտիկուց տեղեկ էր լինում իր նպատած գործին: Վերահսկիչի պաշտօնը 1908—1909 ուսումն. տարում վարել է Վահան Տէր-Աբրահամեանը, իսկ յաջորդ ուսումն. տարում՝ Սորհրդի փոխ-անդամ Երուսնդ Լալայեանը: Այնուհետև վերացուեց այդ պաշտօնը՝ քանի որ եկեղեցական-ծխական դպրոցների մեծ մասն արդէն ունէր հոգևոր կառավարութեան կողմից նշանակուած թեմական տեսուչներ:

Սորհուրդը միայն դրամական նպաստներով չէ աշխատել օգնել դպրոցական գործին: Նա փորձեր է արել բարելաւելու և դպրոցների կացութիւնը: Այսպէս, ի նկատի ունենալով որ շատ գիւղերում յատուկ դպրոցական շինութիւններ չը կան և եղածներն էլ անյարմար են ու գործին անհամապատասխան, նա 1909-ին իր անդամ ինժիներ Լիսիցեանին կազմել տուեց միդասեան և երկդասեան դպրոցների շինութեան մի որոշ ախալի մակարդակներ և առաջարկեց դպրոցների հոգաբարձութիւններին ձրիապէս օգտուել այդ մակարդակներից:

Մի քանի դպրոցներում Սորհուրդը կազմել է և փոքրիկ դրադարաններ:

<sup>1)</sup> Տեղեկագիր 1909 թ. եր. 30:—

Իր գործունէութեան առաջին տարում Խորհուրդը լուրջ ուսումնասիրութեան առարկայ դարձրեց և հայ ժողովրդի կրթական մի այլ շատ կարևոր պահանջի վրայ: Դա Գիւղատնտեսական ուսումնընկերի տարածելն է: Խորհուրդը կարծում էր թէ այդ մեծ կարիքին կարելի է գէթ մասնակի բաւարարութիւն տալ, բայց անելով գիւղատնտեսական բաժանմունքներ մեր եկեղեցական-ծխական դպրոցներում:—

Այս հարցը մանրամասն մշակելու համար՝ Խորհուրդը կազմեց մի «Գիւղատնտեսական Մասնաժողով», որի մէջ մասնակցելու հրաւիրուեցին Թիֆլիսում ապրող հայ մասնագէտ գիւղատնտեսներ՝ Սարգիս Աբովեան, Աշոտ Աթանասեան, Տիգրան Գիւղալեան, Յակոբ Մելիք-Բախտամեան, Յովհաննէս Շահպաղեան, Աւետիք Սահակեան, Յարութիւն Փիրալեան: 1908 թ. նոյեմբերի 14-ին այդ անձինք որոշեցին կազմել Գիւղատնտեսական Մասնաժողով, նախագահութեամբ Ա. Սահակեանի և քարտուղարութեամբ Ա. Աթանասեանի, որ երեք ամսուայ ընթացքում պիտի մանրամասն ուսումնասիրէր հարցը և մշակէր ծրագիր:

Մասնաժողովը մի շարք խորհրդակցութիւններ ունեցաւ, որոնց մասնակցելու հրաւիրվում էին և Ս. Էյրանեան, Մ. Մուշայեան և Կ. Մելիք-Շահ-Նաղարեան: Իսկ Խորհրդի կողմից ներկայ էին լինում Ս. Բալաղեան և Ս. Մելքումեան:

Ահա ինչ ենք կարդում այդ Մասնաժողովի գեկուցման մէջ.

Մասնաժողովը մանրամասն քննութեան առնելով մեր ժողովրդի գիւղատնտեսական պայմանները և կարիքի չափը՝ գիւղատնտեսական ուսման և օգնութեան խնդրում, որոշեց. ա) չունենալ ծխական դպրոցներին կից գիւղատնտեսական բաժանմունքներ—իբրև արդէն շատ անգամ փորձուած մի անաջող միջոց—գիւղատնտեսական գիտութիւնը տարածելու, այլ կազմել յատուկ գիւղատնտեսական — մասնագիտական դպրոցների ծրա-

զիր: Այս տեսակ զպրօցներէց մասնաժողովը կանգ առաւ ստորին կարգի զպրօցներէ վրայ, որպէս թէ աւելի էժան նստող և թէ աւելի գործնականի և մատչելի՝ ժողովրդի համար, ուստի և որոշեց այդ զպրօցներէ ծրագրով և նախահաշուով զբաղուել: Միաժամանակ մասնաժողովը գտաւ, որ մեր երկիրը շնորհիւ իր բազմադան կլիմայական, հողային և այլ սրայմաններէ, կարիք ունի ոչ թէ մի տիպի զպրօցի, այլ երեք—այն է՝ 1) լեռնային—կաթնատընտեսական-անասնապահական, 2) զուտ երկրագործական-պարտիզպանական (միջին սարահարթերի համար) և 3) դաշտային այգեգործական, այն սրայմանով, որ զբանցից իւրաքանչիւրին կից լինին նաև այդ շրջաններէ համար գիւղատնտեսական այլ ճիւղերի պարապմունքներ—որպէս օժանդակ զիտութիւններ:

Իր այս որոշումից յետոյ, մասնաժողովը անցաւ ծրագրիւններ և նախահաշիւներ կազմելու գործին, որը և յանձնեց իր միջից ընտրած մի յատուկ յանձնաժողովի, կազմուած հետևեալ անձերից՝ պ. պ. Արովեան, Մելիք-Բախտամեան, Գիւղալեան և Մուշայեան, որոնք և պատրաստելու էին ծրագրին ու նախահաշիւը և ներկայացնելու գիւղատնտեսական մասնաժողովի քննութեանը:

Յանձնաժողովը 10—12 նիստերում բաժանելով իր մէջ աշխատանքը ըստ մասնագիտութեան, երեք ամսուայ ընթացքում կատարեց իր գործն և մարտ ամսի սկզբին ներկայացրեց գիւղատնտեսական մասնաժողովին, որը ծանօթանալով մանրամասնութեանց հետ և ենթարկելով այլ և այլ փոփոխութեան, ընդունեց ամբողջովին և Մարտ ամսի վերջին յանձնեց Բարեգործական Ընկերութեան Խորհրդին:

Ներկայացրած գիւղատնտեսական զպրօցի ծրագրի նախագիծը աչքի առաջ ունի հետևեալ գլխաւոր կէտերը: ա) Դպրոցներում ուսման ողջ ընթացքը լինելու է քառամսայ: բ) Դպրոցի ստաջին դասարան ընդունվում են այն աշակերտները, որոնք աւարտած կլինեն հիկեղեցական-ձխական դպրօցներէ չորս տարուայ դասընթացը: գ) Ուսուցման առարկաները բաժանվում են երկու կարգի. 1) ընդհանուր զարգացողական, որոնք կազմում են մեր ձխական դպրօցներում աւանդուող աւարկաների անմիջական շարունակութիւնը՝ արդէն լրացուած և ամբողջացած և 2) զուտ մասնագիտական առարկաներ գիւղատնտեսութեան այն ճիւղերից, որ տիպը որ գերազանցի կը համարուի տուած զպրօցում (անասնապահական, երկրագործական և այգեգործական), որով այդ զպրօցներում աւանդուող բոլոր առարկաների թիւը հասնում է

21-ի: դ) Գլխորդում ընդունվում են թէ գլխորոթիկ և թէ երթևեկ աշակերտներ. աշակերտների ընդհանուր թիւը հասնում է 120—150-ի: ե) Գլխորդը տալու է գործնական կեանքի համար պատրաստուած երկրագործ-մասնագէտներ, որոնք կարող կը լինեն թէ ինքնուրոյն կերպով վարել իրենց տնտեսութիւնը և թէ ուսուցիչներ դառնալ մեր ծխական դպրոցներում: Ուսուցչական կազմը բաղկացած է լինելու մի կառավարչից — բարձրագոյն մասնագիտական կրթութեամբ, մի բնագէտից նոյպէս բարձրագոյն կըրթութեամբ, երկու միջնակարգ ուսում ստացած մասնագէտներից (շերամապահ-մեղուարոյժ, այգեգործ-պարտիզպան) և երեք ուսուցիչներէից՝ միջնակարգ ուսմամբ (կրօն, հայոց լեզու, ուսաց լեզու, թուարանութիւն և այլն), որոնք բոլորն էլ ապրելու են դպրոցի շէնքի մէջ կամ նրանից ոչ հեռու (բացի կառավարչից և մասնագէտներից, որոնց՝ դպրոցում ապրելը անհրաժեշտ է): զ) Գլխորդներից առաջին տիպը, — կաթնատնտեսական-անասնապահականը ունենալու է 350 դեակատին հող իր տնտեսութեան համար, երկրորդը՝ երկրագործական-պարտիզպանականը՝ 250 դեակատին, որից 100-ը վարելահող, իսկ երրորդը՝ այգեգործական-երկրագործականը—50 դեակատին ջրովի հող, որից 10 դեակատինը խաղողի այգի և պտղատու պարտէզ:

Գլխորդի նախահաշիւը կազմուած է այսպէս:

Տիպ I. կաթնատնտեսական-անասնապահական:

1) Գլխորդի գլխաւոր շէնքի համար . . .	8000 ր.
2) Սեղանատան և խոհանոցի » . . .	2000 »
3) Ննջարանի և հիւանդանոցի » . . .	4000 »
4) Բաղնիք, լուացք և փուռն » . . .	1000 »
5) Բնակարաններ ուսուցչ. կազմի համար .	7000 »
6) Անասուններ, անասնատուն և ինվենտարի համար շինութիւններ . . . . .	8000 »
7) Մեղուանոց . . . . .	1200 »
8) Թռչնատուն իր ինվենտարով . . . . .	400 »
9) Երկրագործական մեքենաներ, գործիքներ և ծածկ . . . . .	2200 »
10) Գասարանական պլտոյքներ, կահ-կարա- սիք և այլն . . . . .	6000 »

---

Ընդամենը 39,800 ր.



Տիպ II Երկրագործական-պարտիզպանական:

Սրա ծախքերը նոյն են, ինչ և տիպ I-ը, միայն թէ պակասում է անասունների թիւը՝ 4000 բուբլով ուրեմն՝ 35,800 ռ.

Տիպ III Այգեգործական-երկրագործական:

Սրա ծախքերը նոյն են, ինչ և տիպ I-ը, միայն պակասում է ինվենտարը 2000 բուբլով, ուրեմն. . . . . 37,800 ռ.

Երեք դպրոցներից իւրաքանչիւրի ուսուցչական ողջ կազմը, կառավարչով մասնագէտներով և ծառաներով տարեկան կը պահանջի 9200—9500 բուբլի վարձատրութիւն:

Գպրոցի միւս բոլոր ծախքերը—աշակերտների ուսման, կերակրի և այլն ծածկվում է դպրոցի տնտեսութիւնից ստացուած եկամուտից: Հետևապէս այդ երեք տիպի դպրոցներից որը և լիւնի, պահանջում է.

- ա) Ձրի հող (նշանակած քանակութեամբ)
- բ) Միանուագ ծախք շինութիւնների և ինվենտարի
 


վրայ . . . . .	36,000—40,000 ռ.
----------------	------------------
- գ) Տարեկան ծախք . . . . . 9,000—10,000 ռ.

Այս գեկուցագրի մէջ որոշուած ծախսերի խոշոր գումարները արդէն ինքն ըստ ինքեան ցոյց են տալիս որ Սորհուրդը իր ունեցած միջոցներով չէր կարող բաց անել այդպիսի գիւղատնտեսական դպրոցներ: Եւ գործը մնաց լուկ իբրև մի գեղեցիկ ծրագիր:

բ. ԳՐԱԴԱՐԱՆ-ԸՆԹԵՐՅԱՐԱՆ

1908 թ. Սորհրդի առաջին գործերից մէկը եղաւ բաց անել 1899-ի կանոնադրութեամբ փակուած գրադարան-ընթերցարանը: Այդ հիմնարկութիւնը կազմակերպելու և կառավարելու համար Սորհուրդը առանձին գրադարանական յանձնաժողով կազմեց թէ իր և թէ Ընկերութեան անդամներից: Յանձնաժողովի կազմը այս երեք տարիների ընթացքում յաճախակի փոփոխութիւնների է ենթարկուել:





ԳՐԱԳԱՐԱՆ - ԸՆԹԵՑՄԱՐԱՆ (Քիֆիա). — Գրադպրատնի պիտույք սենեակը:



Իր առաջին ժողովներում յանձնաժողովը քննութեան առաւ գրադարանի կազմակերպութեան հարցը և համարեա ամբողջութեամբ ընդունեց փակուած գրադարանի ծրագիրը, այն է՝ հաւաքել բոլոր հայերէն տպագրութիւնները, ունենալ հայագիտութեան, կովկասագիտական և առհասարակ արեւելագիտութեան վերաբերեալ հրատարակութիւններ զանազան լեզուներով: Այս հիմնական բաժինն էր: Ժողովրդական էժան ընթերցանութեան նիւթ մատակարարելու համար որոշուեց պահել և հարուստ շարժական մաս, որի մէջ պիտի պահուէին թէ՛ հայերէն և թէ՛ այլ լեզուներով գեղարուեստական և գիտական գրուածքներ:

Այսպիսի մի կազմակերպութեան համար գրադարանն արդէն ունէր հնի հիմնական բաժինը, որ ինչպէս գիտենք, պահուեց իբրև Ընկերութեան գոյք: Սակայն այդ գոյքը միանգամայն անթերի չէր հասել վերաբացուող գրադարանին. անյայտացել էին շատ գրքեր, մանաւանդ եւրոպական լեզուներով հրատարակուածներէց: Թէ՛ հիմնական մասը հարստացնելը և թէ՛ շարժական մասը նորից կազմելը յանձնաժողովը որոշեց կատարել հետզհետէ, տարիների ընթացքում, տարեկան նախահաշիւների մէջ որոշուած գումարներով: Բայց նոյն տարին փակուեց Թիֆլիսի էժանագին Գրադարանը և նրա գրքերի մեծագոյն մասը, գրադարանի կարգադրիչների որոշմամբ, յանձնուեց Բարեգործական Ընկերութեան: Այս գրքերի մէջ էր և Ընկերութեան հին գրադարանի շարժական մասը, որ ինչպէս տեսանք, ծախուած էր էժանագին Գրադարանին 100 բուբլով: Ընդամենը էժանագին Գրադարանը յանձնեց Խորհրդին մօտ 7000 կոպր գիրք, բայց մեծագոյն մասամբ խիստ հնացած և քայքայուած: Պէտք եղաւ մէկ-մէկ նստել այդ բոլոր գրքերը, միանգամայն փշացածները դուրս ձգել և նորոգել այնպիսիները, որոնք գեռ այնքան չէին քայքայուած: —

Դրանով չէր լրացվում մի բարեկարգ և մեծ գրադար-

րանի կազմը: Հարկաւոր էին զբաժական նոր և խոշոր միջոցներ: Խորհուրդը չունէր այդ միջոցները ուստի որոշեց դիմել մասնաւոր անձանց և նուէրներ խնդրել զբամով և թէ գրքերով:

Այդ դիմումների շնորհիւ Ընկերութիւնը 1909-ին ստացաւ Պետերբուրգում ապրող Ստեփան Գուլիշամբարեանից 1320 կտոր ուսւերէն գրքեր՝ իբրև պայմանական նուէր: Նուիրատուն իր պայմանները որոշել է հետեւեալ նամակի մէջ, որ ուղղուած է Խորհրդի նախագահ Ս. Յարութիւնեանին.


«Ներկայ գեկտեմբերի 10-ին ըժ. Բուզուդեանը Ձեզանից ստացել է մի հեռագիր, որով Կովկասի Հայոց Բարեգործական Ընկերութեան կողմից համաձայնութիւն էք յայտնում ընդունելու ինձնից իմ գրքերը՝ հօրս անունով Գորի քաղաքում գրադարան բանալու համար և նախ քան այդ նպատակը իրագործելը, թոյլատրում էք յիշեալ գրքերը յանձնելու Ընկերութեանդ Թիֆլիսի Կենտրոնական Գրադարանին և գրանցից օգտուելու: Ես այդ մասին հեռագրով իմ համաձայնութիւնը տուել եմ և այժմ էլ նոյնը հաստատում եմ սոյն նամակով ու խնդրում եմ ի նկատի ունենալ հետեւեալ պայմանները

1) Կովկասի Հայոց Բարեգործական Ընկերութիւնը օգտւում է իմ նուիրարեութիւնից Թիֆլիսում միայն ժամանակաւորապէս և նա պէտք է իմ գրքերը ապագայում ուղարկէ Գորի, ուր կը բացուի հասարակական գրադարան՝ հօրս՝ Յովսէփ Ստեփանովիչ Գուլիշամբարեանի անունով: Այդ բարոյական պարտաւորութիւնը պիտի յարկազրէ Կովկասի Հայոց Բարեգործական Ընկերութեանը՝ ամեն կերպ փութացնել իմ ցանկութեան իրագործումը:

2) Իմ գրադարանում գտնուած այն գրքերը, որոնք նպատակայարմար կամ մատչելի չեն համարուի հասարակական գրադարանի համար, այդպիսի գրքերը Ընկերութիւնը կարող է յանձնել այլ՝ համապատասխան հիմնարկութեանց:

3) Արդէն Ձեզ ուղարկածս գրքերի հետ միասին կազմած գրացուցակի և զրա յաւելուածի օրինակով, իմ ծախքով պէտք է տպագրել տալ գրացուցակ՝ մի քանի հարիւր օրինակ և ձրիապէս յանձնել Կովկասի Հայոց Բարեգործական Ընկերութեանը:

4) Գրացուցակի մէջ լինելու է հօրս պատկերը, իսկ յառա-





ԿՈՎԿԱՍՏՈՒՄ. ԸՆԿԵՐՈՒԹՄԱՆ (ԹԻՖԼԻՍ). - ԸՆԹԻՆՅԱԿԱՆ ԴԱՐՆԱԿՆԵՐ





Չարանում՝ Կովկասի Հայոց Բարեգործական Ընկերութիւնը իր կողմից կը յիշատակէ, որ զբքերը նուիրաբերում եմ հօրս յիշատակին: Յանկալի է, որ հօրս պատկերը կախ արուի զրազարանին կից ընթերցարանում կամ զբազարանում»:

Ընդհանուր ժողովը յունիսի 8-ի նիստում ընդունեց այդ պայմանները և Գուլիշաբադեանի զբքերը յանձնուեցին զբազարանին:

Նոյն 1909-ին Արտաշէս Էնֆիաճեանը զբազարանին նուիրեց իր հանգուցեալ հայր Համբարձում Էնֆիաճեանի զբազարանը, բաղկացած 300 կտոր հայերէն զբքերից, որոնց մէջ կան մի քանի արժէքաւոր հին սագրութիւններ:

1910 թուին Խորհուրդը լրագրութեան միջոցով դիմեց հասարակութեան, խնդրելով նուէրներ յօգուտ զբազարանի: Այդտեղ էլ Խորհուրդը յայտարարում էր թէ նա վճուել է Թիֆլիսի զբազարանի աւելորդ զբքերից զբազարաններ կազմել Ընկերութեան գաւառական ճիւղերի համար, ուստի շնորհակալութեամբ կընդունէ ամեն տեսակ նուիրած զբքեր: Բայց այդ դիմումը մեծ արդիւնք չը տուեց: Եղան մի շարք մանր նուիրատուութիւններ, որոնց մասին Խորհուրդը յայտարարում էր բոլոր հայ լրագրների մէջ:

1908 թ. կիսից մինչև 1909-ի վերջերը մի շարք նախապատրաստութիւններ եղան: Խորհուրդը Ղարաջեան շինութեան մէջ երեք սենեակ յատկացրեց զբազարանընթերցարանին. երկուսը՝ զբքերի և մէկը ընթերցարանի համար<sup>1)</sup>: Գրքերին յատկացրած մի մեծ սենեակում շինել տուեց երկյարկանի մեծ պահարաններ, որոնք բռնում են պատերի ամբողջ երեսը: Միաժամանակ յանձնաժողովն էլ մշակեց կանոններ և հրահանգներ զբազարանընթերցարանի համար: Ահագին աշխատութիւն էր պահանջում 10 հազարից աւելի զբքերի ցուցակի կազմելը: Այդ

<sup>1)</sup> Ընթերցարանի սենեակը ընդարձակուեց 1911-ի ձմեռը:

գործը յանձնուեց Աւետիք Արասիանեանին, որ և ընտրուեց գրադարանատէս: Սակայն նա մի քանի ամիս աշխատելուց յետոյ, պաշտօնով տեղափոխուեց Էջմիածին: գրացուցակ կազմելու գործը Սորհուրդը յանձնեց Վրթմանէս Փափազեանին, որի կատարած գործը անբաւարար համարուեց: Վերջնականապէս գրացուցակ կազմեց 1910-ին գրադարանատէս հրաւիրուած Արիստակէս Փարեմուզեանը:

Մինչև այդ Սորհուրդը գրադարան-ընթերցարան բանալու թոյլտուութիւն ստացաւ Թրիֆլիսի նահանգապետից: Պատասխանատու անձ հաստատուեց Սորհրդի անդամ Կ. Հեղինէ Առստամեան:

Մինչև գրադարանի գրացուցակ կազմելը, Սորհուրդը 1909-ի յուլիսի 5-ին բաց արաւ Ընթերցարանը: Իսկ գրադարանի պաշտօնական բացումը տեղի ունեցաւ 1910 թ. փետրվարի 7-ին:


Այդ կրթական հաստատութիւնը ժողովրդական լայն խաւերին միանգամայն գիւրամատչելի դարձնելու համար, յանձնաժողովը, Սորհրդի հաւանութեամբ, որոշեց բաժանորդագրութեան նուազագոյն չափերը: Այսպէս, Ընթերցարան յաճախողները վճարում են ամսական 10 կոպէկ, իսկ մուտքի համար՝ 1 կոպէկ: Գրադարանից վերցրած իւրաքանչիւր գրքի համար բաժանորդը վճարում է ամսական 15 կոպէկ և բացի դրանից, իրաւունք ունի առանց վճարի օգտուել ընթերցարանից: Աշակերտները և առհասարակ չունևորները կարող են փոխանակ գրամով գրաւական թողնելու, ներկայացնել դպրոցական հաստատութիւնների և վստահելի անձանց գրաւոր երաշխաւորութիւնը:

Գրադարան-ընթերցարանի գործունէութիւնը 1910 թուականին ներկայացնում է հետևեալ պատկերը:

Առ 1-ն յունվարի 1911 թ. գրադարանն ունի գրքեր՝ 1) հայերէն 3400, 2) ռուսերէն 6500, 3) ֆրանսերէն և այլ լեզուներով՝ 923, ընդամենը 10823 կտոր:

1910 թ. յունվարի 1-ից մինչև դեկտեմբերի 31-ը





ԻՌԻԿԱԿԵԱՆ ՈՐԲԱՆՈՑ. — Նճրարան:



ընթերցարան յաճախել են արտկ. սեռ՝ 18534. իրակ. սեռ՝ 3641 հոգի, ընդամենը 22,175:

Ընթերցարանն ստացել է 1) հայերէն՝ 22, 2) ռուսերէն՝ 16, 3) թուրքերէն՝ 2, 4) վրացերէն՝ 1, 5) ֆրանսերէն՝ 1 պարբերական հրատարակութիւններ:

Գրադարանն ունեցել է 380 բաժանորդ:

Տրուած է կարդալու 1) գրադարանի բաժանորդներին 7848 կտոր գիրք, 2) ընթերցարանում կարդալու համար՝ 3182, ընդամենը 11030:

#### Գ. ՈՐԲԱՆՈՅ

Սուգադեան որբանոցի կազմակերպութեան մէջ առանձնապէս աչքի ընկնող փոփոխութիւններ տեղի չեն ունեցել վերջին երեք տարիներում: Որբերի թիւը 33-ից չը բարձրացաւ: Թէև դիմումներ շատ են լինում, բայց Սորհուրդը անկարող է լինում նոր որբեր ընդունել: Այդ նրան արգելում են որբանոցի շինութիւնը և միջոցների պակասութիւնը:

Կառավարութեան ձեռնարեա մի և նոյնն է մնում, ինչ էր նախկին շրջանում: Սորհուրդը կառավարում է որբանոցը առանձին մի յանձնաժողովի ձեռքով: Գլխաւոր ղեկավարութիւնը իշխ. Մ. Թումանեանին էր պատկանում: Նա մնաց յանձնաժողովի մէջ



Իշխ. Մ. ԹՈՒՄԱՆԵԱՆ

և 1909-ին: Բայց այդ թուականից իշխ. Մ. Թումանյանին գլխավոր գեղավարութեան մէջ յաջորդում է տիկին Իւլիա Ալեքսանդրեան, որ նոյնպիսի սրտազին և մայրական վերաբերմունք է ցոյց տալիս դէպի խնամուող որբերը:

Որբերի դաստիարակութեան եղանակը մնում է մի և նոյնը: Նրանք սովորում են թիֆլիսի հայոց ծխական դպրոցներում, իսկ տանը զանազան տնային աշխատանքներ են կատարում: 1908 թուից վճռուեց արհեստագիտութիւն էլ մտցնել որբանոցի մէջ: Այդ մասին Սորհրդի Տեղեկագիրը հազարգում է հետեւեալ տեղեկութիւնները.

«Կար ու ձեռի համար հրաւիրուած է յատուկ վարժուհի (օր Մ. Շախամեան), որ շարաթական երեք անգամ մեծերի հետ պարապում է ձեռագործով, սաներն են կարում իրանց ձմերային և ամառային շրջագոյնները, դոզնոցները և սպիտակեղէնը:

«Ասեղնագործութիւն սովորեցնում էր իշխանուհի Մարիամ Թումանյանը, սկսած 1908 թ. Ապրիլից մինչև 1909 թ. վերջը: Երեխաները՝ սովորել են գործել ասեղնագործ ժապաւէններ՝ զանազան տեսակ նկարներով:

«Գուլըսայագործութիւնը յատուկ մեքենայի վրայ սովորել են 6 հոգի, որոնք և կը սովորեցնեն հետզհետէ միւսներին:

«Թաղիքագործութիւնը սովորեցնում է կառավարչուհի օր. Քեանդարեանը, սկսած 1908 թ. մարտ ամսից <sup>1)</sup>: Իսկ 1910-ից մտցրուեց այն կարգը, որ չափահաս որբերը (թուով 20), բաժանուած 5 հոգուց բազկացած խմբերի, անում են իրանց լուացքը:


Որբանոցի շինութեան մէջ կատարուել են վերանորոգութիւններ. պատրաստուած է մի յատուկ սենեակ՝ հիւանդ որբերին միւսներից առանձնացնելու համար:

Որբանոցում բժշկի պաշտօն անվարձ կատարել են բժիշկ Արտաշէս Շխեան և Սորհրդի անդամ բժ. Աղասարեան: Հարկաւոր դէպքերում հրաւիրուել են բժշկական

<sup>1)</sup> «Տեղեկագիր» 1909, էր. 16.—







ՉՐԻ ՆԻ ԻՎԱՆՆԱԿԻՆ ՃԱՇԱՐԱՆ. — Ընդարձակ դահլիճը:



համախորհուրդներ, որոնց մասնակցող բժշկները նոյնպէս հրաժարուել են վարձից:

Առողջական և դաստիարակչական մեծ նշանակութիւն ունի որբերին ամարանոց տանելը: Որբերը 1909 թ. ամառը անցկացրին Դիլիջանի ամարանոցում (ուր նրանց համար վարձուած էր տեղական օրիորդաց դպրոցի ընդարձակ շէնքը). կառավարչուհու հսկողութեան տակ, նրանք յաճախ կատարում էին խմբական զբօսանքներ և ուղևորութիւններ դէպի շրջակայ նշանաւոր վայրերը և սրբատեղիները (Սեան, Հաղարծին և այլն): Ամարանոցային կեանքը բարերար ազդեցութիւն է արել նրանց առողջութեան վրայ <sup>1)</sup>:

Որբանոցի վրայ Խուզադեանի գումարից ծախսուած է 1908-ին՝ 3482 ռ. 38 կոպ. 1909-ին՝ 3943 ռ. 1910-ին՝ 3904 ռ. 62 կոպէկ:

#### դ. Ճ Ա Շ Ա Ր Ա Ն

Ճաշարանը, ինչպէս տեսանք, բացուած է բացառապէս աղքատ աշակերտների և աշակերտուհիների համար: 1908-ին, երբ կառուցուեց Ղարաջեանի շինութիւնը, ճաշարանը տեղափոխուեց այդ շինութեան ներքին յարկը, ուր նրան յատկացուած են մի մեծ դահլիճ, մի սենեակ, երկու նախասենեակ և մի խոհանոց:

Ճաշ աշակերտներն ու աշակերտուհիները ստանում են կամ ձրի կամ էժան գներով:—Այս վերջին տեսակի ճաշերի արժէքը տալիս են զլիսաւորապէս ուսումնարանական այն հաստատութիւնները, ուր սովորում են ճաշողները, կամ առանձին անհատներ: Իրանց հաշուով ճաշողները թիւը շատ անշան է եղել միշտ: Աղքատ աշակերտներ և աշակերտուհիներ ընդունվում են անխախր Թիֆլիսի բոլոր ուսումնարաններից—հայոց եկեղեցական—ծխական, քաղաքային, պետական, մասնաւոր: Ճաշողների աղքատու-

<sup>1)</sup> «Տեղեկագիր» 1909, եր. 15:

Թիւնը Սորհուրդն ստուգում է կամ անձամբ կամ հաստատութիւնների տուած վկայականներով:—Ճաշողների թիւը եղել է 1908-ին՝ օրական 168, 1909-ին՝ 206, 1910-ին՝ 264 հոգի:

Սակայն պահանջը աւելի մեծ է: Սորհրդին շարունակ դիմում են աղքատ աշակերտներ ու աշակերտուհիներ, խնդրելով ճաշ. բայց այդ դիմումները մնում են առանց բաւարարութիւն ստանալու, որովհետեւ Սորհուրդը միջոցներ չունի: Ինչպէս տեսանք, նախընթաց վարչութիւնը մի քանի փորձեր արաւ գրուելու հասարակութեան ուշադրութիւնը դէպի այս գեղեցիկ և օգտակար հիմնարկութիւնը, բայց այդ ջանքերը առանձին մեծ և տեղական արդիւնք չը տուին: Նուիրատուութիւններ լինում են, բայց շատ սահմանափակ չափով և պատահական:

Մինչդեռ օգնութեան ամենալաւ միջոցն այն կը լինէր, որ մասնաւոր մարդիկ յանձն առնէին ամեն տարի որոշ քանակութեամբ ճաշողների համար նուէրներ տալ:—Մանաւանդ որ օգնութեան այդ ձևը հեշտացրել է Սորհուրդը, հասցնելով ճաշերի վարձը նուազագոյն չափի. մինչև 1909-ի երկրորդ կեսը այդ վարձն էր 2 ռ. 40 կոպէկ, իսկ այնուհետև դարձաւ 1 ռ. 80 կոպ: ամսական: Թաշարանը գործում է ուսումնական տարուայ ընթացքում, սեպտեմբերից մինչև մայիսի վերջերը: Մշտական նուէր 20 ճաշողների համար տալիս է միայն Ալեքսանդր Ղարաջեանը:

Ճաշը սովորական օրերին մի տեսակի է, զլխաւորապէս զանազան տեսակի սպաններ, իսկ մեծ աճներին արդվում է ճաշ երկու տեսակից: Մթերքների թարմութիւնը և լաւութիւնը առաջին պահանջն է:

1908-ին ճաշարանը բաց է թողել 33093 ճաշ, 1909-ին՝ 49200, 1910-ին՝ 55366: Եւ ծախս եղել է 1908-ին՝ 4980 ռ. 65 կոպէկ, 1909-ին՝ 6100 ռ 86 կոպէկ. 1910-ին 5524 ռ. 75 կ: Սորհրդի միջոցներից տարեկան ծախսվում է միջին թուով 2000 ըուբլի:

Ճաշարանի վրայ հսկում էին 1908-ից Խորհրդի անդամներ՝ տ. Հեղինէ Առստամեան և Յակոբ Շահնազարեան: 1909-ի կէսից հսկողն է տ. Առստամեան: Գործել է և վեց հոգուց բաղկացած մի մասնաժողով, որի կազմը փոփոխական է եղել:

### Ե. ԳՐԱԿԱՆՈՒԹԻՒՆ

1. Խորհրդի նպաստները: Խորհուրդը անձամբ, իր միջոցներից, իր կանոնադրութեան մէջ սահմանուած հրատարակչական գործունէութեան համար մի քանի ծախսեր է արել: Նա հրատարակել է մանկավարժ Սեդրաք Մանդինեանի 1) «Նոր Այբբենարան» (աշակերտական) և 2) նոյնը ուսուցիչներին համար, որոնք լոյս տեսան 1909-ին: Երկու տարի նպաստներ տուեց «Գիւղատնտես» շաբաթաթերթին ընդամենը 450 բուբլի, իսկ 1910-ին նաև «Նոր-Գլոց» մանկավարժական ամսագրին 150 բ. այն պայմանով, որ այդ հրատարակութիւններից տարեկան որոշ թուով ուղարկուին Ընկերութիւնից նպաստներ ստացող դպրոցներին:

2. Հրատարակչական ֆօնդ: 1909 թուի նոյեմբերի 12-ին, Թիֆլիսում բնակուող Հին-Նախիջևանի քաղաքացի **Աետեան Պապսեանը ուղղում է Խորհրդի նախագահ Մ. Յարութիւնեանին հետևեալ նամակը:**

Մի սողովրդի վերածնութեան և յաստատութեան գործում նշանաւոր գործօններից մէկը, իմ նուաստիս կարծիքով ես, գրականութիւնն է և ընթերցանութեան տարածումն: Մեծ համակրանքով վերաբերուելով այդ վսեմ նպատակին, ես էլ, իբր հասարակութեան մի անդամ, ինձ պարտաւոր եմ համարել ծառայութիւնս մատուցանել այդ գործին և տարիներ առաջ, երբ ես բնակուում էի Մոսկվա աւետարական գործերով, իմ վաստակից նշանակեցի 10,000 բ., որ այդ փողի տոկոսներով հրատարակուեն հայերէն գրքեր թէ օրագիւնալ և թէ ընտիր գրքեր, որոնց վրայ ծախսուած է թէ տոկոսները և թէ մի մասը յեշեալ դումարի, որից այժմ մնացել է 7100 բ. պետական 4 % ըհնաւայով իրենց կուպոններով սկսած 1-ից դեկտեմ. 1909 թ.: Վաղուց մտահոգութեանս առարկան է

եղել այն, որ ևս յիշեալ գումարը յատկացնեմ մեր ազգային հաստատութիւններէց մէկին, որ նա պահի այդ գումարը և գործադրի իմ նշանակած նպատակի համար նրա  $\frac{1}{10}$   $\frac{1}{10}$ -ը:

Լաւ ծանօթանալով Կովկասի Հայոց Բարեգործական Ընկերութեան Կանոնադրութեան և գործունէութեան հետ, ևս որոշեցի իմ գումարը նուիրել այդ ընկերութեանը, իրը յատուկ և անձեռնմըխելի գումար, հետեւեալ պայմաններով:

1) Այդ գումարը կազմում է հրատարակչական ֆօնդ և պահուում է անձեռնմխելի:

2) Նուիրածս գումարի տոկոսները Ընկերութեան Սորհուրդը գործադրում է հայերէն, գլխաւորապէս ժողովրդական գրքերի վրայ թէ օրիգինալ (ինքնուրոյն) և թէ թարգմանական, որոնց վրայ պէտք է յիշուի, որ իմ հրատարակութիւնն է:

3) Այդ հրատարակութիւնների գործում պէտք է մասնակցին հետեւեալ անձինք ևս՝ Պ. Պ. Ղազարոս Աղայեան, Ալէքսանդր Քալանթար, Լևոն Սարգսեան և Ռուբէն Սանազազեան:

4) Այդ հրատարակութիւնների մասին Սորհուրդը հաշիւ է տալիս ընդհանուր ժողովին, որի մէկ օրինակն էլ յանձնում է ինձ ի տեղեկութիւն:

5) Եթէ որեւիցէ ժամանակ Ընկերութիւնը ինչ-ինչ պատճառներով անկարող եղաւ գրքեր հրատարակել, այդ դէպքում իմ նուիրած փողի տոկոսիքը նա գործադրում է Հին-Նախիջևան քաղաքի հայ հասարակութեան կամ նոյն գաւառի մի հայ աղքատ գիւղի կուլտուրական և կրթական կարիքների վրայ, իսկ եթէ ընկերութիւնը որեւիցէ ժամանակ դադարեցնի իւր գործունէութիւնը, իմ նուիրած գումարը պէտք է յատկացնի Հին-Նախիջևանի Ս. Գէորգ եկեղեցուն, որ վերջինս պահելով գումարը անձեռնմխելի, տոկոսիքը գործադրի տեղական հայոց ծխական դպրոցի վերայ կամ մի այլ կրթական նպատակի համար:

Բացի այս գումարից, ևս նուիրում եմ Բարեգործական Ընկերութեան և իմ հրատարակած և մինչև օրս չ'ծախուած բոլոր գրքերը առանձին ցուցակով՝ գումարով 3489 ռ. 45 կոպ.: Այդ գրքերի բաժանելը, ծախելը և ստացած գումարների գործադրութիւնը թողնում եմ Սորհրդիդ բարեհայեցողութեանը: Նուիրում եմ և մի առանձին ցուցակով Կենտրոնիդ գրադարանի համար 36 գիրք հայերէն լեզուով:

Խնդրեմ իմ այս առաջարկութիւնը ներկայացնէք Սորհրդիդ և

եթէ Խորհուրդը ընդունի իմ պայմանները, թող միննոյն ժամանակ կարգադրէ ընդունել ինձանից թէ նուիրած գումարս և թէ գրքերը:

Ընդհանուր ժողովը 1910-ի յունվարի 10-ի նիստում շնորհակալութեամբ ընդունեց Ա. Պօղոսեանի այս նուէրը առաջարկած բոլոր պայմաններով և, ինչպէս տեսանք, ընտրեց Պօղոսեանին Ընկերութեան պատուաւոր անդամ:

1910-ի ընթացքում Ա. Պօղոսեանի հրատարակչական ֆօնդի տոկոսներով հրատարակուել է միայն մի գրքոյկ— «Զմեռային շէքիաթ, ըստ Շէքսպիրի» գործ Գ. Աղայեանի:

3. Աքովեան-Նազարեան ֆօնդ: 1907-ի աշնանը Մոսկվայում յանկարծամահ եղաւ բանաստեղծ Սմբատ Շահ-Աղիզը: Նա կտակ էր թողել և նրա խոշոր կարողութեան տիրացան նրա մօտիկ ազգականները:

Մեր ընթերցողները արդէն գիտեն որ հանգուցեալ Շահ-Աղիզը 1899-ին յետ էր ստացել Խորհրդից «Աքովեան-Նազարեան ֆօնդի» ամբողջ գումարը՝ 10,000 ռուբլի: Գիտեն նաև, որ այդ գումարի մեծագոյն մասը բանաստեղծի գրական-մանկավարժական գործունէութեան յօբելեանի համար կազմուած յանձնաժողովի ձեռքով էր հաւաքուած յատկապէս գրական չքաւոր գործիչներին նպաստելու նպատակով: Գիտեն, վերջապէս, թէ Շահ-Աղիզը սրբան մեծ սէր ունէր դէպի այդ գործը, սրբան նա փափագում էր տեսնել այդ գումարը աւելի ևս մեծացած: Գումարը Խորհրդից յետ ստանալուց յետոյ, նա ինքն էր բաժանում տոկոսները չքաւոր և հիւանդ գրագէտներին: Յանկարծահաս, անսպասելի մահը թոյլ չը տուեց որ նա կարգադրէ իր մօտ գանուող գումարի վիճակը:

1908-ի հոկտեմբերին Խորհուրդը, ստանալով Շահ-Աղիզի յօբելեանական յանձնաժողովի անգամներից մէկի, Տէր-Յակոբեանի հաւատարմատարից, նոյն յօբելեանական յանձնաժողովի երկու արձանագրութիւնները, որոնց մէջ պարզուած էր թէ ինչ նպատակի է յատկացուած բանաս-



տեղծի յօրելեանական գումարը, անմիջապէս զիմեց բանաստեղծի ժառանգներին՝ Սիմէօն, Երուանդ և Սարիբէզ Շահազիզեաններին, խնդրելով ուղարկել իրան 10 հազար ռ. գումարը: Առաջին երկուսը իսկոյն պատասխանում են թէ կը կատարեն իրանց պարտականութիւնը՝ ժառանգութեան իրանց մասը ստանալուն պէս, իսկ երրորդը, Սարիբէզ Շահազիզեան, ոչինչ պատասխան չէ տալիս:

Այնուհետև, 1909 թ. փետրվարի 21-ին, Սորհուրդը ստանում է Սիմէօն Շահազիզից հետևեալ նամակը.

«Մենք երբ. Սիմէօն, Արմենակ, Երուանդ Շահազիզեաններս և հօրեղբոր գուտար Օվսաննա Արամեանցս, յարգելով մեր հանգուցեալ անմոռանալի հօրեղբոր Սմբատ Շահազիզեանի յիշատակը և միևնոյն ժամանակ մեզ բարոյապէս պարտաւոր համարելով հայ հասարակութեան առաջ, ուղարկում ենք այս նամակով Ընկերութեանդ՝ Արովեան-Նազարեան զրահանական ֆօնդի, հիմնուած 1892 թ. հանգուցեալի երեսուն և հինգ ամեայ մանկավարժական և բանաստեղծական յօրելեանի առթիւ 10 հազար ռուբլու  $\frac{2}{3}$  մասը, այն է՝ 6666 ռ. 67 կոպ., որից վեց հազար հինգ հարիւր վաթսուն երկու ռուբլի 50 կոպ., (6562 ռ. 50 կ.) արժէթղթերով (облиг. рос. гос. 5 % займа 1906 г.), իսկ մնացած 104 ռուբ. 17 կոպ. կանխիկ զբամով, որ և խնդրում ենք Ընկ. զործ զնեկ իր յատուկ նպատակին: Աւելացնում ենք որ այդ 10000 ռ. գումարից կառավարութեան պահանջելիք ժառանգական տուրքը ժառանգներս արգէն վճարել ենք»:

Գումարը Սիմէօն Շահազիզեանը ներկայացրեց նոյն օրը կայացած Ընդհանուր Ժողովին, որին և բացատրութիւններ տուեց ժառանգութեան առիթով: Այնուհետև Սորհուրդը բազմաթիւ զիմուհներ արաւ միւս ժառանգ Սարիբէզ Շահազիզեանին, որպէս զի ստանայ նրա բաժին 3333 ռ. 33 կոպէկը:

Սորհուրդը նոյն իսկ Վաղարշապատի ճիւղի աջակցութիւնն էլ խնդրեց: Բայց 1910 թ. ապրիլի 24-ի Ընդհանուր Ժողովում ստիպուած էր յայտարարել թէ «չը նայելով բազմիցս եղած յորդորներին, նոյն իսկ սպառ-

նալիքին, (Մարիբէզ Ծահագրիզեանը) չի կամենում յանձնել զբամբը: — Մինչև այժմ էլ Սուհուրզը չէ կարողացել ստանալ այդ գումարը: Եւ այդպիսով, հանդուցեալ բանաստեղծի փայլոյայած գագափարը մասամբ միայն է իրագործվում շնորհիւ այն հանգամանքի, որ նրա ժառանգներից մէկը բարոյական պարտաճանանչութիւն չէ ընդունում այս հարցի մէջ:

Նոյն Ընդհանուր Ժողովին (1910 թ. ապրիլի 24) Սորհուրդը ներկայացրեց Աբովեան-Նազարեան Ֆօնդի Կանոնադրութիւնը, որ կազմուած էր Սորհրդի ձեռքով և Ղ. Աղայեանի, Ա. Եղեկեանի Հ. Առաքելեանի աշխատակցութեամբ: Ընդհանուր Ժողովը մի քանի սրբազրութիւններով հաստատեց այդ կանոնադրութիւնը<sup>1)</sup> և ընտրեց չորս հոգուց բաղկացած (Ղ. Աղայեան, Լէօ, Ա. Եղեկեան, Ե. Լալայեան) մի մասնաժողով, որ պիտի գործադրէր գումարի տոկոսները:

1910 թ. այդ տոկոսներից նպաստ ստացաւ կարօտութեան վիճակի մէջ գտնուող մի հայ գրող:

#### դ) Ա.Ղ.ՔԱՏԱԽՆԱՄՈՒԹԻԻՆ

Աղքատներին օգնելու համար Սորհուրդն սկզբից որոշեց տարեկան 2000 ըուրլի մի գումար: Եւ այդ գումարը մենք տեսնում ենք անփոփոխ բոլոր երեք տարիների նախահաշիւների մէջ:—

Գործադրութեան եղանակը մի և նոյնը մնաց, ինչ մշակուեւ էր 1899-ի Կանոնադրութեան տրամադրութիւնների ստիպմամբ: Այսպէս, 1909-ին Սորհուրդը ծախսեց նախահաշուով որոշուած 2000-ից մի քիչ պակաս<sup>2)</sup> —1895 ը. 64 կոպէկ հետևեալ կերպով.

<sup>1)</sup> Տես Յանուար:

<sup>2)</sup> Նախորդ տարին ծախսել էր նախահաշուից 500 ըուրլի ակել:—

«Նպաստները բաժանուած են հետեւեալ կարգով:

(1) Ուաման, 2) Բժշկութեան, 3) Թագման, 4) Ճանապարհա-  
ծախս, 5) Միանուագ և 6) Ինակարանի վարձ: Ուաման համար  
տուած է 49 ր. 50 կոպ., բժշկութեան՝ 112 ր. 15 կ., թագման՝  
88 ր., ճանապարհածախս՝ 176 ր. 26 կ., միանուագ՝ 606 ր. 73 կ.  
և բնակարանի վարձ՝ 863 ր. ընդամենը 1895 ր. 64 կոպէկ:

«Տարուայ սկզբին ամսաթոշակ ստացողները թիւը 30 էր,  
բայց խիստ քննելուց յետոյ հարկ համարուեց պակասացնել նրանց  
թիւը և հասցնել 10-ի, որով տարուայ վերջը բաժանվում էր  
միայն 30 բուր. ամսական:

«Ամսական նպաստ ստանում էին 1 բուրլուց մինչև 5 բուրլի:  
Մի քանի ընտանիքներ, 3—4 տարի շարունակ ստանում են  
զբամական նպաստներ:

«Միանուագ նպաստներ տրվում էր 1 ր. մինչև 25 բուրլի,  
ամեն մէկին նպաստ տալուց առաջ տեղն ու տեղը քննվում էր  
խնդրատուի նիւթական գրութիւնը: Զատիկ և Նոր-Տարուայ սո-  
ներին տրվում էր առանձին օժանդակութիւն չքաւորներին, իւրա-  
բանչիւրին 50 կ. մինչև 3 բուրլի:

«Ամբողջ տարուայ մէջ Խորհրդին ներկայացուել է նպաստի  
համար 448 խնդիր, որոնցից 187 մերժուած է, իսկ 261-ին  
տրուած է բաւարարութիւն. մերժուել է Ընկերութեան միջոցների  
սղութեան պատճառաւ, առաւելութիւն տրվում էր որբերի տէր  
այրիներին: Ամենամեծ կարիք զգացվում էր Հաւլարբուում և  
հինգերորդ քաղաքամասում:

«Այն հիւանդները, որոնք ղրմում էին Խորհրդիս օգնու-  
թեանը, ուզարկվում էին Խորհրդիս անդամ Բ. Բ. Աղասարեանի  
մօտ, որ սիրով տալիս էր իւր խորհուրդը և հնար եղածին չափ  
անում հարկաւոր կարգադրութիւնը <sup>1)</sup>:

Նպաստները գործը վարում էր առանձին Նպաստա-  
մատոյց Մասնաժողովը, որ կազմուած էր Խորհրդի փոխ-  
նախագահ Յ. Սպենդիարեանից, անդամներ՝ Ա. Շահիկեա-  
նից և Ս. Մելքումեանից: Այս թուին էլ լուրջ փորձ եղաւ  
բարեփոխելու աղքատախնամութեան եղանակը:

Մայիսի 17-ի Ընդհանուր Ժողովին զեկուցուեց Ըն-  
կերութեան անդամ Մակար Չմշկեանի զբաւոր առաջար-

<sup>1)</sup> Տեղեկագիր 1909 թ. ևր. 12—13,—

կութիւնը, որի մէջ ցոյց էր տուած թէ ինչ հիմքերի վրայ պէտք է դնել աղքատախնամութիւնը: Այդ առիթով փոխ-նախագահ Յ. Սպենդիարեանը յայտարարեց թէ ինքըն արդէն մշակել է մի ծրագիր, որ հաւանութիւն է գտել Նպաստամատոյց Մասնաժողովից և որի հիմնական միտքն այն է՝ թէ պէտք է աղքատախնամութեան գործը բոլորովին զատել Խորհրդի գործունէութիւնից: Դրա համար պէտք է հիմնել Թիֆլիսում աղքատախնամ թաղական հոգաբարձութիւններ, որոնց ձեռքը պիտի յանձնուի թաղի աղքատներին խնամելու ամբողջ գործը: Բարեգործական Ընկերութեան յարաբերութիւնը այդ հիմնարկութեան հետ կը լինի այն, որ Խորհուրդը իւրաքանչիւր տարի նրա արամագրութեան տակ կը դնի իր նախահաշուով որոշուած աղքատախնամ գումարը և թաղական հոգաբարձութիւններն էլ կը զանուիւն Խորհրդի անմիջական հսկողութեան տակ:

Ընդհանուր ժողովը համալրութեամբ ընդունեց այդ միտքը սկզբունքով: Մնում էր որ այնուհետև Խորհուրդը մշակէր աւելի ընդարձակ և մանրամասն զեկուցում, ինչպէս նաև նոր հաստատութեան Կանոնադրութիւնը:

Այդ նպատակով Խորհուրդը կազմեց մի շարք Խորհրդակցական ժողովներ Թիֆլիսի հայոց եկեղեցիներէ երեցփոխներէց և քահանաներէց, որոնք Յ. Սպենդիարեանի նախագահութեամբ պարզեցին մի շարք հարցեր՝ ապագայ աղքատախնամ հաստատութիւններէ գործունէութեան վերաբերմամբ: Յ. Սպենդիարեանը այդ նիւթերի վրայ հիմնուած մի Կանոնադրութիւն խմբագրեց, որ Խորհրդի կողմից ընդունուելուց յետոյ քննվում էր 1910 թ. մարտի 6-ի Ընդհանուր ժողովում:

Զեկուցումը և Կանոնադրութիւնը առաջ բերին երկարատև վիճարանութիւններ, որոնց ընդհանուր իմաստն այն էր, թէ նոր հիմնարկութիւնը չէ համապատասխանում Ընկերութեան Կանոնադրութեան: Ուստի և Ընդհանուր ժողովը յանձնարարեց Խորհրդին նորից վերամշակել Կա-

նոնադրութիւնը, համաձայնեցնելով Ընկերութեան Կանոնադրութեան և նորից ենթարկել Ընդհանուր ժողովի քննութեան:

Յ. Սպենդիարեանը նորից նիստերի մէջ վերամշակեց այդ հարցը, նորից Կանոնադրութիւն կադմեց, որը ընդունուեց ու հաստատուեց 1910 թ. դեկտեմբերի 26-ի Ընդհանուր ժողովից, որ և շնորհակալութիւն յայանեց Յ. Սպենդիարեանին նրա կատարած մանրակրկիտ և բարեխիղճ աշխատութեան համար:

Աղքատախնամ հոգաբարձուների Կանոնադրութիւնը <sup>1)</sup> դեռ գործադրութեան մէջ չէ մտել, բայց անկասկած, ապագայում մի կարևոր օրդան պիտի հանդիսանայ շքաւոր ազգաբնակչութեան օգնելու գործում:

#### է. ԹԻԻՐՔԱՀԱՅ ԳԱՂԹԱԿԱՆՆԵՐ

1908 թուին նորից հրապարակ եկաւ թիւրքահայ գաղթականների հարցը: Բայց այս անգամ բոլորովին այլ հանգամանքների մէջ: Յուլիս ամսին Կ. Պօլսում տեղի ունեցած անակընկալ յեղափոխութիւնը հաստատեց սահմանադրական կարգեր և Աբդուլ-Համիդի դաժան բռնակալութեան տակ ճմլուած և դժբախտացած երկիրը ստացաւ մի շարք ազատութիւններ: Հայ ժողովրդի զարհուրելի տառապանքներն էլ մասամբ վերջ էին ստանում: Բացուեցին թիւրքիայի սահմանները և կոտորածից ու գազանութիւններից փախածները կարող էին վերադառնալ իրանց հայրենիքը:

Ռուսաստանի սահմաններում դեռ ապրում էին տասնեակ հազարներով հայ գաղթականներ: Նրանք էլ, ինչպէս և աշխարհի միւս կողմերը ցրուած գաղթականները, հէնց որ աւետիս առան Սուլթան Համիդի բռնապետու-

<sup>1)</sup> Տես Յաւելուած:

Թեան ջախջախման մասին, սկսեցին խմբերով ուղևորուել իրանց հայրենիքը:— Եւ անա Սորհրդի առջև դրվում էր անհրաժեշտութիւն— օգնել չունևորներին, որ գնան հայրենիք, ինչպէս մի ժամանակ, 1895—1897 թուականներին նախկին Սորհուրդը ընդունում էր նրանց, ամօքելով նրանց վիճակի սարսափները:

Միջոցներից գուրկ գաղթականներին բարեգործական միջոցներով հայրենիք վերադարձնելը ունէր և մի շատ կարևոր նշանակութիւն, որ բացատրում էր Սորհրդին Կարսի Տեղական Վարչութիւնը 1908 թ. հոկտեմբերի 19-ի իր գրութեամբ: Ահա ինչ ենք կարդում այգաեղ.

«Ընդհանրապէս գաղթականների վերադարձի մասին վարչութիւնս հետևալ կարծիքին է: Պէտք է անպայման գլխաւորապէս ուշադրութիւն դարձնել այն տամնակ հազարաւոր հողագուրկ գաղթականութեան վրայ, որը տեղաւորուելով սահմանակից նահանգների գիւղօրայքում, մի տեսակ բնոն է դարձել առանց այն էլ սակաւահող գիւղացիութեան վզին և չզամնելով ապրուստի որ և է ալքիւր, շատ յաճախ դիմում է աններելի միջոցների, ինչպիսիք են՝ գողութիւն, թալան և այլն: Այդ ազգը երևոյթը բացատրելի է նրանով, որ երբ գաղթականութիւնը չունի ապրուստի որ և է միջոց, նա ստիպուած է լինում դիմելու այդպիսի աններելի միջոցների, որով թէ՛ անբարոյականանում է ինքը և թէ՛ տնանկացնում է սեղացի գիւղացիութեան: Եթէ ընկերութիւնս աշխատի տեղափոխել այդ մասսային, միաժամանակ նա ծառայած կը լինի երեք նպատակի. նախ՝ կը վերադարձնի գաղթականութիւնը իր հայրենի երկրի գիրկը, երկրորդ՝ ազատելով նրան աղքատութիւնից, կը կապի հայրենի հողի և աշխատանքի հետ, և երրորդ՝ կազատէ որոշ տեղերի կիսակուշտ գիւղացիութիւնը այդ պատուհասից»:

Այս անգամ էլ հարկաւոր էին խոշոր միջոցներ՝ գաղթականական հոսանքը դէպի հայրենիք դարձնելու համար: Եւ Սորհուրդը ջանքեր արաւ այդ նպատակով բաւարար գումարներ ստանալու:

Նախ և առաջ նա սեպտեմբերի 24-ի Ընդհա-

նուր ժողովից թոյլաւութիւն ստացաւ ծախսելու նախորդ տարիներէից իր արամադրութեան տակ գտնուող 2000 ռ. գումարը, որ յատուկ թիւրքահայ գաղթականներին էր պատկանում: Բայց գաղթականական շարժումը այնքան մեծ էր և նպաստների հարցը այնքան լուրջ կերպարանք էր ընդունում, որ Խորհուրդը կազմեց մի առանձին Մասնաժողով, բաղկացած 18 հոգուց: Խորհուրդը խնդրեց օգնութիւն Թիֆլիսի Նպաստամատոյց Յանձնաժողովից, որ և վճռեց տալ 5000 ըուբլի, բայց տուեց միայն 2000 ռ.: Բացի զրանից, կազմուեց մի առանձին հանգանակիչ մասնախումբ, բաղկացած 19 հոգուց, որոնցից 17 արիկիներ և օրիորդներ էին: Մասնախմբի նախագահն էր տ. Մարիամ Խատիսեան: Թիֆլիսի մէջ Մասնախումբը հանդանակեց 1908-ին 3242 ռ. 30 կ., իսկ 1909-ին՝ 865 ըուբլի 70 կոպէկ:

Այս անգամ էլ գաղթականներին անգնահատելի ծառայութիւններ մատուցին Ընկերութեան այն ճիւղերը, որոնք գտնվում էին սահմանադիւրի վրայ — Բաթում, Կարս և Իգդիր: Խորհուրդը այս երեք ճիւղերի միջոցով էր կարգադրում գաղթականները վերադարձի ամբողջ գործը: Ճիւղերին նա ուղարկում էր գումարներ անհրաժեշտ ծախսերի համար: Ճիւղերի միջոցով էլ կազմակերպեց սահմանադիւրի վրայ օժանդակիչ մասնախմբեր, որոնք ամեն կերպ աջակցում էին սահման անցնող գաղթականներին:

Գաղթականական արտագաղթը մեծ հոսանքներով սկսուեց նոյն 1908-ի աշնանը, և շարունակ աճելով՝ հետեւեալ տարին աւելի ընդարձակ չափեր ընդունեց: Այդ երկու տարին Ընկերութեան աջակցութեամբ հայրենիք վերադարձած գաղթականների թիւը հասնում էր 15 հազարի: Ծախսուեց ընդամենը 6225 ռ. 92 կոպէկ:

Առանձնապէս աչքի է ընկնում Կարսի Տեղական Վարչութեան վերին աստիճանի եռանդոտ գործունէութիւնը: Գլխաւոր դերը նրան էր վիճակվում, որովհետև թիւրքա-

հայ գաղթականութեան մեծագոյն մասը տեղաւորուած էր Կարսի շրջանում: Վարչութիւնը սկզբից և եթ մեծ աջակցութիւն արաւ Սորհրդին իր ցուցմունքներով և տեղեկութիւններով: Սահմանն անցնելը կապուած էր գահադան պաշտօնական ձևականութիւնների հետ: Կարսի Վարչութիւնը Սորհրդի աջակցութեամբ կարողացաւ հնար եղածին չափ հարթել այդ դժուարութիւնները: 1909-ին արտագաղթը կանգ չառաւ, չը նայած Ադանայի սոսկալի ջարդերին, որոնք կարծես թէ գալիս էին ասելու որ սահմանադրական թիւրքիան էլ դեռ ապահովութիւն չէ հայերի համար:

Կարսի ճիւղի այդ եռանդուն գործունէութեան արդիւնքն է, որ միայն նա կարողացաւ թիւրքիա փոխադրել մօտ 10 հազար գաղթականներ:

1910 թուին հոսանքը դադարած չէր. Սորհուրդը նպաստներ տուել է այդ թուին 489 բ. 33 կողէկ և առ 1 յունվարի 1911 թ. ունէր մնացորդ 685 բ. 83 կողէկ:—

Նկատի առնելով որ օժանդակելու կարիքը միանգամայն չէ վերացել, այլ ընդհակառակն, դեռ շատ բազմաթիւ են հայրենիք վերադառնալ ցանկացող գաղթականներ, իսկ օգնութեան միջոցներ այլ ևս չը կան, Սորհուրդը, տեղեկանալով որ Կովկասի նահանգապետները Փոխարքայի դիւանն են ուղարկել 1896-ի գեկտեմբերի 11-ի Բարձրագոյն հրամանի հիման վրայ <sup>1)</sup> իրանց ստացած և ծախսած գաղթականական գումարների մնացորդները, որ այդ մնացորդների ընդհանուր գումարը 10,676 բ. 36 կ. է, 1910-ի յունվարին դիմեց Փոխարքայի Օգնական Սենատոր է. Ա. Վատացիին, խնդրելով որ այդ գումարը յանձնուի իրան՝ հայրենիք վերադարձող գաղթականներին նպաստելու համար:

Այդ գրութեան պատասխանեց Փոխարքայի Դիւանա-

<sup>1)</sup> Տես վերև, էր. 119:



տունը մայիսին, յայտնելով թէ Սենատոր Վատային անկարելի է համարում կատարել Սորհրդի խնդիրը, քանի որ 1896-ի հրամանով գումարը պէտք է գործադրէ երկրի իշխանութիւնը: Բայց մի և նոյն ժամանակ, ընդունելով որ Բարեգործական Ընկերութիւնը հնարաւորութիւն ունի լաւագոյն կերպով տեղեակ լինելու թէ որքան խիստագէտ կարօտ գաղթականներ կան, Դիւանատունն առաջարկում էր Սորհրդին ներկայացնել տեղեկութիւններ հայրենիք վերագառնալու ցանկութիւն ունեցող չքաւորների մասին, որպէս զի այդպիսիներին նպաստներ տրուին:

Այս յայտագրութիւնը Սորհուրդը ուղարկեց Տեղական Վարչութիւններին, սրոնցից Երևանը, Իզդիրը, Արդահանը և Արմաւիրը ուղարկեցին նպաստի կարօտ գաղթականների խնդրագրեր ու ցուցակներ և ցոյց տուին թէ որքան ճանապարհածախս է հարկաւոր՝ զբանց հայրենիք ուղարկելու համար: Այսպէս, միայն Երևանի Վարչութիւնը տալիս էր 476 անձանց ցուցակ:

Հիմնուելով այդ տեղեկութիւնների վրայ, Սորհուրդը յունիսին կրկնեց իր խնդիրքը Փոխարքայի Դիւանատան, որպէս զի կարելի լինի նպաստներ բաշխել Տեղական Վարչութիւնների միջոցով: Սակայն Դիւանատունը կրկնեց վերոյիշեալ նպատառիսանը, աւելացնելով թէ Տեղական Վարչութիւնները պիտի իրանց տեղեկութիւնները ուղարկեն Դիւանատուն՝ տեղական նահանգապետների միջոցով:

1911-ի մայիսի 7-ին, Սորհուրդը մի խնդրագրով դիմեց Փոխարքայ կոմս Ի. Ի. Վորճնցով-Դաշկովին: Խնդրագիրը ներկայացրեց Սորհրդի նախագահ Ս. Յարութիւնեանը, որին կոմսը յայտնեց իր համաձայնութիւնը և խոստացաւ կարգադրել, որ գումարը յանձնուի Ընկերութեան:

## ը. ԱՅԼ ԵՒ ԱՅԼ ԲԱՐԵԳՈՐԾՈՒԹԻՒՆՆԵՐ

Փողովըդական աղէտների մի դէպք է միայն տեղի ունեցել Սորհրդի գործունէութեան ընթացքում: 1908 թ. Ալէքսանդրօպօլում հեղեղը ահազին վասաներ տուեց չքաւոր ազգաբնակիչութեան և մարդկային զոհեր էլ տարաւ: Սորհուրդը իսկոյն ներկայացուցիչներ ուղարկեց աղէտի տեղը՝ դրութիւնն ուսումնասիրելու համար և յատկացրեց աղէտեալներին 500 ըուբլի նպաստ:

Գիւղերում արհեստներ տարածելու համար Սորհուրդը 1909-ին ծախսել է 200 ըուբլի 40 կոպէկ: Նոյն թուին Գօրում բաց է արել ջուլհականոց, որի համար յատուկ նուէր 400 ըուբլի տուել է Ստեփան Գուլիշամբարեանը: Զուլհականոցը կառավարում էր Գօրու Տեղական Վարչութիւնը:

Ձեռնարկել է նաև գիւղական փոքրիկ դեղատներ բաց անելու և ծախսել է այդ նպատակով 1909-ին մօտ 100 ը.: 1910-ին նոյնչափ: Նոյն 1910-ի նախահաշուում նշանակուած է և 100 ըուբլի «գիւղացիներին ընտիր սերմ բաժանելու»:

1909-ին 100 ը. նպաստ տուեց գիւղատնտես Աֆրիկեանին գիւղերում դասախօսութիւններ կարդալու համար:

## Թ. ԲԱՐԵՐԱՐՆԵՐ

Արդէն յիշատակեցինք թէ Սորհուրդը իր սկզբնաւորութեան օրից ինչ խոշոր նուէրներ ստացաւ (Ա. Անանեան, Ա. Մանթաշեան, Տ. Աֆրիկեան, Ա. Ղարաջեան, Ա. Պօղոսեան):

Բերում ենք այստեղ այդ նուիրատուութիւններից մի քանիսի մասին (որոնք չեն յիշատակած իրանց տեղերում) մանրամասնութիւններ:

Ալէքսանդր Մանթաշեանի նամակը.

«Ստացայ պատուարժան Սորհրդիդ 18 յունիսի նամակը՝

Կովկասում վարժարաններ բաց անելու հարցի վերաբերեալ: Եւ արդէն գրած եմ Թիֆլիսի մեր գրասենեակը, որ 20,000 ռուբլու անուանական արժողութեամբ Кредитное Общество-ի օրլիգացիաներ գնեն և յանձնեն Սորհրդիդ, որպէս զի այդ գրամազուլուք անձեռնմխելի պահելով, տոկսը (տարեկան 900 ռուբլի) գործածէ նոր բացուելիք գալոցների համար:

«Սորսպէս շնորհակալ եմ այն զգացմունքների մասին, որ պատուարժան Սորհուրդդ արտայատում է իմ նկատմամբ, իր վերոյիշեալ գրութեամբ:

Պարիզ, 1/11 յուլիսի, 1908»:

### Տիրգրան Աֆրիկեանի նամակը.

«Իմ որդի Սաչատուրի միջոցով յայտնած էի Սորհրդիդ, որ ես ցանկանում եմ յանձնել Ձեզ գումարներն՝ իմ նպատակով բացւած գիւղական ուսումնարանների, նոյնպէս և զանազան հիմնարկութիւնների, այս 1908 թ. սեպտեմբերից, որի մասին յայտնած էիք Ձեր համաձայնութիւնը, ուստի ուղարկում եմ ցուցակը.

Թիֆլիսի հայոց գրամատիքական ընկերութեանը՝ տարեկան 1000 ռ., Երևանի թեմական գալոցին՝ տարեկան 1000 ռ., Երևանի Մարիամեան Օրիորդաց գալոցին՝ տարեկան 200 ռ., Ձիբուլի գիւղի ուսումնարանին տարեկան 500 ռ., Ներքին Ախտայի՝ 500 ռ.: Ռնգամալի՝ 300 ռ., Կարբիլի՝ 900 ռ., Բազարձուի՝ 500 ռ., Նորաշենի (Շօրագալ)՝ 300 ռ., Ուլիս-Նորաշենի (Շարուր Դարալագեազ)՝ 300 ռ., Նորագուզի՝ 300 ռ., Ներքին Գեօզալդարայի՝ 300 ռ., Օրգակուլի՝ 500 ռ., Յամաքարերդի՝ 300 ռ., ընդամենը 6,900 ռ.:

1 Մարտի, 1908 թ.

Թիֆլիս»

### Աղէքսանդր Ղարաշեանի նամակը.

Մեծարգոյ պարոն Սամսոն Յարութիւնեան:

«Կովկասի Հայոց Բարեգործական Ընկերութեան վերակազմուելը և նրա նոր մշակած կանոնադրութիւնն իր համակրելի կըրթական, կուլտուրական և բարեգործական նպատակներով, ինձ

վրայ ևս, իբրև հայ հասարակութեան մի անդամի, բարոյական պարտականութիւն է դնում օժանդակել այդ ընկերութեանը, որպէսզի նա յաջողութեամբ իրագործի իր ձգտումները, այն է՝ բարեւաւելու մեր հասարակութեան աղքատ մասի դրութիւնը, տարածելով նրա մէջ լուսաւորութիւն և հոգալու—թեթեւացնել նրա թշուառութիւնը անտեսական կողմից:

«Նա իմանալով, որ ընկերութիւնը որչալ է կառուցանել նոր շինութիւն իր կարիքների համար և որի համար նախահաշուով հարկաւոր է մօտ տասն և հինգ հազար ըուրլի (15000), խնդրում եմ Սորհրդիդ միջոցով առաջարկել ընդհանուր ժողովին ընդունել ինձանից 15,000 ռ. նուէր՝ յատկապէս շինութեան համար: Շինութիւնը լինելով իբր լիակատար սեպհականութիւն ընկերութեան, վերջինս շահեցնում է ըստ իր բարեհայեցողութեան՝ առանց սահմանափակումների: Եւ եթէ երբեկից ընկերութիւնը փակուի, շինութիւնը, ընկերութեան ընդհանուր ժողովի որոշումով, յատկացնում է մի այլ ազգօգուտ նպատակի կամ հաստատութեան: Այդպիսի դէպքում (այսինքն՝ փակուելու դէպքում) ընկերութիւնը իրաւունք ունի ծախել շինութիւնը և գումարը գործադրել նոյն նպատակների համար: 20 մարտի, 1908 թ.»:

Ինչպէս գիտենք, շինութիւնը նստեց 22,187 ռ. 48 կ. և այդ ամբողջ գումարը տուեց Ա. Ղարաշեանը:

ՅՈՎՀԱՆՆԵՒՄ աւ. քահ. ՏԼԻԳ-ԳԱՆՍՏԵԱՆՅ

1908 թ. յունիսի 20-ին Սորհուրդն ստացաւ հետևեալ գրութիւնը.

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ ԽՈՐՀՐԴԻՆ

Ախալքալակ գիւղի (Գօրուայ գաւառի) աւագ քահանայ  
Տէր-Յովհաննէս Տէր-Գալստեանից

յայտարարութիւն

Յիշեալ Ախալքալակ գիւղում ես ունիմ սեպհական երկու քարէ տուն և մէկ այգի: Գտնուելով ձերութեան մէջ, ես ցանկանում

եմ իմ կալուածները նուիրել Բարեգործական Ընկերութեանդ, հետեւեալ պայմաններով. ա) Այդ կալուածները պէտք է շահագործուեն Ախալքալակ գիւղի հայ հասարակութեան կարիքների համար, գլխաւորապէս կրթական կարիքների: բ) Կալուածներից նոր մեծ տունը պէտք է ծառայէ դպրոցի շինութեան համար և անցնում է ընկերութեանդ անմիջապէս,



Յ. աւ. քահանայ Տէր-ԳԱՄՏԵԱՆ

նում են տեղական լուսաւորչական ս. Կարապետ եկեղեցու սեպհականութիւն:

Իսկ հին տունը և այգին անցնում են ընկերութեանդ՝ իմ մահից յետոյ: Այս կալուածները յանձնում եմ օրինական թղթով (ընծայաբերական կամ կուպչիով): Խնդրում եմ Խորհրդից տալ ինձ գրաւոր պատասխան՝ այս յայտարարութեանս մասին: 20 յունիսի, 1908 թ. Թիֆլիս:

Աւելացնում եմ հետեւալը ևս: Իցէ թէ Կ. Ն. Բարեգործական ընկերութիւնը վաւերի կամ անկարող լինի, իրաւունքի տեսակէտից, պահպանել Ախալքալակ գիւղում մի որեիցէ ազգօգուտ հասարակական հիմնարկութիւն, այդ դէպքում կալուածները անց-

### Յովհաննէս աւ. քահանայ Տէր-Գալստեան

Տ. Յովհաննէս աւ. քահանայի նուիրած կալուածները վնասատուած են 20,000 ռուբլի: Նոր շինութիւնը, որ կառուցուած է յատկապէս դպրոցի համար, յանձնուեց Խորհրդին, որ տուեց այդ շինութիւնը վարձով գիւղական հիւանդանոցին (տարեկան 500 ռ. վճարով): Խորհուրդը մասնաւոր նպաստներ տուեց նուիրատու քահանային՝ ապրուստի համար:

Իշխ. ՍՈՓԻԱ ԱՐԶՈՒԹԵԱՆ

1908 թուի զեկտեմբերի 12-ին իշխանուհի տ. Սոփիա Արղութեան-Երկայնաբազուկ մի նամակ ուղղելով Սորհրդի նախագահ Ս. Յարութիւնեանին, մանրամաս նկարագրում էր իր արած ջանքերը՝ Սանահին գիւղում դպրոց հիմնելու մասին: Գպրոցը իշխանուհին բացել էր, այնուհետև պէտք էր հոգս տանել նրա համար շինութիւն կառուցանելու և առհասարակ նրա գոյութիւնը ապահովելու մասին: Այդ բանը նա ծրագրում է գլուխ բերել Արղութեան իշխանական տոհմի ընդհանուր անջակցութեամբ: Թէ իր միջոցներով, թէ միւս տոհմակիցների օժանդակութեամբ և թէ գիւղացիների օգնութեամբ սկսվում է շինութեան կառուցումը, որ սակայն չէ աւարտվում: Իսկ դպրոցի պահպանութեան գործը պէտք է Արղութեանների տուած միջոցներով ապահովուի և հէնց այդ պատճառով էլ դպրոցը պիտի կոչուի Արղութեան:



Իշխ. Ս. ԱՐԶՈՒԹԵԱՆ

Արդ իշխանուհի Սօփիա Արղութեանը անկարող լինելով անձամբ տանել դպրոցի պահպանութեան գործը, խընդրում էր որ Ընկերութիւնը յանձն առնի այն՝ հետևեալ պայմաններով.

1) Ինձ պատկանող այն բոլոր հողերը, որոնք գտնվում են Բորչալուի գաւառի Սանահին գիւղում և որոնք նշանակած են

երկու մակարդակի վրայ (ПЛАНЪ), ևս նուիրում ևս որպէս սեփականութիւն՝ Կովկասի Հայոց Բարեգործական Ընկերութեան: Ընկերութեան իրաւասութեանն է յանձնվում միաժամանակ նաև այն երկյարկանի քարեայ տունը, որ Սանահնում կառուցում ևս իմ զեանի վրայ և որը յատկացրած է զպրոցի և արհեստանոցի համար ու աւարտելու է իմ և Արղութեան Երկայնաբազուկ իշխանների այլ միջոցներով:

2) Կովկասի Հայոց Բարեգործական Ընկերութիւնը ընդունելով իմ նուիրարեւրած հողերը և երկյարկանէ տունը և զբանց հսկողութիւնն ու շահագործումը, պարտաւոր է այդ շէնքը ծառայացնել միայն Սանահնի հայոց զպրոցի համար, իսկ հողերից ստացուած եկամուտը յատկացնել նոյն զպրոցի պահպանման գործին:

3) Եթէ երբ և իցէ Ընկերութիւնը զազարէ գործելուց և կամ երբ նա հնարաւորութիւն չի ունենալ զպրոցը պահպանելու կամ զբան նպաստելու, այդ դէպքում Ընկերութիւնը պարտաւոր է յիշեալ ըստը հողերը և շէնքը յանձնելու ի սեպհականութիւն Սանահնին զիւրի հասարակութեան, կրթական նպատակների համար շահագործելու:

4) Ամեն ամառ, յիշեալ շէնքում մի կամ երկու սենեակից օգտուելու իրաւունքը ևս ինձ ևս վերապահում:

5) Դպրոցի ուսումնական մասի, նոյնպէս և արհեստանոցի կառավարութեան հարցերում ևս պէտք է մասնակցեմ՝ ունենալով վճռական ձայնի իրաւունք:

6) Դպրոցը, արհեստանոցի հետ միասին, պէտք է կոչուի Արղութեան—Երկայնաբազուկ իշխանների անունով. ևս իմ կողմից պարտաւորում ևս ա) Ընկերութեան Խորհրդի անդամների աջակցութեամբ նուէրներ հաւաքելու Արղութեան—Երկայնաբազուկ իշխաններից՝ շինութիւնը աւարտելու և հարկաւոր կահ կարասի գնելու համար: բ) Ամեն տարի պարբերաբար, պարտաւորվում ևս վճարել տարեկան 300 ռուբլի՝ ուսուցչուհուն ոտճիկ. գ) պարտաւորում ևս իմ միջոցներից հոգալ զպրոցի նաև դասական պիտոյքները:

Ընդհանուր Ժողովը 1909-ի Յունիսի 8-ի նիստում լսելով Խորհրդի զեկուցումը իշխանուհի Ս. Վ. Արղութեան—Երկայնաբազուկի այս նուիրարեւրութեան մասին, շնորհակալութեամբ ընդունեց այն:

Ներկայումս այդ գործը դանվում է այսպիսի դրութեան մէջ: Իշխանունի Ս. Արղունթեան յանձնել է Սորհրդին իր նուիրած հողերի օրինաւոր կերպով վաւերացրած ընծայագիրը, որ կազմուած է նրա մօր՝ Իշխանունի վարվառէ Արղունթեան-Յրկայնաբազուկի ձեռքով, որովհետև հողերի վաւերաթղթերը նրա անունով են: Ընծայուած անշարժ կալուածը բաղկացած է մի դպրոցական մեծ շինութիւնից և նրա մօտ անտառ ու հող: Բոլոր կալուածքը մօտ 32 1/2 դեսետին է:

Մօտաւորապէս արժէքն է 10—13 հազար ռուբլի:

Իշխ. ԹԱՐԽԱՆ ԽՕՋԱՄԻՆԱՍԵԱՆ

1910 թ. դեկտեմբերի 10-ին հանգուցեալ Իշխան Խօջամինասեանի ժառանգների հաւատարմատար ինժիներ Գրիգոր Զ. Նարալեանը տուեց Սորհրդին հետեւեալ յայտարարութիւնը.



«Հանգուցեալ Իշխան Թարխան Ազամալօվիչ Խօջամինասեանը թողել է մի կտակ՝ հաստատուած Թիֆլիսի Շրջանային դատարանում 20-ին մայիսի 1908 թւի, որի մէջ ի միջի աշխոյ, կտակատարը կարգադրել է, որ իր թողած ժառանգութիւնից 15,000 ռ. գումարի մի դրամագլուխ մուծէր բանկային հիմնարկութիւնը իբրև անձեռնմխելի դրամագլուխ մի քանի չքաւոր երիտասարդ տղաների և օրիորդների կրթութեան համար, որոնք պէտք է համարուեն ու կոչուեն թոշակառուներ՝ տղաները—Իշխան Թարխան Ազամալօվիչ Խօջամինասեանի»

Իշխ. Թ. ԽՕՋԱՄԻՆԱՍԵԱՆ

Իշխան Թարխան Ազամալօվիչ Խօջամինասեանի



եանի անունից, իսկ օրիորդները— նրա կնոջ՝ Սօֆիա Սօլօմոնովնա Սօջամփնասեանի անունից:

«Ժառանգուհիները ցանկանալով իրագործել կտակարարի ցանկութիւնը այնպիսի պայմաններում, որ ապահոված լինի ոչ միայն նրանց կենդանութեան օրօք, այլ և մահից յետոյ, որոշեցին Կովկասի Հայոց Բարեգործական Ընկերութեանը ներկայացնել Թիֆլիսի Վարկային Ընկերութեան 15,000 ռ. օբլիգացիաներ կուպօններով՝ սկսած 1-ից յունւարի 1911 թ. այն պայմանով, որ Ընկերութիւնը պահի պետական բանկում իբր անձեռնմխելի դրամազուխ հանգուցեալ Թարխան Աղամալօլիչ Սօջամփնասեանի անունից. քանի կենդանի են ժառանգուհիները և փեսաները, թոշակառուներին ընտրում են իրանք, իսկ ընկերութեան Սորհուրդը վճարում է թոշակները և հսկողութիւն է ունենում թոշակառուների վրայ:

«Ժառանգներից և փեսաներից յետոյ յիշեալ դրամազլխի կարգադրութիւնն անցնում է լիովին ընկերութեան Սորհուրդին ի միջի այլոց և թոշակառուների ընտրութեան իրաւունքը, միայն դրամազուխը կրկին պէտք է մնայ անձեռնմխելի:

«Սորհուրդը հանգուցեալ իշխան Սօջամփնասեանի դրամազլխի, իբր յատուկ գումարի՝ հաշիւը պահում է իր մատենաներում առանձին և տարեկան տեղեկագրի մէջ ներկայացնում է այդ հաշիւը Ընդհանուր Ժողովին:

«Սնդրում եմ այս իմ գրութեան պատասխանը սալ գրաւոր:

ԳՐ. ԵՍՐԱԼԵԱՆ.

Դեկտեմբերի 10-ին 1910 թ.»:

Ընդհանուր ժողովը 1910 թ. դեկտեմբերի 26-ի նիստում շնորհակալութեամբ ընդունեց այդ նուիրատուութիւնը: Գումարը յանձնուած է Սորհուրդին և գործադրութիւնը կատարվում է առաջադրած պայմաններով: Ներկայումս այդ գումարի տոկոսներով սովորում են Սօջամփնասեանի ժառանգների ընտրած երեք աղջիկ Թիֆլիսի I իգական գիմնազիայում և երեք տղայ՝ Թիֆլիսի և V գիմնազիաներում:

### ԵԳՕՐ ԶՕՀՐԱՅԵԱՆ

Թիֆլիսի վաճառական Եգօր Գերասիմիչ Զօհրաբեանը կտակել էր ի միջի այլ ընկերութիւններին՝ նաև Կ. Հ. Բ. Ընկերութեան 5000 ռուբլի, իբրև պարզ նուէր, առանց որ և է պայման դնելու: Խորհուրդն 1910 թուին այդ գումարն ստացաւ և արձանագրեց իբրև սովորական նուէր, բայց կամենալով պահպանել հանգուցեալ բարերարի յիշատակը, որոշեց ամեն տարի՝ տարեկան նպաստ 250 ռուբլի յատկացնել մի գիւղական դպրոցի, հանգուցեալի յիշատակին: Նուիրուած գումարն էր 5000 ռ. որից ժառանգական պետական հարկ 199 ռ. 30 կոպէկ զեղջուելով՝ ընկերութիւն դանձել է ընդամենը 4800 ռ. 70 կ.: Ընկերութեան 1910 թ. դեկտեմբերի 22-ի ընդհանուր ժողովը հաստատեց այս որոշումը:

### Ժ. ԴԻԻԱՆ ԵՒ ԾԱՌԱՅՈՂՆԵՐ

Խորհրդի տարեկան բիւջէի մէջ խոշոր գումար են կազմում զանազան գիււանական ծախսերը. 1910-ի նախահաշուով այդ ծախսերը հասնում են 3000 ռուբլու: Այս թուի մէջ են գրասենեակի ծառայողների, լուսաւորութեան վառելիքի, տպարանական, պոստ-հեռագրական և այլ ծախսերը: Գումարը ցոյց է տալիս թէ որքան ընդարձակ չափերի է հասել Խորհրդի գործունէութիւնը: Համեմատութեան համար յիշատակենք որ առաջին շրջանի սկզբներում Խորհրդի գիււանական ծախսերն էին 7—8 հարիւր ռուբլի:

## IV

### ՃԻՒՂԵՐԻ ԳՈՐԾՈՒՆԵՈՒԹԻՒՆԸ <sup>1)</sup>:

Ընկերութեան գաւառական բաժանմունքները այս երկրորդ շրջանում աւելի քան առաջին շրջանում կարևոր ծառայութիւններ են մատուցել ընդհանուր մարդասիրական կուլտուրական գործին: Եւ այս հասկանալի է, երբ նկատի առնենք որ առաջին շրջանում Խորհրդին աջակցում էին 18 ճիւղեր (1891-ի կառավարչական կարգադրութիւնը կանգնեցրեց ճիւղերի տարածումը), մինչդեռ երկրորդ շրջանին Խորհուրդն ունի 45 ճիւղերի աջակցութիւնը:

Բաւական է վերցնել Ընկերութեան առաջնակարգ նպատակը — դպրոցական գործունէութիւնը: Խորհուրդը իր տարեկան նպաստների խոշոր գումարները բաժանում է դպրոցներին տեղական ճիւղերի միջոցով: Եւ եթէ աւելացնենք դրա վրայ և ճիւղերի ինքնուրոյն դպրոցական գործունէութիւնը, այն ժամանակ կը տեսնենք, որ Ընկերութեան մարմինների համախմբուած գործակցութիւնը իսկ որ զնահատելի մի երևոյթ է մեր մտաւոր զարգացման ասպարէզում:—

1908-ի Կանոնադրութիւնը լինելով իր սկզբունքների մէջ կրկնութիւն 1881-ի Կանոնադրութեան, նոյն կենտրոնացման սխատեմն է իրագործել Ընկերութեան ընդհանուր կազմակերպութեան մէջ: Այսպէս հին Կանոնադրու-

<sup>1)</sup> Ի նկատի ունենալով որ ճիւղերի գործունէութիւնը այս երկրորդ շրջանում շատ կարճատեւ ժամանակ է ընդգրկում (2<sup>1</sup>/<sub>2</sub>—2 տարի), այլ և այն, որ այս առիթը գրելու միջոցին բոլոր ճիւղերը չեն ուղարկել Խորհրդին 1910 թուականի հաշիւները, այնպէս որ այժմ շատերի 1<sup>1</sup>/<sub>2</sub>—1 տարուայ գործունէութիւնը միայն, մենք այստեղ գնում ենք ճիւղերի համառոտ տեսութիւնը միայն:—

թեան § 43-ը, որ վերաբերում էր Տեղական Վարչութիւններին պատկանող յատուկ և անձեռնմխելի գումարներին և որ, ինչպէս տեսանք, գայթակղութեան քար է եղել Տեղական Վարչութիւնների համար, նոր կանոնադրութեամբ վերահաստատվում էր (§ 65) դեռ աւելի սահմանափակող տրամադրութեամբ:

Նոր կանոնադրութեան գործադրութիւնը դեռ համեմատաբար շատ կարճ ժամանակ ունի իր ետևում, ուստի մինչև այժմ Սորհրդի և Վարչութիւնների յարաբերութիւնները դեռ չեն ցոյց տալիս թէ ինչ հետևանքներ է առաջացնում այդ կենտրոնացումը:

Դնում ենք ճիւղերի ցուցակը՝ բացման ժամանակագրական կարգով <sup>1)</sup>:

## 1908

1. Պ Ի Լ Ի Ջ Ը Ն (Բացում ժամանակ 28): Անդամներ՝ 30: Մուտք և ելք՝ 319 ը. 96 կողէկ: Նախագահ՝ Գ. Ասլանեան, քարտուղար՝ Վ. Մատինեան, անդամներ՝ Ա. Անանեան, Ստ. Գալթեան:

Նպաստել է դպրոցներին, աշակերտներին, տառապեալներին: Կար ու ձևի արհեստանոց է բացել, 23 աշակերտուհիներով:

2. Ղ Ը Ը Ը Խ (Մարտի 3-ին): Անդամներ՝ 25: Մուտք և ելք 356 բուրլի: Նախագահ՝ Յովհաննէս Տէր-Իսրայէլեան, գանձապահ՝ Գերասիմ Բաղրամեան, քարտուղար՝ Զաքարիա քահանայ Ապրեսեանց, անդամներ՝ Կոստանդին Բաղդասարեան, Յովհաննէս Զաղէթեան:

<sup>1)</sup> Տեղեկութիւնները անդամների թուի և գումարների մասին վերաբերում են 1909 թ.

Նպաստել է դպրոցին, աշակերտներին: Ծրագրել է բաց անել զբաղարան-ընթերցարան:

Բացել է մանկական զբաղարան:

**Յ. Յ Ո Ւ Յ Ի** (Մարտի 6-ին): Անդամներ՝ մշտական՝ 1, գործադիր՝ 97: Մուտք 7627 ռ. 14 կոպէկ (որից 2526 ռ. 49 կոպ. յատուկ և հասարակ նուէրներ): Ելք՝ 2133 ռ., մնացորդ՝ 5494 ռ. 14 կոպէկ: Նախագահ՝ Մկրտիչ Դոնդաղսագեան, գանձապահ՝ Գեղէոն Տէր-Մինասեան, քարտուղար՝ Թէոդորոս Տէր-Մինասեան, անդամներ՝ բժ. Սաչատուր Բահաթրեան, Մովսէս Իւզբաշեան:

Իբ գործողութիւնը սկսելուն պէս՝ Վարչութեան առաջին հոգան է եղել բաց անել Ազուլեաց եկեղեցու բակում ծխական միդասեան երկսեռ դպրոց ամենաչքաւոր և որբ երեխաների համար (առաջին տարին 42, որոնցից 19 աղջիկ): Վարչութիւնը հայթհայթել է ձրի ուսում, դասական պիտոյքներ և հագուստ: Ծախս, առաջին տարին 770 ռ., երկրորդ տարին՝ 667 ռուբլի: Երկրորդ գործը եղել է՝ նախկին փակուած ճիւղի պարծանքը կազմող Գրադարանը քաղաքային վարչութիւնից յետ ստանալը, որ և յաջողվում է նոյն թուի (1908) նոյեմբերի 1-ին: Կարճ ժամանակամիջոցում կարգի է բերվում անուշադիր թողնուած Գրադարան-Ընթերցարանը և յաճախողները սկսում են կանոնաւոր օգտուել նրանից»<sup>1)</sup>: Ծախս Գրադարան-Ընթերցարանի (1909) 876 ռ. 22 կոպ.: Նպաստել է անգործ մնացած արհեստաւորներին և տառապեալներին (295 ռ. 3 կոպէկ): Պահել է թոշակաւոր աշակերտներ տեղական դպրոցներում: Ծրագրել է բաց անել «Աշխատանքի տուն»:

**Կ. Ս Ղ Ն Յ Խ** (Մարտ 16-ին): Անդամներ՝ 30: Մուտք 138 ռուբլի, ելք՝ (անյայտ): Նախագահ՝ Յարութիւն Եղիազարեան, քարտուղար-գանձապահ՝ Արշակ Դուլիջանեան,

<sup>1)</sup> Տեղեկագիր 1908, էր. 63—64:

անդամներ՝ Նիկողայոս Ամիրխանեան, Աննա Սարգսեան, Սարգիս Յովակիմեան:

Նպաստել է դպրոցին, աշակերտներին, տառապեալներին: 1910 թուին գործունէութիւն չէ ունեցել: Վերակազմուել է 1911-ին:

5. Ն Ի Փ գիւղ, Նուխու գաւառ (Մարտի 16-ին): Նախագահ՝ Վաղարշակ քահանայ Ճօախեան, քարտուղար՝ Մարտիրոս Շիրուանեան, գանձապահ՝ Արշակ Աղաջանեան, անդամներ՝ Սողոմոն Փալչեան, Յարութիւն Դարաջեան:

Իրամական գործողութիւն չէ ունեցել. սկզբից և եթ անյաջող և անակընկալ հանգամանքներ են ծագել, որոնց պատճառով ճիւղը փակուել է 1909 թ. վերջերում:

6. Լ Լ Գ Ո Պ Ը Ղ գիւղ Թիֆլիսի նահ. (Մարտի 23-ին): անդամներ՝ 23: Մուտք և ելք՝ 91 ր. 13 կոպէկ: Նախագահ՝ Բազրատ քահանայ Սուքիասեան, քարտուղար՝ Յակոբ Գրիգորեան, անդամներ՝ Եղիսաբէթ Թումեան, Ասատուր Բալա Հայրումեան, Մինաս Լեկրեան:

Բաց է արել գրադարան-ընթերցարան, ծախսելով 37 ր. 68 կոպէկ, նպաստել է ուսումնարանին (22 րուբ.), չքաւորներին (12 ր. 50 կ.): Հիմնել է Մանր Վարկի Ընկերութիւն, 45 հոգու մասնակցութեամբ և 6000 րուբլի գրամագլխով: Ձեռնարկել է ծխախոտի մշակութեան:

7. Ն Ո Ր Բ Ը Յ Ը Ղ Է Տ (Մարտի 23-ին): Անդամներ՝ 23: Մուտք և ելք՝ 261 ր. 2 կոպէկ: Նախագահ՝ Ստեփան Բաղիկեան, քարտուղար՝ Լևոն Պետրոսեան, անդամներ՝ Հ. Տ. Միքայէլեան, Պետրոս Չալդրեան, Գէորգ Սինանեան:

Բացել է գրադարան-ընթերցարան: Կազմակերպել է երեկոյեան դասընթացներ՝ հասակաւորների համար, նպաստել է ուսումնասու աշակերտներին: 1910-ին փակման աստիճանին էր հասել:

8. Ը Ր Պ Ը Հ Ը Ն (Մարտի 30-ին): Անդամներ՝ 26:

Մուտք և ելք՝ 662 ռ. 93 կոպէկ: Նախագահ՝ Տիգրան Տէր-Միքայէլեան, քարտուղար Էմանուէլ քահանայ Դէմիրջօղլեան, անդամներ՝ Յակոբ Տէր-Բաղդասարեան, Յարութիւն Սերովբեան:

Նպաստել է տեղական դպրոցին:

Գ. Ը Խ Ը Լ Բ Ը Լ Ը Բ (Մարտի 31-ին): Անդամներ՝ 55: Մուտք 2700 ռ. ելք՝ 1520 ռ. 20 կոպէկ: Մնացորդ՝ 1180 ռ. 34 կոպէկ: Նախագահ՝ Խաչատուր Կարապետեան, քարտուղար՝ Յովակիմ Շէխոյեան, գանձապահ՝ Կարապետ Զրպետեան, անդամներ՝ Յովհաննէս Սահաթճեան, Յակոբ Տօնականեան, Սարգիս Սլեկեանց և Արիստոտ Տէր-Յակովբեանց:

Վարչութիւնը աչքի ընկնող և իրապէս արդիւնատու միջոցներ է ձեռք առել իր գրամական մուտքը աւելացնելու համար և սահմանել է նուէրներ հաւաքել անուանակոչութիւններէ, պսակներէ, թաղումներէ ժամանակ: Ստացել է նախկին ճիւղի պահած արհեստանոցը իր գործուածքներով, բայց անձեռնասու է համարել պահել այդ հիմնարկութիւնը: Ուստի ծախել է: «Ի նկատի ունենալով դաւառիս կլիմայական պայմանները, յարմար համարեց դաւառումս տարածել կանեփի և վուշի մշակութիւն, նախօրօք ինքը ցանելով ցուցադաշտեր ի ցոյց ժողովրդեան: Սորա համար որոշեց հիմնել մի ակցիօներական ընկերութիւն, որ բաժնետէրերից մինը պիտի լինի և Բարեգործական Ընկերութիւնը... Դէպի դպրոցական խնդիրը լըջօրէն վերաբերուեց Վարչութիւնս և նրա ներկայացուցիչները երեք անգամ առիթ ունեցան շրջելու դաւառիս գանազան շրջանները, ուսումնասիրելով ժողովրդի տնտեսական և կրթական դրութիւնը»<sup>1)</sup>:

Նպաստել է դպրոցներին, կազմելով նրանց կից աշա-

<sup>1)</sup> Տեղեկագիր 1908 թ. եր. 69:

կերտական գրադարաններ, ուսումնառու աշակերտներին և աշակերտուհիներին, չքաւորներին:

Բաց է արել կար ու ձևի դպրոց 30 աշակերտուհիներով:

10. Բ Ա Թ Ո Ւ Ւ Մ (Ապրիլի 3-ին): Անդամներ՝ 143 (1908-ին): Մուտք 1655 ռ. 2 կոպ., ելք՝ 866 ռ. 83 կոպ.: Նախագահ՝ Գ. Մելիք-Շահնազարեան, քարտուղար՝ Յ. Բալայեան, գանձապահ՝ Ա. Զիլինգարեան, անդամներ՝ Յ. Խուրադեան, Պ. Զաքարեան:

Նպաստել է դպրոցներին, որոնցից մի քանիսին ազատել է փակման վտանգից: Խորհրդից ստացած իր հաւաքած գումարներից նպաստ է տուել թիւքահայ դպրժանկաններին հայրենիք վերադառնալու:—

11. Գ Ա Ն Չ Ա Կ (Ապրիլի 3-ին): Անդամներ՝ մշտական՝ 2, գործադիր՝ 73: Մուտք՝ 757 ռ. 1 կոպ., ելք՝ 531 ռ. 73 կոպ.: Նախագահ՝ Յովսէփ Մելիք-Բէզլարեան, քարտուղար՝ Նիկողայոս Ալիջեան, անդամներ՝ Նղիսաբէթ Նաբաթեան, Պաւել Տէր-Մարտիրոսեան, Աննա Մելիք-Բէզլարեան:

Նպաստել է աղքատ աշակերտներին, տառապեալներին, ձեռագործի դպրոցին:

12. Ա Ր Մ Ա Ի Ի Ր (Ապրիլի 6-ին): Անդամներ՝ 19 (1908-ին 53): Մուտք՝ 661 ռ. 98 կոպ. (1908-ին 1397 ռ. 33 կոպ.), ելք՝ 404 ռ. 55 կոպ. (1908-ին՝ 1309 ռ. 45 կ.): Նախագահ՝ բժ. Մ. Բախչեան, փոխ-նախագահ՝ Ս. Սեֆերեան, գանձապահ-քարտուղար՝ Ա. Ունանեան, անդամներ՝ Ս. Եգորեան, Բ. Կուսիկեան:

Նպաստել է տեղական դպրոցին (1000 ռուբ.), ծրագրել է բանալ կար ու ձևի դպրոց, որի վրայ պիտի ծախսուի 1460 ռուբլի, ճանապարհածախս է տուել գաղթականներին հայրենիք վերադառնալու, օգնել է տառապեալներին:



13. Կ Ը Ր Ո (Ապրիլի 6) Անդամներ՝ 44 (1908-ին 80): Մուտք՝ 1446 ը. 33 կ., ելք՝ 1376 ը. 95 կ.: Նախագահ՝ (1909-ին) Բժ. Ս. Հայրապետեան, քարտուղար՝ Լիպ. Ալլահվերդեան, գանձապահ՝ օր. Ա. Ալեքսանդրեան, անդամներ՝ Բէզ-Յովսէփեան, Յ. Պապովեան և Գ. Բոյաճեան:

Վարչութիւնը 1909-ին ներքին երկպառակութիւնների ասպարէզ դարձաւ (ինչպէս էր 1893-ին): Խորհրդի նախագահ Ս. Յարութիւնեանը զնաց Կարս՝ հաշտութիւն հաստատելու համար և յաջողեցրեց լրացնել Վարչութեան թերի կազմը: Բայց նրա հեռանալուց յետոյ հին կազմը (նախագահ՝ Ե. Տէր-Մինասեան, անդամներ՝ Մ. Մուրուզեան և Կ. Գրիգորեան) նորից հրաժարուեցին: Հոկտեմբերին նոր Վարչութիւն վերակազմուեց Խորհրդի փոխ-անդամ Ե. Լալայեանի ջանքերով:

1908 և 1909-ին մեծ եռանդով աշխատել է թիւրքահայ գաղթականների հայրենիք վերադառնալու գործի մէջ, ծախսելով թէ Խորհրդից ուղարկած գումարը և թէ էր հաւաքածը: 1909-ին Վարչութիւնը Կարսի թիւրքական հիւպատոսին խնդրեց միջնորդել որ վերադարձող գաղթականների անասուններից մաքս չը վերցնեն թիւրքական մաքսատները: Հիւպատոսի միջնորդութիւնը ընդունուել էր Կ. Պօլսում, և այնուհետև գաղթականները անցնում էին սահմանը առանց առանձին դժուարութիւնների և նոյն իսկ առանց նպաստներ ստանալու անհրաժեշտութեան: Նպաստել է դպրոցներին, աղքատ աշակերտներին հաղուստներ է բաժանել, օգնել է տառապեալներին, Ալեքսանդրօպօլի հեղեղից վնասուածներին (1908 թ.) ուղակել է 314 ըուբլի:

14. Ք Ո Ւ Թ Ն Յ Ի Ս (Ապրիլի 6-ին) Անդամներ՝ 50: Մուտք՝ 643 ը. 80 կ., ելք՝ 477 ը. 31 կ.: Նախագահ՝ Աշոտ քահանայ Տէր-Իսրայէլեան, քարտուղար՝ Սեդրակ Տէր-Առաքելեան, գանձապահ՝ Յակոբ Աւսարգսեան, անդամներ՝ Արշակ Թաղէոսեան և Եղիսարէթ Ստեփանեան:

Բացել է զբաղարան - ընթերցարան, որի համար ձեռք է բերել մինչև 2000 հայերէն գրքեր: Հիմնել է կիրակնօրեայ դպրոց՝ արհեստագիտական բաժնով: Զխար և Սաչխերէթ գիւղերում բացել է ծխական դպրոցներ, ստանալով Խորհրդից նպաստ իւրաքանչիւրի համար 250 ռուբլի՝ օգնել է տեղական դպրոցին և չքաւոր աշակերտներին դրամով և հագուստեղէնով:

**15. ՎԵՂՆՐՅԵՍՊԵՏ** (ապրիլի 16-ին): Անդամներ՝ 42 (1908-ին): Մուտք և ելք՝ 800 ռուբ.: Նախագահ՝ Գարեգին վարդապետ, քարտուղար՝ Մխաբ Խոստիկեան, գանձապահ՝ Համասփիւռ Աւետիքեան, անդամներ՝ Սալուէ Սամուէլեան և Ալէքսանդր Բզնունի:

Նպաստել է տեղական դպրոցի աշակերտներին հագուստեղէնով և ունամաններով, աղքատներին և հայրենիք վերադարձող գաղթականներին: Բաց է արել ջուհականոց, բայց փակել է չը կարողանալով մրցել շուկայի գներին հետ: Ծրագրել է կառուցանել ժողովրդական տուն, բայց չէ կարողացել յաջողեցնել այդ: Մտադիր է բանալ կար ու ձևի դպրոց:

**16. ԵՐԵՒԱՆ** (Ապրիլի 20-ին): Անդամներ՝ 140: Մուտք՝ 2335 ռ. 16 կ., ելք՝ 2289 ռ. 2 կ.: Ունի գումար ռէնտաներով և առձեռն դրամով՝ 3751 ռ. 31 կ.: Նախագահ՝ ա. Մ. Միրզոյեան, փոխ-նախագահ՝ Բժ. Յ. Յովհաննիսեան, գանձապահ՝ Մ. Մուսինեան, քարտուղար՝ Գ. Խանազադեան:

Նպաստել է տեղական ծխական դպրոցներին (1909-ին՝ չորս դպրոցի 800 ռ.), ուսումնառուներին, գործակատարների ընկերութեան, զբաղարանին, կարօտեալներին, հայրենիք վերադարձող գաղթականներին (վերջիններին համար ստացել է նպաստ Խորհրդից և իր միջոցներից էլ յատկացրել է գումար, ծրագրել է բանալու ապաստարան-արհեստանոց և զբաղարան-ընթերցարան, որոնց համար մտադիր է սեպհական շէնք կառուցանել):

Բացել է որբանոց 12 որբերի համար:

17. ՔՐԵՂՎՆՍԵՐԸ ԳԻՒՂ Ղազարի գաւառ (ապրիլի 20-ին) Անգամներ՝ մշտական 1, գործադիր 26: Մուտք՝ 731 ռ. 47 կոպ., ելք 397 ռ. 32 կոպէկ: Նախագահ՝ Մեւրոպ քահանայ Էդիլեան, քարտուղար՝ Հայկ Պապեան, գանձապահ՝ Արամ Իսախանեան, անգամներ՝ Գրիգոր Յովակիմեան և Միքայէլ Չաքարեան:

1908-ին գաւառում տարածուած հիւանդութիւնների առաջն առնելու համար զեղեր է բաժանել 350 աղքատների, օգնել է տեղական դպրոցին, աղքատներին: Բաց է արել ջուրհանոց - արհեստանոց: Ծրագրել է կիրականօրեայ դպրոց հասակւորների համար, գասախօսութիւններ, ժողովրդական ներկայացումներ, որոնց համար ներկայումս կառուցանում է ժողովրդական տուն, նպաստ ստանալով և Սորհրդից:

Գրադարանն ունի 1520 կտոր գիրք: Յաճախորդների թիւը 573: Կարգացուել է 807 գիրք:

Ունի մեղուանոց:

18. ՀԻՆ - ՆՐԽԻՋԵՒՐՆ (Ապրիլի 26-ին) Անգամներ՝ 40: Մուտք՝ 2243 ռ., ելք՝ 1460 ռ. 41 կ.: Նախագահ՝ Միքայէլ Չանփոլադեան, գանձապահ՝ Գէորգ Ղազարեան, քարտուղար՝ Արամ Գիւրջեան, անգամներ՝ Կոստանդին Պօղոսեան, Յակոբ Մարգսեան:

Նպաստել է աղքատ աշակերտներին, տառապեալներին: Բաց է արել դպրոցներ Սորհրդի ուղարկած նպաստներով: Պահում է գրադարան-ընթերցարան:

19. Ը Խ Ա Լ Յ Խ Ա (Ապրիլի 27-ին) Անգամներ՝ 58 (1908-ին՝ 90): Մուտք՝ 1018 ռ. 6 կ., ելք՝ 272 ռ. 79 կ.: Նախագահ՝ բժ. Յ. Այվազեան, փոխ-նախագահ՝ Գր. Բուզուզեան, Գանձապահ-քարտուղար՝ Աբր. Անիսոնեան, անգամներ՝ Գրիգոր Չաթալբաշեան, Սորէն Աամարեան:

Աշխատել է յետ ստանալ և ստացել է նախկին ճիւղի կառուցած գրադարանական շինութիւնը Սուրբ Վարդանանց եկեղեցուց, որին նուիրել է ճիւղը իր փակման միջոցին: Նպաստել է դպրոցներին, ուսումնառուներին և աղքատներին: Ծրագրել է բաց անել խոհարարական կուրսեր: Կազմակերպել է կիրակնօրեայ դասախօսութիւններ: 1910-ի խօսերայի ժամանակ բաժանել է ախտահան միջոցներ: Հիմնել է Աղքատախնամ Մասնախումբ, որ նպաստել է քաղաքի աղքատներին, բաժանելով 595 ռ. 86 կոպ.:

**20. Գ Ե Ր Բ Ե Ն Գ** (Մայիսի 19-ին): Անդամներ 53: Մուտք՝ 1066 ռ. 49½ կոպ., ելք՝ 510 ռ. 43 կոպ.: Նախագահ՝ Ռուբէն Տէր-Գրիգորեան, գանձապահ-քարտուղար՝ Յովսէփ Կիրակոսեան, անդամներ՝ Աննա Խիթարեան, Յովհաննէս Իսաղուկեան, Տիգրան քահանայ Վարդանեան:

Նպաստել է դպրոցներին, աշակերտներին և կարօտեալներին:

**21. Ե Կ Ը Տ Ե Ր Ի Ն Յ Գ Ը Ր** (Մայիսի 20-ին): Անդամներ՝ մշտական 3, գործադիր 104: Մուտք՝ ա) Եկատերինոզարի նախկին Հայ Կանանց Բարեգործական Ընկերութիւնից ստացած 5382 ռ. 35 կ.: բ) սեփական եկամուտ՝ 4032 ռ. 35 կ.: ելք՝ 2615 ռ. 43 կոպ.: Նախագահ՝ բժ. Ալեքսիանոս Տէր-Օհանեան, քարտուղար՝ Արսէն քահանայ Վարդանեան, անդամներ՝ տ. Եղիսաբէթ Աշրաֆեան, տ. Գայեանէ Անպէտքեան:

Նպաստել է տեղական դպրոցին, աշակերտներին, տառապեալներին:

**22. Գ Օ Ր Ի** (Մայիսի 25-ին): Անդամներ՝ 30: Մուտք՝ 170 ռ., ելք՝ 84 ռ. 89 կոպ.: Նախագահ՝ Ալէքսանդր Դաւթեան, փոխ-նախագահ՝ Յովհաննէս Մկրտչեան, քարտուղար-գանձապահ՝ օր. Ե. Բաբայեան, անդամներ՝ Կոստանդին Օրբելեան, Մովսէս Բաբայեան:

Նպաստել է չքաւոր ընտանիքներին: Կառավարել է Ս. Գուլիշամբարեանի նուէրով բացած շուկականոցը:

23. Ն Ո Ւ Խ Ի (Յուլիսի 20-ին) Անդամներ՝ 46: Մուտք 562 ռ. 72 կ., ելք՝ 466 ռ. 33 կ.: Նախագահ՝ Արշակ քահանայ Փալչեան, քարտուղար՝ Սահակ Տէր-Պօղոսեան, անդամներ՝ Բէյբուզ Մելիք-Ալլանվերդեան, տ. Զաւահիր Ասրեան, օր Եկատ. Նասիբեան:

Նպաստել է չքաւոր աշակերտներին:

24. Ա Լ Ի Ք Ս Ա Ն Գ Ի Ր Պ Պ Ո Լ (Յուլիսի 22-ին): Անդամներ 37: Մուտք 1925 ռ. 46 կ., ելք 1785 ռ. 18 կ.: Նախագահ՝ Բժ. Ա. Տէր-Շմաւոնեան, գանձապահ՝ Յ. Ադրբաբեան, քարտուղար՝ Ն. Կիրակոսեան, անդամ Ս. Թաբախեան:

Նպաստել է չքաւոր աշակերտներին, դպրոցներին և ուսանողներին:

25. Ա Ր Գ Ո Ւ Ի Ն (Յուլիսի 1-ին): Անդամներ՝ 44: Մուտք և ելք՝ 311 ռ. 59 կ.: Նախագահ՝ Գրիգոր քահանայ Եսայեան, գանձապահ՝ Յովսէփ Կիւրեղեան, քարտուղար՝ Կարապետ Տէր-Բաղդասարեան, անդամներ՝ Ղազար Վարթուղեան, Յակոբ Միասարեան:

Նպաստել է տեղի ծխական դպրոցին, մանկական գրադարանին, չքաւոր աշակերտներին և աշակերտուհիներին:

26. Բ Ո Ր Փ Ո Մ (Յուլիսի 20-ին): Անդամներ՝ 15: Մուտք և ելք՝ 164 ռուբլի: Նախագահ՝ Յակոբ Աւագեան, գանձապահ՝ Յակոբ Նալբանդեան, քարտուղար՝ Մկրտիչ Ղազարեան, անդամներ՝ Սիմէօն Ալաճաճեան, Յովհաննէս Յարոյեան:

Նպաստել է տեղական դպրոցին և չքաւորներին:

27. Գ Ո Ր Ի Ս, Զանգեղուրի գաւառ (Յուլիսի 21-ին): Անդամներ՝ 34: Մուտք՝ 564 ռ. 68 կ., ելք՝ 410 ռ. 79 կ.: Նախագահ՝ Ալէքսանդր Բաղրամեան, քարտուղար-գանձա-

պահ՝ Միքայէլ Պարոնեան, անդամներ՝ Յակոբ Միրաքեան, Արշակ Ղազարեան, Լևոն Միքայէլեան:

Նպաստել է ծխական դպրոցի աշակերտներին և աշակերտուհիներին:

**28. Գ Ո Ր Ի Թ** (Օգոստոսի 22-ին) Անդամներ՝ 15: Մուտք և ելք՝ 137 ռ. 20 կ.: Նախագահ՝ Յուսիկ քահանայ Ապրելեան, անդամներ՝ Նիկողայոս Բարաթեան, օր. Նատալիա Կարապետեան, Գէորգ Աթոյեան, Ստեփան Ոսկեանց:

Նպաստել է տեղական դպրոցին: Բացել է դպրոց Անանուր գիւղում:

**29. Թ Ե Լ Ս Ի** (Օգոստոսի 24-ին): Անդամներ՝ 36: Մուտք՝ 354 ռ. 53 կ., ելք՝ 322 ռ. 69 կ.: Նախագահ՝ Աբէլ աւ. քահանայ Սուքիասեան, քարտուղար՝ Գէորգ Տէր-Սարգսեան, գանձապահ՝ Լևոն Թաթուզեան, անդամներ՝ Միքայէլ Տէր-Յարութիւնեան, Արտեմ Տէր-Սարգսեան:

Նպաստել է աշակերտներին և տառապեալներին:

**30. Ղ Ո Ր Ի Ս** (Սեպտեմբերի 21): Անդամներ՝ 48: Մուտք՝ 450 ռ. 8 կ., ելք՝ 286 ռ. 66 կ.: Նախագահ՝ բժ. Միքայէլ Մէլիք-Մկրտչեան, փոխ-նախագահ և քարտուղար՝ Խաչատուր քահանայ Փանեան, գանձապահ՝ Հայրապետ Մէլիք-Դադայեան, անդամներ՝ Զուլշուք Բարսեղեան, Ալէքսան Բօղզանեան:

Պահում է աղքատանոց: Նպաստել է չքաւոր աշակերտներին: Ծրագրել է բանալ դրադարան-ընթերցարան:

**31. Փ Ո Ր Ի** (Հոկտեմբերի 19-ին): Անդամներ՝ 15: Մուտք՝ 142 ռ., ելք՝ 67 ռ., նախագահ՝ Անդրէաս Ապրելեանց, քարտուղար-գանձապահ՝ Ղազարոս Քազարեանց, անդամ՝ Արտաշէս Վարդանեանց:

Նպաստել է ծխական դպրոցին:

**32. Ի Գ Փ Ի Ր** (Հոկտեմբերի 21-ին): Անդամներ՝ 45:

Մուռք՝ 1199 թ. 3 կ., ելք՝ 1017 թ. 89 կողմ: Նախագահ՝  
Խաչատուր Կանայեան, գանձապահ՝ Մամբրէ Տէր-Թովմա-  
սեան, քարտուղար՝ Անուշաւան Պօղոսեան, անդամներ՝  
Նիկողայ Գրիգորեան, Համադասպ Կանայեան:

Բաց է արել գրադարան-ընթերցարան ի յիշատակ Խա-  
չատուր Աբովեանի և անուանել է «Աբովեան»: Ընթերցա-  
րանն ստանում էր 13 պարբերական հրատարակութիւններ:  
Գրքերի թիւը մօտ 1200: Յաճախողներ՝ 3096, գրքեր  
տարուած են 3688 հատ:

Նպաստել է չքաւորներին, հայրենիք վերագարծող  
գաղթականներին: Ծննդեան և Զատիկի տօներին հանգա-  
նակութիւն է կատարել և օգնել է 65 ընտանիքների, ինչ-  
պէս նաև աղքատ աշակերտներին և աշակերտուհիներին  
տուել է հագուստ և թոշակ: Կազմել է դպրոցական շինու-  
թեան ֆօնդ: Խօլերայի ժամանակ բաց է արել ձրի թէյա-  
տուն:

**33. ԿԸՂՂՈՒՆ** (Հոկտեմբերի 24-ին): Անդամներ՝  
33: Մուռք՝ 250 թ., ելք՝ 177 թ. 30 կ.: Նախագահ՝ Ալէ-  
քսանդր Մամիկոնեան, քարտուղար՝ Թադ. Գիւլբայազեան,  
գանձապահ՝ Ա. Մատղալեան, անդամներ՝ Արամ Ղարիբեան  
(վախճանուած) Աղասի Էլիզարեան, Ալէքսանդր Մամիկո-  
նեան:

Նպաստել է տեղի ծխական դպրոցին:

**34. ԹԻՄԻՐ-ԽՆՆ-ՅՈՒՐԸ** (Նոյեմբերի 1-ին): Անդամներ՝  
19: Մուռք՝ և ելք՝ 116 թ. 12 կ.: Նախագահ՝ Յովհաննէս  
Կազեան, քարտուղար Գ. Աւշարեան, անդամներ՝ Ս. Սա-  
րուսեան, Ա. Մարտիրոսեան, Ղևոնդ քահանայ Յովսէփեան:

Նպաստել է դպրոցին և չքաւորներին:

**35. ՊԵՆՏԻԳՈՐՍԿԻ** (Նոյեմբերի 2-ին): Անդամներ՝  
90: Մուռք և ելք՝ 610 թ. 70 կ.: Նախագահ՝ Արքանամ  
քահանայ Շիւինեանց, գանձապահ—քարտուղար՝ Ալէքսանդր

Վիրաբեան, անդամներ Թադէոս Պապովեան, Գրիգոր Եսա-  
կեան, Մկրտիչ Խօջայեան:

Նպաստել է տեղի ճխական դպրոցին: Ծրագրել է բա-  
նալ ձրի և էփանագին հանրակացարան հասարակական  
չքաւոր դործիչներին համար, ապագայում այդ հիմնարկու-  
թիւնը Սանատորիայի վերածելու դիտաւորութեամբ:

**36.** Ս Ս Ի Խ Ս Ս Ի Մ (Նոյեմբերի 9-ին): Անդամներ՝ 23:  
Մուտք՝ 126 ր. 69 կ., ելք՝ 91 ր. 75 կ.: Նախագահ՝ Նիկ.  
Աթաբէգեան, քարտուղար՝ Զանիկ Կոտբաշեան, գանձապահ՝  
Միհրան Ալթունեան, անդամներ՝ Եղիշէ քահանայ Տէր-  
եղիազարեան, Գարեգին Բուջեան:

Նպաստել է դպրոցին և չքաւորներին:

**37.** Զ Խ Ո Ր Ղ զիւղ, Գութայիսի նահանգ (Դեկտեմ-  
բերի 3-ին): Անդամներ՝ 34: Մուտք և ելք՝ 302 ր. 86 կ.:  
Նախագահ՝ Արտաշէս քահանայ Գափամաճեան, գանձապահ՝  
Յովհաննէս Սիմէօնգուլեան, անդամներ՝ Արտաշէս Կաճկա-  
ճեան, Պօղոս Կաճկաճեան, Միքայէլ Դուրուեան:

Նպաստել է չքաւոր աշակերտներին և աշակերտուհի-  
ներին թոշակներով և հագուստեղէնով: Գլխաւոր հոգսն է  
եղել դպրոցական շինութեան ֆօնդ կազմել: Տուել է այդ  
նպատակով 140 ր. և շինական մասնաժողովի հետ հան-  
գանակել է 1200 րուբլի: Ծրագրել է բաց անել մանր  
վարկի բնկերութիւն:

**38.** Մ Ո Զ Գ Ս Կ (Դեկտեմբերի 28-ին): Անդամներ՝  
53: Մուտք՝ 454 ր. 89 կ., ելք՝ 28 ր. 54 կ: Նախագահ՝  
Ս. Գեանջումեան, գանձապահ՝ Պ. Ուլուխանեան, քարտու-  
ղար՝ Ս. Գրիգորեան, Անդամներ՝ Կ. Նաւասարգեան, Կ.  
Շլթեան:

Նպաստել է տեղական չքաւորներին, վարչութեան  
ամբողջ հոգսն է եղել միջոցներ ձեռք բերել որ կարելի  
լինի ծխական դպրոցին կից բանալ զամբիւղատրծական



արհեստանոց, որ պիտի նպաստէ աղքատ ազգաբնակի-  
ւթեան: Այդ նպատակով գիմուսներ է արել զանազան  
մարդկանց:

Բաց է արել զրազարան-ընթերցարան «Հայրիկեան»  
անունով,

## 1909

**39.** Օ Լ Թ Ի (Յունվարի 4): Անդամներ՝ 15: Մուտք՝  
և ելք՝ 124 ռ. 50 կ.: Նախագահ՝ Ստեփան Տէր-Մարգա-  
րեան, անդամներ՝ Մ. Նալբանդեան, Պետրոս Ղազարեան,  
և Ա. Տէր-Ներսիսեան:

Նպաստել է դպրոցին, կարօտեալներին, ընթերցա-  
րանին:

**40.** Ս Ո Ւ Բ Ո Մ (Յունվարի 18-ին) անդամներ 23:  
Մուտք՝ 163 ռ. 44 կ., ելք՝ 114 ռ. 25 կ.: Նախագահ՝  
Միքայէլ Առիւծեանց, քարտուղար՝ Յովսէփ քահանայ Առիւ-  
ծեանց, գանձապահ՝ Գրիգոր Բարուչեան, անդամներ՝ Բար-  
սեղ Չարեքեանց, Արշակ Շուղարեանց:

Նպաստել է դպրոցին, աղքատ աշակերտներին, ծրա-  
դրել է բանալ կիրակնօրեայ դպրոց: 1900-ին ճիւղը փակման  
վտանգին էր ենթարկուած միջոցների պակասութեան  
պատճառով: Խորհրդի յորդորներով վերակազմուեց 1911-ին:

**41.** Վ Լ Ը Գ Ի Կ Ը Ի Կ Ը Գ (Մարտի 10-ին): Անդամներ՝  
մշտական 3, գործադիր 117: Մուտք՝ 2531 ռ. 94 կոպ.,  
ելք՝ 2236 ռ. 5 կոպէկ: Բացի այդ ճիւղն ունի 1225 ռ.  
28 կոպ. առանձին գումար: Նախագահ՝ Յակոբ քահանայ  
Սառիկեան, գանձապահ՝ Սիմէօն Մամուլեան, քարտուղար՝  
Համազասպ Դրամբեան, անդամներ՝ Եղիսաբէթ Կարախա-  
նեան, Լևոն Ղուկասեան, Մանուկ Ղազարեան:

Գլխաւոր նպաստը աշակերտներին (819 ռ.): Բացել  
է զամբիւղագործական արհեստանոց (674 ռ.): Օգնել է  
կարօտեալներին (643 ռ.):

**42.** ՅԵՐՍԿԻԻ ԿՕԼՕՊՑԻ (Տարուայ վերջերին): Անդամներ՝ 15 (1910-ին): Մուտք և ելք՝ 131 ր. 6 կոպ.: Նախագահ՝ Ստեփան Ամեանց, քարտուղար՝ Յակոբ Գրիգորեան, անդամներ՝ Նիկողայոս Ճարեան, ա. Վարվառէ Թումանեան:

Վճռել է բանալ գրադարան-ընթերցարան, մանր վարկային ընկերութիւն: Մտադիր է նաև վերցնել 2—3 դեսեսաւին հող՝ թիթենիներ տնկելու և շերամապահութեամբ ու մեղուաբուծութեամբ պարապելու յօգուտ ճիւղի:

## 1910

**43.** ՆՕՎՕՐՕՍՍԻՅՍԿ (Փետրվարի 2-ին): Անդամներ՝ 30: Մուտք՝ 231 ր. 5 կ., ելք՝ 228 ր. 44 կ.: Նախագահ՝ Պօղոս քահանայ Տէր-Մինասեան, քարտուղար՝ Պօղոս Մարգարեան, անդամներ՝ Մեսրոբ Խաչիկեան, Միհրան Գիւլեանց, Հմայակ Մակարեանց:—

Նպաստել է դպրոցին:

**44.** ՂԼՓԸՆ Զանգէզուրի գաւառ (Մայիսի 29-ին): Անդամներ՝ 48: Մուտք և ելք՝ 240 րուբլի: Նախագահ՝ Սմբատ Մելիք-Ստեփանեան, քարտուղար՝ Ի. Մելիք-Քարամեան, գանձապահ՝ Ս. Մելիք-Փարսաղանեան, անդամներ՝ բժ. Ա. Խաչատրեան, Մովսէս Իւզբաշեան:

Բացել է գրադարան-ընթերցարան:

**45.** ՊԵՏՐՈՎՍԿ: Բացուել է յունիսի 19-ին Խորհրդի փոխ-անդամ Ե. Լալայեանի ջանքերով: Նախահաշիւ 1911-ի: Անդամներ՝ 21: Մուտք և ելք՝ 165 ր.: Նախագահ-քարտուղար՝ Արշէն քահանայ Մարգարեան, գանձապահ՝ Գասպար Մամուլեան, անդամներ՝ Մարիամ Տուրփայեան, Աննա Նացվալեան, Սարգիս Միրզախանեան:

V

## ՎԵՐԱՍՏՈՒԳՈՂ ՅԱՆՁՆԱԺՈՂՈՎ

Ընկերութեան կանոնադրութիւնը փոփոխութիւններէ է ենթարկուել, բայց միշտ, սկզբից մինչև այժմ, անփոփոխ է մնացել Վերաստուգող Յանձնաժողով անունը կրող մարմինը, որի գործունէութիւնը սկզբի տարիներէց շարունակվում է մինչև այժմ: Այդ մարմինը միայն կենտրոնին չէ վերաբերում: Նա իբրև Ընկերութեան վարիչ մարմինների մի անհրաժեշտ մաս, գործել է ամեն աեղ, ուր Ընկերութիւնը ունեցել է ճիւղեր:

Լինելով գուտ հաշուապահական հիմնարկութիւն, Վերաստուգող Յանձնաժողովը ամեն տարի ընդհանուր ժողովների առաջ բաց է արել Ընկերութեան կարողութեան քննուած և վերաստուգուած հաշիւները, ցուցմունքներ է տուել կանոնաւոր հաշուապահութեան, գումարների շահեցման մասին: Այդպիսով նա կատարել է արտաքուտ մանր, ընթացիկ, ժամանակաւոր, բայց ըստ բովանդակութեան շատ կարևոր գործ: Ընդհանուր ժողովները երկար ու մանրամասն զբաղուել են այդ վերաստուգող մարմնի տեղեկագրերով, և Ընկերութեան վարիչ մարմինների համար առաջնորդող են հանգիսացել նրա նկատողութիւնները:

Վերաստուգող Յանձնաժողովը գործի է հրաւիրվում 1883 թուականից, իսկ նրա համար հրահանգ մշակվում և հաստատվում է Ընդհանուր ժողովի կողմից 1885-ին <sup>1)</sup>:

Ըստ կանոնադրութեան, Վերաստուգող Յանձնաժողովը ընտրվում է ամեն տարի, նախընթաց տարուայ հաշիւները քննելու համար: Այսպիսով այդ մարմնի կազմը մշտապէս փոփոխութիւնների ենթարկուած է եղել, և այս

<sup>1)</sup> Տ. Յաւելուած.—


հանդամանքը անհնարին է դարձնում երեսուն տարիների ընթացքում գործած Մասնաժողովների (կենտրոնի և գաւառական ճիւղերի) ամբողջական կազմը այստեղ յիշատակելը: —

Առաջին վերաստուգող Յանձնաժողովը, որ ընտրուեց 1883-ի յունիսի 6-ի Ընդհանուր Ժողովում, բաղկացած էր հետևեալ անձերից. Գ. Նահապետեան, Մ. Սալամբէկեան և Աւետիս Վարդապետեան (այժմ հանգուցեալ): Աւետիս Վարդապետեանը այնուհետև էլ, երկար տարիների ընթացքում, եղել է վերաստուգող Յանձնաժողովի անդամ: —

Տարիներով նոյն Յանձնաժողովի անդամ վերընտրուել են. Նազարէթ Տիգրանեան, Յովհաննէս Ստեփանեան, Ն. Աբրահամեան, Յ. Բոչարեան, Կ. Շիրինեան, Ա. Շահիկեան, Ս. Խարազեան, Մ. Կայալեան, Ս. Մնացականեան, Ս. Շահվերդեան, Ա. Աւագեան:

---

ԾԱՆՈԹՈՒԹԻՒՆ: Ներկայ աշխատութեան 24-րդ երեսում սխալմամբ չէ յիշատակուած Նոր-Նախիջկանի Հայոց Բարեգործական Ընկերութիւնը, որ հիմնուած է 1861-ին:



# ՅԱԻԵԼՈՒԱԾՆԵՐ

По журнальному постановлению Тифлискаго Губернскаго по дѣламъ объ обществахъ присутствія 16 января 1908 года состоявшемуся „Армянское Благотворительное Общество на Кавказѣ“ внесено въ реестръ, подъ № 79-мъ, настоящий уставъ утвержденъ и къ возникновенію дѣятельности означеннаго общества препятствій не встрѣчается. Января 31 дня 1908 г. За Тифлискаго Губернатора,

И. д. Вице-Губернатора А. Чернявскій

## ԿԱՆՈՆԱԳՐՈՒԹԻՒՆ

Հայոց Բարեգործական Ընկերութեան Կոմիտսում

### I. ԸՆԿԵՐՈՒԹԵԱՆ ՆՊԱՏԱԿԸ

§ 1. Ընկերութեան նպատակն է նպաստել լուսաւորութեան տարածման հայերի մէջ Կոմիտսում և օգնել նրանց նիւթականապէս:

§ 2. Այս նպատակն համելյա համար Ընկերութիւնը պիտի քննարկ սահմանած միջոցներով ու կարգով եւ արեւել գորգացման համեմատ՝

ա) պահպանում է արդէն գոյութիւն ունեցող հայոց ուսումնարանները, հիմնում է և նիւթականապէս նորաստում է նորերի բացման.

բ) օժանդակում է ժողովրդի մէջ արհեստներ տարածելուն և նրա նիւթական գրութիւնը բարելաւելուն.

գ) օգնում է ուսանողներին ուսման մէջ.

դ) լոյս է ընծայում զրբեր ու պարբերական հրատարակութիւններ ժողովրդի ընթերցանութեան համար և այլ գրականական երկասիրութիւններ.

ե) հիմնում է սպարաններ, վիճադրատներ, մուղէյումներ, գրագարաններ և ընթերցարաններ.

զ) հիմնում է հիւանդանոցներ, ամբուլատորիաներ (հիւանդանոց երթիկի հիւանդների համար), ապաստարաններ, հասարա-

կական ճաշարաններ, թէյասններ, էփանագին ընակարաններ, գիշերելու տներ, պատասպարաններ, հանրակացարաններ, աշխատանքի տներ և այլ բարեգործական հաստատութիւններ:

է) օգնում է տառապեալներին ժողովրդական աղէտների ժամանակ, այն է՝ սովի, տարափոխիկ հիւանդութիւնների, հրդեհի և այլն, որի համար՝ իւրաքանչիւր առանձին զէպրում, պատշաճաւոր թոյլաւութեամբ՝ բացում է հանգանակութիւն, կազմակերպում է սանիտարական մասնախմբեր կամ ուղարկում է իւր կողմից լիազօրներ:

բ) օգնում է կարևոր զէպրերում նիւթականապէս և բարոյապէս իւր տեղական ձևովերին, ինչպէս և հայկական այլ ընկերութիւններին և հաստատութիւններին:

## II. ԸՆԿԵՐՈՒԹԵԱՆ ՄԻՋՈՑՆԵՐԸ

§ 3 Ընկերութեան միջոցները կազմում են՝

ա) անգամների տարեկան վճարները.

բ) ընկերութեան զբամազլիսի, շարժական և անշարժ կայքերի եկամուտները.

գ) նուէրներ զբամով, իրեղէններով և ամեն տեսակ զոյքով.

դ) գումարներ, որոնք զոյանում են իշխանութեան կողմից

~~Սառաւորաբանական ընկերութիւններից, հրապարակական հասարակական ընկերութիւններից, կրթութեան ընկերութիւններից, գրաստաններից, բնակարանային ընկերութիւններից, զբոսայգիներից և այլն: Ըստ օրինակի այլ ընկերութիւնները, նոյնպէս զբարերի, պարբերական հրատարակութիւնների և Թուրքիայի ընկերական պատկանեալ ամեն տեսակ զոյքերի վաճառումից:~~

§ 4. Ընկերութիւնը մտնող բոլոր գումարները բաժանուած են իրանց նշանակութեան համեմատ, երկու տեսակի՝ անձեռնմըխելի և ծախուց գումարներ:

Երանօր. Սրանից անհախ Ընկերութեանը իրաւունք է տրւում ունենալ համաձայն Ընդհանուր ժողովի որոշման՝ սրահուսի և շահուցի գումարներ: Այս զէպրում յատուկ գումարները կազմում են այն նուէրները, որոնք յատկացնուած են նուիրողներին կողմից մի առանձին որոշ նպատակի համար, որը թոյլատրուած է այն կանոնադրութեամբ:

§ 5. Անձեռնմխելի գումարը կազմուած է նուիրատուութիւններից և այլ մուտքերից, որոնք անուած են անձեռնմխելի պահելու.



պայմանով, նոյնպէս Ընկերութեան եկամուտները զեղջից այն կարգով ու այն չափով, ինչ չափով ցոյց է տրուած ստորև յիշուած 6-րդ §-ում:

§ 6. Ընկերութեան և նրա Տեղական Ճիւղերի եկամուտներից, համաձայն նախահաշուի՝ պահւում է ամենայն տարի 5—10% Ընդհանուր ժողովի հայեցողութեամբ, իբրև անձեռնմխելի և պահեստի գումարներ ամբողջ Ընկերութեան համար, որից  $\frac{1}{3}$  պահւում է իբրև անձեռնմխելի, իսկ  $\frac{2}{3}$  Ընդհանուր պահեստի գումարներ:

§ 7. Պահեստի գումարի ծախսելու եղանակը որոշում է Ընդհանուր ժողովը:

§ 8. Ծախուց գումարը կազմում է Ընկերութիւնը մտած միւս բոլոր եկամուտներից, նոյնպէս անձեռնմխելի և պահեստի գումարների տոկոսներից, եթէ միայն այդպիսիք կլինին: Իսկ յատուկ գումարի տոկոսները՝ դուրս գալով 6-րդ § ում յիշատակուած զեղջը, պէտք է դորձադրուեն բացառապէս իրեն յատուկ նպատակի համար:

§ 9. Ծախսերն անոււմ են բացառապէս Ընդհանուր ժողովի թոյլտուութեամբ, այն է՝ իւրաքանչիւր տարուայ նախահաշիւը Ընդհանուր ժողովի կողմից հաստատուելուց յետոյ, նոյնպէս՝ հաստատուած այդ նախահաշուից դուրս, Ընդհանուր ժողովը, կարևոր դէպքերում, անոււմ է ծախսերի յատուկ որոշումներ:

### III. ԸՆԿԵՐՈՒԹԵԱՆ ԻՐԱՒՈՒՆՔՆԵՐԸ

§ 10. Ընկերութիւնն իր գործունէութիւնը առաջ տանելու համար՝ օգտուում է իր այն բոլոր իրաւունքներով ու արտօնութիւններով, որոնք յատուկ են ամեն մի իրաւաբանական մարմնի:

§ 11. Ընկերութիւնը յանձին իր Խորհրդի՝ համաձայն սոյն կանոնադրութեան՝ իրաւունք ունի բաց անել ճիւղեր կովկասի սահմաններում: Ճիւղեր բաց անելու համար պահանջուում է, որ գրուին անդամներ ոչ պակաս քան 15 հոգի:

§ 12. Ընկերութիւնը իրաւունք ունի ձեռք բերել, գնել, ծա-

խել կամ կապարով տալ անշարժ կայքեր, նոյնպէս զբաւ ընդունել և զբաւ դնել:

§ 13. Ընկերութիւնը կարող է պատշաճաւոր իշխանութեան թողլաւութեամբ ունենալ հանդանակութեան համար տուիրեր եկեղեցիները և հասարակական հիմնարկութիւնների մէջ հայոց հողերը իշխանութեան, կամ հասարակական հիմնարկութիւնների վարչութիւնների համաձայնութեամբ:

§ 14. Ընկերութիւնը կարէր դէպքերում իրաւունք ունի լրացնել կամ փոփոխել սոյն այս կանոնադրութիւնը օրինական կարգով:

§ 15. Ընկերութիւնն ունի առանձին կնիք և զբոլմ այս վերնագրով «ՀԱՅՈՅ ԲԱՐԵՑՈՐԾԱԿԱՆ ԸՆԿԵՐՈՒԹԻՒՆ ԿՈՎԿԱՍՈՒՄ»:

#### IV. ԸՆԿԵՐՈՒԹԵԱՆ ԿԱԶՄԸ

§ 16. Ընկերութիւնը կազմուած է անդամներից՝

- ա) պատուաւոր
- բ) մշտական և
- գ) խակական

Բոլոր այս կոչումները կրում են երկու սեռի անձինք ևս:

§ 17. Պատուաւոր անդամներ կարող են ընտրուել Ընկերութեանն առանձին ծառայութիւն ցոյց տուող անձինք: Այդ ընտրութիւնը կատարում է Ընկերութեան Ընդհանուր Ժողովը թիֆլիսում՝ Սորհրդի կամ Տեղական Վարչութիւնների առջարկութեամբ:

§ 18. Մշտական անդամներ համարուած են Ընկերութեանը միանուագ ոչ պակաս քան 100 բուբլի նուիրող անձինք:

§ 19. Խակական անդամներ համարուած են տարեկան Ընկերութեան հինգ բուբլի վճարողները: Անկախ զբամական վճարներից, համաձայն Սորհրդի որոշման՝ խակական անդամի կոչում կարող են կրել նոյնպէս Ընկերութեան ձրի ծառայութիւն ցոյց տուող անձինք:

§ 20. Այն անձինք, որոնք Ընկերութեան վերանորոգութիւնից առաջ եղել են Ընկերութեան պատուաւոր և մշտական անդամներ, մնում են նոյն կոչման մէջ և սոյն կանոնադրութեան հիման վերայ, եղած վերանորոգութիւնից յետոյ:

§ 21. Պատուաւոր անդամներին արւում է Ընկերութիւնից պաշտօնաւոր ստորագրութեամբ և կնիքով զբոշմած վկայածիցներ:

§ 22. Բոլոր անդամները, ինչ կոչման և լինին, ունին ձայնի իրաւունք Ընդհանուր ժողովներում. եթէ միայն անձամբ ներկայ են:

§ 23. Ընկերութեանը անդամ գրուողները հէնց գրուելիս՝ վճարում են իրենց անդամակցական վճարները: Խորհուրդը և Տեղական Վարչութիւնները իրաւունք ունին վճարները բաժանել երկու ժամանակամիջոցի— յունուարի մէկին և յուլիսի մէկին:

§ 24. Այն անդամները, որոնք չորս ամսուայ ընթացքում չեն հատուցել իրենց վճարը, հաշուետուութեան տարւոյ սկզբից հրաժարուած են համարուում և կրկին ընդունուում են, երբ նորսօգում են նոյն վճարը:

## V. ԸՆԿԵՐՈՒԹԵԱՆ ՎԱՐՉՈՒԹԻՒՆԸ

§ 25. Ընկերութեան գործերը վարում են Ընկերութեան Խորհուրդը և Տեղական Վարչութիւնները: Խորհուրդը գտնուում է Թիֆլիսում, իսկ Տեղական Վարչութիւնները՝ Կովկասի զանազան քաղաքներում և տեղրում:

§ 26. Ընկերութեան Վարչութիւններին բոլոր անդամները, թէ Թիֆլիսում և թէ Թիֆլիսից դուրս, ձրի են կատարում իրանց պարտաւորութիւնները, բացի այն դէպքերից, որոնց Ընկերութեան Խորհուրդը վարձատրութեան արժանի կըգտնէ:

§ 27. Ընկերութեան բոլոր մարմինների պարտականութիւնն է՝ զարգացնել նրա գործունէութիւնը և աճեցնել նրա միջոցները: Այս մարմիններին կազմը և նրանց պարապմունքների շրջանը բացատրուած է հետևեալ §-ներում:

## VI. ԸՆԿԵՐՈՒԹԵԱՆ ԽՈՐՀՈՒՐԴԸ

§ 28. Խորհուրդը, իբրև կենտրոնական մարմին ամբողջ Ընկերութեան, բաղկացած 12 անդամներից, ընկերութեան անդամների Ընդհանուր ժողովից Թիֆլիսում ընտրուած, երեք տարով:

§ 29. Խորհրդի անդամների միաժամանակ հեռանալուց խուսափելու համար, առաջին երկու տարին վիճակով հեռանում է ամեն տարի նրանց  $\frac{1}{3}$  մասը, իսկ յետոյ՝ ըստ աւագութեան ձայների: Դուրս եկող անդամները կարող են նորից ընտրուել:

§ 30. Խորհրդի անդամների ժամանակից առաջ, որի համար նրանք ընտրուել էին, հեռանալու կամ նրանց երկար ժամանակ բացակայելու դէպքում, նրանց փոխարինելու համար՝ Ընդհանուր ժողովը ընտրում է 4 փոխանդամ: Խորհրդի կազմի մէջ մտնող փոխ-անդամը մնում է կազմի մէջ մինչև նոյն տարուայ Ընդհանուր ժողովը, ուր կատարւում է Ընկերութեան պաշտօնատար անձանց ընտրութիւնը:

Ծանօթ. Խորհրդի այն անդամը, որը յնթացս երեք ամսուայ չի մասնակցել նրա նիստերին ոչ յարգելի պատճառներով, համարւում է Խորհրդի անդամէ կոչումից հրժարուած:

§ 31. Խորհրդի անդամները ընտրում են իրենց միջից ամենայն տարի մի Նախագահ և երկու փոխ-նախագահ, որոնցից մէկը կոչւում է առաջին, իսկ միւսը՝ երկրորդ, համաձայն նրանց ստացած քուէների քանակութեան. ընտրում են նոյնպէս զանձապահ և քարտուղար: Վերջին երկու պաշտօնը կարելի է յանձնել մի հոգու Խորհրդի որոշման համաձայն:

§ 32. Խորհրդի նիստերի օրերը որոշում է ինքը Խորհուրդը:

§ 33. Խորհրդի նիստերի որոշումներն օրինական լինելու համար, անհրաժեշտ է անդամների ոչ պակաս քան կէսի ներկայութիւնը, հաշուելով և Նախագահին կամ նրա տեղը ընտրող փոխ-նախագահին: Խորհրդի մի որեւէ անդամի հիւանդութեան կամ ժամանակաւոր բացակայութեան դէպքում Թիֆլիսից, Նախագահը հրաւիրում է փոխ-անդամներին, կարգով, ընտրութեան ժամանակ ամեն մէկի ստացած քուէների քանակութեան համաձայն:

§ 34. Խորհրդի հարցերը նխտերին վճռվում են ներկայ եղող անդամների ձայների հասարակ առաւելութեամբ, իսկ ձայների հաւասարութեան դէպքում նախագահի ձայնը առաւելութիւն է տալիս:

§ 35. Խորհրդի պարտաւորութիւններն են՝

ա) Բաժանել Խորհրդի աշխատանքները իր անդամների մէջ փոխադարձ համաձայնութեամբ.

բ) Հոգ տանել Ընկերութեան միջոցների զարգացման՝ իր նպատակներին համակու համար.

գ) Կառավարել կայքերը և պահպանել Ընկերութեան գրամագլուխը.

դ) Կառավարել Ընկերութեան հիմնարկութիւնները, կազմել այլ հիմնարկութիւնների պաշտօնեաների համար հրահանգներ, նոյնպէս և հսկել նրանց ներքին կարգ ու կանոնի վերայ.

ե) Նշանակել կամ արձակել Ընկերութեան հիմնարկութիւնների պաշտօնատար անձանց.

զ) Հսկել Ընկերութեան հիմնարկութիւնների մէջ պաշտօնատար անձանց իրենց պարտականութիւնների անթերի կատարմանը.

է) Տեղեկութիւններ հաւաքել Ընկերութեան օգնութեան դիմողների մասին և տալ համապատասխան նպաստ համաձայն Ընկերութեան միջոցների, նոյնպէս և հսկել կարօտեալների ստացած նպաստների գործադրութեան վերայ.

ը) Ըստ կարելոյն յաճախ այտուզութեան ենթարկել Ընկերութեան գոյքերն և գումարները.

թ) Պահել Ընկերութեան անդամների ցուցակը.

ժ) Հսկել տարեկան անդամակցական վճարների իր ժամանակին ստացմանը և չվճարողներին Ընկերութեան ցուցակից հեռացմանը.

ի) Սահմանել Ընկերութեան հաշուապահութեան և գործավարութեան համար եղանակ.

լ) Հսկել Կանոնադրութեան ճշտութեամբ գործադրման.

կ) Յարարելութեան մէջ մտնել Ընկերութեան անունից պատշաճաւոր իշխանութիւնների և հաստատութիւնների հետ.

ծ) Հրաւիրել Ընկերութեան Ընդհանուր Ժողովները.

կ) Կազմել տարեկան նախահաշիւները ու նրա գումարներն ու գործունէութեան հաշիւները և ներկայացնել Ընդհանուր Ժողովի հաստատութեանը.

հ) Կատարել Ընդհանուր Ժողովների որոշումները.

ձ) Քննութեան առնել Ընկերութեան անդամների առաջարկութիւնները.

դ) Առաջարկել Ընդհանուր Ժողովի քննութեանը՝ Սորհուրդից չը լուծուած կամ նրա իրաւունքների սահմաններից դուրս եղած հարցերը.

ճ) Վաղօրօք մշակել առհասարակ բոլոր այն խնդիրները, որոնք առաջարկուելու են Ընդհանուր Ժողովին:

մ) Կազմել՝ սոյն այս Կանոնադրութեան սահմաններից դուրս չը գալով՝ Ընկերութեան և նրա ճիւղերի ներքին կարգապահութեան համար հրահանգներ և ներկայացնել Ընդհանուր Ժողովի հաստատութեանը:

Ծանօթ. Սորհուրդն իրաւունք ունի կազմել առանձին յատուկ յանձնախմբեր՝ Ընկերութեան հիմնարկութիւններն աւելի մօտիկից կառավարելու համար:

§ 36. Սորհրդի նախագահը հրաւիրում է անդամներին ժողովի, ղեկավարում է ժողովները, հսկում է Կանոնադրութեանը, նոյնպէս և Սորհրդի և Ընդհանուր Ժողովների որոշումների գործադրութեանը, խնչպէս և Ընկերութեան գործերի ընդհանուր ընթացքի վերայ և ստորագրում է Ընկերութեան բոլոր ելից թըղթերը քարտուղարի կամ գանձապահի ըստ պատկանելոյն ստորագրութեամբ:

§ 37. Սորհրդի նախագահի բացակայութեան կամ հիւանդութեան դէպքում՝ Ընկերութեան վերարեբեալ նրա իրաւունքները և պարտականութիւնները ստանձնում է փոխ-նախագահներից մէկը՝ ըստ կարգի աւագութեան:

§ 38. Քարտուղարը վարում է Ընկերութեան գրադրութիւնը՝ կազմում է Ընկերութեան արձանագրութիւնները, պահում է այլբենական կարգով Ընկերութեան անդամների և Ընկերութիւնից նպաստ ստացող անձանց անուանական ցուցակը, նշանակելով այս վերջինների մասին հաւաքած տեղեկութիւնները, այն է՝ նրանց տուած օգնութեան տեսակի և քանակի մասին, ստորագրում է Ընկերութեան պաշտօնական թղթերը և կազմում է Ընկերութեան գործունէութեան տարեկան հաշիւը:

§ 39. Գանձապահը ընդունում է Ընկերութիւնը մանող գրամական վճարները և գրամական ու նիւթական նուէրները, կատարում է նախագահի կարգադրութեամբ՝ համաձայն Սորհրդի կամ Ընդհանուր ժողովների որոշումների, բոլոր գրամական գործունէութիւնները և վճարումները գրամով կամ իրեղէններով, պահում է ինչպէս փողի, նոյնպէս և իրեղէնների համար ժապաւիտեակ ելից և մտից մատեանները և կազմում է Ընկերութեան այդ գումարների տարեկան հաշիւը:

Ճանօր. Գանձապահի ձեռքը կզած փողերի ասանօլութեան պօլիսների, դոկումենտների և գրքերի, նոյնպէս և գրամական մտից և ելից մատեանների պահելու, այլ և գրամ ընդունելու և վճարելու կդատակը՝ որոշում է Սորհուրդը Վերաստուգող Յանձնաժողովի հետ միասին:

§ 40. Ծախսերը կտատարվում են նախահաշուի կամ Սորհրդի որոշումների համաձայն: Անյետաձգելի դէպքերում նպատակների տալը՝ որոշում է Սորհրդի նախագահը իր անձնական պատասխանատուութեամբ, բայց Ընդհանուր ժողովի սահմանած քանակից ոչ աւելի, այն սլայմանով միայն, որ նա պարտաւոր է անպայման այդ մասին յայտնել Սորհրդին ի տեղեկութիւն հէնց նրա առաջին նիստում:

§ 41. Ընկերութեան անդամները իրաւունք ունին յայտնել Սորհրդին իրենց բանաւոր կամ գրաւոր կարծիքը՝ Ընկերութեան մէջ բարեփոխումներ կամ օգտակար նորմութիւններ մտցնելու մասին:

Առաջարկութիւն անող անդամին՝ Սորհրդից մերժում ստանալու դէպքում՝ իրաւունք է տրւում պահանջել Սորհրդից առաջագրել իր այդ առաջագրութիւնը առաջիկայ Ընդհանուր ժողովին: Այդ պահանջը պէտք է անուի ոչ ուշ քան մի ամիս Սորհրդի մերժումն ստանալուց յետոյ: Աւանց Սորհրդի գիտութեան՝ Ընդհանուր ժողովին ոչ մի առաջարկութիւն չէ թոյլատրվում, բացի Ընկերութեան գործերին վերաբերեալ հարցապնդումներից:

§ 42. Սորհուրդը ղեկավարում է Ընկերութեան բոլոր գործերը դէպի պատշաճաւոր միութիւն, համապատասխան նրա գոյութեան նպատակին, ուստի և հարկաւոր դէպքերում, ուղարկում է իր անդամին ճիւղերը տեղն ու տեղը ծանօթանալու գործերի գրութեան հետ և տալիս է Տեղական Վարչութիւններին ղեկավարող ցուցմունքներ, սոյն այս Կանոնադրութեան սահմաններում:

§ 43. Խորհուրդը կենտրոնացնում է իր մէջ ճիւղերի դրամագլուխներին, կայքերի և այլ միջոցների վերաբերեալ բոլոր անդեկութիւնները:

§ 44. Իւրաքանչիւր տարուայ վերջին Խորհուրդը կազմում է Ընկերութեան յաջորդ տարուայ ծախուց նախահաշիւը և այդ նախահաշիւը ներկայացնում է Ընդհանուր ժողովի հաստատութեանը Թիֆլիսում, ոչ աւելի քան դեկտեմբերի 15-ը:

§ 45. Խորհուրդը մանող գումարները արվում են պետական կամ մասնաւոր բանկեր ցպահանջումն կամ ընթացիկ հաշուով, նայելով թէ որն է աւելի օգտուէտ և աշխատելով, որքան կարելի է, Խորհրդում պահել ոչ ուշ քան հինգ հարիւր բուրլի:

§ 46. Խորհուրդն ունի իրաւունք՝

ա) կապել ամեն տեսակ գաշինքներ և պայմանագրեր.

բ) Դատ բանալ ուր հարկն է, Ընկերութեան գործերի վերաբերմամբ և պաշտպանել նրա շահերը իր հաւատարմատարների ձեռքով, որի համար և նա տալիս է նրանց իր կողմից առանձին հաւատարմութուղթ:

§ 47. Ընկերութեան գործերի վերաբերմամբ Խորհուրդը յարաբերութեան մէջ է մանում բոլոր պետական և հասարակական հաստատութիւններին հետ:

§ 48. Ընկերութեան գործերին վերաբերեալ բոլոր ակտերը և պայմանագրերը, նոյնպէս գումարների պահանջումն փոխատու հիմնարկութիւններից և առհասարակ այն անդերից, որոնց յանձնուած է Ընկերութեան դրամագլուխների պահպանութիւնը, նմանապէս և Ընկերութեանը պատկանեալ գումարների փոխադրութիւնը պէտք է ստորագրեն նախագահը կամ փոխ-նախագահը և Խորհրդի քարտուղարը:

§ 49. Խորհուրդը տալիս է Տեղական Վարչութիւններին կնիքների ձևեր և մատեանների օրինակներ՝ դրամական վճարները և նիւթական նուէրները գրելու համար:

§ 50. Ամենայն տարի, Տեղական Վարչութիւններից նախըն-



Թաց տարուայ հաշիւները ստանալուց յետոյ՝ Սորհուրդը կազմուած է ընդհանուր հաշիւ Ընկերութեան գործունէութեան, գումարների ելից և մտից և կայքերի գրութեան մասին և այս հաշիւը ներկայացնում է Ընդհանուր Ժողովի վերազննութեանը ոչ ուշ քան մայիսի 15-ը:

§ 51. Ընկերութիւնը բացի Սորհրդից, ունի նոյնպէս վերաստուգող Յանձնաժողով, բաղկացած երեք անդամից, որոնք ընտրվում են ամենայն տարի Ընդհանուր Ժողովից: Յանձնաժողովն ընտրում է իր միջից մի նախագահ: Յանձնաժողովի մի որ և է անդամի հիւանդութեան կամ ժամանակից առաջ դուրս գալու դէպքում, նրանց փոխարինելու համար՝ ընտրվում են երկու փոխ-անդամ նոյն կարգով և նոյն ժամանակի համար:

Ծանօթ. Սորհրդի և վերաստուգող Յանձնաժողովի անդամները միևնոյն անձինք չեն կարող լինել:

§ 52. վերաստուգող Յանձնաժողովը պարտաւոր է ամենայն տարի վերաստուգել Ընկերութեան գումարները, գոյքերը և գլրքերը: Նրա պարտականութիւնն է նոյնպէս Ընկերութեան տարեկան հաշուի և նախահաշիւների ստուգելը: Այս հաշիւները ստուգելու համար՝ Սորհուրդը՝ Ընդհանուր Ժողովից ոչ ուշ քան երկու շաբաթ, ուր պիտի հաստատուին հաշիւները՝ յանձնում է Յանձնաժողովին այդ հաշիւները և նախահաշիւը: Յանձնաժողովը իր քննութեան հետեանքների մասին կազմում է արձանագրութիւն և յանձնում Սորհրդին, որը իր բացատրութիւններով ներկայացնում է Ընդհանուր Ժողովին: Յանձնաժողովի անդամները իրենց վերաքննութիւնների մասին նկատողութիւններ են անում և իրենց քննած գրքերի մէջ:

Ծանօթ. վերաստուգող Յանձնաժողովը նոյնպէս իրաւունք ունի՝ ըստ իր հայեցողութեան, կամ Ընկերութեան անդամների այդ մասին արած հիմնաւոր և պատճառարանեալ գրաւոր պահանջի՝ անակնկալ քննութիւն կատարել:

## VI. ԸՆԴՀԱՆՈՒՐ ԺՈՂՈՎՆԵՐ

§ 53. Ընդհանուր Ժողովները հրաւիրվում են Թիֆլիսում, տեղական լրագիրների միջոցով, տարէնը երկու անգամ՝ մայիսի 15-ից առաջ—հաշուի և ղեկտեմըների 15-ից առաջ—նախահաշուի

քննութեան համար: Բացի սրանից, Սորհուրդը հրաւիրում է արտաքոյ կարգի ժողովներ հեռեեալ գէպքերում, այն է՝ երբ նա այդ անհրաժեշտ կգտնէ, երբ Սորհուրդը կտտանայ յայտարարութիւն Ընկերութեան 25 անդամի ստորագրութեամբ, և վերջապէս, երբ այդ կըլլանան Վերաստուգող Յանձնաժողովը: Մի խումբ անդամների կամ Վերաստուգող Յանձնաժողովի կողմից Ընդհանուր ժողով հրաւիրելու պահանջի գէպքում՝ պարտաւոր են նրանք ներկայացնել Սորհրդին գրաւոր յայտարարութիւն, ցոյց տալով այն հարցերը, որոնք անհրաժեշտ են կացուցանում արտաքոյ կարգի ժողովի հրաւերը:

§ 54. Ընդհանուր ժողովը բացում է Սորհրդի նախագահը և առաջարկում է ժողովին ընտրել նախագահ և քարտուղար: Ընդհանուր ժողովի նախագահը և քարտուղարն իւրաքանչիւր տարի ընտրվում են նոյն ժողովից: Երբ որ Ընդհանուր ժողովում քննարկում է Սորհրդի հաշիւը կամ նրա զործունէութեան վերաբերեալ բողոքներ, Սորհրդի կազմին պատկանեալ անդամներից չեն կարող Ընդհանուր ժողովների նախագահ լինել: Ընդհանուր ժողովները կայացած են համարվում, երբ թիֆլիսում գտնուող բոլոր անդամների ոչ պակաս քան  $\frac{1}{5}$  մասը ներկայ է ժողովին: հակառակ գէպքում, չկայացած ժողովի փոխարէն, հրաւիրվում է երկրորդ ժողով, որի համար այլ ևս չէ պահանջվում անդամների որ և է սահմանեալ թիւ: Երկրորդ Ընդհանուր ժողովի ժամանակը որոշում են չը կայացած Ընդհանուր ժողովին ներկայ եղող անդամները: Վերջին ժողովի (երկրորդ) քննութեան ենթարկվում են միայն այն գործերն ու հարցերն, որոնք մտած էին առաջին չը կայացած ժողովի պարապմունքների ծրագրի մէջ:

§ 55. Ընդհանուր ժողովի պարապմունքներին ենթարկվում են՝

ա) Սորհրդի և Տեղական Վարչութիւնների ընդհանուր հաշիւների քննութիւնը.

բ) Սորհրդի և Տեղական Վարչութիւնների նախահաշուի քննութիւնը և հաստատութիւնը.

գ) Տեղական Վարչութիւնների համար Սորհրդից կազմուած հրահանգների քննութիւնը և հաստատութիւնը.

դ) Լուծումն զանազան հարցերի և միջոցների, սոյն Կանոնագրութեան սահմաններում, որոնք առաջարկվում են կամ Սորհրդից կամ Տեղական Վարչութիւններից Սորհրդի միջոցաւ.

և) որոշումն նպաստի քանակութեան, որը կարող է տրուել բացառիկ դէպքերում, համաձայն 40-րդ § Սորհրդի նախագահի կարգադրութեամբ.

դ) Ընկերութեան պատուաւոր անդամների ընտրութիւնը.

է) Սորհրդի, Վերատուգող Յանձնաժողովի անդամների և նրանց փոխանորդների ընտրութիւնը.

ը) Անշարժ և շարժական կայքեր գնելու, ծախելու, գրաւ գնելու կամ գրաւ առնելու ձեռնարկութիւնը.

թ) Կանոնադրութեան բացատրութիւնը և օրինական ձա-  
նապարհով նրա փոփոխութեան նախագծումն.

ժ) Ընկերութեան փակումն:

§ 56. Ընդհանուր ժողովին որ և իցէ ասաջարկութիւն ներ-  
կայացնել ցանկացող անդամները պարտաւոր են այդ ասաջար-  
կութիւնը ենթարկել Սորհրդին կանխապէս վերադննելու՝ Ընդ-  
հանուր ժողովի նիստից առնուազն 7 օր առաջ:

§ 57. Ընդհանուր ժողովի մէջ բոլոր հարցերը վճռվում են ձայների առաւելութեամբ, հաւասար եղած դէպքում, նախագահի ձայնը առաւելութիւն է տալիս: Իսկ այն խնդիրներում, որ վե-  
րաբերում է գնելուն, ծախելուն, անշարժ կայքերի գրաւ գնելուն, Կանոնադրութեան փոփոխութեան, անդամներին Ընկերութեան անուանական ցուցակից դուրս ձգելուն, որոնց գործունէութիւնը չէ համապատասխանում Ընկերութեան շահերին և Ընկերութեան փակելուն—պահանջվում է ձայների  $\frac{2}{3}$  մեծամասնութիւնը: Ընկե-  
րութեան փակման հարցի վերաբերմամբ, որ պահանջվում է Ըն-  
կերութեան բոլոր անդամների ձայների  $\frac{2}{3}$  մասը իր բոլոր ճիւ-  
ղերով—Սորհուրդը թէ՛ լրացրութեան միջոցով և թէ՛ պաշտօնական յայտարարութիւններով կանխապէս ազդարարում է Տեղական Վարչութիւններին, որպէսզի նրանք իրենց Ընդհանուր ժողովներին վճիռները ուղարկեն Սորհրդին, որոշելով ընկերութեան խափա-  
նումն ցանկացող և ոչ ցանկացող անդամների թիւը:

## VII. ՏԵՂԱԿԱՆ ՎԱՐՉՈՒԹԻՒՆՆԵՐ

§ 58. Տեղական Վարչութիւնները վարում են Ընկերութեան ճիւղերի գործերը, իւրաքանչիւրն իր շրջանի սահմաններում.

§ 59. Տեղական Վարչութիւնները կազմուած են Տեղական Ընդհանուր Ժողովից ընտրուած հինգ անդամից և երկու փոխանդամից: Այս հինգ անդամը իրենց միջից ընտրուած են մի նախագահ, մի քարտուղար և մի գանձապահ, վերջին երկու պաշտօնը կարելի է յանձնել և մի անձի:

§ 60. Տեղական Վարչութեան անդամներն ընտրվում են երեք տարով: Ամեն տարուայ վերջը Տեղական Վարչութեան անդամներից երկուսը թողնում են իրենց պաշտօնը, առաջին երկու տարին միայն վիճակով:

§ 61. Կառավարչական և հասարակական հիմնարկութիւնների հետ ունենալիք յարաբերութիւններն, ժողովներ հրաւիրելու, վճիռներ կայացնելու, ձայներ հաշուելու, թղթեր, արձանագրութիւններ և սլորտագրեր ստորագրելու, գումարներ պահանջելու և փոխադրելու և նրանց համար անդորրագրեր տալու, նմանապէս գործավարական կարգը որոշելու և մասնագիտական հարցեր քննելու համար առանձին մասնախմբեր նշանակելու վերաբերմամբ—Տեղական Վարչութիւնները առաջնորդվում են այն կանոններով, որոնք սահմանուած են Խորհրդի համար.

Ծանօթ. Որովհետև Տեղական Վարչութիւնները վճիռներ վաւերական համարուեն, անհրաժեշտ է անդամները գտնէ երեք ներկայութեանը, սրոնց մէջ պէտք է հաշուել նախագահը կամ նրա փոխանորդը. այս անդամներից որեւէ մէկը բացակայութեան ժամանակ նախագահը հրաւիրուած է հերթով փոխանդամներին:

§ 62. Տեղական Վարչութիւնների մտից և ելեց գումարների և առհասարակ նրա հսկողութեան ներքոյ գտնուող զրամագլուխների ստուգութեան համար՝ ընտրուած է Տեղական Ընդհանուր Ժողովի անդամներից Վերաստուգող Յանձնաժողով՝ բաղկացած ոչ պակաս քան երեք անձից:

§ 63. Անդամակցական վճարները և զրամական ու նիւթական նուիրատուութիւններն ընդունվում են Տեղական Վարչութիւններն իրենց շրջանի մէջ, կամ այն տեղերում, ուր Վարչութիւններն իրենք ցոյց կտան,—գրվում են առանձին մատեաններում և այդ մատեաններից կտրած անդորրագրերը տրվում են Վարչութեան գանձապահի ստորագրութեամբ:

§ 64. Իւրբարանչիւր տարուայ վերջը Տեղական Վարչութիւնները կազմում են առաջիկայ տարուայ իրենց ծախսերի նախահաշիւը և այս նախահաշիւը, հոկտեմբերից ոչ ուշ՝ Տեղական Ընդհանուր Ժողովի նիստում քննելուց յետոյ՝ առաջարկում են Սորհրդին, որը նոյն նախահաշիւը իր կզրակացութեան և Ընկերութեան նախահաշուի հետ ներկայացնում է Թիֆլիսի Ընդհանուր Ժողովին քննելու և հաստատելու:

§ 65. Տեղական Վարչութիւնները Սորհրդին ուղարկում են պահելու հետևեալ գումարները՝ անձեռնմխելի, պահեստի և յատուկ գումարները և առհասարակ եկամուտից ստացած այն զեղջերը, որոնք յիշուած են 6-րդ §-ում:

§ 66. Տեղական Վարչութիւններն իրենց ընթացիկ ծախքերը հոգալու համար նախահաշուով որոշուած գումարներից կարող են առձեռն պահել ոչ աւելի քան երկու հարիւր ըուրլի, աւելորդ գումարները, ըստ չափու ստացման, ուղարկվում են Սորհրդին պահելու, կամ յանձնում են պետական բանկը, նրա բաժանմունքները, ինսյոզական գրամարկիւղները կամ բաղաքային հասարակական բանկերը ցյահանջ կամ ընթացիկ հաշուով, նայելով թէ որը յարմար կամ ձեռնառու կհամարէ Ընկերութեան Սորհուրդը: Իսկ ուր որ այսպիսի հիմնարկութիւններ չկան, բոլոր յիշեալ ազատ գումարներն ուղարկւում են Սորհրդին ի պահեստ նոյն ճիւղի անունով:

## VIII. ՏԵՂԱԿԱՆ ԸՆԴՀԱՆՈՒՐ ԺՈՂՈՎՆԵՐ

§ 67. Տեղական Ընդհանուր Ժողովները բացվում են իւրաքանչիւր անգամ ընտրուած ատենապետի նախագահութեամբ. քարտուղարը՝ ըստ ցանկութեան Ընդհանուր Ժողովի՝ կարող է լինել և Տեղական Վարչութեան քարտուղարը. Ընդհանուր Ժողովը կարող է ընտրել և ուրիշ անձն:

§ 68. Սովորական Տեղական Ընդհանուր Ժողովները հրաւիրվում են յայտարարութեամբ տեղական լրագիրներում, ուր կան լրագրներ կամ առանձին կոչերով տարէնը երկու անգամ՝ մարտին—հաշուի, հոկտեմբերին՝ նախահաշուի քննութիւնների հա

մար: Բացի սրանից Տեղական Վարչութիւնները հրաւիրում են արտաքոյ կարգի ժողովներ, այն ամենայն դէպքերում, երբ կարելուք են համարում այդ, և նոյնպէս, երբ պահանջում է Վերաստուգող Յանձնաժողովը, կամ երբ Վարչութիւններն ստանում են յայտարարութիւն նօթմն անդամից ստորագրած, իւրաքանչիւր անգամ կանխապէս յայտարարելով պարագմունքների առարկաները:

Ընդհանուր ժողովը կայացած է համարվում, երբ ներկայ է գտնվում ոչ պակաս քան անդամների թուի կէսը, հակառակ դէպքում, հրաւիրվում է երկրորդ ժողով, որի համար արդէն այլևս չէ պահանջվում անդամների սահմանեալ թիւ: Երկրորդ ժողովի օրը որոշում են չը կայացած Ընդհանուր ժողովում ներկայ եղող անդամները: Այս երկրորդ ժողովի քննութեանը ենթարկվում են միայն այն գործերը ու խնդիրները, որոնք մտած էին առաջին չը կայացած ժողովի պարագմունքների ծրագրի մէջ:

§ 69. Սովորական Տեղական Ընդհանուր ժողովների պարագմունքներին ենթարկվում են՝

ա). Տեղական Վարչութեան նախահաշուի քննութիւնը.

բ). Այն հաշուի քննութիւնը, որը առաջարկուած է հաստատութեան համար Խորհրդին՝ Ընդհանուր ժողովը մտցնելու համար:

գ). Տեղական Վարչութեան կողմից առաջարկուած այլ և այլ հարցերի և միջոցների քննութիւնը.

դ). Տեղական Վարչութեան անդամների փոխ-անդամների և Վերաստուգող Յանձնաժողովի անդամների ընտրութիւնը.

ե). Ընկերութիւնը փակելու վերաբերմամբ արուած առաջարկութեան քննութիւնը:

§ 70. Տեղական Ընդհանուր ժողովների մէջ ըլլոր գործերը վճռվում են ձայների առաւելութեամբ, նրանց հաւասարութեան դէպքում, նախագահի ձայնը առաւելութիւն է տալիս, իսկ այն հարցերում, որոնք վերաբերում են տեղական Վարչութեան անդամների ընտրութեանը, անշարժ կայքեր գնելուն ու ծախելուն և Ընկերութեան փակմանը՝ Տեղական ժողովները վարվում են համաձայն այն կանոնների, որոնք սահմանուած են Թիֆլիսի Ընդհանուր ժողովի համար. (Կանոնադրութիւն 57-րդ §):

## IX. ԸՆԿԵՐՈՒԹԵԱՆ ՓԱՅՈՒՄԸ

§ 71. Ընկերութեան գումարների և գործունէութեան վերաբերեալ տարեկան հաշիւները Ընդհանուր ժողովի կողմից հաստատուելուց յետոյ՝ իւրաքանչիւր ասորի երկու օրինակ ուղարկվում է Նորին Կայսերական Մեծութեան Կովկասի Փոխարքայի գլխանատուն և երկուսական օրինակ էլ պատշաճաւոր նահանգապետներին:

§ 72. Եթէ որ և է մի պատճառով Ընկերութիւնը զազարեցնէ իր գոյութիւնը, Ընկերութեան բոլոր մնացած գրամագրուելըն ու կայքը գործ են զրկում ազգօգուտ գործերի վերայ, համաձայն սոյն Կանոնադրութեան՝ Ընկերութեան բոլոր ձայների <sup>2</sup>/<sub>3</sub>-ի որոշումով, բացի այն գումարներից և կայքերից, որոնք՝ Ընկերութիւնը փակուելու զէպրում, նախատեսուած և որոշուած են հէնց նուիրողների կողմից:

---

Ընդհանուր ժողովը հաստատեց այս Կանոնադրութիւնը՝ ապրիլի 24-ի 1910-ի նիստին՝ Ընդհանուր ժողովի նախագահ՝ բժշկագետ Բ. Նաւասարգեան:

## Գ Ր Ա Կ Ա Ն Ֆ Յ Ն Գ

### ԿՈՎԿԱՍԻ ՀԱՅՈՅ ԲԱՐԵԳՐՈՐԺԱԿԱՆ ԸՆԿԵՐՈՒԹԵԱՆ.

1. Կ. Հ. Բ. Ընկերութիւնը իւր Կանոնադրութեան 1 և 35 յօդուածների համաձայն հիմնում է գրական ֆօնդ, որի նպատակն է օգնել կարօտ գրականագէտներին և նոցա որբացած ընտանիք-

ներին 1) այդ նպատակով Լճակերութեանը աւանդուած յատուկ գումարներէց և 2) իւր միջոցներէց:

2. Գրականագէտ անուան տակ ընդունվում են գրական այն գործողները, որոնք կամ գեղեցիկ դպրութեանը, կամ բանասիրութեանը, կամ գիտութեանը և առ հասարակ Հայոց գրականութեան մատուցել են որոշ ծառայութիւն:

Ծանօթ. Ամենայն մէ գրականագէտ, որ ակն ունի գրական նպատադրամից օժանդակուելու, անպայման պէտք է գրական հրատարակի վրայ յայտնի եղած լինի իւր որ և է 'ի լոյս ընծայած երկասիրութեամբ:

3. Օգնութիւնը մատուցվում է կամ միանուագ կամ պարբերաբար կարօտ գրականագէտին կամ նորա ընտանիքին:

4. Օգնութեան գործը վարելու համար Լճակերութեան Խորհուրդը իրան կից ունի մի յանձնաժողով 5 անդամից, որոնցից 4-ը ընտրուած է Լճակերութեան Ընդհանուր ժողովը Լճակերութեան անդամների շարքից, իսկ հինգերորդը կը լինի Լճակերութեան Խորհրդի նախագահը, կամ սորա բացակայութեան դէպքում փոխնախագահը, որ և կը լինի յանձնաժողովին նախագահող:

Ծանօթ. Յանձնաժողովը ընտրվում է մէ տարով:

5. Նպաստների որոշումը յանձնաժողովն է անում, իսկ որոշումներն ընդունել ի հաստատութիւն և նպաստների բախշումն անելը Խորհրդին է պատկանում:

6. Գրական ֆօնդը ունի իւր ստորարժանմունքները՝ յատուկ նուէրների նշանակութեան համաձայն (որպէս օրինակ բանաստեղծ Ս. Շահապիղի յատկացրած Արտիկան-Նազարեան գումարը):

---



Այս հրահանգը գեկտեմբերի 26-ին 1910 թ. Ընդհանուր ժողովում կարգացուեց, քննուեց և հաստատուեց: Ընդհանուր ժողովի նախագահ՝ Բժշկապետ Բ. Նաւասարդեան:

## Հ Ր Ա Հ Ա Ն Գ

### ԿՈՎԿԱՍԵԱՆ ՀԱՅՈՅ ԲԱՐԵԳՐՈՐԺԱԿԱՆ ԲՆԿԵ- ՐՈՒԹԵԱՆ

*Թիֆլիսի Աղքատախնամ Մասնաժողովների*

#### ա. ՀԻՄՆՈՒՄԸ

1. Կովկասեան Հայոց Բարեգործական Ընկերութիւնը կազմում է Հայոց Աղքատախնամ մասնաժողովներ թիֆլիսում՝ համաձայն իւր Կանոնադրութեան § 2-ի արամադրութեան:

2. Աղքատախնամ Մասնաժողովը գործում է քաղաքի 4 մասերում՝ Հաւլարարում, Կուկիայում, Խարիտուխում և Վէրայում:

#### բ. ՆՊԱՏԱԿԸ

3. Աղքատախնամ մասնաժողովների նպատակն է ձգտել վերջ տալու փողոցային մուրացկանութեանը և ժամանակաւոր նիւթական օգնութիւն մատակարարել իւր շրջանի անտուն և անկարող աղքատներին, չքաւոր հիւանդներին և տառապեալներին, զառամեալ հասակի կարօտեալներին, աղքատ և անօգնական ընտանիքներին և առ հասարակ նրանց, որոնք ընկել են անեղանկի չքաւորութեան և թշուառութեան մէջ:

Ծանօթ. Մասնաժողովը նպատում է նաև հայրենիք վերադառնալ ցանկացողներին, որոնք անգործ և պարպալ մնալով քաղաքում, թշուառութեան դուռն են հասել:

#### դ. ՕԳՆՈՒԹԵԱՆ ՁԵԻԸ

4. Վերոյիշեալ կարգի անձանց օգնութիւնը կամ նպաստը լինում է ա) միանուազ դրամական օժանդակութեամբ, բ) ամսական վճարով, որը սակայն չէ կարող մշտական լինել, գ) մատակարարելով ձրի կամ էժանագին ճաշարանները և զիշերօթիկ սպաստարանները համար միջոցներ և դ) գործ կամ պաշտօն ճարելով:

#### դ. ՄԱՄՆԱԺՈՂՈՎԻ ԿԱԶՄԸ ԵՒ ԸՆՏՐՈՒԹԻՒՆԸ

5. Ամեն մի թաղում ապրող Ընկերութեան անդամները ընտրում են մասնաժողովի անդամներ թուով 5, որոնցից մէկը պէտք է լինի թաղի եկեղեցիների քահանաներից: Մասնաժողովի անդամներին հաստատում է Ընկերութեան Սորհուրդը:

6. Իւրաքանչիւր շրջանի Աղքատախնամ Մասնաժողովը իրաւունք ունի հրաւիրել իւր կազմի մէջ աշխատակցելու համար և կողմնակի անձանց անդամակցական իրաւունքով:

7. Աղքատախնամ Մասնաժողովի նախագահ համարվում է Կով. Հ. Բարեդորձական Ընկերութեան Սորհրդի անդամներից մէկը, Սորհրդի որոշմամբ, անդամները առաջին նիստում ընտրում են իրենց միջից իւրաքանչիւր տարուայ համար ձայների առաւելութեամբ փոխ-նախագահ, քարտուղար և գանձապահ:

Ծանօթ. Վերոյիշեալ պաշտօնական անձինք կարող են ամեն անգամ վերընտրուել:

#### ե. ՄԱՄՆԱԺՈՂՈՎԻ ՊԱՐՏԱԿԱՆՈՒԹԻՒՆՆԵՐԸ

8. Աղքատախնամ Մասնաժողովը քննում է իրեն դիմող անձանց խնդիրները՝ զբաւոր թէ բանաւոր, և արձանագրական համառօտ որոշում կայացնում, ունենալով զբա համար առանձին մատեան:

9. Վերոյիշեալ խնդիրները քննվում են Մասնաժողովի նիս-

տում և վճռվում են ներկայ գտնուող անդամների ձայների առա-  
ւելու թեամբ, ձայների բաժանման ղէպքում նախագահը ունի  
1  $\frac{1}{2}$  ձայն:

Ծանօթ. Շարաթը մի անգամ Մասնաժողովի նախագահի կամ  
փոխ-նախագահի հրաւերով նկատ է դուժարվում հերթական խնդրները  
քննելու և վճռելու համար:

10. Աղքատախնամ Մասնաժողովը իւր գործունէութեան  
տեղական շրջանը բաժանելով մասերի, նշանակում է իւրաքան-  
չիւր մասի համար մէկ անգամ, որն պարտաւոր է այդ մասի  
չքաւօր, տնանկ և թշուառացած անձանց և ընտանիքների կացու-  
թեան հետ ծանօթանալ և հարկաւոր ղէպքերում Մասնաժողովի  
յանձնարարութեամբ ղեկուցում ներկայացնել ժողովի նիստին:

11. Նախ քան որոշում կայացնելը նպաստ տալու մասին  
այս կամ այն խնդրով դիմողին՝ Մասնաժողովը պարտաւոր է իւր  
թաղական անդամի միջոցաւ քննել՝ թէ որքան իրականութեան  
համապատասխան է այն, ինչ որ գրուած է խնդրի մէջ:

12. Իւրաքանչիւր դիմողի խնդիրը վերոյիշեալ կարգով  
քննուած վճռվում է ոչ ուշ քան մի շաբաթուայ ընթացքում  
սկսած այն օրից, երբ խնդիրը մտել է մասնաժողովի գրասենեակը:

13. տարին երկու անգամ Յունվար և Յուլիս ամսին Մաս-  
նաժողովը համառօտ հաշիւ և տեղեկագիր է ներկայացնում Կով-  
կասեան Հայոց Բարեգործական Ընկերութեան Խորհրդին իւր  
գործունէութեան մասին:

14. Տարուայ վերջը Կովկասեան Հայոց Բարեգործական Ըն-  
կերութեան Վերաստուգիչ Մասնաժողովը քաղաքի Աղքատախնամ  
մասնաժողովների հաշիւները քննում է: Խորհուրդը իրաւունք  
ունի քննելու Մասնաժողովի հաշիւները ամենայն ժամանակ իւր  
բարեհայեցողութեամբ:

15. Աղքատախնամ Մասնաժողովը ընդունում է ի ղիտու-  
թիւն և ի կատարումն Կ. Հ. Բ. Ընկ. Խորհրդի կողմից արուած  
նկատողութիւնները և ցուցմունքները իւր գործունէութեան  
մասին:

16. Աղքատախնամ Մասնաժողովը իրաւունք ունի առաջարկութիւն անել Կ. Հ. Բ. Ընկ. Սորհրդին ներկայ հրահանգի այս կամ այն յօդուածը փոփոխելու կամ լրացնելու մասին, եթէ նա գտնում է այդ փոփոխութիւնը կարևոր և շահաւէտ Մասնաժողովի գործունէութեան համար:

17. Իւրաքանչիւր տարուայ համար Մասնաժողովը պատրաստում է նախահաշիւ և ներկայացնում Սորհրդին:

#### դ. ՄԱՍՆԱԺՈՂՈՎԻ ՄԻՋՈՑՆԵՐԸ

18. Աղքատախնամ Մասնաժողովի միջոցները կազմում են. ա) նուիրարբերութիւններ դրամական գումարներով և իրերով, բ) Կովկասեան Հայոց Բարեգործական Ընկերութեան Սորհրդի բիւջէով սահմանուած տարեկան դրամական նպաստը, գ) Թիֆլիսի հայոց եկեղեցիներից ստացուած դրամական օժանդակութիւնները, դ) յատուկ թատրոնական ներկայացումներից, կոնցերտներից, դասախօսութիւններից, երաժշտական-գրական երեկոյթներից և պարահանդէաներից գոյացած արդիւնքը, ե) յատուկ տուփերից ստացուած հասոյթը և զ) պատահական և այլ եկամուտներ:

19. Աղքատախնամ Մասնաժողովի ամբողջ ստացուածքը համարվում է Կովկասեան Հայոց Բարեգործական Ընկերութեան սեփականութիւն:

20. Կովկասեան Հայոց Բարեգործական Ընկերութեան Սորհուրդը իւր տարեկան Տեղեկագրի մէջ նուիրում է առանձին բաժին քաղաքի Աղքատախնամ մասնաժողովների գործունէութեան մասին:

---

ԲՆԱԳՐԻ ՎՐԱՅ ԳՐՈՒԱԾ Է՛

Այս հրահանգը ՚ի 27 յունվարի 1885 ամի ենթարկուեցաւ Ընդհանուր ժողովի քննադատութեան և սորա կողմանէ հաստատուեցաւ ՚ի պատշաճաւոր զործադրութիւն:

Նախագահ Ընդհանուր ժողովի Ս. ԱՐԾՐՈՒՆԻ  
Քարտուղար՝ Գ. ՇԱՀԵՈՒԿԱՂԵԱՆ

## Հ Ր Ա Ն Ա Ն Գ

### ԿՈՎԿԱՍԻ ՀԱՅՈՅ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

#### Վերաստուեցող Յանձնաժողովին

§ 1. Վերաստուեցող Յանձնաժողովը ընտրվում է՝ իւրաքանչիւր տարի մայիսի 15-ի Ընդհանուր ժողովում՝ նախորդ տարուայ, այն է յունուարից ցյունուար, զրամական հաշիւը վերաստուեցիւ համար: (Կանոնադրութիւն, §§ 43 և 44, ա):

§ 2. Վ. Յանձնաժողովը, հրաւիրուելով Պորհրդից, սկսում է իւր գործը ընթացիկ տարուայ սեպտեմբերի 20-ից և աւարտում է ց10 հոկտեմբերի նոյն տարուայ:

§ 3. Վ. Յանձնաժողովի զործն է՝ վերաստուեցիւ Ընկերութեան Պորհրդի ելւմտից մատեանները, կահկարասեաց և կալուածքների ցուցակագրերը, արժէթղթերը և առհասարակ նիւթական իրաւանց վերաբերեալ ապացուցագրերը. նաև՝ մուտքի յօդուածներն ապացուցանող անդորրագրական մատեանները և այն, վկայաթղթերը, որոնց հետ առաջարկուած են զրամ կամ դանազան տեսակի ստացուածք, ծախքի յօդուածներն ապացուցանող վաւերացեալ հաշիւները և առհասարակ այլ և այլ ելից վկայաթղթերը, որպիսի են օժանդակութիւն ստացողների խընդրագրերը՝ սոցա վերաբերեալ արձանագրական սեղեկութիւններով:

§ 4. Վ. Յանձնաժողովը իւր գործը աւարտելուց զինի՛ իրան յանձնուած մատեանները և այլ վկայաթղթերը անյապաղ, վերելոււմ նշանակած ժամանակամիջոցում (§ 2.), վերադարձնում է Սորհրդին, հանդերձ իւր զեկուցագրով և նկատողութիւններով, որոնք Սորհուրդը իւր բացատրութիւններով ներկայացնում է այդ իսկ առթիւ գումարելի Ընդհանուր ժողովին:

§ 5. Վ. Յանձնաժողովը առնելու է ի նկատի:

### ա. ՄՈՒՏՔԻ ԿՈՂՄԱՆԷ

ա) Արդեօք ճշտութեամբ է փոխանցուած Ընկերութեան նիւթական բոլոր կարողութեան մնացորդը անցեալ տարուանից:

բ) Գրուած են արդեօք բոլոր եկամուտները պատշաճաւոր մատեաններում (§§ 3, 5, 28, 49):

գ) Համաձայն են արդեօք այդ եկամուտները անդորրագրական մատեանների և այլ վկայագրերի հետ:

դ) Յանձնուած են արդեօք իւր ժամանակին Ընկերութեան գումարները վարկային հիմնարկութեանց կամ ուր հարկն է (§ 31):

ե) Արդեօք հանվում է ճշտութեամբ հինգ տոկոս Ընկերութեան զուտ արդիւնքից՝ անձեռնմխելի գումար կազմելու համար (§ 29):

զ) Համաձայն է արդեօք Ընկերութեան տարեկան Ընդհանուր Հաշիւը այն գրաւոր աղացոյցներին, որոնք հիմք պէտք է համարուին այդ հաշուին (§ 41):

### բ. ԾԱԽՔԻ ԿՈՂՄԱՆԷ

ա) Համաձայն են արդեօք բոլոր ծախքի գումարները նախահաշուի հետ (§ 30):

բ. Կազմվում են արդեօք ճշտութեամբ Ընկերութեան Խորհրդի արձանագրութիւնները ծախքի վերաբերութեամբ:

գ) Տարեկան հաշիւում ցոյց տուած ծախքերը համապատասխան են արդեօք վկայագրերին (§ 41):

#### դ. ԿԱՅՔԻ ԿՈՂՄԱՆԷ

ա) Ընկերութեան շարժական և անշարժ կայքերը գրվում են արդեօք մատեաններում կամ ցուցակագրերում և արդեօք ճշտութեամբ են ի մատեան արձանագրուած նոցա զները:

բ) Մատեանների մէջ գրուած կայքերը արդեօք մնում են անկորուստ և սրպիսի գրութեան մէջ են:




## Վ Ր Ի Պ Ա Կ Ն Ե Ր <sup>1)</sup>

Էջ	Տող	Տարւած է	Պիտի լինի
6	8 վ.	եկեղեցիս	յեկեղեցիս
»	5 ն.	աջաց	աջաց
18	6, 10 ն.	Վերածնութեան	Վերձանութեան
28	15 վ.	հետեանքով	հետեանքներով
32	14 ն.	Դպրոցասիրեաց	Դպրոցասիրաց
33	4 վ.	Միացեալք	Միացեալ
39	6 ն.	թոյլավութիւն	թոյլաւութիւն
49	5 ն.	հիմնելուն	հիմնելու
53	13 վ.	ի հարկ է (այսպէս ամին տեղ)	իհարկէ
74	2 վ.	հայազջիկ	հայազգի
75	11 վ.	է	էր
77	14 ն.	դաստաւութեան	դաստաւութեան
81	2 վ.	յանձնարարելու	յանձնարարելով
82	7 ն.	ուսանողները	ուսուցիչները
95	1 ն.	արգասի	արգասիք
97	18 վ.	Իսկ	Ինձ
«	23 «	միմիական	սեփական
98	17 «	մէջ	մէջ.
103	9 ն.	եկան	եկաւ
104	8 ն.	ամարուայ	ամառուայ
105.	19 վ.	Սորհուրդ	խորհուրդ
106	10 վ.	տուած է	տուած է
109	6 վ.	Չմերուայ	Չմնուայ


<sup>1)</sup> Հեղինակը ցաւում է որ սրբագրիչները անփորձութեան պատճառով բազմաթիւ սխալներ են մնացել ներկայ աշխատութեան մէջ: Այստեղ բերվում են զլխաւոր սխալները, իսկ մնացեալը ընթերցողն ինքը հեշտութեամբ կարող է նկատել:



Էջ	Տող	Տպուած է:	Պիտի լինի
112	10 վ.	սկսեցին	սկսուեցին
«	6 ն.	յաւելով	յաւելլով
116	7 ն.	Արշակունին	Արշարունին
139	11 ն.	վերաբերմամբ գործու- նէութեան	վերաբերմամբ
141	2 ն.	արձանագրուելու	արձանագրելու
145	2 ն.	Ղուլլիքեխցեան	Ղուլլիքեխսյեան
155	10 վ.	կարապետ	կարապետ և
157	6 վ.	ինքնուրոյն թիւ	ինքնուրոյնութիւն
170	10 վ.	յաջողացնելու	յաջողեցնելու
171	9 վ.	Մի ժամանակ	Միաժամանակ
205	15 ն.	պատուաւոր	պատուաւոր
209	18 ն.	Մեծարունի	Մեծարունի
211	2 վ.	Կանոնադրութիւն	Կանոնագրութիւն
			1899 թ.
«	3 վ.	1899—1908 թուականի	1899—1908
212	3 վ.	1889	1899
242	13 ն.	Յայտնի էր	Յայտնի է
249	2 վ.	Կանոնադրութիւն	Կանոնադրութիւն 1908 թ.
«	3 վ.	1908—1911 թուականի	1908—1911.
251	3 վ.	օրինաւոր,	օրինաւոր
252	12 վ.	Պայծառափայլութեան	Պայծառափայլութիւն
257	7 վ.	ազգաբնակչութեան	ազգաբնակչութեան կողմից
264	10 վ.	կանգնուելով	կանգնելով
268	2 ն.	անդամ	անդամի
270	15 վ.	առանձին	առձեռն
274	14 վ.	1907	1897
279	2 ն.	ցանկանալով թէ	ցանկանալով իմանալ թէ
314	2 ն.	գործունէութիւնը միայն	գործունէութիւնը կայ միայն
320	7 վ.	ինչպէս էր	ինչպէս էր և



[2]n.





ԳԱԱ Հիմնարար Գիտ. Գրադ.



FL0014130

ЦЕНА

11913